


〔重刊訂正本〕

中國醫學大成

錢若利題



84077

〔重刊訂正本〕

# 中國醫學大成

（三）

上海科學技術出版社

中國醫學大成（全套共五十冊）

上海科學技術出版社出版

（上海瑞金二路四五〇號）

新華書店上海發行所發行

上海市印刷十廠印刷

開本七八七×一〇九二

三十二開

精裝

總字數二二,七九〇,〇〇〇

總印張八六二

一九九〇年六月第一版 一九九〇年六月第一次印刷

校註婦人良方

〔宋〕陳自明 編輯

〔明〕薛立齋 補註

原 編 曹炳章

總審定 裘沛然

總審閱 蕭敏材 朱邦賢 沈麗君



## 重刊訂正《中國醫學大成》序

《中國醫學大成》一書，我鄉先輩四明曹炳章先生所輯集，爲發揚中醫學，保存古醫籍，以饗同道並惠後學作也。曹氏纂集是書時，正值西學東漸，國內淺見倖進之徒，競尚浮華，大肆鞭撻我國文化固有之精英，如民族醫學，悉在消滅之列，中醫學不絕如縷。而先生乃在此時從事中醫叢書巨著之編輯，姑不論其學術價值，獨其保存民族文化精粹之苦心孤詣令人可敬，其卓識遠見，又何其可欽也。

楊志一在原書序中有說：『大凡學術之成立，歷久而不敗者，必有其真實之價值在。』善哉言乎！中華民族立國數千年而得以生存繁衍，如無優秀之文化及可貴之醫學，則亦何逃於優勝劣敗之例。尤

其在科學迅猛發展之今日，百技更新，而古老之中醫藥學日益引起國內外有識之士之重視。各類中醫藥研究所之建立，亦爲保護人民健康之需要，順應世界醫學發展之潮流而設。凡此種種，夫豈偶然。

惟中醫學歷史悠久，濫觴於炎黃，昌盛於漢唐，歷代醫家多有創見，其學術經驗載於文獻者浩如煙海，遺佚者可弗論，僅就先生纂集之時，存書尙達萬種，學者既不能盡讀，又無力購置，且諸書精粗雜糅，版本文字舛誤殊多，使學習中醫者常興望洋之嘆。先生乃爲之博採精選，上自先秦，下迄近代，凡理論、方藥、臨床各科咸備，別爲十三類，書計三百六十五種，分醫經、藥物、診斷、方劑、通治、外感病、內科、外科、婦科、兒科、針灸、醫案及外集雜著各類。其中傷科、眼科及五官病歸入外科，推拿、手術歸入針灸，醫論、醫話、醫史歸入雜著。所收各書，皆中醫要籍，大都內

容精粹，切合實用，版本亦從精選，並加句斷。各書之首，皆列著作校刊略歷及內容提要，以便讀者入門粗知梗之助。

中醫學歷來叢書頗少，是書搜羅廣而選擇精，洵爲前所未有之巨著。惜全書印刊未半而抗戰軍興，烽煙迷漫，醫籍出版被迫中輟。而已印行之一百三十六種，今亦散佚不全。上海科學技術出版社爲應學者需求，重爲付梓，並影印以存原貌。書中明顯錯訛者，由我院及中醫文獻研究所等有關單位專業人員校勘改正，使之益臻完善。

夫文以載道，中醫學爲我國醫學之重要財富，文獻則是寶庫中之重要內容。故有志斯道者，務求先通中醫之理論法則、方藥效用和臨床處置，使對中醫學有全面之理解，更須驗之臨床，以汲取其理論精華與豐富經驗。學問之事，原恃艱苦以求而非獵取可得。昔張仲景勤求古訓，博採衆方；孫思邈青衿之歲，高尚是典，白首之

年，未嘗釋卷；葉香岩以不讀破萬卷，不敢輕言醫。茲三人者，皆由勤奮好學而成一代高醫，故學習中醫宜下一番札實工夫。在此基礎上運用現代科學技術研究和整理中醫學，才有闡明和提高希望。中西醫結合，亦將另具特色。以務實精神，走中醫現代化循序而進之道路，勇於繼承，敢於創新，使傳統醫學有所發現與創造。苟能如此，不僅爲祖國爭光，並將爲人類造福。

本叢書一百三十六種，分爲五十冊；每冊後並皆附有全部書目。它的出版，爲中醫和愛好中醫者提供珍貴之醫學文獻，讀者勤習而深研之，必能奠定中醫學根柢，大有助於中醫事業之繼承與發展。

裘沛然

一九八八年六月作於  
上海中醫學院

〔宋〕

陳自明

編輯

〔明〕

薛立齋

補註

# 校註婦人良方

中國醫學大成



## 校註婦人良方提要

宋陳自明編。自明字良父。臨川人。官建府醫學教授。是編凡分十門。調經、衆疾、求嗣、胎教、妊娠、坐月、產難、產後等。每門數十證。總二百六十餘論。論後附方案。婦人專科。始自唐昝殷產寶。其後有李師聖之產育寶慶集方。陸子正之胎產經驗方。大抵卷帙簡略。流傳甚少。自明採摭諸家。提綱絜領。於婦科證治。始稍稍闡明。明薛己醫案。曾以己意刪改。附入治驗。自爲一書。各論有陳無擇、熊鰲峰二先生評論治法。刪繁就簡。併入本論。原書各方。有合大劑者。今減作小方。庶得臨症損益。量病加減。其有常用者。悉仍其舊。其一十二卷。首論妊娠所禁之法。當爲遵守。其所用之藥。不可輕率。其補遺第二十四卷。各卷已備不錄。今補蘭唇等一十四症方論。足成其卷。薛氏之用白芍。多用酒拌炒。因白芍之性味酸寒。產後用之於大補。入珍等湯內。以酒拌炒。用無妨。凡屬脾胃虛寒虛弱。面色痿黃者。亦宜酒拌炒用之。是編刻於勤有書堂。爲明之原本。前有嘉熙元年自序。今重刻之。



校註婦人良方 提要

# 序

病一也。而婦人爲難。醫一也。而識病爲難。夫病多始於七情。邃古之初。性靜情逸。精神純鬯。每治於未病之先。治之以不治也。以故藥不嘗。而躋上壽者比比。迨乎後世。恣情縱欲。精神耗而元氣索。病道日多。而醫效日尠。况婦人女子之性。陰濁勝而陽明微。喜怒哀樂。發而中節者寡。其爲病常浮於男子什九。欲診問以識所因。亦誠難矣。吳郡立齋薛君。雅好岐黃。素難之書。每爲人治病。察色辨脈。變藥立方。增除橫出。優游容與。俟其自然。不示功。不計程。期在必起。時精絕技。醫者不能及。尤旁通外科女科之術。間取臨川陳良甫所著婦人良方篇帙。爲之補註。附以治驗。示余讀之。見其發揮經絡。揆度陰陽。網羅百病。凡婦人症。最人所難識者。彬彬可覩。蓋薛君生平精力不暇妄費。坐臥行住。須臾不離。嗚呼。斯亦觀其深矣。業醫者當自得之。

秀水石山沈謐撰

校註婦人良方 序

# 校註婦人良方目錄

## 卷一

調經門·····	一
月經序論·····	一
精血篇論·····	二
產寶方序論·····	六
王子亨方論·····	六
月水不調方論·····	七
月經不通方論·····	一〇
養生必用論病·····	一四
室女月水不通方論·····	一六
室女經閉成勞方論·····	一六

## 卷二

血枯方論·····	一八
月水不利方論·····	一九
月水行止腹痛方論·····	一九
月水不斷方論·····	二〇
殺血心痛方論·····	二六
暴崩下血不止方論·····	二六
帶下方論·····	三〇
崩中漏血生死脈方論·····	三三
白濁白淫方論·····	三六
天癸過期方論·····	三八
血分水分腫滿方論·····	三九

衆疾門·····	一
產寶方論·····	一
博濟方論·····	二
寇宗奭論·····	二
通用方序論·····	三

卷二

中風諸症方論·····	一
中風角弓反張方論·····	二
中風口噤方論·····	二
中風不語方論·····	二
風痺手足不遂方論·····	三
中風自汗方論·····	三
筋脈痠癢方論·····	三

卷四

虛風顫振方論·····	三
風寒臂痛方論·····	四
賊風偏枯方論·····	四
偏風口喎方論·····	四
血風怔忡驚悸方論·····	五
失血過多心神不安方論·····	五
風邪顛狂方論·····	五
飛尸血厥方論·····	五
血風肢體骨節疼痛方論·····	一
血風白虎歷節走注方論·····	四
血風癰瘰癧痒方論·····	九
虛風頭目眩暈方論·····	一

血風頭痛方論	一六
頸項強痛方論	二一
腰痛方論	二三
腰脚疼痛方論	二七
風邪脚氣方論	二九

## 卷五

勞瘵各注方論	一
二十四種蒸病論	三
骨蒸勞方論	九
血風勞氣方論	二〇
冷勞方論	二三

## 卷六

熱勞方論	一
客熱方論	五
寒熱方論	六
寡婦寒熱如瘧方論	九
惡寒方論	一一
血風煩悶方論	一二
血風攻脾不食方論	一二
夢與鬼交方論	一六
傷寒傷風方論	一八
熱入血室方論	一九
咳嗽方論	二一
咳嗽用溫藥方論	二七
勞嗽方論	三一
喘滿方論	三五



風痰積飲咳嗽方論	三九
心胸嘈雜方論	四一

## 卷七

嘔吐方論	一
霍亂方論	六
翻胃吐食方論	一三
血膈方論	一七
鼻血方論	一九
吐血方論	二二
瘀癖諸氣方論	二七
疝瘕方論	三一
八瘕方論	三三
腹中瘀血方論	三四

癥痞方論	三七
食癥方論	三八
積年血癥方論	三八
血氣心痛方論	三九
血氣心腹疼痛方論	四一
血氣小腹痛方論	四四
兩脇脹痛方論	四五
心腹脹滿方論	四九

## 卷八

小便淋瀝不通方論	一
轉脬小便不利方論	五
小便數方論	七
遺尿失禁方論	九

小便出血方論	一二
大便不通方論	一五
老弱風人便秘戒用利藥	
方論	一七
泄痢秘結方論	一九
泄瀉方論	二二
協熱下利方論	二八
滯下方論	二九
痢後嘔噦方論	三六
大便下血方論	四〇
痔瘻方論	四三
脫肛方論	四四
陰腫方論	四六
陰癢方論	四七

## 卷九

陰冷方論	四九
陰挺下脫方論	五〇
陰中生瘡方論	五一
交接傷丈夫頭痛方	五三
交接輒痛出血方	五三
交接他物所傷方	五四
小戶嫁痛方	五五
求嗣門	一
陳無擇求子論	一
褚尙書求男論	三
無子論	三
千金翼求子方論	四

卷十

交會禁忌	四
男子受胎時日法	五
推支干旺相日法	五
推每月宿日法	五
求子服藥須知	六
溫隱居求嗣保生篇	一二
胎教門	一
妊娠總論	一
受形論	三
受形篇	四
論胎教	五
孕元立本章	五

卷十一

凝形殊稟章	九
氣質生成章	一二
轉女爲男法	一五

候胎門

脈例	一
診婦人有妊歌	二
驗胎法	七
胎殺避忌產前將護法	七
食忌論	九
孕婦藥忌歌	一〇

卷十二

妊娠疾病門	一
隨月服藥將息法	一
惡阻方論	一三
痰逆不食方論	一五
胎動不安方論	一七
漏胎下血方論	二〇
卒然下血方論	二一
驚胎及僵仆方論	二三
胎上逼方論	二六
下如豆汁胎動腹痛方	二八
誤服毒藥胎動方	三〇
心痛方論	三一
心腹痛方論	三三
中惡方論	三四

腰腹背痛方論	三五
小腹痛方論	三七
心腹脹滿方論	三八

## 卷十二

數墮胎方論	一
胎不長方論	二
胎動不安當下方論	四
墮胎後血下方論	五
未足月欲產方論	七
斷產方論	九
咳嗽方論	一〇
吐血衄血方論	一三
子煩方論	一五

煩躁口乾方論……………一七

### 卷十四

中風方論……………一  
風痿方論……………二  
瘕瘕方論……………四  
鬼胎方論……………五  
傷寒方論……………七  
時氣方論……………一  
熱病方論……………二  
傷寒熱病防損胎方論……………一五  
熱病胎死腹中方論……………一六  
瘧疾方論……………一七  
霍亂方論……………二三

### 卷十五

泄瀉方論……………一  
下痢黃水方論……………三  
大小便不通方論……………五  
小便不通方論……………八  
子淋方論……………一〇  
遺尿方論……………一三  
尿血方論……………一四  
胎水腫滿方論……………一六  
腹內鐘鳴方論……………一九  
龔彥德孕癰方……………一九  
不語論……………二〇  
傷食方論……………二〇



臟燥悲傷方論……………二二

## 卷十六

坐月門……………一

產寶方周頤序……………一

將護孕婦論……………二

滑胎例……………二

月空方位例……………五

逐月安產藏衣忌向方

位……………五

推婦人行年法……………八

體玄子借地法……………一四

禁草法……………一五

禁水法……………一五

校註婦人良方 目錄

入月預備藥物……………一六

催生靈符……………一七

## 卷十七

產難門……………一

產難論……………一

楊子建十產論……………三

催生方論……………六

交骨不開產門不開方

論……………九

郭稽中產難方論……………一一

產難子死腹中方論……………一二

產難生死訣……………一三

## 卷十八



產後門……………一

產後將護法……………一

產後調理法……………二

產後通用方……………三

胞衣不出方論……………三

產後血暈方論……………五

產後顛狂方論……………八

產後狂言謔語方論……………九

產後不語方論……………一〇

## 卷十九

乍見鬼神方論……………一

心神驚悸方論……………三

中風心驚方論……………四

中風恍惚方論……………六

虛極生風方論……………七

虛汗不止方論……………九

冒悶汗出方論……………一二

汗多變瘕方論……………一三

口噤腰背反張方論……………一五

中風方論……………一六

四肢筋攣方論……………一七

瘕瘕方論……………一八

脚氣方論……………二一

## 卷二十

遍身疼痛方論……………一

腰痛方論……………三

卷二十一

惡露不絕方論	五
惡露不下方論	七
惡露上攻心痛方論	七
惡露腹痛方論	九
兒枕腹痛方論	一〇
小腹痛方論	一一
寒疝腹痛方論	一二
兩脇脹痛方論	一三
積聚癥塊方論	一五
血瘕方論	一六
瘀血奔心煩悶方論	一七
虛煩發熱方論	一八

卷二十二

口乾痞悶方論	一
血渴方論	二
乍寒乍熱方論	四
瘧疾方論	六
蓐勞方論	七
虛羸方論	九
風虛冷勞方論	一〇
腹脹嘔吐方論	一一
嘔逆不食方論	一二
霍亂方論	一五
寒熱方論	一
頭痛方論	三

咳嗽方論	四
喉中氣急促喘方論	七
口鼻黑鼻衄方論	八
咳噫方論	九
血崩方論	一〇
月水不調方論	一二
月水不通方論	一三
四肢浮腫方論	一四
腹痛瀉利方論	一六
赤白痢方論	一八

卷二十一

痢疾作渴方論	一
大便秘瀯方論	二

卷二十四補遺

大小便不通方論	四
遺糞方論	四
諸淋方論	六
小便頻數方論	七
小便不禁方論	九
小便出血方論	一〇
陰脫玉門不閉方論	一三
陰蝕疳方論	一四
乳少或止方論	一五
乳出方論	一七
吹乳方論	一八
妬乳方論	一八

瘡瘍門……………一

繭脣方論……………一

耳聾痛方論……………一二

癰癰方論……………一六

結核方論……………二四

流注方論……………三一

血風瘡論……………三八

赤白遊風方論……………四三

法眩方論……………四六

鶴膝風方論……………五一

下注賺瘡方論……………五四

足跟瘡腫方論……………五九

肺癰方論……………六二

腸癰方論……………六七

乳癰乳巖方論……………七一

校註婦人良方 目錄

# 校註婦人良方

宋 臨川 陳自明良甫編輯  
明 古吳 薛己立齋補註

鄞縣 曹赤電炳章圈校



## 卷一

調經門凡醫婦人先須調經故以爲首

### 月經序論第一

岐伯曰。女子七歲。腎氣盛。齒更髮長。二七而天癸至。任脈通。太衝脈盛。月事以時下。天謂天真之氣。癸謂壬癸之水。故云天癸也。然衝爲血海。任主胞胎。二脈流通。經血漸盈。應時而下。常以三旬一見。以像月盈則虧也。若遇經行。最宜謹慎。否則與產後症相類。若被驚怒勞役。則血氣雜亂。經脈不行。多致勞瘵等疾。若逆於頭



面肢體之間。則重痛不寧。若怒氣傷肝。則頭暈脇痛嘔血。而癰癰癰瘍。若經血內滲。則竅穴淋瀝無已。凡此六淫外侵。而變症百出。犯時微若秋毫。成患重如山岳。可不畏哉。

愚按。血者。水穀之精氣也。和調五臟。洒陳六腑。在男子則化爲精。在婦人上爲乳汁。下爲血海。故雖心主血。肝藏血。亦皆統攝於脾。補脾和胃。血自生矣。凡經行之際。禁用苦寒辛散之藥。飲食亦然。詩云。婦人和平。則樂有子。和則陰陽不乖。平則氣血不爭。故經云。平和之氣。三句一見。可不慎歟。

精血篇論第一 齊大夫褚澄遺書

飲食五味。養骨髓肌肉毛髮。男子爲陽。陽中必有陰。陰中之數八。故一八而陽精升。二八而陽精溢。女子爲陰。陰中必有陽。陽中之數七。故一七而陰血升。二七而陰血溢。皆飲食五味之實秀也。方其升也。智慮開明。齒牙更始。髮黃者黑。筋弱者強。暨其溢也。凡充身體手足耳目之餘。雖針芥之歷。無有不下。凡子形肖父母者。以其精血。嘗於父母之身。無所不歷也。是以父一肢廢。則子一肢不肖其父。母一

目虧。則子一目不肖其母。然雌鳥牝獸。無天癸而成胎何也。鳥獸精血往來尾間也。精未通而御女以通其精。則五體有不滿之處。異日有難狀之疾。陰已痿而思色以降其精。則精不出而內敗。小便澀而爲淋精。已耗而復竭之。則大小便牽痛。愈痛則愈便。愈便則愈痛。女人天癸既至。踰十年無男子合。則不調。未踰十年思男子合。亦不調。不調則舊血不出。新血誤行。或漬而入骨。或變而爲腫。後雖合而難子。合多則瀝枯。虛人產衆。則血枯殺人。觀其精血。思過半矣。

愚按丹溪先生云。人受天地之氣以生。天之陽氣爲氣。地之陰氣爲血。故氣常有餘。血常不足。夫人之生也。男子十六歲而精通。女子十四歲而經行。故古人必待三十二十而後嫁娶。可見陰氣之難成。而養之必欲其固也。經曰。年至四十。陰氣自半。而起居衰矣。夫陰氣之成。止供給得三十年之運用。况男子六十四歲而精絕。女子四十九歲而經斷。夫腎乃陰中之陰也。主閉藏者。肝乃陰中之陽也。主疎泄者。然而二臟皆有相火。其系上屬於心。心火一動。則相火翕然而從之。所以丹溪先生只是教人收心養性。其旨深矣。天地以五行更迭衰旺而成四時。人之五臟六腑。亦應之而衰旺。如四月屬巳。五月屬午。爲火大旺。火



爲肺金之夫。火旺則金衰。六月屬未。爲土大旺。土爲繫之夫。土旺則水衰。況腎水嘗藉肺金爲母。以補其不足。古人於夏月必獨宿而淡味。兢兢業業。保養金水二臟。正嫌火土之旺爾。經又曰。冬藏精者。春不病溫。十月屬亥。十一月屬子。正火氣潛藏。必養其本然之真陰。以助來春生發之氣。則春末夏初。無頭痛。脚軟。食少。體熱。注夏之病矣。竊謂人之少有老態。不耐寒暑。不勝勞役。四時迭病。皆因氣血方長。而勞心虧損。或精血未滿。而早斲喪。故見其症。難以名狀。若左尺脈虛弱。或細數。是左腎之真陰不足也。用六味丸。右尺脈遲軟。或沉細而數。欲絕。是命門之相火不足也。用八味丸。至於兩尺微弱。是陰陽俱虛。用十補丸。此皆滋其化源也。不可輕用黃柏。知母之類。設或六淫外侵。而見諸症。亦因其氣內虛。而外邪湊襲。尤宜用前藥。

附治驗

男子陰痿精耗治  
驗見內科摘要

一婦人年三十有七。早孀居。兩腿骨作痛。晡熱體倦。月經不調。或發寒熱。數年矣。一日頸項兩側結核。兩脇脹痛。此係肝經鬱火而成也。先用小柴胡湯。合四物數劑。肝症頓愈。又用加味逍遙散。加澤蘭。乳香。沒藥。三十劑。血症漸痊。再用加

味歸脾等藥。年餘而安。

一婦婦兩腿作痛。或用除濕化痰等藥。通身作痛而無定處。余曰。此血症也。不信。乃服流氣飲之類而歿。

一放出宮人。年四十餘。臀腿內股作痛。晡熱口乾。月經不調。此係肝經血少。不能養經絡而然也。宜用加味逍遙散。加澤蘭葉五十餘劑。諸症稍緩。又以歸脾湯兼服二百餘劑而痊。

一放出宮人。臀腿腫痛。內熱晡熱。惡寒體倦。咳嗽胸痞。月經過期而少。彼以爲氣毒流注。服清熱理氣之劑。益甚。余曰。此乃肝經瘀血停留所致。蓋肝經上貫鬲。布脇肋。循喉嚨。下循咽內。膝繞陰器。抵少腹。主治之法。但當補其所不勝。而制其所勝。補者脾也。制者肝也。經曰。虛則補之。實則瀉之。此定法也。彼不信。仍服前藥。遂致不起。

### 附方

六味丸

八味丸

二方見二十四卷第十一論

十補丸

小柴胡湯

方見二十四卷第二論

四物湯

方見二十四卷第六論

加味逍遙散

加味歸脾湯 二方見二十四卷第四論

產寶方序論第二

大率治病。先論其所主。男子調其氣。女子調其血。氣血者。人之神也。然婦人以血爲基本。苟能謹於調護。則血氣宣行。其神自清。月水如期。血凝成孕。若脾胃虛弱。不能飲食。榮衛不足。月經不行。肌膚黃燥。面無光澤。寒熱腹痛。難於子息。或帶下崩漏。血不流行。則成瘕症。

愚按前症若婦人脾胃久虛。以致氣血俱衰。遂而月經不行。宜補其胃氣。滋其化源。或患中消胃熱。津液不生。而致血海乾涸。宜清胃補脾。其經自行矣。經曰。胃者衛之源。脾者榮之本。鍼經曰。榮出中焦。衛出上焦。衛不足。益之必以辛。榮不足。補之必以甘。甘辛相合。脾胃健而榮衛生。是以氣血俱旺也。或因勞心。虛火妄動。月經錯行。宜安心補血瀉火。此東垣先生治法也。

王子亨方論第四



論曰。經者常候也。謂候其一身之陰陽愆伏。知其安危。故每月一至。太過不及。皆爲不調。陽太過則先期而至。陰不及則後時而來。其有乍多乍少。斷絕不行。崩漏不止。皆由陰陽衰盛所致。

愚按。經云。脾統血。肝藏血。此症多因恚怒傷肝。鬱結傷脾所致。當從二經爲主。而參以前論治之。

### 月水不調方論第五

婦人月水不調。由風邪乘虛客於胞中。而傷衝任之脈。損手太陽少陰之經。蓋衝任之脈。皆起於胞中。爲經絡之海。與手太陽小腸。手少陰心經爲表裏。上爲乳汁。下爲月水。然月水乃經絡之餘。苟能調攝得宜。則經應以時矣。

愚按。經曰。飲食入胃。遊溢精氣。上輸於脾。脾氣散精。上歸於肺。通調水道。下輸膀胱。水精四布。五經並行。東垣先生所謂脾爲生化之源。心統諸經之血。誠哉是言也。竊謂心脾平和。則經候如常。苟或七情內傷。六淫外侵。飲食失節。起居失宜。脾胃虛損。心火妄動。則月經不調矣。又丹溪先生云。先期而至者。血熱也。

後期而至者。血虛也。愚所謂先期而至者。有因脾經血燥。有因脾經鬱火。有因肝經怒火。有因血分有熱。有因勞役火動。過期而至者。有因脾經血虛。有因肝經血少。有因氣虛血弱。主治之法。脾經血燥者。加味逍遙散。脾經鬱火者。歸脾湯。肝經怒火者。加味小柴胡湯。血分有熱者。加味四物湯。勞役火動者。補中益氣湯。脾經血虛者。人參養榮湯。肝經血少者。六味地黃丸。氣虛血弱者。八珍湯。蓋血生於脾土。故云脾統血。凡血病當用苦甘之劑。以助陽氣而生陰血也。

附治驗

一婦人發熱口乾。月經不調。兩腿無力。或用祛風滲濕之劑。腿痛體倦。二膝浮腫。經事不通。余作足三陰經。血虛火燥。名鶴膝風。用六味。八味二丸。兼服兩月。形體漸健。飲食漸進。膝腫漸消。半載而痊。

一婦人月事末期而至。發熱自汗。或用清熱止汗之劑。作渴頭眩。手掉身麻。余曰。此肝經血虛火動。火爲陽。陽盛則生風。用柴胡、炒芩、連、山梔、歸、芍、生地、丹皮各一錢。參耆苓朮各一錢半。川芎七分。甘草五分。二劑汗止。更用補中益氣而愈。

一婦人經行勞役。忽然昏憤。面赤吐痰。余曰。此乃去血過多。陽無所附故耳。急飲



童便碗許。神思漸爽。更用參、耆各五錢。芎、歸各三錢。玄參、柴胡、山梔、炙草各一錢。一劑。又用逍遙散加五味、麥門二劑。如此月餘漸愈。但體倦面黃。又以十全大補加五味、麥門治之而愈。

一婦人性善怒。產後唇腫內熱。或用清熱敗毒散。唇口腫脹。日晡熱甚。月水不調。再用降火化痰。遂令食少作嘔。大便不實。唇出血水。又用理氣消導。胸膈痞滿。頭目不清。唇腫經閉。又用清胃行血。肢體倦怠。發熱煩躁。涎水湧出。又欲用通經之劑。余曰。病本七情。肝脾虧損。又數行攻伐。故元氣之益虛耳。法當補陰益陽。遂以濟生歸脾湯加味道遙散。補中益氣湯調治。元氣漸復。諸症悉愈。

薑黃散 治瘀血凝滯。肚腹刺痛。或腹脹發熱。口乾等症。

薑黃

當

歸二錢酒拌各

蓬朮醋炒

紅花

桂心

川芎

玄胡索炒

牡丹皮各五

右水酒各一半煎服。

醋附丸 治元臟虛冷。月候不調。頭暈少食。渾身寒熱。腹中急痛。赤白帶下。心衝氣悶。血中虛寒。胎氣不固。用醋煮香附半觔。焙為末。醋糊丸。桐子大。每服三四

十丸。米飲下。

愚按前症若元臟虛寒。手足逆冷。用八味丸。手足發熱。用六味丸。氣血不足。用八珍湯。中氣不足。用補中益氣湯。脾氣不足。用六君子湯。脾氣鬱結。用歸脾湯。若例用香散之劑。恐陽氣燥而陰血漸衰也。

附方

加味逍遙散

八珍湯

歸脾湯三方見二十四卷第四論

加味小柴胡湯方見二十四卷第二論

加味四物湯

六君子湯

補中益氣湯三方見二十四卷第六論 人參養榮湯方見二十四卷第三論

八味丸

六味丸二方見二十四卷第十一論

月經不通方論第六

婦人月水不通。或因醉飽入房。或因勞役過度。或因吐血失血。傷損肝脾。但滋其化源。其經自通。若小便不利。若頭暈痛。腰背作痛。足寒時痛。久而血結於內。變為癥瘕。若血水相併。脾胃虛弱。壅滯不通。變為水腫。若脾氣衰弱。不能制水。水漬肌

肉。變爲腫滿。當益其津液。大補脾胃。方可保生。

愚按。經水陰血也。屬衝任二脈。上爲乳汁。下爲月水。其爲患有因脾虛而不能生血者。有因脾鬱而血不行者。有因胃火而血消燬者。有因脾胃損而血少者。有因勞傷心而血少者。有因怒傷肝而血少者。有因腎水不能生肝而血少者。有因肺氣虛不能行血者。治療之法。若脾虛而不行者。調而補之。脾鬱而不行者。解而補之。胃火而不行者。清而補之。脾胃損而不行者。溫而補之。勞傷心血而不行者。逸而補之。怒傷肝而不行者。和而補之。肺氣虛而不行者。補脾胃。腎虛而不行者。補脾肺。經云。損其肺者益其氣。損其心者調其榮衛。損其脾者調其飲食。適其寒溫。損其肝者緩其中。損其腎者益其精。皆當審而治之。

### 附治驗

一婦人停食。飽悶發熱。或用人參養胃湯。益甚。再用木香檳榔丸。泄瀉吐痰。腹中成塊。飲食少思。又用二陳。黃連。厚朴之類。前症益甚。腹脹不食。月經不至。余以爲胃氣虧損。用補中益氣。加茯苓。半夏。三十餘劑。脾胃健而諸症愈。又二十餘劑而經自行。



一婦人飲食後。或腹脹。或吞酸。彼服枳朮丸。吞酸益甚。飲食日少。胸膈痞滿。腿內酸痛。畏見風寒。又服養胃湯一劑。腿內作痛。又二劑。腿膝淫腫。月經不行。余謂鬱結所傷。脾虛濕熱下注。侵晨用四君二陳芎歸。年後以前湯送越鞠丸。飲食漸進。諸症漸愈。又用歸脾八珍二湯。兼服兩月餘而經行。

一婦人性耽多慮。月經不行。胸滿少食。或作脹。或吞酸。余以爲中氣虛寒。用補中益氣。加砂仁。香附。煨薑二劑。胸膈和而飲食進。更以六君子。加芎歸。貝母。桔梗。生薑。大棗數劑。脾胃健而經自調矣。

一婦人素有胃火。或用清胃飲而安。後因勞役燥渴內熱。肌肉消瘦。月經不行。余謂此胃火消燦陰血。用逍遙散。加丹皮。炒梔。以清胃熱。用八珍湯。加茯苓。遠志。以養脾血。而經自行矣。

一婦人久患瘧。形體怯弱。內熱晡熱。自汗盜汗。飲食少思。月事不行。或用通經丸。虛症悉具。余曰。此因虛而致瘧。因瘧以閉經也。用補中益氣。及六味地黃丸。各百餘劑。瘧愈而經自行。

一婦人久患瘧。瘧作則經不行。形虛脈大。頭痛懶食。大便泄瀉。小便淋瀝。口乾唇

裂。內熱腹膨。蓋由久瘧。正氣已虛。陰火獨旺。用補中益氣湯治之。尋愈。惟不時頭痛。乃加蔓荊子而痛止。又兼用六味地黃丸而經行。

一婦人因勞耳鳴。頭痛體倦。此元氣不足。用補中益氣加麥門、五味而瘥。三年後得子。因飲食勞倦。前症益甚。月經不行。晡熱內熱。自汗盜汗。用六味地黃丸。補中益氣湯頓愈。

一婦人胃氣素弱。為哭母吐血咳嗽。發熱盜汗。經水三月不行。余以為悲則傷肺。思則傷脾。遂朝服補中益氣。加桔梗、貝母。知母。夕用歸脾湯。送地黃丸而愈。一癰婦少寐。經水兩月餘一至。誤服通經丸。展轉無寐。午前惡寒。午後發熱。余以為思慮虧損脾血。用歸脾湯作丸。午前以六君送下。午後以逍遙散送下。兩月餘得寐。半載經行如期。年餘而瘡愈。餘詳見各門。

### 附方

補中益氣湯

四君子湯

六君子湯三方見二十六卷第六論

二陳湯方見二十四卷第五論

越鞠丸方見六卷第七論

歸脾湯

逍遙散

八珍湯三方見二十四卷第四論

清胃散方見二十四卷首論



六味丸

方見二十四卷第十一論

### 養生必用論病第七

初虞世云。女子十四。天癸至。任脈通。月事以時。於是有子。天癸者。物之自然。月者。以月至。經者。有常也。其來過與不及。皆謂之病。若榮血虧損。不能滋養百骸。則髮落面黃。羸瘦燥熱。燥氣盛則金受邪。金受邪則爲咳爲嗽。爲肺癰爲肺痿必矣。但助胃壯氣。則榮血生而經自行。須慎飲食。調七情。保神氣。庶可得生。若暴怒氣逆。經閉不行。當用行氣破血之劑。

愚按。劉宗厚先生云。榮者水穀之精。和調於五臟。灑陳於六腑。乃能入於脈也。源源而來。化生於脾。總統於心。藏受於肝。宣布於肺。施泄於腎。灌溉一身。目得之而能視。耳得之而能聽。手得之而能握。足得之而能步。臟得之而能液。腑得之而能氣。注之於脈。少則濇。充則實。常以飲食滋養。則陽生陰長。變化而爲血。諸經恃此。則百脈長養。耗竭則百脈空虛。可不慎哉。若陰氣一傷。變症百出。妄行於上則吐衄。衰涸於下則癰閉。血滲腸間。則爲腸風。陰虛陽搏。則爲崩中。濕

蒸熱瘀。則為帶下。熱極腐化。則為膿血。火極似水。則血紫黑。熱勝於陰。發為瘡瘍。濕滯於血。則為痛癢癰疹。蓄之在上則善忘。蓄之在下則善狂。

琥珀散 治心膈迷悶。肚腹撮痛。月信不通等疾。  
烏藥 二兩 當歸 酒製一兩 蓬朮 醋製一兩

右為末。每服二錢。溫酒調。

萬病丸 治月經瘀閉。臍腹作痛。及產後癥瘕等病。

乾漆 炒烟出青 牛膝 酒浸焙 各一兩

右為末。生地黄汁一升。砂器慢火熬膏。丸桐子大。每服二十九。空心米飲下。仍參前論主之。

紅花當歸散 治經候不行。腰膝重痛。小腹堅硬。

紅花 當歸尾 酒拌 紫葳 牛膝 酒製 各二錢

甘草 炙 蘇木 各二錢 白芷 桂心 各半

赤芍藥 兩 劉寄奴 去根五錢

右為末。每服三錢。溫酒調。

### 室女月水不通方論第八

論曰。夫衝任之脈。起於胞內。爲經脈之海。手太陽小腸。手少陰心。二經爲表裏。女子二七而天癸至。腎氣全盛。衝任流通。經血既盈。應時而下。否則不通也。愚按。前症若稟陰血不足。用四物參苓。怒傷肝血。用加味逍遙散。鬱結傷脾。用加味歸脾湯。肝火拂鬱。用加味小柴胡湯。胃經積熱。用加味清胃散。餘當參考前論。

#### 附方

四物湯 方見二十四卷第六論

加味逍遙散

加味歸脾湯 二方見二十四卷第四論

加味清胃散 方見二十四卷首論

加味小柴胡湯 方見二十四卷第二論

### 室女經閉成勞方論第九

寇宗奭曰。夫人之生。以氣血爲本。人之病。未有不先傷其氣血者。若室女童男。積想在心。思慮過度。多致勞損。男子則神色消散。女子則月水先閉。蓋憂愁思慮則



傷心。而血逆竭。神色先散。月水先閉。且心病則不能養脾。故不嗜食。脾虛則金虧。故發嗽。腎水絕則木氣不榮。而四肢乾痿。故多怒。鬢髮焦。筋骨痿。若五臟傳遍則死。自能改易心志。用藥扶持。庶可保生。切不可用青蒿、蟲蟲等涼血行血。宜用柏子仁丸、澤蘭湯。益陰血。制虛火。

愚按。經云。五穀入於胃。其糟粕。津液。宗氣。分爲三隧。故宗氣積於胸中。出於喉嚨。以貫心肺。而行呼吸。榮氣者。祕其津液。注之於脈。化以爲血。以榮四肢。內養五臟六腑。若服苦寒之劑。復傷胃氣。必致不起。

### 附治驗

一室女年十七。癰久不愈。天癸未通。發熱咳嗽。飲食少思。欲用通經丸。余曰。此蓋因稟氣不足。陰血未充故耳。但養氣血。益津液。其經自行。彼惑於速效。仍用之。余曰。非其治也。此乃慄悍之劑。大助陽火。陰血得之則妄行。脾胃得之則愈虛。後果經血妄行。飲食愈少。遂致不救。

### 柏子仁丸

柏子仁炒別

牛膝酒製

卷柏各半

澤蘭葉一兩

右爲末。蜜丸。桐子大。每服三十丸。空心米飲下。

澤蘭湯

澤蘭葉二錢

當歸

芍藥炒各一錢

甘草炙五

用水煎服。

劫勞散 治勞嗽發熱盜汗。體瘦。唾中有紅。或成肺痿。

白芍藥錢一

黃耆炒

甘草炒

人參

五味子炒

當歸

半夏薑製

白茯苓

熟地黃自製

阿膠炒各五分

右薑棗水煎。日三服。鄉人楊元鼎女及笄。病此甚危。百藥無效。偶遇名醫。得此方服三十餘劑。遂愈不發。

血枯方論第十

出路龍吉方

腹中論曰。有病胸脇支滿。妨於食。食至則先聞腥臊。口出清液。四肢痛。目眩。時時前後血。病名曰血枯。此年少時。因大脫血。或醉而入房。虧損腎肝。蓋肝藏血。受天一

之氣以爲滋榮其經上貫膈布脇肋。若脫血失精。肝氣已傷。肝血枯涸。不榮而胸脇滿。妨於食。則肝病傳脾。而聞腥臊。口出清液。若以肝病而肺乘之。則脫血。四肢痛。目眩。時時前後血出。皆肝病血傷之症也。

愚按前症若飲食起居失宜。而脾胃虛損。當滋化源。而佐以烏賊丸等藥。若因脾土虛寒。而不能生血。宜補命門火。若服燥藥。鬱火內作。而津液消燦。宜清熱養血。若脾胃虧損。而氣血虛。宜補中益氣。若胃熱消中。而血液耗損。宜清脾胃之火。若大便秘澀。小便清利。而經不行。宜清胞絡之火。若勞傷心火。血涸而經不行。宜補心養血。仍參看前第三論主治。

### 附治驗

一婦人久患血崩。肢體消瘦。飲食到口。則聞腥臊。口出清液。每食少許。腹中作脹。此血枯之症。肺肝脾胃虧損之患。用八珍湯烏賊骨丸。兼服兩月。而經行百餘劑而安。

### 烏賊魚骨丸

烏賊魚骨去甲四兩

薑 茹一兩

右爲末。以雀卵丸。小豆大。每服五丸。加至十丸。鮑魚煎湯下。以飯壓之。

熟地黃湯

治大脫血。或醉入房。月事不行。以致前症。

熟地黃 自製

澤蘭葉

白茯苓

人參

五味子 并炒

附子 炮

禹餘糧 製

當歸 酒製各五分

右爲末。每服三錢。水煎空心服。

附方

八珍湯

方見二十四卷第四論

茯苓補心湯 治婦人心氣虛耗。不能主血。又不能制乎肺。金氣得以乘乎肝木。肝既虧損。則血不能藏。漸致精血枯涸。月事不調。此方專補心元之虛。抑其肺氣。調和榮衛。滋養血脈。

前方參蘇飲內。除木香。與四物湯對勻和。每服四錢。以薑棗煎溫服。此方常進。用以治宮娥多效。

月水不利方論第十一



婦人月水不利者。由勞傷氣血。體虛而風寒客於胞內。傷於衝任之脈故也。若寸脈弦。關脈沉。是肝病也。兼主腹痛。孔竅生瘡。尺脈滑。血氣實。經絡不利。或尺脈絕不至。兼主小腹引腰痛。氣攻胸膈也。

愚按。前症屬肝膽二經。蓋肝膽相為表裏。多因恚怒所傷。若本經風熱。用補肝散。蓋虛。用四物加酸棗仁。若腎水不足。用六味丸。若患諸瘡瘍。治見第八卷。第二十四卷。

牛膝散 治月水不利。臍腹作痛。或小腹引腰。氣攻胸膈。

牛膝酒製

桂心

赤芍藥炒

桃仁去皮

玄胡索炒

當歸酒浸

牡丹皮各一兩

木香三錢

右為末。每服一錢。溫酒調下。或每服三五錢。水煎。

附方

補肝散方見七卷第十論

四物湯方見二十四卷第六論

六味丸方見二十四卷第十一論

## 月水行止腹痛方論第十二



婦人經來腹痛。由風冷客於胞絡衝任。或傷手太陽少陰經。用溫經湯。桂枝桃仁湯。若憂思氣鬱而血滯。用桂枝桃仁湯。地黃通經丸。若血結而成塊。用萬病丸。愚按前症若風寒傷脾者。六君加炮薑。思慮傷血者。四物加參朮。思慮傷氣者。歸脾加柴梔。鬱怒傷血者。歸脾逍遙兼服。餘參前後論治之。

附治驗

一婦人經行腹痛。食則嘔吐。肢體倦怠。發熱作渴。此乃素稟氣血不足。用八珍湯二十餘劑而愈。後生子。二年而經不行。前症仍作。服八珍湯逍遙散百餘劑方愈。

地黃通經丸 治月經不行。或產後惡露。臍腹作痛。

熟地黃自製四兩

蟲去頭翅炒

水蛭黃糯米同炒桃

仁去皮尖各五十枚

右爲末蜜丸。桐子大。每服五七丸。空心溫酒下。

萬病丸方見前

溫經湯 治寒氣客於血室。以致血氣凝滯。臍腹作痛。其脈沉緊。

當歸

川芎

芍藥

桂心

蓬朮醋炒

牡丹皮各五

人參

牛膝

甘草炒各七分

右水煎服。

桂枝桃仁湯 治經脈頓然不行。腹中作痛。或上攻心脇欲死。或因經脈不行。漸成積塊。臍下如覆杯。

桂枝

芍藥

生地黄各二

桃仁七枚去尖

甘草一錢

右薑水煎。

若因七情鬱結。血隨氣滯者。宜服此湯。如不瘥。用地黃通經丸。已成血塊者。用萬病丸。前方見

愚按前症若肝經怒氣。用加味逍遙散。若肝經血虛。用四物、參、朮、柴胡、牡丹皮。若肝經血熱。用四物、牡丹皮。若肝腎虛火。用六味地黃丸。若肝脾血虛。用八珍加牡丹皮。若肝脾鬱怒。用加味歸脾湯。若氣虛血弱。用補中益氣湯。若脾不能攝血。用六君子加川芎、當歸。若肝虛不能藏血。用補肝散。

附方

六君子湯

四物湯二方見二論  
四卷第六論

歸脾湯

逍遙散

八珍湯三方見二論  
四卷第四論

月水不斷方論第十三

婦人月水不斷。淋瀝腹痛。或因勞損氣血而傷衝任。或因經行而合陰陽。以致外邪客於胞內。滯於血海故也。但調養元氣而病邪自愈。若攻其邪則元氣反傷矣。愚按前症若鬱結傷脾。用歸脾湯。恚怒傷肝。逍遙散。肝火妄動。加味四物湯。脾氣虛弱。六君子湯。元氣下陷。補中益氣湯。熱傷元氣。前湯加五味、麥門、炒黑黃柏。

附治驗

一儒者錢思習子室。年三十餘。無嗣。月經淋瀝無期。夫婦異處幾年矣。思習欲爲娶妾。以謀諸余。余意此鬱怒傷肝。脾虛火動。而血不歸經。乃肝不能藏。脾不能攝也。當清肝火。補脾氣。遂與加味歸脾、逍遙二藥四劑。送至其家。仍告其姑曰。



服此病自愈。而當受胎。妾可無娶也。果病愈。次年生子。

一婦人性急。每怒則太陽耳項喉齒胸乳作痛。則胸滿吞酸。吐瀉少食。經行不止。此皆肝火之症。肝自病則外症見。土受尅則內症作。余先以四物加白朮、茯苓、柴胡、炒梔、炒龍膽、清肺養血。次用四君加柴胡、芍藥、神麴、吳茱萸、炒黃連。以培土制肺。漸愈。惟月經不止。是血分有熱。脾氣尙虛。以逍遙散倍用白朮、茯苓、陳皮。又以補中益氣。加酒炒芍藥。兼服而安。

一婦人多怒。經行旬餘方止。後淋瀝無期。肌體倦瘦。口乾內熱。盜汗如洗。日晡熱甚。皆由肝脾虧損。無以生養元氣。用參耆、歸朮、茯苓、神、遠志、棗仁、麥門、五味、丹皮、龍眼肉、炙草、柴胡、升麻。治之獲痊。

一婦人懷抱不舒。腹脹少寐。飲食素少。痰涎上湧。月經頻數。余曰。脾統血而主涎。此鬱悶傷脾。不能攝血歸源耳。用補中益氣。濟生歸脾而愈。

### 附方

歸脾湯

逍遙散二方見二十四卷第四論

加味四物湯

四君子湯

六君子湯

補中益氣湯四方見二十四卷第六論



### 婦人殺血心痛方論第十四

婦人血崩而心痛甚。名曰殺血心痛。由心脾血虛也。若小產去血過多而心痛甚者。亦然。用烏賊魚骨炒爲末。醋湯調下。失笑散亦效。愚按前症若陰血耗散。用烏賊丸收斂之。若瘀血不散。用失笑散行散之。若心血虛弱。用芎歸湯補養之。若鬱結傷血。用歸脾湯調補之。

#### 附治驗

一婦人血崩兼心痛三年矣。諸藥不應。每痛甚。虛症悉具。面色痿黃。余曰。心主血。蓋由去血過多。心無所養。以致作痛。宜用十全大補湯。參朮倍之。三十餘劑稍愈。百餘劑全愈。

#### 附方

失笑散 方見二十卷第五論

芎歸湯 方見十七卷第四論

歸脾湯

十全大補湯 二方見二十四卷第四論

暴崩下血不止方論第十五

婦人衝任二脈。爲經脈之海。外循經絡。內榮臟腑。若陰陽和平。經下依時。若勞傷不能約制。則忽然暴下。甚則昏悶。若寸脈微遲。爲寒在上焦。則吐血衄血。尺脈微遲。爲寒在下焦。則崩血便血。大抵數小爲順。洪大爲逆。大法當調補脾胃爲主。愚按。經云。陰陽相搏。謂之崩。又云。陽絡傷則血外溢。陰絡傷則血內溢。又云。脾統血。肝藏血。治法。前症因脾胃虧損。不能攝血歸源。用六君加芎歸。柴胡。若肝經之火而血下行。用奇效四物湯。或四物加柴。梔。芩。朮。若肝經風熱而血妄行。用加味逍遙散。或小柴胡。梔。芩。丹皮。若怒動肝火而血沸騰。亦用前藥。若脾經鬱結而血不歸經。用歸脾加柴。梔。丹皮。若悲傷胞絡而血下崩。用四君加柴。梔。升麻。故東垣先生云。凡下血症。須用四君子以收功。厥有旨哉。若大吐血。毋以脈論。當急用獨參湯救之。若潮熱咳嗽。脈數。乃元氣虛弱。假熱之脈。尤當用人參溫補。此等症候。無不由脾胃先損。故脈洪大。察其有胃氣。能受補則可救。苟用寒涼止血之藥。復傷脾胃。反不能攝血歸源。是速其危也。

#### 附治驗

大尹王大成之內久患崩。自服四物止血之劑。或作或撤。因怒發熱。其血不止。服

前藥不應。乃主降火。更加脇腹大痛。手足俱冷。余曰。此脾胃虛寒所致。先用附子理中湯。體熱痛止。又用濟生歸脾補中益氣二湯。崩血頓愈。若泥痛無補法。則誤矣。

錦衣楊永興之內。患前症。過服寒涼之劑。其症益甚。更加肚腹痞悶。飲食不入。發熱煩躁。脈洪大而虛。余曰。此脾經氣血虛而發躁也。當急用八珍湯。加炮薑以溫補之。緩則不救。彼不信。乃服止血降火之劑。虛症蜂起。始信余言。緩不及治矣。

一婦人面黃或赤。覺腰間或臍下作痛。四肢困倦。煩熱不安。經行即發寒熱。兩肋如束。血湧如崩。此脾胃虧損。元氣下陷。與相火濕熱所致。用補中益氣。加防風、芍藥、炒黑黃柏。間以歸脾湯調補。而血始歸經。

一婦人因怒。崩血久不已。面青黃而或赤。此肝木制脾土而血虛。用小柴胡合四物。清肝火。生肝血。又用歸脾補中二湯。益脾氣。生肝血而瘥。此症若因肝經風熱而血不寧者。防風為丸。以兼症之藥煎送。或肝經火動而血不寧者。炒條芩為丸。以兼症之藥煎送。若瘀血為患。用五靈脂為末。燒鐵器淬酒調服。無不效。



者。

奇效四物湯 治肝經虛熱。血沸騰而崩久不止。

當歸酒拌

熟地黃自製

白芍藥

川芎

阿膠炒

艾葉炒

黃芩各等分

右每服四錢。水煎。

治血崩血瘕。或經行產後心腹脇痛。五靈脂炒烟盡爲末。每服一錢。溫酒調。或用

三錢。水酒童便煎服。

治風熱血崩。荆芥穗燈火燒焦爲末。每服三錢。童便調。

獨聖散 治肝經有風血崩。用防風去叉蘆爲末。每服二錢。空心食前。酒煮白麵。

清飲調下極驗。

神應散 治血虛內熱。血不歸源而崩。用桂心燒存性爲末。每服一二錢。米飲調

下。

又方 陳槐花一兩。百草霜半兩爲末。每服一二錢。燒紅秤錘淬酒下。

### 附方



四君子湯

六君子湯

補中益氣湯

四物湯

四方見二十卷第六論

歸脾湯

加味逍遙散

八珍湯

三方見二十卷第四論

小柴胡湯

方見二十四卷第二論

獨參湯

方見三卷第十論

附子理中湯

方見二十卷第八論

### 帶下方論第十六

婦人帶下。其名有五。因經行產後。風邪入胞門。傳於臟腑而致之。若傷足厥陰肝經。色如青泥。傷手少陰心經。色如紅津。傷手太陰肺經。色如白涕。傷足太陰脾經。黃如爛瓜。傷足少陰腎經。黑如衄血。人有帶脈。橫於腰間。如束帶之狀。病生於此。故名爲帶。

愚按。徐用誠先生云。前症白屬氣。而赤屬血。東垣先生云。血崩久則亡陽。故白滑之物下流。未必全拘於帶脈。亦有濕痰流注下焦。或腎肝陰淫之濕勝。或因驚恐而木乘土位。濁液下流。或思慕爲筋痿。戴人以六脈滑大有力。用宣導之法。此瀉其實也。東垣以脈微細沉緊。或洪大而虛。用補陽調經。乃兼責其虛也。

丹溪用海石、南星、椿根皮之類。乃治其濕痰也。竊謂前症皆當壯脾胃、升陽氣為主。佐以各經見症之藥。色青者屬肝，用小柴胡加山梔、防風、濕熱壅滯、小便赤澀，用龍膽瀉肝湯。肝血不足，或燥熱風熱，用六味丸。色赤者屬心，用小柴胡加黃連、山梔、當歸、思慮過傷，用妙香散等藥。色白者屬肺，用補中益氣加山梔。色黃者屬脾，用六君子加山梔、柴胡。不應，用歸脾湯。色黑者屬腎，用六味丸。氣血俱虛，入珍湯。陽氣下陷，補中益氣湯。濕痰下注，前湯加茯苓、半夏、蒼朮、黃柏。氣虛痰飲下注，四七湯送六味丸。不可拘肥人多痰、瘦人多火，而以燥濕瀉火之藥輕治之也。

### 附治驗

一 婦人腹脹脇痛，內熱晡熱，月經不調，肢體痠麻，不時吐痰，或用清氣化痰，喉間不利，帶下青黃，腹脇膨脹，又用行氣之劑，胸膈不利，肢體如麻，此乃鬱怒傷損肝脾。朝用歸脾湯以解脾鬱，生脾氣。夕用加味逍遙散以生肝血，清肝火。百餘劑而愈。

一 婦人久瘧，兼帶發熱，口乾體倦，用七味白朮散加麥門、五味。大劑煎與恣飲，再

發稍可。乃用補中益氣。加茯苓、半夏。十餘劑而愈。

一婦人頭暈吐痰。胸滿氣喘。得食稍緩。苦於白帶。二十餘年矣。諸藥不應。此氣虛而痰飲也。痰飲愈而帶自愈。遂朝用六君子湯。夕用六味地黃丸。不月而驗。

一婦人耳鳴胸痞。內熱口乾。喉中若有一核。吞吐不利。月經不調。兼之帶下。余以爲肝脾鬱結。用歸脾湯。加半夏、山梔、升麻、柴胡。間以四七湯。下白丸子而愈。

一婦人吞酸飽滿。食少便泄。月經不調。服清氣化痰丸。兩膝漸腫。寒熱往來。帶下黃白。面痿體倦。此脾胃俱虛。濕痰下注。用補中益氣。倍用參朮。加茯苓、半夏。炮薑而愈。

一婦人帶下。四肢無力。余曰。四肢者土也。此脾胃虛弱。濕痰下注。以補中益氣。濟生歸脾二藥治之而愈。

一婦人帶下黃白。怒則胸膈不利。飲食少思。或用消導利氣之藥。痰喘胸滿。大便下血。余曰。此因脾氣虧損。不能攝血歸源。用補中益氣。加茯苓、半夏。炮薑四劑。諸症頓減。又用八珍加柴胡、山梔而痊。

附方



小柴胡湯方見二十一卷第二論

龍膽瀉肝湯方見二十一卷第八論

六味丸方見二十一卷第十一論

妙香散方見十三卷第三論

補中益氣湯

六君子湯二方見二十一卷第六論

歸脾湯

八珍湯

加味逍遙散三方見二十一卷第六論

七味白朮散方見二十一卷第二論

四七湯方見二十一卷第七論

白丸子方見三卷第四論

### 崩中漏血生死脈方論第十七

婦人崩中漏下之症。已見前論。按其寸口脈弦而大。弦則為緊。大則為芤。緊則為寒。芤則為虛。虛寒相搏。其脈為革。婦人半產漏下。赤白不止。脈小虛滑者生。脈大緊實數者死。又脈急疾者死。遲者生。又云。尺寸脈虛者漏血。脈浮者俱不治。愚按。前症闡內經微旨。濟無窮夭札。須固胃為善。蓋胃為五臟之本源。人身之根蒂。所用治法。當參前後論。

#### 附治驗

一婦人年將七十。素有肝脾之症。每作則飲食不進。或胸膈不利。或中脘作痛。或大便作瀉。或小便不利。余用逍遙散加山梔、茯神、遠志、木香而愈。後憂女居。



不時吐紫血。其病每作。先倦怠而後發熱。經曰。積憂傷肺。積思傷脾。肺脾受傷。致是令子母俱病。不能攝血歸經而致前症。遂以前藥加炒黑黃連三分。吳茱萸二分。頓愈。復因怒吐赤血甚多。躁渴垂死。此血脫也。法當補氣。乃用人參一兩。苓朮當歸各三錢。陳皮炮黑乾薑各二錢。炙草木香各一錢。一劑頓止。

一婦人年六十有四。久鬱怒。頭痛寒熱。春間乳內腫痛。服流氣飲之類益甚。不時有血如經行。又因大驚恐。飲食不進。夜寐不寧。此因高年去血過多。至春無以生發肝木。血虛火燥。所以至晚陰旺則發熱。經云。肝藏魂。魂無所附。故不能寐。先以逍遙散加酒炒黑龍膽草一錢。山梔一錢五分。二劑腫痛頓退。又二劑而全消。再用歸脾湯加炒梔貝母。諸症悉愈。

表弟方健甫內。五十歲。辛丑患血崩。諸藥罔效。壬寅八月。身熱體痛。頭暈涕出。吐痰少食。衆作火治。展轉發熱。絕粒數日。余診之曰。脾胃久虛。過服寒藥。中病未已。寒病復起。遂用八味丸料一服。翌早遂索粥數匙。再服食倍。熱減痛止。乃服八味丸而愈。癸卯秋。因勞役憂怒。甲辰夏。病復作。胸飽發熱。脊痛腰疼。神氣拂鬱。或作內傷。或作中暑。崩血便血。煩渴引飲。粒米不進。昏憤時作。脈洪大。按

之微弱。此無根之火。內虛寒而外假熱也。以十全大補加附子一劑。遂食粥三四匙。崩血漸減。日服八味丸。始得全愈。備見女科撮要

柏葉散 治元氣虛弱。崩中漏血。年久不愈。亦治白帶。

柏葉炒

續斷酒炒

川芎

當歸

生地黃

鱉甲炙

龜甲炙

禹餘糧各一兩五錢

阿膠炒

赤石脂煨

艾葉炒

牡蠣煨

地榆

鹿茸炙各五錢

右為末。每服二錢。粥飲調下。

地黃丸 治足三陰虧損。經行數日不止。或兼帶下無子。

熟地黃自製

山茱萸肉

蕪荑仁各一兩

乾薑三錢

白芍藥微炒

代赭石各一兩

白殭蠶炒

厚朴薑製各三錢

右為末。蜜丸。桐子大。每服五十丸。空心溫酒下。日三服。許學士云。凡婦人有白帶。多致不產育。宜速治之。故扁鵲過邯鄲。聞婦人有此病。遂自鳴帶下。醫以就治之。

白芷散 治下元虛弱。赤白帶下。或經行不止等症。

白芷一兩

海螵蛸燒一枚

胎髮煨一團

右爲末。每服二錢。溫酒調下。

附方

東垣益胃升陽湯 治血脫當益其氣。蓋先補胃氣。以助生發之氣。故曰陽生陰

長。諸甘藥爲之先務。舉世皆以爲補氣。殊不知甘能生血。此陽生陰長之理。故

先理胃氣。則血歸於脾矣。故曰脾統血。

東垣升麻除濕湯二方見二十九卷第九論

東垣升陽益胃湯 治肺脾胃虛。怠惰嗜臥。四肢不收。身體沉重。口乾。食無味。大

便不調。小便頻數。食少。食不消。洒淅惡寒。而或微熱。崩帶不止。方見三卷第十三論

十全大補湯

逍遙散

歸脾湯三方見二十四卷第四論

八味丸方見二十四卷第十一論

婦人白濁白淫方論第十八



婦人小便白濁白淫。由心腎不交。水火不濟。用金鎖正元丹。若心虛而致。用平補正心丹。降心丹。威喜丸。若思慮傷脾。用四七湯。吞白丸子。更以烏沉湯。加茯苓。益智。

愚按。前症若元氣下陷。用補中益氣湯。脾胃虧損。六君加升麻。柴胡。脾經鬱結。歸脾加黃柏。山梔。肝經怒火。龍膽瀉肝湯。虛則用加味逍遙散。宜與帶下參看主治。

### 附治驗

一婦人善怒。或小腹痞悶。或寒熱往來。或小便頻數。時下白淫。藥久不愈。面青口苦。余以爲積憤而不能發散所致。用龍膽瀉肝湯而愈。用加味逍遙散。八珍湯而安。

鎖精丸 治下元虛弱。小便白濁。或白帶淋漓。小便頻數。

破故紙炒

青鹽

白茯苓去皮

五味子炒等分

右爲末。酒糊丸。桐子大。每服三十丸。鹽湯或酒下。

固精丸 治胞氣虛寒。小便白濁。或小便無度等症。



牡蠣煨

兔絲子酒浸蒸炒

韭子炒

龍骨煨

五味子炒

白茯苓去皮

桑螵蛸酒炙

白石脂煨各分

右爲末。酒糊丸。桐子大。每服七十丸。空心鹽湯下。

附方

補中益氣湯

六君子湯二方見二十六卷第六論

歸脾湯方見二十四卷第四論

龍膽瀉肝湯方見二十四卷第八論

婦人天癸過期方論第十九

許學士云。婦人經脈過期不及。腰腹疼痛。或七七數盡而月經下者。宜用當歸散治之。

愚按。前症若肝腎虛熱。用當歸散。肝血虛熱。四物加柴、梔、丹皮。肝火內動。小柴胡加山梔、丹皮。肝火血燥。加味逍遙散。脾經鬱火。加味歸脾湯。肝脾鬱火。歸脾、逍遙兼服。肝腎虧損。歸脾、六味兼服。仍與前後月經不調治驗同用。

附治驗

一婦人年五十。內熱晡熱。經水兩三月一至。此血虛有熱。用逍遙加山茱萸治之。而愈。後有痰作渴。或小便不調。或頭暈白帶。用六味丸而安。

當歸散

當歸酒洗

川芎

白芍藥

黃芩

白朮炒各半兩

山茱萸肉半兩

右爲末。每服二錢。酒調。日三服。氣虛去芩。加桂心一兩。

附方

四物湯

方見二十四卷第六論

小柴胡湯

方見二十四卷第二論

加味逍遙散

加味歸脾湯

二方見二十四卷第四論

六味丸

方見二十四卷第十一論

### 婦人血分水分腫滿方論第二十一

婦人經水不通。則化爲血。血不通。則復化爲水。故先因經水斷絕。後至四肢浮腫。致小便不通。名曰血分。宜用椒仁丸。若先因小便不通。後身面浮腫。致經水不通。名曰水分。宜用葶藶丸。經脈不通而化爲水。流走四肢。悉皆腫滿。亦名血分。其症

與水症相類。實非水也。用人參丸。

愚按前症或因飲食起居失養。或因六淫七情失宜。以致脾胃虛損。不能生發。統攝氣血乖違。行失常道。若先因經水斷絕。後至四肢浮腫。小便不通。血化為水。名曰血分。宜用椒仁丸治之。若先小便不利。後至身面浮腫。經水不通。水化為血。名曰水分。宜用葶藶丸治之。此屬形氣不足。邪淫隧道。必用此藥。以宣導其邪。而佐以補輔元氣之劑。庶使藥力有所仗而行。則邪自不能容。而真氣亦不至於復傷矣。大凡月水不通。凝結於內。久而變為血瘕。血水相并。亦為水腫。

### 附治驗

一婦人月經不調。晡熱內熱。飲食少思。肌體消瘦。小便頻數。或用濟陰丸。月經不行。四肢浮腫。小便不通。余曰。此血分也。朝用椒仁丸。夕用歸脾湯。漸愈。服人參丸兩月而愈。仍專用歸脾湯。五十餘劑而平。

一婦人面目浮腫。月經不通。此水分也。朝用葶藶丸。夕用歸脾湯。漸愈。更用人參丸兼服而全愈。

一婦人素性急。先因飲食難化。月水不調。或用理氣化痰藥。反肚腹膨脹。大便泄。



瀉。又加烏藥、蓬朮。肚腹腫脹。小便不利。加猪苓、澤瀉。痰喘氣急。手足厥冷。頭面肢體腫脹。指按成窟。脈沉細。右寸尤甚。余曰。此脾肺虛冷。不能通調水道。下輪膀胱。滲泄之令不行。生化之氣不運。東垣云。水飲留積。若土在雨中。則為泥矣。得和氣暖日。水濕去而陽化。自然萬物生長。喜其脈相應。遂與金匱加減腎氣丸料服之。小便即通。數劑腫脹消半。四肢漸溫。自能轉側。又與六君加木香、肉桂、炮薑治之。全愈。後不戒七情。不調飲食。頓作泄瀉。仍用前藥。加附子五分而安。

椒仁丸 治血分

椒仁

甘遂

續隨仁

附子炮

郁李仁

黑牽牛炒

五靈脂去石

當歸

吳茱萸

玄胡索

芫花酒炒

石膏各二錢

信砒

膽礬各一錢

斑蝥炒糯米

芫青

各三十個糯米炒黃去頭足

右為末。麵糊丸。菴豆大。每服十九。陳皮湯送下。



人參丸 治月經不利。血化為水。流走四肢。悉皆腫滿。

人參

當歸

大黃蒸熟切焙

桂心

瞿麥穗

赤芍藥

白茯苓各三兩

葶藶炒別研

右為末。煉蜜丸。桐子大。每服十五丸。空心米飲下。

葶藶丸 治水分。

甜葶藶炒別研

續隨仁別研

乾漆末一兩

右用棗肉丸。桐子大。每服七丸。煎扁竹湯下。如大便利。減續隨子、葶藶各

錢。加白朮半兩。

小調經散 治經水失道。流入四肢。浮腫。方見產後

附方

歸脾湯方見二十四卷第四論

金匱加減腎氣丸方見二十二卷第十論

六君子湯方見二十四卷第六論

# 校註婦人良方

宋 臨川 陳自明良甫編輯  
明 古吳 薛己立齋補註  
鄞縣 曹赤電炳章圈校

## 卷二

衆疾門

經脈不調衆疾生焉故以次之

### 產寶方論第一

古人治婦人。別著方論者。以其胎妊生產崩傷之異。况鬱怒倍於男子。若不審其虛實而治之。多致夭枉。  
愚按前說誠爲精確。諺云。寧治十男子。莫治一婦人。寧治十婦人。莫治一小兒。義可見矣。



濕多。瘦人火多。白者肺氣虛。黑者腎氣足。形色既殊。臟腑亦異。外證雖同。治法迥別。所以肥人責脈浮。瘦人責脈沉。躁人疑脈緩。緩人疑脈躁。以其不可概觀也。若夫病勢危急。必須察色以觀其外。診脈以知其內。醫之道。庶乎不至於有誤矣。府庠徐道夫母。胃脘當心痛極。右寸關俱無。左雖有。微而欲絕。手足厥冷。余以上部無脈。不吐爲不治。然察其眼胞上下青黯。此脾虛肝木所勝。以參朮茯苓、陳皮、甘草補中益氣。以木香和胃氣。行肝氣。以吳茱萸散脾胃之寒。止心腹之痛。遂急與一劑。連服二次。再進諸病悉愈。

#### 通用方序論第四

夫通用方者。蓋產前產後皆可用也。或一方治諸症。不可入於專門。當通變而施治。烏可泥也。

加減四物湯。治血虛月經不調。腰腹作痛。崩中漏下。半產產後。惡露內停。或去

血過多而痛。方見卷八十三論

愚按血虛之症。若肝脾血燥。用加味逍遙散。肝火血燥。用八珍湯。加山梔、牡丹



皮。肝經風熱血燥。用六味地黃丸。肝脾血燥血虛。用四物、柴胡、山梔。肝經氣血虛弱。用四君、芎歸、熟地。腎水涸而肝血虛。用六味地黃丸。金尅木而肝血虛。與心火亢而肝血虛。亦用前丸。若氣虛而血弱。用補心湯。胃氣陷而血虛。用補中益氣湯。脾氣弱而血虛。用六君子湯。脾氣鬱而血虛。用加味歸脾湯。大凡血虛之症。或氣虛血弱。或陽氣脫陷。或大失血。以致發熱煩渴等症。必用四君、歸耆。或獨參甘溫之劑。使陽旺則陰生。其病自愈。若用寒涼降火。乃速其危也。

交加散 治經脈不調。腹中撮痛。或結聚癥瘕。產後中風。

生地黃取汁 生薑取汁

右以地黃汁炒薑渣。薑汁炒地黃渣。乾爲末。每服三錢。溫酒調下。芎藥、玄胡索、當歸、蒲黃、桂心各一兩。沒藥、紅花各五錢。尤效。

補中丸 治氣血俱虛諸症。卽八珍湯爲丸。方見二十四卷第四論

附方

加味歸脾湯

加味逍遙散

八珍湯三方見二十四卷第四論

六味丸方見二十四卷第十一論

四物湯

四君子湯

六君子湯

補中益氣湯四方見二十論獨參湯方見三卷

校註婦人良方 卷二 衆疾門 通用方序論第四

校註婦人良方 卷二 衆疾門 通用方序論第四

# 校註婦人良方

宋 臨川 陳自明良甫編輯  
明 古吳 薛己立齋補註  
鄞縣 曹赤電炳章圈校

## 卷二

### 婦人中風諸症方論第一

夫中風者。因內虛而中之也。蓋風爲四時八方之氣。常以冬至之日。自坎而起。從其鄉來者。主長養萬物。否則名爲虛風。賊害萬物。從背而入。或中腑。或中臟。或中血脈經絡。其症或肢體不遂。或手足偏枯。或痰涎壅塞。或口眼歪斜。或牙關緊急。或腰背反張。若眼開口閉。涎流失音者。難治。如眼閉口開。鼾睡遺尿者。死。中風中氣。皆用蘇合香丸。中氣用三生飲。若作風治。百無一生。

愚按。中風者。卽內經所謂偏枯。風痺。風懿。風痺是也。而有中腑。中臟。中血脈之



分焉。夫中腑者爲在表。中臟者爲在裏。中血脈者爲在中。在表者宜微汗。在裏者宜微下。在中者宜調榮。中腑者多着四肢。如手足拘急不仁。惡風寒。此數者病淺。皆易治。用加減續命湯之類。中臟者多滯九竅。如眼瞽者。中於肝。舌不能言者。中於心。脣緩便秘者。中於脾。鼻塞者。中於肺。耳聾者。中於腎。此數者病深。多難治。中血脈者。外無六經之證。內無便溺之阻。肢不能舉。口不能言。用大秦芫湯主之。中腑者。多兼中臟。如左關脈浮弦。面目青。左脇偏痛。筋脈拘急。目瞤。頭目眩。手足不收。坐踞不得。此中膽兼中肝也。用犀角散之類。如左寸脈浮洪。面舌赤。汗多惡風。心神顛倒。言語蹇澀。舌強口乾。忪悸恍惚。此中小腸兼中心也。用麻黃散之類。如右關脈浮緩。或浮大。面唇黃。汗多惡風。口喎語澀。身重。怠惰嗜臥。肌膚不仁。皮肉瞤動。腹膨不食。此中胃兼中脾也。用防風散之類。如右寸脈浮瀋而短。面色白。鼻流清涕多喘。胸中冒悶短氣。自汗聲嘶。四肢痿弱。此中大腸兼中肺也。用五味子湯之類。如左尺脈浮滑。面目黧黑。腰脊痛引小腹。不能俛仰。兩耳虛鳴。骨節疼痛。足痿善恐。此中膀胱兼中腎也。用觸活散之類。此皆言真中風也。而有氣血之分焉。蓋氣虛而中者。繇元氣虛而賊風襲之。則

右手足不仁。用六君子湯。加鈎藤、薑汁、竹瀝。血虛而中者。繇陰血虛而賊風襲之。則左手足不仁。用四物湯。加鈎藤、竹瀝、薑汁。氣血俱虛而中者。則左右手足皆不仁也。用八珍湯。加鈎藤、薑汁、竹瀝。其與中風相類者。則有中寒、中濕、中火、中氣、食厥、勞傷、房勞等症。如中於寒者。謂冬月卒中寒氣。昏冒口噤。肢攣惡寒。脈浮緊。用麻黃桂枝理中湯之類。中於暑者。謂夏月卒中冒炎暑。昏冒痿厥。吐瀉喘滿。用十味香薷飲之類。中於濕者。丹溪所謂東南之人。多因濕土生痰。痰生熱。熱生風也。用清燥湯之類。加竹瀝、薑汁。中於火者。河間所謂非肝木之風。內中六淫之邪外侵。良繇五志過極。火盛水衰。熱氣拂鬱。昏冒而卒仆也。用六味丸、四君子、獨參湯之類。內有恚怒傷肝。火動上炎者。用柴胡湯之類。中於氣者。繇七情過極。氣厥昏冒。或牙關緊急。用蘇合香丸之類。誤作風治者死。食厥者。過於飲食。胃氣自傷。不能運化。故昏冒也。用六君子加木香。勞傷者。過於勞役。耗損元氣。脾胃虛衰。不任風寒。故昏冒也。用補中益氣湯。房勞者。因腎虛精耗。氣不歸源。故昏冒也。用六味丸。此皆類中風者也。夫內經主於風。河間主於火。東垣主於氣。丹溪主於濕。愚之斯論。僭補前人之闕也。若夫地之南北。人之虛



實。固有不同。其男子女人。大略相似。當與後論參看通變治之。

附治驗

靳閣老夫人。先胸脇脹痛。後四肢不收。自汗如水。小便自遺。大便不實。口緊目瞤。飲食頗進。十餘日矣。或以爲中臟。公甚憂。余曰。非也。若風旣中臟。真氣旣脫。惡症旣見。禍在反掌。焉能延之。乃候其色。面目俱赤。而面或青。診其脈。左三部洪數。惟肝尤甚。余曰。胸乳脹痛。肝經血虛。肝氣否塞也。四肢不收。肝經血虛。不能養筋也。自汗不止。肝經風熱。津液妄泄也。小便自遺。肝經熱甚。陰挺失臟也。大便不實。肝木熾盛。尅脾土也。遂用犀角散四劑。諸症頓愈。又用加味逍遙散。調理而安。後因鬱怒。前症復作。兼發熱嘔吐。飲食少思。月經不止。此木盛尅土。而脾不能攝血也。用加味歸脾湯爲主。佐以加味逍遙散。調補肝脾之氣。清和肝脾之血而愈。後每遇怒。或睡中手足抽搐。復用前藥卽愈。

大參朱雲溪母。於九月內。忽仆地痰沫。不省人事。脣口喎斜。左目緊小。或用痰血之劑。其勢稍緩。至次年四月初。其病復作。仍進前藥。勢亦漸緩。至六月終。病乃大作。小便自遺。或謂風中於臟。以爲不治。余診之。左關弦洪而數。此屬肝火血

燥也。遂用六味丸。加五味、麥門、芎、歸。一劑而飲食頓進。小便頓調。隨用補中益氣。加茯苓、山梔、鉤藤、丹皮而安。至十月。復以傷食腹痛作瀉。左目仍小。兩關尺脈弦洪鼓指。予以六君加木香、吳茱、升麻、柴胡。一劑而痛瀉俱緩。復以六君加肉果。故紙一劑。諸脈頓平。痛瀉俱止。余謂左關弦洪。繇肝火血燥。故左目緊小。右關弦洪。繇肝邪乘脾。故脣口喎斜。腹痛作瀉。二尺鼓指。繇元氣下陷。設以目緊口喎。誤作風中。投以風藥。以腹痛泄瀉。誤作積滯。投以峻劑。復耗元氣。爲害甚矣。後以陽虛惡寒。圍火過熱。致痰喘。誤服寒劑而卒。

一歸人因怒仆地。語言蹇澀。口眼喎斜。四肢拘急。汗出遺尿。六脈洪大。肝脈尤甚。皆繇肝火熾盛。蓋肝主小便。因熱甚而自遺也。用加味逍遙散。加鉤藤。及六味丸。尋愈。

一老婦兩臂不遂。語言蹇澀。服祛風之藥。反致筋攣骨痛。余謂此肝火血虛所致。用八珍湯補氣血。用地黃丸補腎水。佐以排風湯。年餘而愈。

一婦人經行。口眼歪斜。痰涎壅盛。此血虛而肝火動。用加味逍遙散。加牡丹皮治之。尋愈。後因飲食停滯。口吐痰涎。此脾氣虛。不能攝涎歸經也。用六君子二十



餘劑而安。

一婦人因怒。口眼歪斜。痰涎上湧。口噤發搐。此脾肺氣虛而肝木旺。用六君子。加木香、鈎藤、柴胡治之。漸愈。又用加味歸脾湯調理而安。

一產婦勤於女工。忽仆地。牙關緊急。痰喘氣粗。四肢不遂。此氣血虛而發瘳。朝用桂枝湯。加茯苓、半夏。夕用八珍湯。加半夏。各三十餘劑。不應。此氣血之未復。藥之未及也。仍用前二湯。又五十餘劑。尋愈。

一婦人素有內熱。月經不調。經行後。四肢不能伸。臥床半載。或用風濕痰火之劑。不效。其脈浮緩。按之則濡。名曰瘳症。屬風寒所乘。用加味逍遙散。加肉桂、防風。四劑頓愈。更以八珍湯調理兩月餘而痊。

一婦人素經行後期。因勞怒。四肢不能屈。名曰瘳症。此血虛而風熱所乘。先用八珍湯。加鈎藤、柴胡。漸愈。更佐以加味逍遙散。調理而痊。

一婦人四肢攣屈。煩痛自汗。小便短少。畏見風寒。脈浮弦緩。此氣血虛而風寒濕熱相搏。先用東垣清燥湯。漸愈。再用加味逍遙散。及八珍湯。加牡丹皮而痊。

一婦人素有火。忽然昏瞶。瘳瘳抽搐。善伸數欠。四肢筋攣。痰涎上升。此肺金燥甚。

血液衰少而然也。用清燥湯、六味丸兼服尋愈。

一婦人肢節作痛。不能轉側。惡見風寒。自汗盜汗。小便短少。雖夏亦不去衣。其脈浮緊。此風寒客於太陽經。用甘草附子湯一劑而瘥。

一婦人因怒發搐。嘔吐痰涎。口噤昏憤。氣口脈大於人迎。此氣滯而食厥。用平胃散。加茯苓、半夏、木香治之而甦。更以六君子加木香漸愈。乃去木香。又二十餘劑而瘥。

一婦人元氣素虛。勞則體麻發熱。痰氣上攻。或用烏藥順氣散、祛風化痰丸之類。肢體痿軟。痰涎自出。面色痿黃。形體倦怠。而脾肺二肌虛甚。此氣虛而類風。朝用補中益氣湯。夕用十全大補湯。漸愈。又用加味歸脾湯調理尋愈。

一婦人體肥胖。頭目眩暈。肢體麻木。腿足痿軟。自汗身重。其脈滑數。按之沉緩。此濕熱乘虛也。用清燥、羌活二湯漸愈。更佐以加味逍遙散全愈。

一婦人口眼歪斜。四肢拘急。痰涎不利而惡風寒。其脈浮緊。此風寒客於手足陽明二經。先用省風湯二劑。後用秦艽升麻湯而愈。

一婦人素性急。患肝風之症。常服搜風順氣丸、秦艽湯之類。後大怒吐血。脣口牽

緊。小便頻數。或時自遺。余以爲肝火旺而血妄行。遂用小柴胡湯。加山梔、牡丹皮漸愈。五年之後。又大怒吐血。誤服降火祛風化痰之劑。大便頻數。胸滿少食。用清氣化痰之劑。嘔而不食。頭暈口乾。不時吐痰。用導痰降火之類。痰出如湧。四肢常冷。余曰。嘔而不食。胃氣虛弱也。頭暈口乾。中氣不能上升也。痰出如湧。脾氣不能攝涎也。四肢逆冷。脾氣不能運行也。用補中益氣。加茯苓、半夏治之。諸症漸愈。又用加味歸脾湯兼服而安。

鴈臚王繼之室人。素有癰症。遇勞役怒氣則發。良久自省。一日因飲食勞役失宜。發而半日方省。不能言語。或以爲風中於臟。用祛風化痰順氣之劑。及牛黃清心丸。病益甚。六脈浮大。兩寸虛而不及本部。且進飲食。余曰。此脾胃之氣傷也。若風中於臟。禍在反掌。彼不信。仍用風藥。後果卒。

婦人吐痰頭暈。肢體麻木。

見第四卷

娠婦發搐似中風。

見第十卷

產後發瘕似中風。

見第十卷

男子諸症。

見內科摘要

排風湯 治風邪入臟。狂言妄語。

白鮮皮

白朮

白芍藥炒

桂心



川芎

當歸

防風

杏仁去尖炒

甘草各二兩

白茯苓

麻黃去節

獨活各二兩

三生飲。治卒中不省。口眼喎斜。痰壅喉響。無問外感內傷。痰涎食厥。氣虛眩暈。但六脈沉。悉有神效。

生南星

生烏頭去皮

生附子各半兩

木香一錢

右每服半兩。薑水煎。不省人事。以細辛、皂角末少許吹鼻中。得嚏進藥。氣盛只用南星五錢。生薑十四片煎飲之。名星薑飲。

愚按。三生飲乃行經絡。治寒痰之良藥。斬關奪旗之神劑。每服必用人參兩許。驅其外邪。而補其真氣。否則不惟無益。適以取敗。觀先哲用耆附、朮附等湯。其義可見。

加減小續命湯。治中風半身不遂。口眼喎斜。手足戰掉。語言蹇澀。神思昏亂。筋

攣骨痛。或脚氣緩弱。陰晦復作。

麻黃去節

防己

人參

黃芩炒

桂心

甘草炒

白芍藥

川芎



杏仁各一兩

附子炮半兩

防風半兩

右每服五錢。薑棗水煎。精神恍惚。加茯苓、遠志。有熱。去附子。加芍藥。心

煩。加犀角半兩。骨冷痛。加桂附。嘔逆腹脹。加人參半兩。夏一兩。躁悶便澀。

去附子。加芍藥一兩。竹瀝一合。臟寒下利。去防己。黃芩加附子。白朮一兩。

自汗。去麻黃。杏仁加白朮一兩。脚弱。加牛膝、石斛一兩。身痛。加秦艽一兩。

腰痛。加桃仁、杜仲半兩。失音。加杏仁一兩。

### 小引風湯

防風

獨活

細辛

川芎

五味子并炒

白茯苓

人參

白芍藥焙

白朮炒

甘草等分

右每服五錢。薑三片。杏仁五個。水煎服。加麻黃、茯苓、附子、當歸、羚羊角等分。即

大引風湯也。

必效竹瀝湯 治中風痰涎壅盛。言語蹇滯。四肢緩縱。

秦艽

防風

獨活

附子炮各錢

右以水二盞。煎半盞。入生地汁、淡竹瀝各半盞。再煎四五沸。作四服。病既去。以他藥調治。未愈再服。最效。

星香湯 治中風痰盛。服熱藥不得者。

南星 木香等分

右每服四錢。薑十片。水煎。

星附湯 治中風痰涎上攻。六脈沉伏。不知人事。

附子 生用 南星 生用 各一兩 木香 半兩

右每服四錢。薑水煎。寒甚加天雄、川烏。多灸關元、丹田二穴。

附方

三化湯 治中風。外有六經之形症。先以加減續命湯治。內有便溺之阻隔者。此方主之。

厚朴 薑汁炒

大黃 酒蒸

枳實 熬炒

羌活 各八兩

右每服一兩。水煎。

秦艽湯 治中風外無六經之形症。內無便溺之阻隔。乃血弱不能養於筋。手足

不能運。口強不能言。宜養血而筋自榮也。

秦 朮

石 膏各二兩

甘 草炒

川 芎

當 歸

芍 藥炒

羌 活

獨 活

防 風

黃 芩炒

白 芷

生 地 黃

熟地黃自製

白 茯苓

白 朮各一兩

細 辛半兩

右每服一兩。水煎。

陰雨。加生薑七片。春夏。加知母一兩。

省風湯 治中風口噤。口眼喎斜。筋脈攣急。抽掣疼痛。風熱痰實。

防 風

南 星生用各四兩

半 夏水浸洗

黃 芩炒

甘 草生用各二兩

右每服五錢。水煎。

大八風湯後方見

燒竹瀝法 用新竹截尺許。作兩片。用兩磚對立。竹仰磚上。中以火燒之。兩頭瀝

自出。取荆瀝亦然。

烏藥順氣散 治風氣骨節疼痛。遍身頑麻。手足癱瘓。言語蹇澀。宜先疎氣道。後

隨證投藥。

麻黃去節

烏藥

陳皮去白

川芎

白芷

桔梗

枳殼去穢炒

甘草炒各一兩

乾薑炮半兩

僵蠶炒一兩

右每服五錢薑水煎。

頭痛加葱白。

有汗加薄荷。

八味順氣散

白朮

白茯苓

青皮

白芷

陳皮炒

烏藥

人參各一兩

甘草炙半兩

右每服五錢水煎。

導痰湯

半夏

南星

茯苓

陳皮炒

枳實炒

甘草炒

右薑水煎服。

參蘇飲 治痰積中脘。暈眩嘈雜。怔忡噦逆。或痰停關節。手足攣曳。口眼喎斜。半



身不遂。嘔吐惡心。頭疼發熱。

人參

紫蘇葉

半夏

茯苓

乾葛

前胡

甘草

木香

陳皮

枳殼

桔梗

右每服一兩。薑水煎。腹痛加芍藥。

附子理中湯 治中寒不語。四肢強直。昔有武士守邊大雪。出帳盼瞻。忽然暈倒。

又馬觀文之內。厥逆惡寒腹痛。服此悉愈。方見十一卷第八論

牛黃清心丸後方見

秦艽升麻湯 治風寒客於手足陽明經。口眼喎斜。惡見風寒。四肢拘急。其脈浮

緊。

秦艽二錢

升麻

乾葛

甘草

芍藥

人參

防風

桂枝

右每劑一兩。連鬚葱白二莖。水煎服。

犀角散 治肝臟中風。筋脈拘攣。手足不收。坐踞不得。胸背強直。脇肋脹滿。面赤

心煩。言語蹇澀。或風邪流注四肢。上攻頭面作痛。口眼喎斜。脚膝痛乏。

犀角屑二錢

石膏

羚羊角

羌活各一錢

人參

甘菊花

獨活

黃芩炒

天麻

枳殼去穢炒

當歸

黃耆

芎藭

白朮

酸棗仁炒

防風

白芷各五分

甘草五分

右水薑煎。

薏苡仁散 治肝臟中風。

薏苡仁

麻黃去節各一錢半

防風

附子炮去皮臍

柏子仁

川芎

桂心

枳殼去穢炒

石膏

細辛

獨活

羚羊角各一錢

右薑水煎服。

射干湯 治肝經受病。多汗惡風。善悲嗌乾。目下青黃。可治。急灸肝腧百壯。一黃

一白。不可治。

射干

芍

藥各二錢半

薏苡仁三錢

桂心五分

牡蠣

石

膏各二錢

右作一劑水煎服。

茯神散 治同前。或四肢沉重。精神不安。或痰氣不利。

茯神去木

羌活

麻黃去節

龍齒另研

赤芍藥

甘草炙各一錢

蔓荊子

薏苡仁

麥門冬去心

人參去蘆

防風去蘆

犀角屑各二

右水薑煎。

遠志湯 治症同前。或偃臥不側。悶亂冒絕。若脣色正赤。可治。灸心膺百壯。若青

黃不定。面色時時戰慄動者。不可治。

遠志去心二錢半

人參

石菖蒲

羌活

細辛

麻黃去根各半兩

赤芍藥

白朮各一兩

右爲末。每服二錢。煎小麥湯調。日二服。

防風散 治脾臟中風。多汗惡風。身體怠惰。四肢不能動。色微黃。不嗜食。舌強語

澀。口喎斜僻。肌膚不仁。腹膨心煩。翕翕發熱。神思如醉。其脈浮緩。胸滿痰涎。志意昏濁。

獨活半錢

防風

茯苓去木

人參

附子炮去

前胡

沙參

半夏湯洗

黃耆炒

旋覆花

羚羊角鎊末

甘草炙各錢

右水薑煎。

白朮湯 治症同前。或腹滿身黃。嘔吐酸水。急灸脾臑百壯。目下及手足青者。不

可治。口角兩邊黃者可治。

白朮

厚朴薑製

防風各二錢

附子炮去

橘紅

白蘚皮

五加皮各一錢

右水薑煎。

細辛散 治症同前。或肉熱。肌膚淫淫如蟲行。或汗大洩。皮膚不澤。唇鼻黃色。

細辛

白朮

獨活

附子炮去

肉桂

防風各一錢

厚朴薑製

麻黃



枳實熬炒

甘草錢五分

右水煎。

防風麻黃散 治症同前。或志意恍惚。肢體沉重。

防風

麻黃去節

人參

川芎

附子炮去皮臍

桂心

黃耆炒

赤茯苓

酸棗仁炒

白朮

獨活

桑白皮炒

羚羊角一鎊末各錢

甘草分五

右水煎服。

五味子湯 治肺臟中風。胸滿短氣。冒悶汗出。噓吸顫掉。聲嘶體重。四肢痿弱。其

脈浮。晝瘥夜甚。偃臥冒悶。其鼻兩邊下至口上至眉。其色白者。急灸肺腧百壯。

若色黃。其肺傷而爲血矣。撮空拈衣摸床者。必死。

五味子杵炒

杏仁皮尖去

桂心錢各一

防風去蘆

甘草炒

赤芍藥

川芎錢各二

川椒三分

右水煎服。

獨活細辛散 治症同前。或頭痛項強。背痛鼻乾。心悶語蹇。胸中少氣。四肢疼痛。

獨活 細辛 附子炮去 甘菊花

麻黃去蘆 白芷 五味子杵炒 紫苑茸

赤茯苓 肉桂 白朮 川芎

桑白皮 杏仁去皮炒 防風錢各一 甘草炙半

右水煎服。

獨活散 治腎臟中風。腰疼不得俛仰。或偏枯耳鳴。語聲渾濁。面色浮腫。骨節痠疼。精神昏憤。喜怒好忘。而肌色黧黑。身體沉重。發汗惡風。隱曲不利。或兩脚冷痺。頭昏耳聾。語音渾濁。宜用此。

獨活 附子炮去 當歸酒洗 防風

天麻 桂心各一 川芎 甘菊花

枳殼麸炒 山茱萸取肉 黃耆炒 丹參

牛膝酒浸 草薢酒浸 甘草炙 細辛

菖蒲 白朮各半

右水煎服。

葦蕕散 治症同前。或脊骨促痛。不能行立。肌膚黑色。兩脇赤黃如餅者。可治。急灸腎腧百壯。齒黃髮槁。面如土色者。不可治。

葦蕕 酒浸

狗脊

杜仲 炒去

白茯苓 去皮各

何首烏

天雄 去皮

澤瀉 各半

右爲末。每服二錢。米飲調下。

吳茱萸丸 治症同前。或惡風多汗。面色浮腫。腰膝疼痛。形色憔悴。

吳茱萸

細辛

白茯苓

獨活

木香

山茱萸 取肉

牛膝 酒浸

石斛

葦蕕 酒浸各

附子 炮去

芎藭 各二

右爲末。酒糊丸。桐子大。每服二十九。空心鹽湯下。日二服。

黃耆丸 治症同前。或麻痺腫痛。少氣肢體乏力。

黃耆 炒

川椒 炒

茴香 炒

川烏頭 去皮

狼毒

防風

川練子肉

黑附子 炮去

白蔹熬炒

地龍去土炒

赤小豆各等分

右爲末。酒糊丸。桐子大。每服二三十九。溫酒下。日二服。

四君子湯

六君子湯

補中益氣湯

四物湯四方見二十六論

十全大補湯

八珍湯

加味歸脾湯

加味逍遙散四方見二十四論理中湯方見二十四論

清暑益氣湯

十味香薷飲二方見本論東垣清燥湯方見二十四論

六味丸方見二十四論

獨參湯方見本論小柴胡湯方見二十四論

蘇合香丸方見後

羌活湯方見後

甘草附子湯方見後

平胃散方見十一卷第十八論

### 婦人中風角弓反張方論第二

論曰。婦人氣虛。風入諸陽之經。或產後血虛。汗出中風。體強口噤。腰背反張。名爲發瘕。因太陽經先傷風。復感寒而致。如發瘕狀。但脈沉遲弦細。無汗惡寒。名剛瘕。有汗不惡寒。名柔瘕。無汗者。葛根湯。小續命湯。有汗者。去麻黃。加葛根。



愚按、仲景先生云。太陽病。發汗太多。致瘧。風病下之則瘧。三因方云。氣血內虛。風寒濕熱所中則瘧。以風能散氣。故有汗而不惡寒曰柔瘧。寒能澀血。故無汗而惡寒曰剛瘧。非專於風濕。因內虛發汗亡血。筋無所榮而然。乃虛象也。竊謂傷寒汗下過度。與產婦潰瘍等病。及因剋伐之劑。傷損氣血而變。若金衰木旺。先用瀉青丸。後用異功散。腎水虛用六味丸。肝火旺先用加味小柴胡湯。次用加味四物湯。發熱用加味逍遙散。若木侮脾土。用補中益氣。加芍藥。山梔。脾經鬱結。用加味歸脾湯。脾土濕熱。用大承氣湯。大凡病後氣血虛弱。用參朮濃煎。佐以薑汁。竹瀝。時時用之。如不應。用十全大補湯。更不應。急加附子。或用參附湯。緩則不救。仍與後治驗參看。

附治驗

一婦人脾胃虛弱。忽痰壅氣喘。頭搖目劄。手揚足擲。難以候脈。視其面黃中見青。此肝木乘脾土。用六君加柴胡。升麻。治之而甦。更以補中益氣。加半夏。茯苓而痊。

葛根湯 治剛瘧無汗惡風。

葛根一錢

麻黃去根節

殭蠶炒各三分

桂枝

粉草炒

芍藥各五分

大棗三箇

右水煎。出汗為度。凡產後麻黃宜斟酌用

附朮湯 治手足逆冷。筋脈拘急。汗出項強。口噤痰湧。

附子炮

白朮

獨活各五分

川芎

肉桂各三分

右棗水煎服。

桂心白朮湯 治陰痿手足厥冷。筋脈拘急。汗出不止。

白朮

桂心

附子炮

防風

川芎

甘草各等分

右每服五錢。薑棗水煎。

入物白朮散 治陰痿手足厥冷。筋急脈拘而無汗者。

白朮

麻黃去根節

茯苓

五味子杵炒

羌活各半

附子炮

桂心各二錢

夏薑一錢

右每服四錢。薑水煎。凡用麻黃宜斟酌不可過多

附方

通關散 治卒然牙關緊急。腰背反張。藥不得嚥。

細辛

薄荷葉

牙皂角各等分

右爲末。每用少許吹鼻內。候得噴嚏。隨進湯藥。

瀉青丸

方見二十四卷第三論

異功散

方見二十三卷第三論

六味丸

方見二十四卷第十二論

加味小柴胡湯

方見二十四卷第二論

補中益氣湯

加味四物湯

二方見二十四卷第六論

加味道遙散

十全大補湯

加味歸脾湯

三方見二十四卷第四論

大承氣湯

方見後

參附湯

方見十二卷第三論

婦人中風口噤方論第三

夫中風口噤。乃體虛受風。入於頷頰。蓋手三陽之經。結於頷頰。上夾於口。風邪乘之。則筋攣。故牙關急而口噤也。

愚按。前症若風邪客於手足陽明經。口眼喎斜。用秦艽升麻湯。若風熱傷氣。用

省風湯。當與後方同用。

附治驗

一婦人因怒。經事淋瀝。半月方竭。遇怒其經即至。甚則口噤筋攣。鼻衄頭痛。痰瘕。搐搦。瞳子上視。此肝火熾甚。以小柴胡湯。加熟地黃、山梔、鉤藤治之。後不復發。一婦人素陰虛。患遍身搔癢。誤服祛風之藥。口噤抽搐。肝脈洪數。余曰。肝血為陰。為水。肝氣為陽。為火。此乃肝經血虛火盛耳。宜助陰血。抑肝火。用四物、麥門、五味、柴胡、山梔、生草。熱搐頓止。又以八珍、黃耆、麥門、五味、鉤藤、炙草。調理而痊。

天南星散 治中風口噤。四肢拘急。或痰氣上壅。

天南星薑汁炒黃

白附子炮

黑附子炮

烏蛇肉酒炙

全蠍炒等分

右為末。每服半錢。薑汁、溫酒調灌。

疋馬散 治中風口噤。四肢強直。

黑附子炮

天麻各半

桂心

石膏

麻黃去根節

蠍梢炒

川烏炮去尖

南星炮各一錢



麝香二分

右爲末。每服三分。豆淋酒調灌。

附方

秦艽升麻湯

省風湯二方見本卷第一論

小柴胡湯方見二十四卷第二論

四物湯方見二十四卷第六論

八珍湯方見二十四卷第四論

### 婦人中風不語方論第四

巢氏云。脾脈絡胃夾咽。連舌本。散舌下。心之別脈。係舌本。若心脾受邪。則舌強不能言。然喉嚨者。氣之上下也。會厭者。聲之戶。舌者。聲之機。脣者。聲之扇。若風寒客於會厭。故卒然而瘖。經云。醉臥當風。使人發瘖。

愚按前症。若因痰迷心竅。當清心火。若因濕痰舌強。當清脾熱。若因風熱。牙關緊急。當清肝火。若因風痰塞喉。當導痰涎。若因虛火上炎。當壯水之主。若因氣虛厥逆。當益火之源。若因腎虛舌瘖而不語。當補腎氣。

附治驗

一婦人因怒仆地。痰湧不語。灌牛黃清心丸。稍甦。用神仙解語丹。加山梔、柴胡、桔梗。漸愈。又用六君、柴胡、山梔、枳殼而痊。

一婦人忽然不語半年矣。諸藥不應。兩尺浮數。先用六味丸料。加肉桂。數劑稍愈。乃以地黃飲子三十餘劑而痊。男子多有此症。亦用此藥治之。

神仙解語丹 治心脾受風。言語蹇澀。痰唾溢盛。

白附子炮

石菖蒲去毛

遠志去心

甘草十佛天

麻

全蠍

羌活

南星

牛膽礬各一兩

木香半兩

右爲末。麵糊丸。桐子大。每服二三十丸。薄荷湯下。

防風湯

石斛一兩半

生地黄

杜仲去皮切

丹參各一兩

防風

川芎

麥門冬去心

桂心

獨活

右每服五錢。棗水煎。

竹瀝湯 治風中肝脾。四肢不遂。舌強語滯。或痰涎上湧。

威靈仙

附子炮

苦梗

蔓荊子

防風

枳殼去穢炒

川芎

當歸各等分

右每服四錢。薑水煎。入竹瀝半盞。日四服。忌飲茶。

三黃獨活湯 治中風手足拘攣。半身不遂。失音不語。

麻黃去根節

黃耆半兩

黃芩七錢

獨活一兩

右每服四錢。水煎。取汗爲效。

小省風湯 治中風癱瘓。口眼喎斜。口噤不語。手足頑麻。

防風

南星湯泡各三兩

甘草炙一兩

右每服四錢。薑十片。水煎。

秦艽升麻湯方見本卷第一論

愈風湯 治諸風肢體麻木。手足不遂。不能動履等症。

天麻

牛膝同酒

草薢另研

玄參各六兩

杜仲七兩

羌活十四兩

當歸

熟地黃自製

生地黃斤各一獨活五兩肉桂三兩  
右爲末。煉蜜丸。桐子大。常服五七十丸。病甚。至百丸。空心。食前。溫酒或白湯下。  
地黃飲子 治腎虛弱。舌瘖不能言。足廢不能行。

熟地黃自製巴戟去心山茱萸去核石斛  
肉苁蓉酒浸附子炮五味子并炒白茯苓  
石菖蒲遠志桂心麥門冬等分

右每服三錢。入薄荷少許。薑棗水煎服。  
牛黃清心丸 治諸風癱瘓。語言蹇澀。健忘恍惚。頭目眩暈。胸中煩鬱。痰塞喘嗽。  
精神昏憤。或尋常風痰咳嗽。或傷寒陽症。汗下不解。發熱煩渴。其效如神。

牛黃二錢麝香龍腦三味羚羊角一鎊末各  
當歸酒洗防風黃芩白芍藥  
麥門冬去心白朮各半柴胡桔梗  
白茯苓杏仁去皮芩蘄肉桂  
大豆黃卷阿膠各一兩蒲黃人參去蘆



神麴各二兩半

雄黃另研八錢

甘草五兩

白斂七錢半

乾薑七錢半

犀角二兩

金箔一千三百片內

乾山藥七兩

大棗一百枚 棗皮核研爛蒸熟去膏

右各另爲末。煉蜜與棗膏丸。每兩作十丸。用金箔爲衣。每服一丸。溫水化下。蘇合香丸。治氣中痰氣上攻。牙關緊急。不省人事。或卒暴氣逆心痛。鬼魅惡氣。及一切氣滯等症。

沉香

麝香

訶子肉

丁香

青木香

安息香

香附

葶藶

白朮

白檀

薰陸香

蘇合油

龍腦另研各一兩

朱砂另研

烏犀角鎊末

右爲末。用安息香并煉蜜丸。桐子大。溫水化服四丸。每兩作十丸。熔黃蠟包裹爲善。

青州白丸子。治半身不遂。口眼喎斜。痰涎壅塞。手足頑麻。

半夏七兩 夏過生用水洗 川烏頭半兩 臍生用去皮 南星二兩

白附子二兩

右爲末。用絹袋盛之。水浸一日。如急用。以糊丸桐子大。每服十丸薑湯下。

瓜蒂散

瓜蒂二錢

赤小豆五分

右爲末。每夜於鼻內嚙之。取下黃水。內服涼劑。

六君子湯

方見二十四卷第六論

### 婦人風痺手足不隨方論第五

夫婦人風痺。手足不隨。或肌膚疼痛。或肢體麻木。蓋諸陽之經。皆起於手足。循行肢體。因氣虛風邪所客而爲患也。

愚按經云。邪之所湊。其氣必虛。前症若風邪淫旺。或怒動肝火。血燥筋攣。用加味逍遙散。脾肺氣虛。肌膚不仁。手足麻木。用三痺湯。若腎水虧損。不能滋養筋骨。或肝脾血虛。而筋痿痺。用六味丸。服燥藥而筋攣者。用四物。生甘草。氣血俱虛。用八珍湯。何醫林集要等方。新刊丹溪心法附錄云。若人大拇指麻木不仁。或手足少力。或肌肉微掣。三年內必有大風之症。宜先服八風湯。天麻丸。防風

通聖散以預防之。殊不知河間云。風者病之末也。所以中風有癱瘓者。非謂肝木之風內中。亦非六淫風邪外襲。良由五志過極。心火熾盛。腎水虛衰。卒倒無知也。治當以固元氣爲要。若遽服八風等藥。則反傷元氣。適足以招風取中。仍參本卷首論主治。

附治驗

一婦人因怒。吐痰胸滿。服二陳順氣化痰之劑。半身不遂。內熱口乾。形氣殊倦。余視之。乃肝火熾盛而侮脾土也。用逍遙散。補中益氣湯。六味地黃丸。喜其慎疾。年餘而愈。

一孀婦胸脇脹痛。內熱晡熱。月經不調。肢體痠麻。不時吐痰。或用清氣化痰藥。喉間不利。白帶腹脹。又用清熱理氣藥。胸膈不寬。肢體時麻。余曰。此本鬱怒傷肝脾。前藥傷甚耳。朝用歸脾湯。以解鬱結。生脾氣。夕用加味逍遙散。以生肝血。清肝火。百餘劑而愈。後因怒肢體復麻。用補中益氣。加山梔。茯苓。半夏而痊。後復怒。病再作。月經如注。脈浮洪而數。此肝火傷脾。不能攝血所致也。用六君。芎歸。炮薑。一劑而血止。用補中益氣湯。加炮薑。茯苓。半夏。一劑而胃醒。更用歸脾湯。



逍遙散。調理而痊。

一婦人頭暈吐痰。用化痰理氣藥。肢體或麻。服祛風化痰藥。肢體常麻。手足或冷或熱。此脾土虛而不能生肺金。用補中益氣。加茯苓、半夏、炮薑二十餘劑。脾氣漸復。諸症稍愈。更用加味逍遙散。三十餘劑而愈。後因怒吐痰。自服清氣化痰丸。飲食不進。吐痰甚多。胸脇脹滿。余用六君子倍加參朮。少加木香。數劑而安。

三痺湯 治血氣凝滯。手足拘攣。風痺等疾。

續斷酒浸炒

杜仲去皮切炒

防風

桂心

細辛

人參

白茯苓

當歸

白芍藥炒

黃耆炒

牛膝酒浸炒

甘草炒各五分

秦艽

生地黄

川芎

獨活各三分

薑水煎服。

五痺湯 治風寒濕氣。客留肌體。手足緩弱。麻痺不仁。

片薑黃

羌活

白朮

防己各一錢

甘草炙五分



右薑水煎服。

東垣羌活湯 治濕熱身重。或眩暈麻木。小便赤澀。下部痿軟。不能行履。

羌活

防風

柴胡各一錢

藁本

獨活

茯苓

澤瀉

猪苓

黃耆炒

甘草炙

陳皮

黃柏酒炒

黃連炒

蒼朮

升麻

川芎各五分

右水煎服。

甘草附子湯 治風濕相搏。骨節煩疼。不時抽痛。不能伸屈。抑之則痛劇。汗出短

氣。小便不利。惡風不欲去衣。或微腫痛。

甘草炙一兩

附子一枚重一兩三四錢方是炮去皮尖不真不效

白朮炒一兩

桂枝二兩

右每服五錢。水煎。

八珍湯 治肝脾氣血俱虛。不能養筋。以致筋攣骨痛。或不能行履。或發熱晡熱。

寒熱往來等症。

加味逍遙散 治肝經風熱。血燥筋攣。肢體不遂。內熱晡熱等症。

歸脾湯 三方見二十四卷第四論

六味丸 方見二十四卷第十六論

四物湯

補中益氣湯

六君子湯 三方見二十四卷第六論

### 婦人中風自汗方論第六

右方續命排風越痺等湯。皆用麻黃。取其發汗而散風邪也。然而無汗者為宜。若自汗者用之。則津液轉脫。反為大害。故仲景云中風自汗用桂枝湯。發搖口眼瞤動。遍身出汗。用獨活湯。續命煮散。以復榮衛而却風邪。

愚按前症若腠理不固而自汗者。用桂枝湯。或防風白朮牡蠣散。若過服風藥而自汗者。用白朮防風湯。若陽氣虛弱而自汗者。用耆附湯。若兼盜汗。用補中益氣湯。送六味丸。如不應。用當歸六黃湯。

獨活湯 治風虛昏憤。手足痠癢發熱。及中風自汗等症。

獨活

羌活

人參

防風

細辛

茯苓

半夏

桂心

白薇

遠志去心

菖蒲

川芎各五分

右薑水煎服。

續命煮散 治風氣昏憤。四肢無力。口眼瞤動。或時搖擗。或津液不足。渴飲熱湯。及產後中風自汗等症。

防風

獨活

當歸

人參

細辛

葛根

芍藥炒

川芎

甘草炒

熟地黄自製

半夏

遠志去心

荊芥穗各半

桂心半錢

右每服五七錢。薑水煎。汗不止。加牡蠣粉五分。

防風白朮牡蠣散 治中風氣虛。腠理不密。自汗不止等症。

白朮炒

牡蠣煨

防風等分

右爲末。每服二三錢。米飲下。日三服。如不止。服黃耆建中湯。

附方

柴胡桂枝湯 治傷風發熱自汗。或鼻鳴乾嘔。或痰氣上攻等症。

桂枝二錢

黃芩炒

人參

白芍藥錢半

甘草炙

半夏製

生薑錢一

柴胡四錢

大棗二枚

右作一劑。水煎服。

白朮防風湯 治服表藥過多而自汗者。

白朮炒

黃耆炒各二兩

防風一兩

右每服五七錢。水煎溫服。朮應倍之。

耆附湯方見十九

補中益氣湯方見二十四

六味丸方見二十四

當歸六黃湯方見十九

### 婦人筋脈痠癢方論第七新附

醫學綱目云。痠者筋脈急也。癢者筋脈緩也。急則引而縮。緩則縱而伸。或縮或伸。動而不止者。名曰痠癢。俗謂之發搐是也。凡癲癇、風痙、破傷風、三症皆能痠癢。但



顛癇則仆地不省。風痙痲痺。則角弓反張。破傷風痲痺。則有瘡口。竊謂痲者。屬肝經風熱血燥。或肝火妄動。血傷痲者。屬肝經血氣不足。或肝火汗多亡血。以致手足伸縮不已。抽搐不利。若因風熱血燥。用羚羊角散。加鈎藤鈎。山梔。若肝火妄動。用加味四物湯。加鈎藤鈎。山梔。若肝經血氣不足。用八珍湯。加鈎藤鈎。山梔。若肝火亡血。用加味逍遙散。加鈎藤鈎。山梔。如不應。須用六味丸。以補腎水。生肝木爲主。佐以前劑治之。若其脈長弦者。是肝之本脈也。則易治。其脈短澀者。是肺金尅肝木也。則難治。其面色青中見黑者。是水生木也。當自愈。青中見白者。是金尅木也。必難愈。

附治驗方藥

一婦人素口苦。月經不調。或寒熱。妊娠五月。兩臂或拘急。或緩縱。此肝火傷血所致也。用四物加柴胡。山梔。丹皮。鈎藤鈎。治之而愈。

一妊婦因怒寒熱。頸項動掉。四肢抽搐。此肝火血虛風熱。用加味逍遙。加鈎藤鈎。數劑而痊。

附方

羚羊角散方見二十四卷第二論

加味四物湯方見二十四卷第六論 八珍湯

加味道遙散四卷第二論 六味丸方見二十四卷第十一論

### 婦人顫振方論第八新附

黃帝曰。人之顫者。何氣使然。岐伯曰。胃氣不實。則諸脈虛。諸脈虛。則筋脈懈墮。則行陰。用力不復。故爲顫。因其所在。補分肉間。醫學綱目云。顫振與瘈瘲相類。瘈瘲則手足牽引。而或伸或屈。顫振則但顫動而不伸屈也。胃虛有痰。用參朮以補氣。茯苓半夏以行痰。如實熱積滯。用張子和三法。

愚謂顫振者。掉眩也。易曰。鼓萬物者。莫疾乎風。鼓之爲言動也。大抵掉眩。乃風木之搖運也。諸風掉眩。皆屬於肝。治法若肝木實熱。用瀉青丸。肝木虛熱。用六味丸。肺金尅肝木。用瀉白散。肝木虛弱。用逍遙散。加參朮。鈎藤鈎。脾血虛弱。用六君子。加芎歸。鈎藤鈎。胃氣虛弱。用補中益氣湯。加鈎藤鈎。若產後顫振。乃氣血虧損。虛火益盛而生風也。切不可風爲論。必當大補。斯無誤矣。

### 附治驗方藥

一婦人性善怒發熱。經水非過期。則不及。肢體倦怠。飲食少思而顫振。余以爲脾氣不足。肝經血少而火盛也。午前以調中益氣湯。加茯苓。貝母。送六味丸。午後以逍遙散。送六味丸。兩月餘而愈。

一婦人身顫振。口妄言。諸藥不效。余以爲鬱怒所致。詢其故。蓋爲素嫌其夫。而含怒久矣。投以小柴胡湯。稍可。又用加味歸脾湯而愈。

附方

海藏愈風湯 治產後一切失血過多。及汗後中風。搐搦。方見十九卷第十二論  
交加散 治瘰癧。或顫振。或產後不省人事。口吐痰涎。

當歸 荊芥穗等分

右爲細末。每服三錢。水一盞。酒少許。煎至七分。灌下咽。即有生理。

增損柴胡湯 治產後或經適斷。致手足牽搐。咬牙昏冒異症。

柴胡 八錢 黃芩 錢四 半夏 錢三 石膏 四錢

知母 二錢 黃耆 錢五 甘草 錢二

右爲粗末。每服半兩。薑五片。棗四枚。水煎溫服。



本事青鹽丸 治肝腎虛損。腰膝無力。顫振驢曳。

茴香末三

兔絲子末四

乾山藥末二

青鹽一兩

右先將兔絲子洗淨。無灰酒浸晒七日。冬天近火煨炙乾。另爲細末。和勻。酒糊丸。梧子大。每服五七十丸。溫酒或鹽湯下。常服壯筋力。進飲食。一婦人素患足驢曳。久服此藥。履地如故。

本事星附散 治中風能言而手足驢曳。脈虛浮而數。

天南星

半

夏薑二味薄切片浸透

黑附子

白附子炮

川烏炮

白僵蠶炒

沒藥

人參

白茯苓各等分

右爲粗末。每服二錢。酒水各一盞。同煎至八分。去滓。熱進三二服。汗出即瘥。在桐廬有患此症。用前藥三服得汗。手足即能舉物。三因獨活散 治氣虛感風。或驚恐相乘。肝膽受邪。使上氣不守正位。致頭招搖。手足顫掉。漸成目昏。

獨活

地骨皮

細辛

芎藭



菊 花甘味

防 風去又

甘 草炙等

右爲粗末。每服三錢。水盞半。煎至一盞。去滓。煎取清汁六分。入竹瀝少許。再煎一二沸。食後溫飲。日二服。

世傳茯苓丸。治手臂抽牽。或戰掉不能舉物。服此藥立愈。又治臂痛如神。方見後并註兼治之法。

附方

補中益氣湯方見二十四卷第六論

六味丸方見二十四卷第十一論

加味歸脾湯

逍遙散二方見二十四卷第四論

小柴胡湯方見二十四卷第二論

婦人風寒臂痛方論第九

婦人臂痛。或筋脈攣急。遇寒則劇者。緣肝氣虛弱。風寒客於經絡。故其脈緊細。宜用柏子仁丸。舒筋湯。若臂痛而不能舉。或痛無定處。此脾虛邪氣相搏。中脘伏痰。故其脈沉細如此。宜用茯苓丸。控涎丹主之。

愚按前症若肝血虛。用加味逍遙散。中氣虛。用補中益氣湯。血氣俱虛。用八珍

湯。風熱血燥。用秦艽地黃湯。脾腎虛寒。用柏子仁丸。脾胃實熱。用茯苓丸。水不能生木。用六味丸。逍遙散。怒動肝火。用小柴胡。加川芎、當歸。眩暈晡熱。用四物、柴、梔、丹皮。晡熱月經不調。用加味逍遙散。食少體倦。無寐盜汗。用加味歸脾湯。

附治驗

先太宜人遍身作痛。筋骨尤甚。不能屈伸。口乾目赤。頭眩痰壅。胸膈不利。小便赤短。夜間殊甚。遍身作癢如蟲行。此屬肝腎氣虛而熱也。用六味地黃丸料。加山梔、柴胡而愈。

柏子仁丸

柏子仁二兩

熟地黃二兩自製

茯苓

枳

殼去穢炒

覆盆子炒

五味子杵炒

附子炮

石

斛酒蒸炒

鹿茸酥炙

酸棗仁炒

桂心

沉

香

黃耆

各一兩等分

右爲末。煉蜜丸。桐子大。每服三十丸。空心溫酒下。

舒筋湯 治風寒所傷。肩臂作痛。及腰下作痛。又名五痺湯。

片薑黃 一錢

甘草 炒

羌活 各三分

白朮

海桐皮

當歸

赤芍藥 各五分

右水煎服。

茯苓丸 治脾氣虛弱。痰邪相搏。停伏中脘。以致臂內筋脈攣急而痛。

茯苓 二兩

半夏 薑製

枳殼 各半兩

風化朴硝 一兩

右爲末。薑汁糊丸。桐子大。每服二十丸。食後薑湯下。

控涎丹 凡人忽胸背手足頭項腰膝牽痛不定。或頭痛昏倦。痰唾稠粘。喉中鋸

聲。手脚重痺。此痰涎伏於胸膈也。宜此治之。

甘草 遂去心

大戟 去皮

真白芥子 各等分

右爲末。糊丸。桐子大。臨臥薑湯下五七丸。痰盛服十丸。

白芥子散 治臂痛牽引背脾。或輟或作。繇榮衛循行失度。痰滯經絡。或似癱瘓。

真白芥子

木鱉子 各三兩

沒藥 另研

桂心

木香 各半兩

右爲末。每服一錢。溫酒下。



愚按、前三方脾氣虛弱者。必佐以六君子湯。中氣虛弱者。必佐以補中益氣湯。血虛者。必佐以八珍湯。脾氣鬱滯者。必佐以歸脾湯。肝經怒氣者。必佐以逍遙散。若專用前方治之。胃氣益虛。病氣益甚。不可不謹。

流氣飲。治七情氣滯。胸脇悶痞。咽喉不利。嘔喘面浮。二便不調。或氣攻肩背。脇肋作痛。或脚氣喘急。腹脹便閉。元氣充實者。宜用此藥慎之。

紫蘇葉 黃耆炒 青皮去白 當歸

半夏薑製 烏藥 芍藥炒 茯苓

桔梗 防風各五錢 川芎 陳皮各七錢五分

枳實炒 木香二錢五分 甘草炙五錢 大腹子薑製一兩

右每服半兩。薑棗水煎服。

交加散前方見

四物湯。治血滯中風。血虛手足不遂。如臂痛。加紅花煎。前方見

交加散。加木瓜、牛膝。治冷脾。肩臂作痛。即人參敗毒和五積散。

烏藥順氣散。加羌活、木瓜。治外邪氣滯。筋骨作痛。或痰氣不利。



附方

秦朮地黄湯 治肝膽經風熱血燥。肩臂疼痛。或筋脈引急。或時牽痛。其內症發熱。或寒熱晡熱。月經不調。或肢體酸痛等症。

秦朮

熟地黄自製

當歸各一

川芎

芍藥

牡丹

白朮

茯苓各一錢半

鈎藤鈎一錢

柴胡

甘草炙各二分

水煎服。

逍遙散

加味逍遙散

加味歸脾湯

八珍湯

四方見二十四卷第四論

六味丸

方見二十四卷第十一論

小柴胡湯方見二十四卷第二論

四物湯

補中益氣湯

二方見二十四卷第六論

婦人賊風偏枯方論第十

論曰。賊風偏枯。其狀半身不遂。肌肉枯瘦。骨間作痛。經云。汗出偏枯。如樹木一枝。津液不到則枯槁。被風所害。古人有云。醫風先醫血。血行風自滅。治法當用大八

風湯、增損茵芋酒、續斷湯以養其血。則風自祛矣。  
愚按、醫風先醫血。此論得之。大抵此症多因胎前產後失於調養。以致精血乾涸。肝木枯槁。治法當滋其化源。考之生氣通天論曰。風客淫氣。精乃亡。邪傷肝也。陰陽象大論曰。風氣通於肝。風搏則熱盛。熱盛則水乾。水乾則氣不榮。故精乃亡。此風病之所由作也。

### 附治驗

一婦人性善怒。常自汗。月經先期。余以為肝火血熱。不信。乃泛用降火之劑。反致月經過期。復因勞怒。口噤呻吟。肢體不遂。六脈洪大。面目赤色。用八珍、麥門、五味、山梔、丹皮。數劑漸愈。兼用逍遙散。六味丸各三十餘劑全愈。

大八風湯 治中風偏枯。失音不語。時復恍惚。或昏憤發熱。

當歸	杏仁 <small>去皮尖</small>	甘草 <small>炒</small>	桂心
乾薑 <small>炮各二兩</small>	五味子 <small>杵炒</small>	升麻 <small>各二兩</small>	川烏 <small>炮去尖</small>
黃芩 <small>炒</small>	芍藥 <small>炒</small>	獨活	防風
川芎	麻黃 <small>去節</small>	秦艽	石斛 <small>去根</small>

茯神去木

石膏

黃耆炒

紫苑各一兩

大豆二兩去皮尖

人參一兩

右每服五錢水煎服。

續斷湯

當歸三兩

陳皮

芍藥炒

細辛各一兩

生地黄二兩

續斷酒浸

右每服五七錢水煎。臟寒下痢加熟附子一兩。

金生虎骨散 治半身不遂。肌肉乾瘦。忌用麻黃發汗。恐津液枯竭。惟當潤筋養

血消風。

當歸二兩

赤芍藥

續斷酒浸

白朮

藁本

虎骨炙各五兩

烏蛇肉炙半兩

右爲末。每服二錢。酒調。骨痛加生地一兩。自利加天雄半兩。

虎脰骨酒 治中風偏枯。四肢不隨。一切風痺。筋脈攣拳。

石斛

石楠葉

防風

虎脰骨炙

當歸

茵芋葉

杜仲炒

牛膝酒浸

續斷酒浸

芎藭

巴戟去心

狗脊各一兩

右以絹囊盛藥。用酒一斗。浸十日。每服一盞。溫飲。

附方

八珍湯

逍遙散二方見二十四卷第四論

六味丸方見二十四卷第十一論

### 婦人偏風口喎方論第十一

論曰。偏風口喎者。因體虛受風。而入足陽明胃經。蓋足陽明之經。上夾於口。風乘之。其筋偏急故也。

愚按前症當參本卷首論治之。

附治驗方藥與前諸治驗參看

一婦人懷抱鬱結。筋攣骨痛。喉間似有一核。服烏藥順氣等藥。口眼歪斜。臂難伸舉。痰涎愈多。內熱晡熱。食少體倦。余以為鬱火傷脾。血燥生風。用加味歸脾湯二十劑。形體漸健。飲食漸進。又用加味逍遙散十餘劑。痰熱少退。喉核少消。更



用升陽益胃湯數劑。諸症漸愈。但臂不能伸。此肝經血少而筋攣耳。用六味地黃丸。以滋腎水。生肝血而愈。

附方

升陽益胃湯。治脾胃虛弱。肢體怠惰。或體重節痛。口舌乾渴。飲食無味。大便不調。小便頻數。飲食不消。兼見肺病。洒淅惡寒。悽慘不樂。乃陽氣不和也。

羌活

獨活

防風各五錢

柴胡

白朮

茯苓不渴者不用

澤瀉各三錢

人參

黃連炒

陳皮各四錢

右每服三五錢。薑棗水煎。早溫服。如小便愈而病益加。是不宜利小便也。當少

減茯苓澤瀉。

加味歸脾湯

加味逍遙散

二方見二十四卷第四論六味丸方見二十四卷第十一論

婦人怔忡驚悸方論第十二

夫心藏神。爲諸臟之主。血氣調和。則心神安靜。若勞傷心血。外邪乘襲。則心神驚

悸恍惚。憂懼不安。用排風湯治之。

愚按。丹溪先生云。驚悸者血虛。用硃砂安神丸。痰迷心竅。用定志丸。怔忡者。屬火屬痰。思慮便動者。屬虛。時作時止者。火動也。假如病因驚而致。驚則神出其舍。痰乘而入矣。蓋人之所主者心。心之所養者血。心血一虛。神氣不守。此驚悸之所由作也。治當調養心血。和平心氣而已。金氏婦。暑月赴筵。因坐次失序。自愧成病。言語失倫。兩脈弦數。余曰。當補脾導痰清熱。不信。以數巫者。噴水呪之而死。或謂病既無邪。以邪治之。何至於死。予曰。暑月赴筵。外受蒸熱。辛辣適口。內傷鬱熱。而沉舊有積痰。加之愧悶。其痰愈盛。又驚以法尺。益驚其神。而氣血不寧。噴以法水。閉其肌膚。而汗不得泄。內燔則陰既消。而陽不能獨立。不死何待。故滑伯仁先生云。若膽氣虛寒。用茯苓湯。膽氣實熱。用酸棗仁丸。心氣虛熱。用定志膏。茯苓補心湯。心氣實熱。用硃砂安神丸。茯苓散。

附治驗方藥

文學歸雲橋內。月事不及期。忽崩血昏憤。發熱不寐。或謂血熱妄行。投以寒劑。益甚。或謂胎成受傷。投以止血。亦不效。余曰。此脾氣虛弱。無以統攝故耳。法當補

脾而血自止。用補中益氣。加炮薑。不數劑而驗。惟終夜少寐驚悸。別服八物湯。不效。余曰。雜矣。乃與歸脾湯加炮薑。以補心脾。遂如初。

一婦人勞則心跳怔忡。寒熱往來。用歸脾湯爲主。佐以八珍湯。諸症漸愈。又用加味逍遙散。寧志丸而安。後復作。服歸脾定志二藥即愈。

一婦人患驚悸怔忡。日晡發熱。月經過期。飲食少思。用八珍湯加遠志、山藥、酸棗仁。三十餘劑。漸愈。佐以歸脾湯全愈。後因勞發熱。食少體倦。用補中益氣湯。又因怒。適月經去血不止。前症復作。先以加味逍遙散。熱退經止。又用養心湯。治之而痊。

一婦人驚悸怔忡無寐。自汗盜汗。飲食不甘。怠惰嗜臥。用歸脾湯而愈。至年餘。懷抱鬱結。患前症。兼衄血便血。仍用前湯而愈。

茯神散 治五臟氣血虛弱。驚悸怔忡。宜用此安神定志。

茯神 去木

人參

龍齒 方研

獨活

酸棗仁 三錢 炒各

防風

遠志 去心

桂心

細辛

白薇 三錢 炒各

乾薑 三兩 炮各



右爲末。每服四五錢。水煎服。或蜜爲丸服。

茯苓補心湯 治心氣不足。善悲愁怒。衄血面黃。五心煩熱。或咽喉痛。舌本作強。

茯苓 四兩

桂心

甘草 三兩

紫石英 煨

人參 各一兩

大棗 二十枚

麥門冬 三兩

赤小豆 四兩

右水七升。煎二升半。分三服。

扶神湯 治膽氣虛冷。頭痛目眩。心神恐懼。不能獨處。胸中煩悶。

茯苓 神去木

酸棗仁 炒

黃耆 炒

柏子仁 炒

白芍藥 炒

五味子 一兩

桂心

熟地黄 自製

人參

甘草 半兩

右每服五錢。薑水煎。

酸棗仁丸 治膽氣實熱。不得睡臥。神思不安。驚悸怔忡。

茯苓 神去木

酸棗仁 炒

遠志 去心

柏子仁 炒

防風 各一兩

枳殼 炒

生地黄 半兩

青竹茹 五錢

右爲末。煉蜜丸。桐子大。每服七八十丸。滾湯下。



定志丸 治心神虛怯。所患同前。或語言鬼怪。喜笑驚悸。

人參

茯苓

各一兩

菖蒲

遠志

去心各

右爲末。蜜丸。如前服。

養心湯 治心血虛。驚悸怔忡不寧。或盜汗無寐。發熱煩躁。

黃耆

白茯苓

扶神去木

半夏麴

當歸

川芎

各半

辣桂去皮

柏子仁

酸棗仁

五味子

人參

甘草

右每服三五錢。薑棗水煎。

硃砂安神丸 治心經血虛頭暈。心神驚悸等症。

硃砂

黃連

各六錢

甘草

生地黄

當歸

右爲末。飯糊爲丸。每服十五丸。如一二服不應。當服歸脾湯補之。

治要茯苓散 治心經實熱。口乾煩渴。眠臥不安。或心神恍惚。

麥門冬

茯苓

神

通草

升麻

各一兩

赤石脂錢一兩七分

知母一兩

大棗十二枚

紫苑

桂心各七錢五分

淡竹茹五錢

每服一兩水煎。

補中益氣湯

方見二十四卷第六論

歸脾湯

八珍湯

加味逍遙散

三方見二十四卷第四論寧志丸後方見

### 婦人失血心神不安方第十二

原無二論

竊謂前症若脾肝鬱熱。用加味逍遙散。脾肝鬱結。用加味歸脾湯。脾胃虛弱。氣血不足。用八珍湯。十全大補湯。脾肺虛弱。氣血不足。用補中益氣湯。六君子湯。痰氣鬱滯。用六君桔梗貝母。如不應。審係氣虛。但補脾胃。如不應。用獨參湯。如惡寒發熱。屬氣血俱虛。內熱晡熱。屬血虛。作渴面赤。是血脫煩躁。皆宜甘苦之劑。以補陽氣而生陰血。經云。血脫補氣。若用寒涼之劑以降火。則誤矣。仍審所屬之因而治之。

寧志膏 治失血心神不安。言語失常。不得安睡等症。

辰砂另研 酸棗仁炒 人參 白茯苓

琥珀另研各 滴乳香研一錢

右爲末。每服一錢。煎棗湯空心調下。

附方

妙香散 治心氣不足。精神恍惚。虛煩少睡。盜汗等症。

甘草錢五 遠志去心炒 辰砂別研 麝香另研

人參五錢 山藥薑汁炙 木香煨二錢 茯苓

茯苓神去木 黃耆各一 桔梗五錢

右爲末。每服二錢。溫酒調。

茯神湯前方見

溫膽湯 治膽虛痰熱。驚悸不眠。

半夏 枳實醋炒 竹茹各二 陳皮

生薑四兩 甘草兩三

右每服一兩。水煎。

半夏湯 治膽腑實熱。精神恍惚。寒熱泄瀉。或寢汗憎風。善太息。

半夏 五分錢 黃芩 一錢 遠志 一錢 生地黄 二錢

秫米 一合 酸棗仁 錢三 縮砂 五分錢

右長流水煎服。

獨參湯 治元氣虛弱。惡寒發熱。或作渴煩躁。痰喘氣促。或氣虛卒中。不語口噤。或痰涎上湧。手足逆冷。或難產產後。不省喘急。用好人參二兩。或三四兩。炮薑五錢。一劑水煎。徐徐服。蓋人參性寒。故薑佐之。如不應。急加炮附子。

加味逍遙散 加味歸脾湯 八珍湯

十全大補湯 四方見二十論 補中益氣湯 六君子湯 二方見二十論

### 婦人風邪顛狂方論第十四

婦人顛狂。繇血氣虛而風邪所乘。若邪并於陰則發狂。邪并於陽則發顛。夫顛者卒發而意不樂。直視仆地。吐湧涎沫。口喎目急。手足撩戾。無所知覺。良久而甦。狂者少臥不飢。自高賢。自辯智。自貴倨。妄笑歌樂。妄行不休。素問云。陽厥狂怒。飲以



鐵落。狂怒由於肝。肝屬木。鐵落金也。以金制木之意。

一婦人眼見鬼物。言語失常。循衣直視。或作心病治之。無效。投養正丹二服。煎乳香。送三生飲立愈。養正丹三生飲方見本卷第一論

愚按。前症劉宗厚先生云。有在母腹中受驚者。或有聞大驚而得者。蓋驚則神不守舍。舍空則痰涎歸之。或飲食失節。胃氣有傷。痰停胸膈而作。當尋火尋痰。固元氣。若頑痰膠固上膈。必先用吐法。若在腸胃。亦須下之。竊謂此症若因元氣虛弱。或痰盛發熱等。皆是虛象。如慢驚症無風可祛。無痰可逐。但補脾胃。生氣健旺。神智自清。痰涎自化。若誤用辛散祛逐腦麝之劑。必爲敗症。

附治驗

一婦人素清苦。因驚而癲。或用風痰等藥。愈甚。余用參耆歸朮濃煎。佐以薑汁。竹瀝三斤餘。方愈。仍參語十八見九卷在

防風扶神散 治風顛啼泣歌笑。或心神恐懼。或語言失常。

防風

扶神去木

獨活

人參

遠志去心

龍齒

菖蒲去毛

石膏

牡蠣煨各兩

秦艸

禹餘糧煨

桂心各五錢

甘草炒三分

蛇蛻一條炙

右每服五錢水煎服。

排風湯

牛黃清心丸 治諸風緩縱不隨。言語蹇澁。痰涎壅盛。怔忡健忘。或發癲狂。見本方

卷首論

### 婦人飛尸血厥方論第十五

夫飛尸者。遊走皮膚。穿行臟腑。每發刺痛。變作無常。遁尸者。附骨入肉。攻通血脈。見尸喪。聞哀哭便發。風尸者。淫濯四肢。痛而昏沉。得風雪便作。沉尸者。纏骨結臟。內腫心脇。發而絞痛。遇寒冷便作。注尸者。舉身沉重。精神錯雜。時覺昏憤。每至節氣便作。並宜蘇合香丸治之。

愚按丹溪云。凡人忽手足逆冷。肌膚起如米粒。頭面青黑。精神恍惚。或錯言妄

誤。或牙關緊急。或昏寐仆倒。吊死問喪。入廟登墓。多有此病。先以蘇合香丸灌之。次服調氣散。平胃散。玉機微義云。卒厥飛尸。客忤鬼擊。口噤。用麻黃湯。寒厥表熱裏寒。則下利清穀。食入則吐。脈沉。手足冷。用四逆湯。熱厥腹滿。身重難轉。面垢。譫語。遺溺。手足厥冷。自汗。脈沉滑。用白虎湯。若人身忽然不動。目閉口噤。惡聞聲音。眩冒。頃時方寤。此絲出汗過多。氣併於血。陽獨上而不下。氣壅塞而不行耳。氣過血還。陰陽復通。移時方寤。名曰鬱冒。亦名血厥。宜服白薇湯。倉公散。

附治驗

錦衣楊永興。舉家避眚。有僕沉醉失避者。既而神思昏昧。遍身青傷。急煎金銀藤湯灌之。即愈。

一婦人忽昏憤發譫語。自云爲前謀賴某人銀兩。某神責我。將你起解。往城隍理問。兩腳踝膝臀處皆青腫。痛不可忍。口稱苦楚。次日方甦。痛尙不止。用金銀藤兩許。水煎服。即愈。

一婦人入古墓。患前症。以紫金錠灌之。即甦。通政余子華。太常汪用之。皆因往吊。



而卒死喪家。想卽是症。

蘇合香丸方見本卷第四論

### 白薇湯

白薇

當歸各一兩

人參

甘草一錢

右每服五錢。水煎。

倉公散 治卒中鬼擊。心腹如刺。下血不省。及臥覺啮脚指不覺。并諸毒等症。

皂莢

藜蘆

雄黃研

礬石煨研各等分

右每用少許。吹入鼻中。未嚏再吹。以得嚏爲度。

內鼻散 治尸厥脈動靜而若死。用石菖蒲末。吹鼻中。仍以桂尖安於舌上。蘇合香丸

可

硫黃散 治尸厥不省。四肢逆冷。腹中如雷鳴。或痰氣不降。

焰硝

半兩

硫

黃爲一兩各另細末

右每服二分。酒調灌之。良久再服卽甦。

### 附方



麻黃湯 治寒厥或傷寒。惡風發熱。身疼無汗者。

麻黃六錢

桂枝四錢

甘草二錢

杏仁二十枚炒

右作一劑。水煎服。

調氣散 治氣厥不省。或痰氣上壅。及治氣滯胸膈不利。

白豆蔻

丁香

檀香

木香各二錢

藿香

甘草六錢

砂仁四錢

右爲末。每服二錢。入鹽少許。沸湯調下。

四逆湯

白虎湯 卷二方見七

神仙追毒丸

又名紫金錠。又名太乙丹。又名神仙解毒萬病丸。

能解一切毒。或狐狸、莽草、毒菌、河魴、疫

死、牛馬肉毒。或蛇犬惡蟲所傷。及鬼怪惡瘡等毒。或二廣斷腸草蛇毒化菌等毒。

文蛤

即五倍子。洗焙爲末。三兩。

山茨菰 去皮淨末。二兩。

麝香 二錢。另研。

千金子

一名續隨子。去油。一兩。

紅牙大戟 去蘆蒂。爲末。一兩半。

右用糯米濃飲。和作四十粒。用井華水。或薄荷湯磨服。利一兩次。用粥止之。修

合須端午、七夕、重陽。或天德、月德日。於淨室焚香修製。效驗不能具述。宜珍藏之。凡人居家出入不可無此藥。嶺外有婦與旅合陰以定年。藥置食中。且戒之曰。子幾時來。果從其言。彼復以藥解之。可無恙。若過期不往。必死。若遇此毒。及前一應諸毒。服前藥一粒。或吐或下即愈。昔有女子勞瘵。爲尸蟲所噬。磨服一粒。吐下小蟲。更服蘇合香丸。遂愈。若茵莖、菰子、砒石。時行瘟疫。山嵐瘴氣。自縊溺水。打折傷死。瘀血內滯。心頭微溫。用薑湯磨灌一粒。可甦。其急喉閉。纏喉風。脾腫赤眼。癰疽發背。諸瘡湯火所傷。用東流水磨塗并服。顛邪鬼氣。鬼胎。煖酒磨服。余謂喉閉以下諸症。果能灼見。形病俱實。乃可用之。

校註婦人良方 卷三 衆疾門 婦人飛尸血厥方論第十五

六四

# 校註婦人良方

宋 臨川 陳自明良甫編輯  
明 古吳 薛己立齋補註

鄞縣 曹赤電炳章圈校

## 卷四

### 婦人血風肢體骨節疼痛方論第一

婦人血風。繇氣血不足。腠理不密。風冷乘之。以致邪正相搏。故骨節疼痛。肢體發熱。口舌咽乾。

愚按東垣先生云。飲食失節。脾胃虛弱。乃血所生病。故口中津液不行。若火熱來乘土位。故肢體發熱作渴。若肝經血熱。用四物、羌活、黃芩、黃柏。肝經血虛。用逍遙散、山梔、川芎。風濕兼痰。用四物、南星、半夏、羌活、蒼朮。風濕傷脾。用羌活勝濕湯。暑濕傷氣。用清燥湯。氣鬱肝脾。用四君、木香、枳殼、檳榔。胃氣受傷。用補中



益氣湯。瘀血流注。用四物、桃仁、紅花、骨痛筋攣。用當歸、沒藥。倦怠無力。用補中益氣、羌活、川芎。

附治驗

一婦人自汗盜汗。發熱晡熱。體倦少食。月經不調。吐痰甚多。二年後。遍身作痛。陰雨益甚。此氣虛而風寒所乘。用小續命湯。疼痛頓止。用補中益氣、加味歸脾。三十餘劑。諸症悉愈。

一婦人月經不調。且素有痛風。過勞必作。用衆手重按。痛稍止。此氣血俱虛。用十全大補。加獨活而痛痊。用六味丸。逍遙散而經調。

一婦人肢體作痛。面色痿黃。時或赤白。發熱惡寒。吐瀉食少。腹痛脇脹。月經不時。或如崩漏。或痰盛喘嗽。頭目眩痛。或五心煩熱。口渴飲湯。或健忘驚悸。盜汗無寐等症。臥床年許。悉屬肝脾虧損。氣血不足所致。用十全大補。加味歸脾。兼服月餘。諸症悉痊。

芎藭散

川芎一錢

赤茯苓

赤芍藥

酸棗仁炒

桂心

當歸酒洗

木香

牛膝酒洗

羌活

枳殼炒

甘草各三

右水煎服。

羚羊角散 治血氣身體疼痛。手足無力。

羚羊角鎊

酸棗仁炒

生地黄

檳榔各半

五加皮

防風

赤芍藥

當歸酒洗

骨碎補炒

海桐皮

川芎各五錢

甘草三錢

右爲末。每服二錢。溫酒調下。

通靈丸 治血風手足疼痛。不可忍者。

白附子

僵蠶各一兩、全蠍半兩

麝香一字

右爲末。煉蜜丸。桐子大。每服十丸。溫酒下。日二服。

當歸沒藥丸 治血風肢體刺痛。筋攣骨痺。或手足麻木。

當歸

五靈脂各一兩炒

沒藥半兩

右爲末。醋糊丸。桐子大。每服三十丸。薑湯下。

虎骨散 治血風走痛。或打撲作痛。

虎骨 酥炙

敗龜板 酥炙

當歸 酒洗

桂心

牛膝 酒洗

漏蘆

地龍 去土

葳靈仙

玄胡索 炒

自然銅 製等分

右爲末。每服二錢。熱酒調下。

附方

羌活勝濕湯 治頭痛脊痛。腰似折。項似拔。

羌活

獨活 錢各一

藁本

防風

甘草 炙各五分

蔓荊子

川芎 各二分

右水煎服。如身重腰沉沉然。是濕熱也。加黃柏一錢。附子半錢。白朮二錢。

東垣清燥湯 後方見

四物湯

補中益氣湯

四君子湯 三方見二十卷第六論

小續命湯 方見十九卷第八論

逍遙散

加味歸脾湯

十全大補湯 三方見二十四卷第四論 六味丸 方見二十一卷第十一論

婦人血風白虎歷節走疰方論第二



婦人血風。白虎歷節。繇體虛風邪乘之。隨血而行。或淫溢皮膚。或卒然掣痛走疰。如虎噬者。加減小續命湯主之。

愚按東垣云。若人身體沉重。走疰疼痛。此濕熱相搏。或風熱鬱而不得伸。附着於有形也。是症多因飲食起居失節。或因七情勞役失宜。脾胃虧損。腠理不密。外邪所侵。以致內熱晡熱。自汗盜汗。或經候不調。飲食不甘。治法。濕熱腫痛者。清燥湯。兼痰。佐以二陳湯。肝火作痛者。加味逍遙散。脾鬱作痛者。加味歸脾湯。血虛作痛者。四物湯。氣虛作痛者。四君子湯。氣血俱虛者。八珍湯。俱加羌活。川芎。月經先期而痛者。加味逍遙散。頭眩倦怠而痛者。補中益氣湯。大抵按之痛甚者。病氣實。按之痛緩者。元氣虛。勞役而痛者。亦元氣虛也。飲食失宜而痛者。脾氣虛也。惱怒而痛者。肝火盛也。若晝輕而夜重者。血分病也。與前

### 附治驗

一婦人歷節發熱作渴。飲食少思。月經過期。其脈舉之洪大。按之微細。用附子八物。四劑而痛止。用加味逍遙而元氣復。用六味丸而月經調。

一婦人體肥胖。素有熱。月經先期。患痛風。下體微腫。痛甚則小便頻數。身重脈緩。



此風濕血虛而有熱。用羌活勝濕湯二劑。腫痛漸愈。用清燥湯數劑。小便漸清。用加味逍遙散。內熱漸愈。又爲飲食停滯。發熱仍痛。面目浮腫。用六君加柴胡、升麻而愈。又因怒氣。小腹痞悶。寒熱嘔吐。用前藥加山梔、木香而安。惟小腹痛。墜似欲去後。此脾氣下陷。用補中益氣而愈。後因勞役怒氣。作嘔吐痰。遍身腫痛。經行寒熱。此肝木侮脾土。用六君加柴胡、山梔。腫痛嘔吐悉退。後用補中益氣而安。

一婦人飲食少思。畏風寒。患痛風。嘔吐寒熱。脈弦緊。用附子八物而四肢痛愈。用獨活寄生而腰痛漸痊。惟兩膝腫痛。用大防風湯而痛漸愈。用歸脾。逍遙而元氣復。

漏蘆散 治走疰疼痛。

漏蘆

當歸酒洗

牛膝錢各三

桂心

地龍去土

防風

羌活

白芷

沒藥

甜瓜子各半

虎脛骨

敗龜板各炙酥

右爲末。每服二錢。熱酒調下。

四生丸 治骨節作痛。或渾身麻痺。

白僵蠶炒去絲

地龍去土

白附子

五靈脂

草烏去皮尖各等分

右為末。米糊丸。桐子大。每服二十九。茶清送下。酒調服亦可。

麝香丸 治歷節諸風走痛。或如蟲行。

大川烏三箇去皮尖生用

全蠍二十箇

黑豆二粒

地龍去土錢

麝香一字

右為末。米糊丸。菉豆大。每服十丸。溫酒下。許學士云。予得此方。凡歷節及不

測疼痛。一二服便瘥。治一貴婦。遍身走痛。夜如蟲嚙。三服而愈。

附子八物湯 治歷節痛如鎚鍛。

附子炮

乾薑炮

芍藥炒

茯苓

人參

甘草

桂心各五分

白朮五錢

右水煎服。一方去桂。用熟地黃二錢。

獨活寄生湯方見後

小續命湯方見後

一婦人兩踝作痛。上行膝髀肩肘。痛如鎚鍛。至夜尤劇。六脈皆緊。一劑而愈。又鄧安人。夏月患此。人迎脈虛。此因暑而得。用酒蒸黃連丸。一服亦安。

附方

東垣清燥湯 治元氣虛。濕熱乘之。遍身痠軟。或肺金受邪。絕寒水生化之源。腎無所養。小便赤少。大便不調。腿腰痠軟。或口乾作渴。體重麻木。頭目眩暈。飲食少思。或自汗盜汗。肢體倦怠。胸滿氣臭。

黃耆五錢

五味子枕炒

黃連炒

神麴炒

猪苓

柴胡

甘草炒各二分

蒼朮

白朮炒

麥門冬去皮

陳皮炒

生地黄

澤瀉各五分

白茯苓

人參

當歸酒洗

升麻各三分

黃柏酒拌一分

右水煎服。

二陳湯方見二十四卷第五論

八珍湯

加味道遙散

加味歸脾湯三方見二十四卷第四論四物湯

四君子湯



六君子湯

補中益氣湯四方見二十六論六味丸方見二十一論

羌活勝濕湯方見前

大防風湯方見二十四論

### 婦人血風癰癧瘰癧瘡方論第三

婦人瘡癢癰疹。五心煩熱。乃血風攻注。用人參荊芥散。消風散。逍遙散。大抵因體虛風寒相搏。赤屬血分。而白屬氣分也。經云。汗出見濕。乃生痤瘡。凡人汗出。不可露臥沐浴。使人身振寒熱。致生風癰也。

愚按前症有身發疙瘩。或如丹毒。癢痛不常。或膿水淋漓。發熱煩渴。或頭目昏眩。日晡益甚。或寒熱發熱。月經不調。皆肝經風熱血燥。用加味逍遙散為主。佐以四君。芎歸。若忿怒身發疙瘩。痛疼寒熱。乃肝火血燥。用加味小柴胡湯。氣血俱虛。八珍加柴胡。丹皮。若夜間發熱。作渴譫語。乃熱入血室。用小柴胡加生地。血虛。四物合小柴胡。後用加味逍遙散調理。若鬱結食少體倦。內熱晡熱。乃脾經血燥。用加味歸脾湯。寒熱加山梔。熟地。若遊走瘡癢。乃血風走注。用何首烏散。血虛。逍遙散。風熱。消風散。若專用風藥。復傷陰血。必致筋攣等症。



附治驗

一婦人身發疙瘡。或生丹毒。癢痛不常。搔碎成瘡。膿水淋漓。發熱煩渴。頭目眩暈。日晡益甚。此血虛內熱之症。以當歸飲加柴胡、山梔治之而愈。

一婦人患前症。肢體疼痛。頭目不清。自汗盜汗。月水不調。肚腹作痛。食少倦怠。先用參荊芥散。後用逍遙散治之而痊。

一婦人因忿怒。身發疙瘡。憎寒發熱。余謂肝火。用小柴胡湯加山梔、黃連治之而愈。後口苦脇痛。小便淋漓。復用前藥全愈。

一婦人患前症發熱。夜間譫語。此血分有熱。以小柴胡湯加生地治之而安。後用四物湯加柴胡、山梔、丹皮而熱退。又用逍遙散全愈。

一室女十四歲。天癸未至。身發赤斑癢痛。左關脈弦數。此因肝火血熱。以小柴胡湯加山梔、生地、丹皮治之而愈。若因怒而致者。亦宜治以前藥。治驗餘見二十四卷血風門

何首烏散 治皮膚癢癢。遊走無定。

何首烏

防風

白蒺藜炒

枳殼麸炒

天麻

僵蠶

胡麻炒

羌蔚子

蔓荊子錢各一

茵陳五分

右水煎服。

附方

四物湯

四君子湯二方見二卷第六論

加味小柴胡湯

小柴胡湯二方見二卷第二論

八珍湯

加味歸脾湯

加味逍遙散

逍遙散四方見二卷第四論

消風散方見二卷第七論

當歸飲方見二卷第六論

人參荊芥散方見五卷第三論

婦人虛風頭目眩暈方論第四

婦人頭眩。繇氣虛風入於腦。循脈引於目系。目系急而然也。邪甚則必癩。素問云。頭痛癩疾。下虛上實。過在足少陰巨陽。甚則入腎。徇蒙招搖。目瞑耳聾。下實上虛。過在足少陽厥陰。甚則在肝。下虛者腎虛也。故腎厥則頭痛。上虛者肝虛也。故肝虛則暈。徇蒙者。如以物蒙其首。招搖不定。目眩耳聾。皆暈之狀。故肝厥頭痛不同也。

愚按。丹溪先生云。眩者言其黑。運旋轉。其狀目閉眼昏。身轉耳聾。如立舟船之上。起則欲倒。蓋虛極乘寒得之。亦不可一途而取軌也。若風則有汗。寒則掣痛。暑則熱悶。溼則重滯。此四氣乘虛而眩運也。若鬱結生痰而眩暈者。此七情虛火上逆也。若淫慾過度而眩暈者。此腎虛氣不歸源也。若吐衄漏崩而眩暈。此肝虛不能攝血也。有早起眩暈。須臾自定者。元氣虛也。正元飲下黑錫丹。傷溼頭運。用腎着湯。加川芎。有痰。用青州白丸子。頭風。風熱也。久則目昏偏頭風。相火也。久則目緊便澀。皆宜出血以開表之。竊謂前症肝虛頭暈。用鈎藤散。腎虛頭暈。六味丸。頭暈吐痰。養正丹。不應。八味丸。血虛。四物參苓白朮。不當歸補血湯。氣虛。四君歸耆。不應。益氣湯。肝木實瀉。青丸。虛。用地黃丸。不應。川芎散。脾氣虛。二陳參朮柴胡。升麻。不應。益氣湯。加茯苓半夏。脾胃有痰。半夏白朮天麻湯。風痰上壅。四神散。發熱惡寒。八物湯。七情氣逆。四七湯。傷濕而暈。除濕湯。

附治驗

一婦人素頭暈。不時而作。月經遲而少。此中氣虛弱。不能上升而頭暈。不能下化而經少。用補中益氣湯而愈。後因勞仆地。月經如湧。此勞傷火動。用前湯加五



味子。一劑而愈。前症雖云氣無所附。實因脾氣虧損耳。  
婦人內熱口乾。勞則頭暈。吐痰帶下。詳見六卷第十六論。

養正丹治 虛風頭眩。吐涎不已。蓋此藥升降陰陽。補接真氣。非止頭眩而已。

黑鉛 水銀 硫黃 硃砂  
各一兩

右用砂器鎔鉛。下水銀攪勻。離火少時。入硫砂再攪。候冷為末。飯丸。菴豆大。每服三十丸。空心。食前。棗湯下。

鈎藤散 治肝厥頭暈。

鈎藤鈎 陳皮 半夏 麥門冬  
去心

茯苓 茯神 人參 甘菊花  
去木 去蘆

防風 甘草 石膏  
各一錢 炙三錢 煨二錢

右薑水煎。

川芎散 治肝腎虛風。頭目眩暈。或頭痛耳鳴。目系緊急。

小川芎 山藥 白茯苓 甘菊花  
野菊不用

人參 山茱萸肉  
各半 一兩



右爲末。每服二錢。酒調。日三服。

三五七散 治入風五痺。肢體不仁。或風寒入腦。頭痛目旋。耳內蟬鳴。

附子炮

細辛各三

山茱萸

乾薑各五兩

防風

山藥各七兩

右爲末。每服二錢。溫酒調。

四神散 治血風眩暈。頭痛寒熱唾痰。

菊花

當歸酒洗

旋覆花去梗

荊芥穗各一

右葱白三寸。茶末一錢。水煎。

附方 治血風頭旋。或不知人事。用喝起草嫩心。陰乾爲末。酒服二錢。其功甚效。即前蒼耳散。

治頭旋如天動地轉。名曰心眩。膽礬一兩細研。用麵餅劑一箇拌勻。勒如骰子大。瓦上焙乾。每服一散爲末。燈心竹茹煎湯調下。此去痰之法。當審而用之。

附方

正元飲 治下元虛敗。痰氣上湧。頭目眩暈。臟腑滑泄。時或自汗。手足逆冷。霍亂

轉筋等症。

紅豆錢炒二

人參去二兩

附子炮去一兩

茯苓

甘草炙各一兩

肉桂五錢

川芎

山藥薑汁炒

烏藥

乾葛各一兩

白朮二兩

乾薑炮三錢

黃耆炙半兩

右每服三錢。薑棗水。入鹽少許。煎送黑錫丹。

黑錫丹 治真陽虛敗。痰氣壅塞。心火炎熾。或赤白帶下等症。

肉桂

沉香

附子炮去一兩

葫蘆巴酒浸炒

破故紙炒

茴香炒

肉豆蔻麵裹煨

陽起石飛研水

金鈴子蒸去核

木香各一兩

硫黃

黑錫去二兩各

右將黑錫、硫黃入銚內。煉結砂子。傾出地上。去火毒。研細。餘藥為末和勻。再研

至黑光色。酒糊丸。桐子大。陰乾。入布袋擦令光潤。每服四十丸。

腎着湯方見十五卷第八論

青州白丸子方見三卷第四論

六味丸

八味丸二方見二十四卷第十一論

當歸補血湯方見十九卷第六論

四物湯

四君子湯

補中益氣湯

三方見二十一卷第六論 二陳湯 方見二十五卷第五論

瀉青丸

方見二十四卷第三論

八物湯

方見二十四卷第四論

四七湯

方見十二卷第七論

除濕湯

即腎着湯加川芎

半夏白朮天麻湯

方見四卷第五論

### 婦人血風頭痛方論第五

許學士云。婦人患頭風者。十居其半。每發必掉眩。如在車船之上。蓋因肝經血虛。而風邪襲之。爾用川芎當歸散。若頭痛連齒。時發時止。連年不已。此風中腦。謂之厥逆頭痛。宜白附子散。及灸曲鬢穴。在耳掩前正尖上。灸七壯。左痛灸左。右痛灸右。

愚按。東垣云。足太陽頭痛。脈浮緊。惡風寒。川芎羌活獨活麻黃為主。手少陽經頭痛。脈弦細。往來寒熱。柴胡為主。足陽明頭痛。身熱目疼鼻乾。惡寒發熱。脈浮緩而長。升麻湯。或石膏白芷為主。手太陽頭痛。有痰體重。或腹痛。為痰癖。脈沉緩。蒼朮半夏南星為主。足少陰經頭痛。足寒氣逆。為寒厥。脈沉細。麻黃附子細辛湯為主。足厥陰頭項痛。或吐涎沫。厥冷。脈浮緩。吳茱萸湯主之。諸血虛頭痛。



當歸川芎爲主。諸氣虛頭痛。人參、黃耆爲主。氣血俱虛。頭痛調中益氣。少加川芎、蔓荊、細辛。痰厥頭痛。半夏、白朮、天麻湯。厥逆頭痛。羌活附子湯。如濕氣在頭者。以苦吐之。不可執方而治。若脈雜亂而病見不一。且補胃爲主。

### 附治驗

一婦人因勞耳鳴。頭痛體倦。用補中益氣。加麥門、五味而痊。三年後得子。因飲食勞倦。前症益甚。月經不調。晡熱內熱。自汗盜汗。用六味地黃丸。補中益氣湯頓愈。經云。頭痛耳鳴。九竅不利。腸胃之所生也。故脾胃一虛。耳目九竅皆爲之病。一婦人兩眉稜痛。後及太陽。面青善怒。此肝經風熱之症。用選奇湯合逍遙散。加山梔、天麻、黃耆、半夏、黃芩而愈。此症失治。多致傷目。或兩耳出膿。則危矣。頭痛手掉身麻。見一卷第五論。

### 川芎當歸散

川芎	一錢	當歸	酒拌	羌活	旋覆花
細辛		蔓荊子		防風	石膏 煨
藁本		荊芥穗		半夏 麩	生地黃



甘草炙各五分

右薑水煎。

白附子散 治風邪風痰。頭痛連齒。不時舉發。或連年不愈。

麻黃根不去

烏頭炮去皮

南星炮各半兩

白附子炮一兩

全蠍炒五枚

辰砂

麝香

白薑炮各一錢

右爲末。酒調服三分。臥少時。

川芎茶調散 治諸風上攻。頭目昏重。偏正頭痛。

薄荷八兩

川芎

荊芥各四兩

羌活

白芷

防風

甘草炙各二兩

細辛一兩

右爲末。每服二錢。食後茶清調。

如聖餅子加細辛。其效甚速。若頭痛筋攣。骨重少氣。噦噫腹滿。咳嗽煩冤。其脈舉

之則弦。按之石堅。繇腎氣不足而逆上。謂之腎厥頭痛。宜玉真丸。硫黃丸。

硫黃丸 治頭風不問新久。服此除根。屢用屢效。

硫黃二兩

硝石二兩

右爲末。滴水丸。指頂大。每服一丸。空心。細嚼。茶清下。  
一方用生萊菔汁。仰臥注兩鼻。數年之患。一注卽愈。  
一方治風邪入腦。患頭痛不可忍。不問年歲。

硝石

人中白

腦子等分

右爲末。用一字。吹入鼻中。

都梁丸 治產前產後風邪所傷。頭痛頭暈。方見後

### 附方

調中益氣湯 治氣血俱虛而頭痛。

芍藥三分

升麻二分

黃耆一錢

甘草五分

五味子七粒

當歸

白朮

人參各三分

柴胡

橘皮各二分

右水煎。

半夏白朮天麻湯

半夏一錢

白朮

神麴炒各一錢

天麻

黃耆

人參

蒼朮

陳皮

澤瀉

茯苓

乾薑

黃柏

大麥蘖半一錢

右每服半兩。水煎。

羌活附子湯

麻黃

黑附子炮

白芷

白殭蠶

黃柏各三

羌活

蒼朮

防風

甘草

升麻

黃耆

右水煎服。

選奇湯 治風熱上壅。眉稜骨痛。或頭目眩暈。

羌活

防風

甘草

黃芩

右每服三錢。水煎。時時服。

吳茱萸湯

升麻湯

麻黃附子細辛湯三方見六卷

補中益氣湯方見二十四卷第六論

六味丸方見二十四卷第十一論

逍遙散方見二十四卷第四論

### 頸項強痛方論第六

夫頸項屬足太陽膀胱。足少陰腎。二經相爲表裏。若感風寒濕氣。則發熱惡寒。頸項強急。腰背反張。瘕瘕口噤。脈沉遲弦細。新產血虛出汗。多患此症。若因鼾睡失枕而致。用三五七散追風散。若風邪所傷。用都梁丸。木瓜煎。愚按東垣云。肩背痛不可回顧。此手太陽氣鬱而不行。以風藥散之。竊謂前症。若因肝木自旺。用瀉青丸。精血不足。六味丸。風熱淫肝。加味逍遙散。怒動肝火。加味小柴胡湯。肝經血虛。加味四物湯。腎不能生肝。六味丸。膀胱氣滯。羌活勝濕湯。大抵肝火旺。則肝血虛而筋燥。頸項強急。或腰背反張。或四肢拳攣。或頸項等處結核。

#### 附治驗

一婦人耳內或耳後項側作痛。寒熱口苦。月經不調。此肝膽經火。兼傷脾胃。用四君加柴胡。升麻。黃耆。芍藥而愈。後因勞役怒氣。嘔吐脅脹。用六君子湯加山梔。



柴胡而安。

一婦人因怒。寒熱作渴。左目緊小。頭頸動掉。四肢抽搐。遍身疼痛。此血虛肝熱。則生風也。用加味逍遙。加鈎藤鈎數劑。諸症漸愈。又用八珍湯而痊。  
追風散。治風邪所乘。頭目眩痛。口眼歪斜。牙關緊急。或百節疼痛。鼻塞聲重。項背拘急。皮膚瘙癢。面若蟲行。

川烏炮去尖皮

白僵蠶炒去絲

防風

石膏煨

川芎

荊芥穗

甘草炙各兩

羌活

天南星

地龍去土

白附子炮

全蠍去尾錢半

白芷各半兩

沒藥研

乳香研

草烏炮去尖皮

雄黃研各錢一

右爲末。每服半錢。用茶清少許。食後臨臥調下。

都梁丸。治諸風項背不利。頭目眩暈。腦門作痛。或產前產後傷風。頭目昏重。血風頭痛。用白芷末蜜丸。彈子大。每服一丸。細嚼。荊芥煎湯下。  
木瓜煎

木

瓜

不犯鐵器二箇取蓋去穢

沒

藥

二兩

乳

香

一兩

右以木瓜去核入二藥仍蓋合之飯上蒸爛研成膏每服三匙。生地黄汁半盞。無灰酒和服。有人患此自午發至夜方止。余曰。此是少陰經症。發必先從足起。蓋足少陰之筋自足大指起至頭筋者肝之合也。日中至夜天之陽陽中之陰。又曰陽中之陰肺也。自離至兌陰旺陽弱之時故靈寶畢法云離至乾腎氣絕而肝氣弱。肝腎二臟受陰氣故發於是時予受此方三服而愈。

附方

瀉青丸

方見二十四卷第三論

羌活勝濕湯

方見

六味丸

方見二十四卷第十一論

八珍湯

加味逍遙散

二方見二十四卷第四論

加味小柴胡湯

方見二十四卷第二論

加味四物湯

四君子湯

二方見二十四卷第六論

婦人腰痛方論第七

夫腎主於腰。若婦人腰痛。繇腎氣虛弱。外感六氣。內傷七情。皆能致之。如因風邪

所乘。用小續命湯。加桃仁、杜仲。如因寒濕所傷。五積散。腎經虛弱。青娥丸。如因氣血凝滯。用牽牛、茴香之類。

愚按。陳無擇先生云。若形體虛羸。面色黧黑。腿足痿軟。不能行立。此失志所爲也。腹急脅脹。目視眊眊。宗筋弛縱。白淫下注。此鬱結所爲也。肌肉不仁。飲食不化。腸胃脹滿。閉墜腰脅。此憂思所爲也。皆屬內因。若腰冷作痛。身重不渴。小便自利。飲食如故。因勞汗出。腰痠脅痛。或墜墮血滯。或房勞精竭。皆屬內外因也。竊謂前症失志。腎虛熱者。六味丸。腎虛寒者。八味丸。鬱怒傷肝。實用龍膽瀉肝湯。虛用六味丸。補肝散。憂慮傷脾者。歸脾湯。逍遙散。腎實者。寒則朮附湯。虛則腎着湯。腰膝痛者。寄生湯。養腎散。瘀血滯者。如神湯。舒筋湯。房勞腰痛者。青娥丸。十補丸。

附治驗

一婦人腰痛三年矣。每痛必面青。頭暈目緊。余以爲肝脾氣虛。用補肝散而愈。三年後。因勞役。患頭痛兼惡心。用補中益氣湯。加茯苓、半夏、蔓荊子而愈。

一婦人苦腰痛。數年不愈。余用白朮一味。大劑服。不三月而痊。乃胃氣虛閉之症。



故用白朮也。

如神湯 治男婦腰痛。

延胡索

當歸

桂心等分

右爲末。每服二錢。溫酒調。甚者。不過數服。

獨活寄生湯 治足三陰虛風濕所侵。脚膝歷節作痛。

獨活

桑寄生

續斷酒炒

杜仲薑汁炒

細辛

牛膝酒拌炒

秦艽

茯苓

白芍藥炒

桂心

川芎

防風

人參

熟地黄自製

當歸

粉草炙各分

右水煎。

舒筋散 治風寒傷腎脊作痛。或閃挫氣滯。血瘀亦良。

玄胡索炒

杜仲薑汁炒

官桂去皮

羌活

芍藥等分

右爲末。每服二錢。酒調。



又方。橘核炒木香。研酒下。

附方

濟生朮附湯 治寒濕傷腎。腰重冷痛。小便自利。或手足逆冷。

附 子炮

白

朮

各一

杜

仲

薑

右用每服四錢。薑水煎。

三因腎着湯 治腎虛爲病。身重腰冷。如水洗狀。不渴而小便自利。飲食如故。腰

以下冷痛。如帶數千錢。

茯苓

白

朮

各四

乾

薑

炮

甘

草

炙各

右每服四錢。水煎。空心服。

青娥丸

治腎虛腰痛。或外邪所侵。腰腿或筋骨作痛。

胡桃仁

二十

蒜

所膏

破故紙

酒浸炒

杜

仲

去皮薑

斤

右爲末。蒜膏丸。桐子大。每服五十丸。空心醋湯下。蒜不用亦可。

六味丸

十補丸

八味丸

卷三十一方見二十四論

龍膽瀉肝湯

方見二十四論

補肝散

方見十七卷論

養腎散

後方見

歸脾湯

逍遙散二方見二十卷第四論

### 婦人腰脚疼痛方論第八

腎主於腰脚。女人胞絡係焉。若勞傷腎氣。風冷客於脈絡。故腰脚作痛也。治當補元氣爲主。佐以祛邪之劑。

愚按前症若真陽衰敗。寒邪乘襲。手足俱冷。頭痛惡寒。或嘔吐腹痛等症。宜用本方。若氣血虛弱。寒邪所感。惡寒發熱。頭痛作渴。或嘔吐腹痛等症。宜用五積散。若元氣虛弱。濕熱所傷。兩脛腫痛。寒熱身疼。或嘔吐不食等症。宜用檳蘇敗毒散。若脾胃虛弱。元氣下陷。寒熱嘔吐。發熱頭痛。喘渴體倦等症。宜用補中益氣湯。若足三陰精血虧損。陰火內動。內熱晡熱。作渴痰甚。小便頻數等症。宜用六味地黃丸。若足三陰陽氣虛敗。惡寒發熱。手足俱冷。吐痰不食。二便滑數等症。宜用八味地黃丸。

#### 附治驗

一婦人先腰胯作痛。後兩腿亦痛。余以爲足三陰虛寒。外邪所傷。用小續命湯。及

獨活寄生湯。或作或止。所用飲食極熱。腹中方快。余曰。邪氣去而元氣虛寒也。診其脈果沉細。用養腎散漸愈。又用十補丸而痊。

一婦人所患同前。但發熱作渴。喜冷飲食。脈洪數。按之遲澀。余以爲血虛有熱。用羚羊角散。去檳榔。加白朮、茯苓數劑。更用加味逍遙散而痊。

一婦人患前症時。或腿膝作痛。脈浮數。按之遲緩。此元氣虛而風濕所乘。用獨活寄生湯頓愈。又用八珍湯而安。

一婦人因怒患前症。寒熱往來。口苦不食。晡熱內熱。余以爲肝火血虛。先用小柴胡、山梔頓愈。又用加味逍遙散而瘳。

一婦人患前症。寒熱頭痛。殊類傷寒。此寒邪之症。用檳蘇敗毒散而安。又用補中益氣調補而愈。

骨碎補散 治陽氣虛弱。外寒所侵。腰脚疼痛。腹脅拘急。

骨碎補炒

萆

薤酒炒

牛膝酒炒

桃

仁去皮

海桐皮

當

歸酒拌

桂心

檳

榔各五

赤芍藥炒

附

子炮

川芎

枳

殼各二分



薑棗水煎。

養腎散 治腎經虛弱。風寒所侵。以致腰脚疼痛。不能步履。

蒼朮一兩

乾蠍三錢

天麻

草烏頭炮去皮尖

黑附子炮去皮臍各二錢

右爲末。每服一錢。酒調服。麻痺少時隨愈。孕婦勿服。此治風寒傷腎膀胱虛寒之良藥。用之得宜。殊有神效。

附方

五積散方見後

檳蘇敗毒散方見卷第十論 補中益氣湯方見卷第六論

十補丸

六味丸

八味丸三方見卷第十一論

小續命湯方見前

獨活寄生湯方見前

羚羊角散方見前

加味逍遙散

八珍湯二方見卷第二論

小柴胡湯方見卷第二論

婦人風邪脚氣方論第九

婦人脚氣。乃肝脾腎三經。或胞絡氣虛。爲風毒所搏而患。蓋胞絡屬於腎。主於腰



脚。三經絡脈。起於足中指。若風邪客於足。從下而上。動於氣。故名脚氣。皆繇六淫七情。或產後。或經行。風毒相搏。其症或頭痛身熱。肢節作痛。或大便秘結。小便不利。或脚膝緩弱。足脛腫滿。或腰膝枯細。忪悸嘔逆。或小腹不仁。舉體轉筋。或胸滿氣急。遍體酸痛。用香蘇散。加檳榔。生薑。若寒中。三陽必冷。用小續命湯。若暑中。三陰必熱。用小續命湯。去附子。大躁者。紫雪最良。無紫雪。以百合。薄荷煎冷水調服。大便秘。用脾約丸。麻仁丸。三和散。補藥淋洗。皆大禁也。

愚按。嚴用和先生云。前症初患。不覺。因他病乃發。先從脚起。或緩弱痺痛。不能行履。或兩脛腫滿。或足膝細小。或心中怔忡。或小腹不仁。或舉體轉筋。或見食作嘔。或胸滿氣急。遍體酸麻。其脈浮而弦者。因於風。濡而弱者。因於濕。洪而數者。因於熱。遲而濇者。因於寒。男子繇於腎氣虧損。女子血海虛弱。七情所致。竊謂前症。若足三陰虛弱。用還少丹。若脾氣虛寒。用八味丸。若飲食停滯。臀腿痠脹。浮腫作痛。此脾氣下陷。用六君子。少加柴胡。升麻。不應。須用八味丸。若發熱口渴。月經不調。兩腿無力。此足三陰血虛火燥。用六味。八味二丸兼服。前症方西方之人多患之。因素食乳酪。脾胃壅滯。脛足腫滿。至於南方亦有。因膏粱

厚味。濕熱下注而患者。故古人謂之壅疾。所用之方。多疎通發散之劑。然感於房勞過度。虧損三陰。治法又當以固本為主。故六物附子。爲元氣虛弱。寒邪內侵之聖藥。所屬各經等方附後。

### 附治驗

一婦人兩脇赤痛。寒熱口苦。嘔吐懶食。面色青黃或赤。此肝木乘脾土。用小柴胡湯加山梔、升麻、茯苓。二劑頓愈。又用六君子湯加柴胡、山梔全愈。

一婦人飲食勞役。兩脇兼腿疼痛。或時寒熱。余以爲脾虛濕熱下陷。用補中益氣湯加山梔、茯苓、半夏。治之而痊。後復作。用六君子湯加柴胡、山梔全愈。

一婦人經行後。寒熱晡熱。兩腿作痛。此肝經血虛也。用加味逍遙散加山梔。治之而愈。後因勞。日晡內熱。或用四物、黃柏、知母之類。前症益甚。更加食少作瀉。余以爲元氣下陷。前藥復傷。先用六君子湯加補骨脂二劑。調補脾胃。而瀉止食進。又用補中益氣湯。升舉元氣而痊。

大腹皮散 治脚氣肢節煩疼。心神壅悶。或頭暈喘嗽不食。

大腹皮

紫蘇

木通

桑白皮炒

羌活

荊芥

赤芍藥炒

青皮

木

瓜不犯鐵器

獨活各五

枳殼一錢炒

右薑蔥水煎。

半夏散 治脚氣上攻。心腹脹滿。飲食不下。嘔吐不止。

半夏薑製

陳皮

人參

大腹皮

桂心各三分

檳榔一錢

赤茯苓

紫蘇各五分

右薑水煎。

桑白皮飲 治兩脚浮腫。小便赤澀。腹脅脹滿。或喘嗽痰湧。嘔吐不食。

桑白皮炒

郁李仁去皮

赤茯苓各一錢

木香

防己酒拌

大腹皮

紫蘇子炒

木通去節

檳榔

青皮各五分

右薑水煎。

附方

大黃左經湯 治四氣乘注足陽明經。以致膝腿作痛。或足脛赤腫。嘔吐不食。大



小便秘結。或惡食喘急。自汗等症。

細辛

茯苓

羌活

大黃煨

甘草炙

前胡

枳殼麸炒

厚朴薑製

黃芩炒

杏仁去皮尖等分

右每服五錢。薑棗水煎。

麻黃左經湯。治風寒暑濕。乘注足太陽經。以致腰足攣痺。肢節重痛。或增寒發

熱。自汗惡寒。或自汗惡風頭痛。

麻黃

乾葛

細辛

白朮

茯苓

防己酒拌

桂

羌活

甘草炙

防風

右每服半兩。薑棗水煎服。

半夏左經湯。治足少陽經。為風寒暑濕乘注。以致惡寒發熱。腰腿疼痛。或頭目

眩暈。嘔吐不食。或熱悶心煩。腿痺不隨。

半夏

乾葛

細辛

白朮



麥門冬去心

茯苓

桂枝

防風

乾薑炮

黃芩炒

小草炙

甘草

柴胡

右每服半兩。薑棗水煎。熱悶。加竹瀝。喘急。加杏仁、桑白皮。

六物附子湯 治四氣乘於足太陰經。以致骨節煩疼。四肢拘急。自汗短氣。小便

不利。或手足浮腫。

附子炮

桂

防己各四錢

甘草炙二錢

白朮

茯苓各二錢

右每服半兩。薑水煎。

換腿丸 治足三陰經。爲風寒暑濕之氣所乘。發爲攣痺緩縱。或上攻胸背。下注

脚膝疼痛發熱。行步艱辛。

薏苡仁

南星

石楠葉

石斛

檳榔

草薢酒拌

川牛膝酒浸

羌活

防風

木瓜各四兩

黃耆炒

當歸酒拌

天麻

續斷

酒炒各一兩

右爲末。酒糊丸。如桐子大。每服五十丸。鹽湯下。

五積散 治風寒所傷。以致脚氣疼痛。或寒熱拘急。嘔吐不食等症。

當歸酒拌

芍藥炒

川芎

炮薑

人參

茯苓

陳皮

桔梗炒

厚朴薑炒

白芷

蒼朮

半夏薑製

肉桂

麻黃

甘草五炒各

右薑棗水煎。

當歸拈痛湯 治濕熱爲病。肢節類疼。肩背沉重。胸膈不利。或兼遍身作疼。足脛

腫痛不可忍者。或濕熱流注下部。瘡瘍赤腫。

羌活

人參

苦參酒製

升麻

乾葛

蒼朮錢各一

甘草炒

黃芩酒炒

當歸

茵陳酒製各五分

防風

知母酒炒

澤瀉

猪苓

白朮各四分

右水煎服。

紫蘇子湯 治脚氣上攻。陰陽交錯。清濁不分。上重下虛。中滿喘急。嘔吐自汗。無復紀律。

紫蘇子 微炒

半夏 薑製

前胡

厚朴 薑製

當歸 酒拌

甘草 炙各二兩

桂心

陳皮

右每四錢入薑棗煎服。

還少丹 方見第四論十三

六味丸

八味丸 卷二方見二十四

小柴胡湯 卷二方見十四

加味逍遙散 卷二方見十四

六君子湯

補中益氣湯 卷二方見二十

# 校註婦人良方

宋 臨川 陳自明良甫編輯  
明 古吳 薛己立齋補註

鄞縣 曹赤電炳章圈校

## 卷五

### 婦人勞瘵各症方論第一

夫骨蒸殭殍。復連尸症。勞症。蟲症。毒症。熱症。冷症。食症。鬼症。症者注也。自上注下。與前人相似。故曰注。其變有二十二種。或三十六種。或九十九種。令人沉沉默默。寒熱盜汗。夢與鬼交。遺泄白濁。或腹中有塊。或腦後兩邊有結核。咳嗽膿血。下利羸瘦。死而傳注。甚至滅門。更有蜚尸。遁尸。寒尸。喪尸。尸注。謂之五尸。人爲其症者。不自知所苦。雖有狸骨。獺肝。天靈蓋等方。未嘗見效。唯崔氏灸法。早用有濟。若寒熱自汗。面白目乾。口苦。神昏善恐。不能獨臥。傳在肝也。若寒熱面黑。鼻燥善忘。大



便秘瀉。口舌生瘡。傳在心也。若寒熱面青唇黃。舌本硬強。言語不出。飲食無味。羸瘦吐涎。傳在脾也。若寒熱面赤鼻白。乾燥毛折。咯嗽喘急。吐涎膿血。傳在肺也。若寒熱面黃耳焦。脚脰痠痛。小便白濁。遺瀝腹痛。傳在腎也。

愚按前症誠然有之。故葛仙翁用獼肝一具。陰乾杵末。水下方寸匕。日三服。未愈再作。宋宣和間一法師。善考訊鬼怪。時一婦以疾投狀。既而如有鬼祟所附。曰。非我爲患。乃病人命自衰爾。渠今已成蟲食肺。故令吐血聲嘶。又屢掠問彼所畏何物。云以獼爪爲末。酒服之。則去矣。患家如其言得愈。獼爪卽獼肝之類歟。玄珠云。蟲瘵多有兄弟互相傳染。甚至絕戶。此乃冤牽相纏及風水所系。雖有符文法水下蟲之方。然蟲去而人亦亡。若能平素保養。亦可免矣。竊究養生微旨云。益氣補肺。益精滋腎。皆資其化源也。蓋人之精血常不足。加之數奪其真。資化失常。則胃氣不固。精氣滑脫。不能上接陽氣。故頭重或痛。氣弱而食少。元氣下陷。脈卽微弱。外散欲絕而虛洪。或見損脈。此實元氣不足之所致。非有外感賊邪之病也。

附治驗

一婦人素勤苦。因喪子。飲食少思。忽吐血甚多而自止。此後每勞則吐數口。瘵症已具。形體甚倦。午前以補中益氣。午後以歸脾湯送地黃丸而愈。

一女子患前症。反其唇視有白點。此蟲蝕肺也。余云。急尋獺肝治之。不信。果咳膿而歿。後聞其兄弟三人。皆夭於此症。大凡夕嗽當視其兩唇。若上唇有點。蟲蝕上部。下唇有點。蟲蝕下部。

### 一二十四種蒸病論新附

所謂勞蒸者。毛折髮焦。肌膚甲錯。其蒸在皮。外熱內寒。身振肉瞤。其蒸在肉。髮焦鼻衄。或復尿血。其蒸在血。身熱煩躁。痛如針刺。其蒸在脈。爪甲焦枯。眼昏脅痛。其蒸在髓。頭眩熱悶。涎濁眵淚。其蒸在腦。男子失精。女子白淫。其蒸在玉房。乍寒乍熱。中脘煩悶。其蒸在三焦。小便赤黃。凝濁如膏。其蒸在膀胱。大便秘泄。腹中雷鳴。其蒸在小腸。大腹隱痛。口舌乾疼。其蒸在大腸。口鼻乾燥。腹脹自汗。睡臥不安。其蒸在胃。口苦耳聾。兩脅下痛。其蒸在膽。裏急後重。肛門祕澁。其蒸在廣腸。小腹疝痛。筋脈縱緩。陰器自強。其蒸在宗筋。眩暈下淚。躁怒不常。其蒸在肝。舌黑氣短。煩



悶灑淅。其蒸在心。唇乾口瘡。胸腹脹悶。畏寒不食。其蒸在脾。咳嗽喘滿。咯痰吐血。聲嘶音啞。其蒸在肺。耳輪焦枯。脚氣酸痛。其蒸在腎。情想不寧。精物時下。其蒸在右腎。心膈噎塞。攻擊疼痛。俛仰煩冤。其蒸在膈。此症蟲多。嚙心肺。治當絕其根也。愚按。醫林集要云。前症若蒸肺。用天麥門冬、桔梗、紫苑、烏梅肉。若蒸皮。石膏、桑白皮。若蒸氣。喘促鼻乾。身熱不安。人參、黃芩、梔子。若蒸大腸。大黃、芒硝。若蒸心。黃連、生地黃、當歸。若蒸脈。蒸血。皆用生地黃、當歸。童子小便。若蒸小腸。赤茯苓、木通、生地黃。若蒸脾。芍藥、木瓜、苦參。若蒸肉。芍藥。若蒸胃。石膏、粳米、大黃、芒硝。乾葛。若蒸膽。柴胡、瓜蒌。若蒸三焦。石膏、竹葉。若蒸肝。川芎、當歸、前胡。若蒸筋。川芎、當歸。若蒸腎。生地黃、石膏、知母、寒水石、藁本。若蒸腦。生地黃、防風。若蒸髓。天門冬、當歸、生地黃。若蒸骨。鼈甲、地骨皮、當歸、牡丹皮、生地黃。若蒸玉房。知母、黃柏、當歸、芍藥。若蒸脬。澤瀉、茯苓、生地黃、沉香、滑石。若蒸膀胱。澤瀉、滑石。凡此諸蒸。多因熱病食肉。與油膩房勞飲酒而成者。久蒸不除。變爲疳症。卽死。亦有瘧疾久而不愈。以致咳嗽失治。漸成骨蒸勞瘵之症。當推標本而治之。

崔氏灸骨蒸勞瘵。用細繩一條。男左女右。從足大拇指頭齊量起。從腳板底當脚

跟中心。向後引繩。循脚肚貼肉。直上至曲督中橫紋截斷。又令患者解髮分兩邊。見頭縫自顙門平分至腦後。乃平身正坐。取前所截繩。一頭從鼻端齊引繩向後。正循頭縫至腦後貼肉垂下。循脊骨引繩向下。至繩盡處。當脊骨以黑點記。此黑點不灸。別取一繩。令患者合口。將繩按於口上兩頭。至吻却吊起。繩中心至鼻端根下。如人字樣。齊兩吻截斷。將此繩展直於前在脊骨上黑點處。取中橫量。勿令高下。於繩兩頭以白圈記之。此是灸至百壯。七壯。此名患門穴。初灸此訖。次令其人半身正坐。稍縮臂膊。取一繩繞項向前雙垂。與鳩尾齊。鳩尾是心歧骨間。量取一寸。即尾也。即截斷。却背翻繩頭向項後。以繩中停取心正。令當喉嚨結骨上第二次墨點處。摺中橫量繩兩頭。以白圈記之。此是灸至百壯。七壯。又將第二次量口繩摺中。當脊直上下豎停中心。在第一次墨記。上下繩頭盡處。以白圈記之。此是灸至百壯。七壯。此縱橫四方凡四穴。是名曰四花穴。初灸各七壯。若瘡愈。其疾未效。依法復灸。故云累灸至百壯。凡灸時可用灸足三里。以篤其火為好。三若婦人纏足短小。難為量。只取膏盲腧灸之。在第四椎下兩旁。各三寸。是穴。兩次灸四花穴。道軒用此法灸之。無有不效者。

神仙秘法 取勞蟲須先擇良日。焚香禱祝。令病人面向福德方服。神效。



青桑枝

楊柳枝

梅枝

桃枝俱向東者各七莖

葱白七莖

青蒿一握如無子代阿魏一錢

真安息香一錢

右用童便一升半。煎一升。入阿魏。再煎數沸。入硃砂半兩。小檳榔半兩。麝香半錢。五更并天明。各進一服。下白蟲。尚可治。以淡粥補之。用藥調理三五月再服。以除病根。如蟲黑。已入腎。不可救矣。

治心胸痛引兩脅。昏悶聲濁。熱壅鼻衄。或痰喘發熱。

桑白皮炒

枳殼麵炒

木通

子芩炒

生地黃

白芍藥

甘草各五分

用水煎服。

溫金散 治肺嗽惡寒。發熱唾痰。皮毛焦燥。

甘草炒

黃芩炒

桑白皮炒

防風各一兩

杏仁二十粒製

人參

茯苓各半兩

麥門冬三錢

右前五味。用米泔浸一宿。曬乾。入人參等三味。每服三錢。入蠟一豆大。水煎。桔梗飲子 治心氣不足。解倦溢血。或喘嗽痰甚。

桔梗炒

甘草炒

黃耆炒

人參

麥門冬錢各一

青皮三分

右用水煎服。

治咽喉痛。

百藥煎去黑皮

鵬砂

甘草

生白礬等分

右爲末。每服一二錢。食後。用米飲調。細呷嚥之。

含化丸 治肺間邪氣。胸中積血作痛。失音痰喘。

蛤蚧一隻去足炙

訶子去核

阿膠粉炒

麥門冬去心

細辛

甘草炒

生地黃各半兩

右爲末蜜丸。芡實大。食後含化一丸。

河車丸 治一切勞瘵虛損。骨蒸等疾。

紫河車一具初生男胎者尤良洗淨杵爛本草云人肉治瘵病胞衣主勞損面黧皮黑諸疾瘦悴

白茯苓半兩

人參一兩

乾山藥二兩

右爲末。麵糊和入河車。加三末。丸梧子大。每服三五十丸。空心。米飲下。嗽甚。五

味子湯下。

補肺湯 治勞嗽五臟虧損。晡熱發熱。盜汗自汗。唾痰喘嗽。

桑白皮炒

熟地黃錢各一

人參

紫苑

黃耆炙

五味子炒各五分

用水煎。入蜜少許。食後服。

養正膏 治傳尸出汗。取蟲辟邪。

鼈甲醋炒一兩

青蒿一握

淡豆豉粒三七

葱白兩莖

安息香研一分

桃柳桑枝各七

天靈蓋用七豆大一片酥炙

仁皮四十九箇去尖雙仁

右隔夜。以水一升。浸至五更。煎至半升。入童便半升。煎取四合。調檳榔麝香末

各一分。日高時頓服。以衣覆十指。汗出如藕絲。瀉下如蟲狀。甚者旬日再服。

阿膠丸 治勞嗽出血咯血。發熱晡熱。口渴盜汗。

阿膠炒

生地黃

卷柏葉

山藥炒

大薊根

五味子杵炒

雞蘇各一兩

柏子仁炒

人參

防風

麥門冬去心各半兩

右爲末。煉蜜丸。彈子大。每服一丸。細嚼。麥門冬煎湯下。

四君子湯。加秦艽、黃蠟。水煎服。尤妙。治勞嗽咯血。

神授散。治傳尸蟲。用川椒二斤去核。并合口者。炒爲末。每服四錢。麵糊丸。空心

米飲下。服盡見效。

蘇合香丸。治傳尸骨蒸。勞瘵疰疰。鬼氣心痛。方見三卷第四論

### 附方

四君子湯。方見二十四卷第五論 補中益氣湯。方見二十四卷第六論 歸脾湯。方見二十四卷第四論

六味地黃丸。方見二十四卷第十一論

## 婦人骨蒸勞方論第二

夫骨蒸勞。由積熱附於骨而名也。亦曰傳尸殭殭。復連無辜。其名不一。此病皆由脾胃虧損所致。其形羸瘦。腹脹泄痢。肢體無力。傳於腎則盜汗不止。腰膝冷痛。夢鬼交侵。小便赤黃。傳於心則心神忪悸。喜怒不時。頰唇赤色。乍寒乍熱。傳於肺則胸滿短氣。咳嗽吐痰。皮膚甲錯。傳於肝則兩目昏暗。脅下妨痛。閉戶忿怒。五臟既



病。則難治療。

愚按前症多因經行胎產。或飲食起居七情。而傷肝脾之所致。又或失於調攝。或過於攻伐而成。東垣先生云。發熱之症。肺熱者。輕手乃得。微按全無。日西猶甚。乃皮毛之熱。其症喘嗽寒熱。輕者用瀉白散。重者涼膈散。白虎湯。地骨皮散。心熱者。微按之。皮膚之下。肌肉之上。輕手乃得。微按至皮毛則熱少。加力按之。則全不熱。是熱在血脈也。日中太甚。其症煩心。心痛。掌中熱而熾。用黃連瀉心湯。導赤散。硃砂安神丸。脾熱者。輕手捫之不熱。重手按至筋骨又不熱。不輕不重。在輕重之間。此熱在肌肉。遇夜猶甚。其證怠惰嗜臥。四肢不收。無氣以動。用瀉黃散。肝熱者。按之肌肉之下。至骨之上。寅卯時猶甚。四肢滿悶。便難轉筋。多怒多驚。筋痿不能起於床。用瀉青丸。柴胡飲。腎熱者。輕手重按俱不熱。加重手按至骨分。其熱蒸手如火。其症骨蒸如蟲蝕。困熱不能起於床。用滋腎丸。此治實熱之法也。竊謂肺經虛熱者。用人參補肺湯。脾氣虛而不能生肺者。用六君子湯。脾熱遺於肺者。用三黃丸。心經虛熱者。用補心湯。命門火衰不能生土者。用八味丸。肝虛不能生心者。用補肝散。腎尅心者。用附子理中湯。脾經虛熱者。

用人參黃耆散。土尅水者。用承氣湯。脾不能培肝者。用六君子湯。元氣下陷。及金不能生水者。俱用補中益氣湯。肺尅肝。及腎經虛熱。與腎不能生肝者。俱用六味丸。

### 附治驗

一婦人發熱晡熱。盜汗自汗。殊畏風寒。飲食少思。或腹脹吞酸。或大便不實。此脾胃不足。諸經虧損。朝用補中益氣。夕用八珍湯。倍用參苓白朮。各二十餘劑。諸症漸愈。因喪母哀傷。患盜汗便血。用加味歸脾湯。數劑而止。仍用前二藥。又五十餘劑。尋愈。月經兩月而至。適因怒去血過多。發熱作渴。肢體酸倦。頭目暈痛。用逍遙散。加味歸脾湯。二藥調補而痊。

一婦人盜汗自汗。遍身酸疼。五心發熱。夜間益甚。或咳嗽咽乾。或盜汗自汗。月經兩三月一至。用加味逍遙散。六味地黃丸兼服。臨臥又服陳朮丸。三月餘。諸症悉愈。其經乃兩月一至。又服兩月而痊。陳朮丸即陳皮白朮爲丸

一婦人患前症。食少倦怠。肌肉消瘦。日晡發熱。至夜益甚。月水過期。漸至不通。時發渴躁。誤用通經之劑。熱倦愈重。飲食愈少。余用八珍湯。加升麻。丹皮。山梔。柴



胡治之。熱漸退。又用八珍、丹皮、軟柴胡調理而愈。

一婦人飲食少思。胸膈不利。或胸中作痛。或大便作瀉。或小便不利。用逍遙散。加山梔、茯神、遠志、木香而愈。後因怒寒熱往來。倦怠煩熱。以前藥加炒黑黃連三分。頓愈。用八珍湯調理而愈。後因怒吐血躁渴。用人參五錢、苓朮、當歸各三錢、陳皮、甘草各一錢。治之而愈。

一婦人胸脅作痛。內熱晡熱。月經不調。余謂鬱怒傷損肝脾。朝用歸脾湯。以解鬱結。生脾氣。多用加味道遙散。以生肝血。清肝火。半載而愈。後因飲食失調。兼有怒氣。月經如注。脈浮洪而數。用六君子加芎歸、炮薑一劑而血止。用補中益氣。加炮薑、茯苓、半夏治之。而元氣復。又用歸脾湯。逍遙散。調理而康。

一婦人內熱口乾。頭暈吐痰。帶下體倦。飲食少思。余謂脾氣虛弱而不能生肺金。用補中益氣湯。加茯苓、半夏。脾氣漸復。飲食漸進。諸症漸退。再用加味道遙散治之。尋愈。

一婦人腹脹脅痛。內熱晡熱。月經不調。不時吐痰。或用化痰行氣之劑。胸膈不利。余爲脾氣鬱結。肝經血虛。朝用歸脾湯。夕用加味道遙散。百餘劑而諸症漸愈。

又因飲食停滯。或用酸補之劑。口乾脾倦。余用七味白朮散。補中益氣。加茯苓、半夏。中氣漸愈。又以補中益氣。及八珍湯兼服而痊。

一婦人患前症將愈。因怒胸膈不利。飲食少思。服消導利氣之藥。大便下血。余曰。此脾氣復損。不能攝血歸源。用補中益氣。加茯苓、半夏、炮薑、血止。用八珍加柴胡、炒梔。熱退。用八珍湯。逍遙散而痊。

一婦人肌體倦瘦。口乾內熱。盜汗如洗。日晡熱甚。用參耆歸朮、茯苓、遠志、棗仁、麥門、五味、丹皮、龍眼肉、炙草、柴胡、升麻。治之獲痊。後因喪子。懷抱不舒。腹脹少寐。飲食少思。痰涎上湧。月經頻數。余爲怒悶傷脾。不能攝血。制涎歸源耳。用補中益氣。濟生歸脾。漸愈。又用八珍湯調理而痊。

一婦人發熱口乾。月經不調。肢體無力。腿痛體倦。二膝浮腫。余作足三陰經血虛。用六味丸。逍遙散。兼服兩月。形體漸健。飲食漸進。肢體漸消而痊。

一婦人日晡益甚。月水不調。飲食少思。大便不實。胸脇痞滿。頭目不清。肢體倦怠。發熱煩躁。余爲七情肝脾虧損之症。用濟生歸脾湯。加味逍遙散。補中益氣湯。調治元氣。漸復而愈。



一婦人月經不調。晡熱內熱。飲食少思。肌體消瘦。小便頻數。或用清熱生血之劑。月經不行。四肢浮腫。小便淋瀝。余朝用金匱加減腎氣丸。夕用歸脾湯漸愈。又用八珍湯。兩月而愈。

一婦人胸脅膨滿。小腹悶墜。內熱晡熱。飲食不甘。體倦面黃。日晡則赤。灑淅惡寒。此脾肺氣虛。先用六君子加川芎。當歸。諸症漸愈。又用補中益氣加茯苓。半夏。諸症全愈。後飲食失節。勞怒惡寒發熱。不食用加味小柴胡。二劑而熱退。用逍遙散。歸脾湯。調理而康。

天靈蓋散 治骨蒸四肢無力。晡熱煩赤。食少心煩。

天靈蓋

酥炙

安息香

地骨皮

當歸

山梔仁

人參

貝母去心

黃耆

桃仁

去皮尖雙

黃檳

鱉甲醋炙

柴胡

生地黃

赤茯苓

麥門冬

阿魏

右每服五錢。桃柳枝各七寸。薑五片。葱白五寸。童便煎。愚按醫學綱目云。柴胡本經並無一字治勞熱。今治勞方。鮮有不用者。誤世多。

矣。凡此症乃真臟虧損而虛熱。王海藏先生云。苟非實熱而用柴胡。不死何待。蓋柴胡乃肝膽之藥。雖能升胃氣下陷。每劑不過分許。而可多用哉。產後氣血虛熱。尤宜禁忌。

癩肝丸 治骨蒸勞熱。或漸熱發熱。體瘦煩疼。不欲飲食。

癩肝一箇 鱉甲酒炙 柴胡各一 硃砂另研

桃仁去皮尖雙升麻 天靈蓋酥炙 犀角鎔

梔子仁炒 地骨皮 知母各一 黃耆炒

甘草五錢各 麝香研一錢

右爲末。煉蜜丸。桐子大。每服三十丸。空心食前。

治肝臟中風。心神煩熱。言語蹇澁。不得安臥。

竹瀝 荆瀝 葛根 生薑汁

白蜜各一

右和勻。頻服之。

麻黃散 治心臟中風。多汗惡風。善怒。心神顛倒。言語蹇澁。舌強口乾。面赤頭痛。

翕翕發熱。胸背拘急。手心熱甚。偃臥不側。忪悸恍惚。或寒顫。心驚悸。口喎。冒昧好笑。

麻黃去節 白朮 防風 川芎

甘草 漢防己 當歸 人參各一錢

羌活 遠志去心 茯神去木各一錢半 升麻八分

桂心半錢

右水薑煎。入竹瀝半盞。再煎一二沸。

茯神散 治同前。或四肢沉重。精神不安。或痰氣不利。

茯神去木 羌活 麻黃去節 龍齒另研

赤芍藥 甘草炙各一錢 蔓荊子 薏苡仁

麥門冬去心 人參去蘆 防風去蘆 犀角屑各半

右薑水煎服。

十全大補湯 治氣血虛熱。加柴胡、地骨皮、秦艽。

秦艽散 治五心煩熱頰赤。

逍遙散 治血虛五心煩熱。肢體疼痛。頭目昏重。心忪煩赤。口燥咽乾。發熱盜汗。  
減食嗜臥。月水不調。臍腹脹痛。寒熱如瘧。痰嗽潮熱。肌體羸瘦。漸成骨蒸。方見二十

四卷第  
四論

枳殼散 治婦人手足煩熱。盜汗肌痺。經候不調。煩倦。心胸滿悶。狀如勞氣。

枳殼去穰麩炒一兩

半夏麴

赤芍藥各一兩

柴胡

黃芩炒各一兩半

右爲末。每服三錢。薑棗水煎服。

華陀解勞生肌。進食活血。養心。石膏每服水和錢許。甚驗。

青蒿散 治體倦虛疼勞熱。九月採青蒿去梗。用童子小便。浸三日。曬爲末。每服

二錢。烏梅一箇。煎湯調服。

清心蓮子飲。參蘇飲加黃芩。麥門冬。並治五心煩熱。手足熱甚。

附方

加味小柴胡湯方見二十四卷第二論

柴胡飲 治肌熱積熱。或汗後餘熱。脈洪實弦數。



柴胡

人參

黃芩

芍藥

甘草

當歸

大黃煨各二錢半

用薑水煎服。

瀉白散 治肺臟氣實。心胸壅悶。咳嗽煩喘。大便秘利。

桔梗炒

地骨皮

甘草炙

瓜蒌仁

升麻

半夏薑製

桑白皮炒

杏仁去皮尖

右每服四錢。薑水煎。

導赤散 治心虛蘊熱。小便赤澀。或成淋瀝。口舌生瘡等症。

生地黃

木通

甘草等分

右每服三錢。竹葉水煎。

瀉黃散 治脾熱口臭。咽乾。或口舌生瘡。發熱作渴。

石膏

防風

藿香等分

甘草

山梔子炒

右每服三錢。水煎。

涼膈散 治上焦積熱。煩躁作渴。頭目昏瞶。咽喉腫痛。便溺赤澀。語言謔妄等症。

大黃 朴硝 甘草各二兩 連翹四兩

梔子仁炒 黃芩炒 薄荷葉各一兩

右爲末。每服二三錢。竹葉七片。水煎溫服。

白虎湯 治胃熱作渴。暑熱尤效。又治熱厥腹滿。身難轉側。面垢譫語。遺溺。手足厥冷。自汗。脈沉滑。大便泄瀉。清水無度。

知母 石膏各二錢 粳米半合

右水煎服。

附子理中湯 治脾胃虛寒。手足厥冷。飲食不入。或腹鳴切痛。嘔逆吐瀉。方見第二

論八

硃砂安神丸方見三第 地骨皮散方見六卷

黃連瀉心湯單用黃連爲末。每

瀉青丸方見二十四

承氣湯方見七卷 滋腎丸方見八卷

人參補肺湯方見二十四

三黃湯方見八卷

補中益氣湯

六君子湯方見二十

補心湯方見三卷第十二論

補肝散方見七卷第十七論

六味丸方見二十四卷第十七論

人參黃耆湯方見十三卷第十論

加味逍遙散方見二十四卷第四論

八味丸方見二十四卷第十七論

歸脾湯

加味歸脾湯三方見二十四卷第四論

金匱加減腎氣丸方見二十一卷第十論

### 婦人血風勞氣方論第三

婦人血風勞症。因氣血素虛。或產後勞傷。外邪所乘。或內有宿冷。以致腹中疼痛。四肢酸倦。發熱自汗。月水不調。面黃肌瘦。當調補肝脾氣血為主。愚按東垣云。喜怒不節。起居不時。有所勞傷。皆損其氣。氣衰則火旺。火旺則乘其脾土。脾主四肢。故困熱懶言。動作喘乏。表熱自汗。心煩不安。當病之時。宜安心靜坐。存養其氣。以甘寒瀉其熱氣。以酸味收其散氣。以甘溫補其中氣。經言勞者溫之。損者溫之。要略云。平人脈大爲勞。以黃耆建中湯治之。

#### 附治驗

一婦人勞則足跟熱痛。余以爲足三陰血虛。用聖愈湯而痊。後遍身搔癢。誤服風藥。發熱抽搐。肝脈洪數。此肝家血虛。火盛而生風。以天竺、膽星爲丸。用四物、麥門、五味、芩、連、炙草、山梔、柴胡煎送而愈。

一婦人素清苦。勤於女工。因感風邪。自用表散之劑。反朝寒暮熱。自汗盜汗。形氣虛甚。其脈或浮洪。或微細。其面或青白。或痿黃。此邪去而氣血愈虛也。用十全大補湯三十餘劑漸愈。又用加味逍遙散兼治半載而痊。

人參荊芥散 治遍身疼痛。頭昏目眩。心忪煩倦。寒熱盜汗。頰赤口乾。痰嗽胸滿。月水不調。腹痛癖塊。

荊芥

人參

生地黃

柴胡

鱉甲醋炙

酸棗仁炒

枳殼麸炒

羚羊角鎊

白朮各七

川芎

當歸酒拌

桂心

防風

甘草各五

右薑水煎。日二服。

地黃煎 治血虛心忪發熱。



生地黃

熟地黃自製五分

右用薑汁和水拌杵丸。桐子大。每服五十丸。空心。白湯下。日三服。若臟腑虛寒。早間先服八味丸一服。

愚按前方肝脾血虛發熱。內熱晡熱。盜汗作渴。體倦。筋骨疼痛。筋脈拘攣。血虛發躁。虛熱生痰。咳嗽之良劑。若因肝脾腎精血躁熱生痰。胸膈痞滿。喘咳作渴。及一切虛火症。必用六味丸爲主。

乞力伽散 治血虛肌熱。或脾虛蒸熱。或內熱寒熱。

白朮

白茯苓

白芍藥炒各錢一

甘草炒五分

右薑棗水煎。

附方

黃耆建中湯方見二十四卷第四論

聖愈湯方見二十四卷第九論

四物湯方見二十四卷第六論

六味丸

加味逍遙散二方見二十四卷第四論 六君子湯

補中益氣湯二方見二十四卷第六論 歸脾湯

十全大補湯二方見二十四卷第四論

人參養榮湯方見二十四卷第三論 八味丸方見二十四卷第十一論

## 婦人冷勞方論第四

婦人冷勞。屬血氣不足。臟腑虛寒。以致臍下冷痛。手足時寒。月經失常。飲食不消。或時嘔吐。惡寒發熱。骨節痠疼。肌膚羸瘦。面色痿黃也。

愚按前症有內外真寒。然有內外真熱。亦有內真熱而外假寒者。亦有內真寒而外假熱者。若飲食難化。大便不實。腸鳴腹痛。飲食畏寒。手足逆冷。面黃嘔吐。畏見風寒。此內外真寒之症也。宜用附子理中湯以回陽。八味地黃丸以壯火。若飲食如常。大便堅實。胸腹痞脹。飲食喜冷。手足煩熱。面赤嘔吐。不畏風寒。此內外真熱之症也。宜用黃連解毒湯以清熱。六味丸以壯水。若飲食如常。大便堅實。胸腹痞脹。飲食喜寒。手足逆冷。面黃嘔吐。畏見風寒。此內真熱而外假寒也。亦用解毒湯。六味丸。若飲食少思。大便不實。吞酸噯氣。胸腹痞滿。手足逆冷。面赤嘔吐。畏見風寒。此內真寒而外假熱也。亦用附子理中湯與八味丸。當求其屬而治之。經曰。益火之源以消陰翳。壯水之主以制陽光。使不知真水火之不足。泛以寒熱藥治之。則舊疾不去。新病復生矣。夫所謂屬者猶主也。謂心腎

也。求其屬也者。言水火不足。而求之於心腎也。火之源者。陽氣之根。卽心是也。水之主者。陰氣之根。卽腎是也。非謂火爲心。源爲肝。水爲腎。主爲肺也。大抵寒亦抑心。熱亦強腎。在治者審之。

附治驗方

一、婦人食少作嘔。口吐痰涎。面黃腹痛。月經不調。手足逆冷。余謂此內外俱寒之症。遂以六君加附子、木香治之而愈。

先太宜人忽嘔吐酸水。內熱作渴。飲食不進。惟喜冷水。面色青赤。投之以藥。入口卽吐。此內外真熱之症。積十餘日。以黃連一味煎湯飲之。徐加白朮、茯苓。仍加陳皮、當歸、炙草。至月餘始進米飲稀粥。調理而愈。

一婦人內熱作渴。大便秘結。畏惡風寒。手足逆冷。余以爲內真熱而外假寒。先用黃連解毒湯。後用六味丸而愈。

一大方室趙氏。初患痰喘熱渴。醫以降火散氣治之。肌日削而氣日索。延至甲辰。木旺痰盛。身熱口腐。腹脹神昏。絕食幾死。先生診之云。此乃虛熱無火。投以壯水生土之劑。隨服隨愈。

八味丸

黃連解毒湯方見卷十一論

六味丸卷二方見二十四論

六君子湯方見卷六論

附子理中湯方見卷八論



校註婦人良方 卷五 衆疾門 婦人冷勞方論第四

二六

# 校註婦人良方

宋 臨川 陳自明良甫編輯  
明 古吳 薛己立齋補註  
鄞縣 曹赤電炳章圈校

## 卷六

### 婦人熱勞方論第一

婦人熱勞。由心肺壅熱。傷於氣血。以致心神煩躁。頰赤頭疼。眼澀唇乾。口舌生瘡。神思昏倦。四肢壯熱。食飲無味。肢體酸疼。心怔盜汗。肌膚日瘦。或寒熱往來。當審其所因。調補氣血。其病自愈矣。

愚按前症乃壯火食氣。虛火煎熬真陰之所致也。王太僕云。如大寒而甚。熱之不熱。是無火也。熱來復去。晝見夜伏。夜發晝止。是無火也。當治其心。如大熱而甚。寒之不寒。是無水也。熱動復止。倏忽往來。時動時止。是無水也。當助其腎。心

盛則生熱。腎盛則生寒。腎虛則寒動於中。心虛則熱收於內。竊謂前症。若肝脾血虛。用四物、參朮。肝脾鬱怒。小柴胡。合四物湯。脾胃氣虛。補中益氣湯。肝脾血虛。加味逍遙散。肝經風熱。加味小柴胡湯。心經血虛。天王補心丹。肺經氣虛。人參補肺湯。肝經血虛。加味四物湯。大抵午前熱屬氣分。用清心蓮子飲。午後熱屬血分。用四物、參朮、丹皮。熱從左邊起。肝火也。實則四物、龍膽、山梔。虛則四物、參朮、黃耆。熱從臍下起。陰火也。四物、參朮、黃柏、知母。酒拌炒黑。五味、麥門、肉桂。如不應。急用加減八味丸。不時而熱。或無定處。或從脚心起。此無根虛火也。用加減八味丸。及十全大補湯。加麥門、五味主之。

附治驗

一婦人經行不調。飲食少思。日晡熱甚。余以爲肝脾氣血俱虛。用十全大補。加山茱、山藥、丹皮、麥門、五味而愈。次年秋。寒熱如瘧。仍用前藥而愈。

一婦人生育多胎。月經不調。兩足發熱。年餘。其身亦熱。勞則足痠痛。又年許。脣腫裂痛。又半年。脣裂見血。形體瘦倦。飲食無味。月水不行。此氣血俱衰之症。彼誤用通經丸等藥。復傷氣血。遂致不起。惜哉。

黃耆散 治發熱羸瘦。心躁口乾。不欲飲食。或盜汗晡熱。

人參

黃芩炒焦

當歸各三錢

柴胡五分

黃耆炒

地骨皮

白茯苓

麥門冬去心

生地黃

白芍藥炒各一錢

甘草炒三錢

右水薑煎。

猪肚丸 治熱勞羸瘦。

柴胡

赤茯苓

人參

黃耆各一兩

黃連炒三兩

地骨皮

木香各五錢

黃桃仁去皮

鱉甲各一兩

右為末。用嫩猪肚一枚。入藥縫合。蒸熟研爛。丸桐子大。每服三五十丸。食前米飲下。日二服。

附方

清心蓮子飲 治熱在氣分。口乾。小便白濁。夜間安靜。晝則發熱。又治口舌生瘡。或口苦咽乾。煩躁作渴。小便赤澀。下淋不止。或莖中作痛。



黃芩炒

麥門冬去心

地骨皮

車前子炒

甘草各半錢

石蓮肉

茯苓

黃耆炒

柴胡去苗

人參各一錢

右每服五錢。水煎。

補中益氣湯

加味四物散

四物湯三方見二十六卷第六論

加味小柴胡湯

小柴胡湯二方見二十二卷第二論

十全大補湯

加味逍遙散二方見二十四卷第四論

天王補心丹 寧心保神。益血固精。壯力強志。令人不忘。清三海。化痰涎。祛煩熱。

除驚悸。療咽乾。育養心神。

人參去蘆

茯苓

玄參

丹參

桔梗

遠志各五錢

當歸酒浸

五味

麥門冬去心

天門冬

柏子仁

酸棗仁炒各一兩

生地黄四兩

右爲末。煉蜜丸。桐子大。用硃砂爲衣。每服二三十丸。臨臥。竹葉煎湯送下。一

方。多石菖蒲、熟地黃、杜仲、百部、茯神、甘草。此方內天麥門冬、玄參、生地。雖能降火。生血化痰。然其性沉寒。損傷脾胃。尅伐生氣。若人飲食少思。大便不實者。不宜用。

人參補肺湯方見二十四論加減八味丸方見二十一論

## 婦人客熱方論第二

婦人客熱。由元氣虛而外熱乘之。以致口燥心煩。四肢壯熱。肌肉消瘦。治法當審其因而調補之。

愚按前症若客邪所侵。用補中益氣。加川芎、防風。肝虛血少。六味地黃丸。胃火飲冷。錢氏瀉黃散。胃虛飲湯。七味白朮散。潮熱時熱。八珍湯。晡熱內熱。逍遙散。發熱體倦。補中益氣湯。恚怒發熱。小柴胡湯。鬱怒發熱。加味歸脾湯。寅卯酉戌時熱。升陽益胃湯。

### 附治驗

一婦人素有胃火。服清胃散而安。後因勞役。燥渴內熱。肌肉消瘦。月經不行。此胃

火消鑠陰血。用逍遙散。加丹皮、炒梔以清胃熱。用八珍湯、加茯苓、遠志以養脾血。元氣充足而經自行矣。

麥門冬散 治四肢倦痛、煩悶不食、或寒熱往來。

麥門冬 去心

柴胡

赤茯苓

羚羊角 銹

赤芍藥

桑白皮 炒

黃耆 四炒各分

生地黄

甘草 三炒各分

右薑水煎。

附方

補中益氣湯

方見二十四卷第六論

六味丸

方見二十四卷第十一論

瀉黃散

方見五卷第三論

七味白朮散

方見二十一卷第二論

八珍湯

加味歸脾湯

逍遙散

三方見二十四卷第四論

小柴胡湯

方見二十四卷第二論

升陽益胃湯

見三卷第九論

清胃散

見二十四卷首論

婦人寒熱方論第三

經曰。陽不足則先寒後熱。陰不足則先熱後寒。皆由勞傷氣血。陰陽不調。寒熱如瘧也。當分氣血虛實而治之。

愚按前症若寸口脈微。名曰陽不足。則陰氣上入於陽中。用補中益氣湯。若尺部脈弱。名曰陰不足。則陽氣下陷入陰中。用益陰腎氣丸。若因氣血俱虛。用八珍湯。若因怒動肝火。用小柴胡湯。若陰陽俱不足。則氣血不歸其本部。以致寒熱交爭也。

### 附治驗

一婦人年六十有四。久鬱怒。頭痛寒熱。春間乳內時痛。服流氣飲之類益甚。時有血如經行。又大驚恐。飲食不進。夜寐不寧。兩乳腫脹。兩脇炊痛。午後色赤。余以為肝脾鬱怒火躁。先以逍遙散。加酒炒黑龍膽一錢。山梔一錢五分。服二劑。腫痛頓愈。又二劑全愈。再用歸脾湯。加炒梔。貝母。諸症悉愈。

地骨皮散 治血風氣虛。時作寒熱。或晡熱內熱。

柴胡

地骨皮

各一兩

桑白皮

枳

殼

前胡

黃耆

各五分

白茯苓

五加皮



人參

甘草

桂心

白芍藥各三分

用薑水煎服。

柴胡散 治寒熱體痛。口乾心煩。飲食少思。肌體消瘦。

柴胡

黃耆炒

赤茯苓

白朮各一錢

人參

地骨皮

枳殼麴炒

生地黄

苦梗

桑白皮炒

赤芍藥各三分

鱉甲炙二錢

麥門冬去心一錢

甘草三分

用薑水煎服。

益陰腎氣丸 治諸臟虧損。發熱晡熱。潮熱盜汗。或寒熱往來。五心煩熱。或口乾

作渴。月經不調。或筋骨痠倦。飲食少思。或頭目不清。痰氣上壅。咳嗽晡甚。胸膈

痞悶。或小便赤數。兩足熱痛。或脚足痿軟。肢體作痛等症。此壯水之主。以制陽

光之劑也。

澤瀉

茯苓

生地酒拌

牡丹皮

山藥

茱萸肉

當歸

五味子炒

熟地自製  
杵膏

右爲末。入二膏。加煉蜜。丸桐子大。硃砂爲衣。每服五十丸。空心。淡鹽湯下。  
補中益氣湯方見二十四卷第六論 六味丸方見二十四卷第十一論 小柴胡湯方見二十四卷第二論  
八珍湯 逍遙散 歸脾湯三方見二十四卷第四論

### 寡婦寒熱如瘧方論第四

倉公傳與褚氏論。皆云師尼寡婦。獨陰無陽。慾心萌而不遂。是以慊慊成病。以致乍寒乍熱。而類瘧狀。久則爲勞。又有經閉白淫。痰逆頭風。膈氣痞悶。面黧瘦瘠等證。皆寡婦之病。診其脈。獨肝脈弦出寸口而上魚際。皆血盛而致。經云。男子精盛則思室。女人血盛則懷胎。觀其精血。思過半矣。  
愚按。前症若肝脈弦出魚際。用生地黃丸。血虛。佐以四物湯。若兼怒動肝火而寒熱。佐以加味逍遙散。若虧損肝經而寒熱。佐以八珍湯。若虧損元氣而寒熱。佐以補中益氣湯。若鬱傷脾氣而寒熱。佐以濟生歸脾湯。

### 附治驗

一寡婦不時寒熱。脈上魚際。此血盛之症。用小柴胡湯。加生地黄治之而愈。但畏風寒。此脾胃氣虛。用加味歸脾。補中益氣。二湯兼服而止。

一婦人因夫久出經商。發寒熱。月經旬日方止。服降火涼血藥。內熱益甚。自汗盜汗。月經頻數。余曰。內熱自汗。乃脾氣虛弱也。月經頻數。乃血不歸脾也。用歸脾湯。六味丸而愈。

一室女寒熱。肝脈弦長而出寸口。用小柴胡湯。加生地。烏梅治之而愈。既嫁而諸症悉痊。

一室女久患寒熱。月經失期。以小柴胡湯。加生地。治之少愈。更以生地黄丸而痊。生地黄丸。許學士云。有一師尼惡風體倦。乍寒乍熱。面赤心煩。用大小柴胡湯雜進。其病益劇。予診視之曰。三部脈無寒邪。但肝脈弦長而上魚際。服此丸而愈。

柴胡

秦艽

黃芩各半兩

生地黄一兩酒

赤芍藥一兩

右爲末。煉蜜丸。桐子大。每服三十丸。烏梅湯下。日三服。



附方

補中益氣湯

四物湯二方見二十六論

加味逍遙散

八珍湯

加味歸脾湯

歸脾湯四方見二十四論

小柴胡湯方見二十四論

六味丸方見二十四論

婦人惡寒方論第五

婦人惡寒。有陰陽二證。發熱而惡寒者。發於陽也。無熱而惡寒者。發於陰也。發於陽者。脈浮數。宜解表。發於陰者。脈沉細。宜溫裏。凡惡寒不可過覆衣被。及近火熱。若寒熱相搏。令人寒甚。若寒氣入腹。血氣結聚。最難治療。

愚按前症若怠惰嗜臥。洒淅惡寒。乃陽不能伸發。用升陽益胃湯。若勞傷形氣而惡寒。乃無陽以護衛。用補中益氣湯。若飲食傷脾胃而惡寒。乃元氣虛損。用六君子湯。若加煩躁妄言。或欲飲水。仍進前劑。但加薑桂。若體倦煩渴。頭痛自汗。用補中益氣。加五味。麥門。東垣云。晝則發熱惡寒。是陰氣上溢於陽分也。夜中惡寒。是陰血自旺於陰分也。海藏云。六月大熱之氣。反得大寒之症。當捨時



校註婦人良方 卷六 衆疾門 煩悶方論第六 不食方論第七 一二

從症。治以薑、桂之類。丹溪云。久病惡寒。乃痰鬱於脾。抑遏陽氣。不得外泄。治當解鬱。

附方

升陽益胃湯 方見三卷第九論

補中益氣湯

六君子湯 二方見二卷第六論

婦人血風煩悶方論第六

婦人血風煩悶。由勞傷氣虛。而風邪乘之。血氣不和。以致肢節熱疼。口乾不臥而煩悶也。當調補元氣爲主。

愚按。前症多屬肝脾血虛發熱。當參照前寒熱方論主治。

赤芍藥散 治煩悶不食。體倦頭眩。身體疼痛等症。

赤芍藥 酒炒

白茯苓 錢各一

甘草 炒

柴胡 各五分

右薑棗水煎。

婦人血風攻脾不食方論第七

夫脾爲中州。意智之臟也。諸經皆賴其養。與胃爲表裏。胃主司納。脾主腐化。若勞傷真氣。外邪乘之。諸症生焉。

愚按。經云。胃乃脾之剛。脾乃胃之柔。傷胃則脾無所稟受。傷脾則不能爲胃運化。是以脾胃爲之表裏。藉飲食以滋養百脈者也。竊謂前症若飲食所傷。六君子湯。勞役所傷。補中益氣湯。若風寒所傷。用人參理中湯。木旺乘土。六君加柴胡。嘔吐腹痛。或大便不實。前湯加木香。胸膈虛痞。或肚腹不利。六君子湯。鬱怒傷損肝脾。歸脾湯。命門火衰。八味丸。仍審諸經錯雜之邪而治之。假如不能食。而肌肉削。乃脾胃經本病。右關脈緩而弱。乃脾胃之本脈。若見弦緊。或四肢滿悶。淋瀝便難。轉筋。此肝之脾胃病也。若兼洪大。或肌熱煩熱面赤。此心之脾胃病也。若兼浮澀。或氣短而喘急。咳嗽痰盛。此肺之脾胃病也。若兼沉細。或善恐善欠。此腎之脾胃病也。各當於本經藥中。加兼症之藥。此東垣先生之治法也。

### 附治驗方案

一婦人停食飽悶。或用人參養胃湯。木香檳榔丸。而泄瀉吐痰。腹中成塊。又與二陳。黃連。厚朴。反加腹脹不食。余以爲脾胃氣虛。不能消磨。用補中益氣。加茯苓。

半夏五十餘劑。脾胃健而諸症痊。

一婦人飲食每用碗許。若稍加。非大便不實。必吞酸噯腐。或用二陳、黃連、枳實。反加內熱作嘔。余曰。此本虛寒中。不信。仍作火治。虛症悉至。月經不止。余用六君。加炮薑、木香數劑。諸症漸退。又以補中益氣。加炮薑、木香、茯苓、半夏數劑全愈。後因飲食勞倦。兼以怒氣。飲食頓少。元氣頓怯。仍用前藥。更加發熱。脈洪大。按之而虛。兩尺如無。此命門火衰。用補中益氣。加薑、桂及八味丸兼服。兩月餘。諸症尋愈。此症若因中氣虛弱。用人參理中湯。或六君子加木香、炮薑。不應。用左金丸。或越鞠丸。虛寒加附子理中湯。無有不愈。

一婦人飲食後。或腹脹。或吞酸。自服枳朮丸。飲食日少。胸膈痞滿。腿內酸痛。畏見風寒。或用養胃湯。腿痛浮腫益甚。月經不行。余以爲鬱結所傷。脾寒濕熱下注。侵晨用四君、芎、歸、二陳。午後以前湯送越鞠丸。諸症漸愈。又用歸脾八珍。二湯兼服。兩月餘而經行。

一婦人胸滿少食。或腹脹吞酸。或經候不調。此中氣虛而不能施化也。用補中益氣。加砂仁、香附、煨薑而飲食進。更以六君、芎、歸、貝母、桔梗而經自調。



一婦人年三十餘。忽不進食。日飲清茶水果。三年餘矣。余謂脾氣鬱結。用歸脾湯。加吳茱萸四劑。遂飲食如常。若人脾腎虛而不飲食。當以四神丸治之。  
一婦人不進飲食三年矣。日飲淡茶果品之類。肝脾二脈弦浮。按之微而結滯。余謂肝脾氣鬱。用六君。木香。吳茱。下痰積甚多。飲食頓進。形體始瘦。臥床月餘。仍服六君之類而康。

越鞠丸。治鬱傷氣滯。以致胸膈痞悶。或肚腹膨脹。或咽喉不清。或痰氣不爽。或飲食少思。或吞酸噯腐。宜用此藥清之。若人脾胃虛弱。用六君子湯為主。大凡中氣虛弱。變症百出。難以名狀。但用四君補其脾胃。元氣漸復。諸症自退。若用治病之藥。則誤矣。

香附

蒼朮炒

川芎

梔子炒

神麴炒

山楂各等分

右爲末。用神麴糊丸。茱豆大。每服六七十丸。食遠。白湯送下。

四君子湯

六君子湯

補中益氣湯

三方見二十四卷第六論

八味丸

方見二十四卷第十一論

人參養胃湯

方見七卷六論

二陳湯



左金丸方見七卷第十七論

人參理中湯

附子理中湯方見二十六卷第六論

歸脾湯

八珍湯方見二十四卷第四論

二神丸

四神丸方見八卷第八論

### 婦人夢與鬼交方論第八

人稟五行秀氣而生。承五臟神氣而養。若調理失節。血氣虛衰。則鬼邪干其正。隱避而不欲見人。時獨言笑。或時悲泣。是其候也。脈息遲伏。或如鳥啄。或綿綿而來。不知度數。面顏不變。亦其候也。

愚按前症多由七情虧損心血。神無所護而然也。宜用安神定志等藥。則正氣復而神自安。若脈來乍大乍小。乍短乍長。亦爲鬼祟也。宜灸鬼哭穴。以患人兩手。並用錢繫繫當合縫處。半肉半甲間。灼艾灸七壯。若果是邪祟病者。即乞求免灸云。我自去矣。

扶神散 治妄有所見。言語雜亂。時或昏昧痰熱。

扶神半兩

扶苓

人參

石菖蒲錢各一

赤小豆五分

右水煎服。

桃仁丸 治與鬼魅交通。

辰砂另研 檳榔

當歸

桃仁各三錢

水銀一錢 麝香肉一

麝香

阿魏煨

沉香各半

右爲末。煉蜜丸。桐子大。每服十丸。空心桃仁湯下。

辟瘟丹

虎頭骨二兩

硃砂

雄黃

雌黃

鬼臼

阜英

蕪荑仁

鬼箭羽

藜蘆各一兩

右爲末。煉蜜丸。彈子大。囊盛一丸。男左女右。繫臂上。及用一丸。當病人戶前燒

之。一切邪鬼不敢近。

妙香散 治心氣不足。精神恍惚。夢與鬼交。語言錯亂。先服此以補氣血。鎮心安

神。然後以前方治之。方見三卷第十三論

婦人傷寒傷風方論第九

傷寒之症。若氣口脈緊盛。卽下之。人迎緊盛。卽汗之。左關浮緊。亦當發其汗。若犯胃熱。譫語喜忘。小腹滿。小便自利。用抵當湯。胃實譫語。用承氣湯。脈緊無汗。名傷寒。脈緩有汗。爲傷風。熱病脈洪大。爲中暑。用香薷飲。脈細弱。爲中喝。用白虎湯。胃實用承氣湯。傷寒先服黃龍湯。不分男女。但妊娠用藥。宜清涼。不可輕用桂枝。半夏。桃仁。朴硝等類。凡用藥。病稍退。則止。不可盡劑。此爲大法。

愚按前症。當宗仲景先生治法。但胎前產後。須以安胎補益爲主。須臨症審之。黃龍湯 卽小柴胡湯去半夏。

桂枝紅花湯 治傷寒發熱。口燥舌乾。經脈不來。

桂枝

芍藥

甘草炙各一錢

紅花二錢

右薑棗水煎服。良久再進。汗出可解。

黃芩芍藥湯 治婦人內熱。口燥咽乾。腹滿不食。

黃芩炒

芍藥酒炒

白朮

熟地黄自製各一錢

右水煎。寒加生薑。

當歸湯 治傷寒喘急煩躁。或戰而作寒。此陰陽俱虛。不可下。宜服此藥。

柴胡一錢

白朮炒七分

人參

甘草炒

赤芍藥

當歸各五分

五味子杵炒

木通各三分

右用水薑棗煎。

瀉心三黃湯 治傷寒六七日。內有燥屎。大便秘結。譫語目赤。毒氣閉塞。

大黃煨

黃芩炒

黃連炒各錢

右水煎服。取微利。如目赤睛疼。加赤茯苓、竹葉。

燒裨散 治女子病新瘥。與男子交者。名曰陰易。其證則裏急冷痛。頭重不舉。目中生花。或頭面烘熱。耳中蟬鳴。胸中煩悶。甚者百節解散。用男子舊裨襠。着左腹者。剪取一塊燒灰。每日三服。白湯下。男子病。則以女人者。如不應。用參附湯。

### 婦人熱入血室方論第十

婦人傷寒傷風發熱。經水適來。晝則安靜。暮則譫語。有如瘧狀。此為熱入血室。治



者無犯胃氣。及上二焦。宜服小柴胡湯。若脈遲身涼。當刺期門穴。下針病人五吸。停針良久。徐徐出針。凡針期門穴。必瀉勿補。肥人二寸。瘦人寸半也。

愚按。前症若因勞役。或怒氣發熱。適遇經行。而患前症者。亦用小柴胡加生地黃治之。血虛用四物加柴胡。若病既愈而熱未已。或元氣素弱。並用補中益氣湯。脾氣素鬱。用濟生歸脾湯。血氣素虛。用十全大補湯。

附治驗

一婦人經行。感冒風邪。晝則安靜。夜則譫語。此熱入血室也。用小柴胡加生地黃治之。頓安。但內熱頭暈。用補中益氣加蔓荊子而愈。後因怒惱。寒熱譫語。胸腹脹痛。小便頻數。月經先期。此肝火血熱妄行。用加味逍遙加生地黃而愈。

一婦人因怒。寒熱頭痛。譫言妄語。至夜益甚。月經暴至。此怒動肝火。用加味逍遙散加生地黃治之。神思頓清。又用補中益氣湯而痊。

一婦人經行。感冒譫語。或用發散寒涼之劑。前症益甚。月經不止。肚腹作痛。嘔吐不食。痰涎自出。此熱入血室。而寒復傷胃也。用香砂六君及歸脾而痊。

乾薑柴胡湯 治婦人傷寒。經脈方來。熱入血室。寒熱如瘧。或狂言見鬼。

柴胡一錢

桂枝三分

萋根五分

牡蠣煨

乾薑炮

甘草三分

右水煎。汗出而愈。

海蛤散 治婦人傷寒。血結胸膈。宜服此藥。及針期門穴。

海蛤

滑石飛水

甘草各二

芒硝一兩

右爲末。每服二錢。用鷄子清調下。小腸通利。其結血自散。更用桂枝紅花湯。發其汗則愈。前方見

附方

小柴胡湯 方見二十四卷第二論

四物湯

香砂六君子湯

補中益氣湯 三方見二十四卷第六論 歸脾湯

十全大補湯

加味逍遙散 三方見二十四卷第四論

### 婦人咳嗽方論第十一

夫肺爲四臟之華蓋。內統諸經之氣。外司腠理皮毛。若外邪入於肺中。故令咳嗽。

當以脈息辨之。浮而弦者起於風。濡而弱者起於濕。洪而數者起於熱。遲而濇者起於寒。風者散之。濕者燥之。熱者涼之。寒者溫之。虛者補之。

愚按丹溪云。春是木氣上升。夏是火氣炎上。秋是濕熱傷肺。冬是風寒外來。當發散行痰。開腠理。用二陳湯加麻黃、桔梗、杏仁。痰飲隨症加藥。勞嗽宜四物加竹瀝、薑汁。乾咳嗽難治。此症乃痰鬱火邪也。用苦梗開之。夏用補陰降火。不已則成勞。上半日多嗽者。胃火也。用貝母、石膏。午後嗽者。陰虛也。用四物加炒黑黃柏、知母。黃昏嗽者。火氣浮於肺也。用五味子、五倍子。五更嗽者。飲食之火流於肺也。以貝母、軟石膏。肺脹而嗽。或左或右不得眠。此痰挾瘀血氣滯而病。宜養血疎肝清痰。用四物加桃仁、訶子、青皮、竹瀝之類。嗽而脇下痛。宜疎肝氣。以青皮、挾痰實者。白芥子之類。血礙氣作嗽者。桃仁、大黃。薑汁丸服。治嗽多用生薑。以其辛散故也。痰因火動。逆上作嗽者。先治火。次治痰。以知母止嗽清肺。滋陰降火。夜嗽用清陰分之劑。若嗽多用粟殼。不必疑。但要去病根。此乃收後藥也。竊謂前症。午前嗽屬胃火盛。用竹葉石膏湯。胃氣虛用補中益氣。加炒山梔。午後嗽屬陰血虛。用四物、黃柏、知母。二味酒拌炒。黑腎水虛用六味地黃丸。黃昏嗽用



四物、五味、麥門。并前丸。五更嗽。用六君子。不得眠及兩脇下痛。用六味地黃。補中益氣。若因氣虛。腠理不密。六淫所侵。當祛外邪而實脾土。若因心火太過。當伐肝木而滋肺金。若因肺金氣虛。當補脾土而生肺氣。若因腎水虧損。虛火炎上。當補肺腎以滋化源。大抵風邪胃火。此實熱爲患。易治。惟肺腎虧損。此真臟爲患。最難調治。

### 附治驗

一婦人素勤苦。冬初咳嗽發熱。吐血盜汗。遍身作痛。或寒熱往來。用化痰降火之藥。口噤筋攣。此血本虛而藥復損之耳。余用八味丸爲主。佐以補中益氣。麥門、五味、山藥。年餘而痊。

一婦人咳嗽發熱。嘔吐痰涎。日夜約五六碗。喘咳胸痞。燥渴不食。崩血如湧。此脾土虛寒。用八味丸。及附子理中湯而愈。全見女科撮要

一婦人不得於姑。患嗽。胸膈不利。飲食無味。此脾肺俱傷。痰鬱於中也。先用歸脾湯。加山梔、撫芎、貝母、桔梗。諸症漸愈。後以六君加芎、歸、桔梗。間服全愈。

一婦人咳嗽。早間吐痰甚多。夜間喘急不寐。余謂早間多痰。乃脾虛飲食所化。夜



間喘急。乃肺虛陰火上衝。用補中益氣。加麥門、五味而愈。

一婦人患咳嗽。脇痛發熱。日晡益甚。余曰。此肝脾虛熱而傷肺也。用加味道遙散。加熟地治之而愈。後因怒氣勞役。前症仍作。兼太陽痛。或寒熱往來。或咳嗽遺尿。此肺氣虛而尿脬失制也。仍用前散。及地黃丸而瘥。

一婦人久咳嗽。面色痿黃。或時晄白。肢體倦怠。飲食少思。稍多則瀉。此脾土虛而不能生肺金。朝用補中益氣湯。夕用六君子湯爲主。間佐以八珍湯。三月餘漸愈。後感寒邪。喘嗽。胸腹作脹。飲食不入。四肢逆冷。此中氣尙虛。不能充皮毛。肥腠理。司開闔之所致也。遂用六君。加生薑、桔梗而愈。

附方

法製清氣化痰丸 順氣快脾。化痰消食。

半夏

南星去皮

白礬

皂角

乾薑各四兩

右先將白礬等三味。用水五碗。煎取水三碗。却入半夏二味。浸二日再煮。至半夏、南星無白點爲度。晒乾。

陳皮

青皮

紫蘇子

蘿蔔子炒另

杏仁去皮尖炒研

葛根

神麴炒

麥蘖炒

山查子

香附子

右爲末。蒸餅丸。桐子大。每服五七十丸。臨臥。茶湯任下。

茯苓湯 治胸中有痰飲吐水。心胸虛滿。不能進食。

茯苓

人參

白朮炒各

枳實炒二

橘皮二兩

生薑四兩

右用水六升。煮取二升。分三服。

加減小柴胡湯 治咳嗽寒熱往來。

柴胡

半夏

黃芩炒各

甘草炒

乾薑炮各

五味子炒

用水煎服。

黃連解毒湯 治一切實火喘咳。脈洪大。或狂言煩躁。口乾飲冷。喘急鄭聲。目睛

赤痛。

黃連

黃芩

梔子

黃柏錢各二

用水煎服。

梔子仁湯 治喘咳發熱潮熱。發狂煩躁。面赤咽痛。

梔子仁

赤芍藥

大青

知母錢各一

升麻

黃芩

石膏

甘草

杏仁錢各二

柴胡錢半二錢

豆豉百粒

用水煎服。

麥門冬湯 治火熱乘肺。咳嗽有血。胸脇脹滿。五心煩熱。

麥門冬去心

桑白皮炒

生地黄錢各一

半夏

紫苑

桔梗

淡竹葉

麻黃錢各十

五味子杵

甘草錢各五

右薑水煎服。

二陳湯方見二十四卷第六論

竹葉石膏湯方見十三卷第十論 補中益氣湯

四物湯

六君子湯三方見二十四卷第六論 六味丸

八味丸

二方見二十四卷第十一論

附子理中湯

方見二十八卷第八論

歸脾湯

加味逍遙散

八珍湯

三方見二十四卷第四論

### 咳嗽用溫藥方論第十一

初虞世

經曰。微寒爲嗽。寒甚爲腸澼。古人立方。多用乾薑、桂心、細辛之屬。若熱在上焦而嗽。虛則爲肺痿。實則爲肺癰。或因氣血不足。或因酒色厚味。或因重亡津液。燥氣焚金。故脈數發熱。咳嗽膿血。宜辛溫建中之屬。若用柴胡、鱉甲、門冬、葶藶等藥。則誤矣。

愚按。丹溪云。陰分嗽者。多屬陰虛肺脹。不得眠者難治。肺痿專主補氣。養血清金。肺氣有餘者。宜瀉之以桑白皮爲主。半夏、茯苓佐之。瀉其有餘。補其不足。肺燥者。當潤之。屬熱者。桔梗、大力子、知母、鵝子清。聲啞者屬寒。細辛、半夏、生薑。肺虛者。人參、膏阿膠爲主。陰不足者。六味地黃爲要藥。或知母、茯苓湯。陰虛氣喘。四物加陳皮、甘草。以降其氣。補其陰。竊謂前症。嗽而鼻塞聲重。風邪傷肺也。用參蘇飲。面赤喘嗽。火尅肺也。人參平肺散。寒熱交作。肝氣不和也。四君加知母。



柴胡、桔梗。咳嗽短氣。肺虛也。人參補肺湯。體倦少食。脾虛也。參朮補脾湯。口乾咽燥。虛火上炎也。六味丸。大凡發熱喘嗽。或咳唾膿血。飲食不入。急補脾肺。滋腎水。多有得生者。脈浮大而面色赤者。皆難治。脈浮短濇者可療。參蘇散。治外感風寒。咳嗽氣逆。血蘊上焦。發熱氣促。或咳血衄血。或痰嗽不止。加黃芩、山梔。名加味參蘇飲。

人參

紫蘇葉去梗

半夏薑汁

茯苓

陳皮

桔梗

葛根

前胡

枳殼

一錢炒各

甘草炙五

右薑水煎服。

金沸草散 治肺經受風。頭目昏疼。咳嗽聲重。涕唾稠粘。

荊芥穗七分

前胡

麻黃

旋覆花各七

甘草

赤芍藥

半夏各五

用薑棗水煎服。

定喘湯 治痰喘胸滿。坐臥不安。聲重鼻塞頭昏。

半夏麴

明阿膠炒

甘草炒各五分

蓼栗殼製一錢

五味子杵炒

桑白皮炒

麻黃去節

人參各三分

右薑三片。烏梅半箇。水煎。臨臥服。

金不換正氣散。治肺胃虛弱。咳嗽不已。喘滿涎盛。

蓼栗殼製一錢

杏仁製

甘草

枳殼各五分

右生薑。烏梅水煎。

錄驗橘皮湯。治肺傷冷濕咳嗽。喉中作聲。上氣頭痛。

陳皮

紫苑

麻黃去根

杏仁製

當歸各一錢

桂心

甘草炒

黃芩各五分炒

用水煎服。

華蓋散。治肺感寒邪。咳嗽聲重。胸膈煩滿。頭目昏眩。

蘇子炒

陳皮

赤茯苓

桑白皮炒

麻黃各一錢

甘草五分

用薑水煎服。

千金五味子湯 治咳嗽皮膚乾燥。唾中有血。胸脇疼痛。

五味子 杵炒

桔梗 炒

紫苑

甘草 炒

續斷 各一錢

竹茹 三錢

赤小豆 一撮

生地黄

桑白皮 各半兩

右水煎服。

知母茯苓湯 治咳嗽不已。往來寒熱。自汗喘促。或肺痿。

知母

茯苓 各一兩

五味子 杵

人參

薄荷

半夏

柴胡

白朮

款花

桔梗

麥門冬 去心

黃芩 炒 各半兩

川芎

阿膠

甘草 炙 各三錢

右每服一兩。薑水煎。

小青龍湯 治肺感寒。咳嗽喘息。加杏仁煎。有汗去麻黃。細辛。發熱頭疼。脈沉細。

或嘔或欬。或利或噎。或小便不利。小腹滿脹。喘嗽之聖藥。

瀉白散

桔梗湯

人參平肺散

人參補肺湯

參朮補肺湯五方見二十一論六味丸方見二十一論

四物湯

四君子湯二方見二十一論

勞嗽方論第十二

經曰。感於寒。微則爲咳。甚則爲泄。蓋肺主氣。合於皮毛。邪傷皮毛。則咳爲肺病。傳於各臟。以時受邪。肺爲嫩臟。邪易傷而難治。其嗽有肺、心、脾、腎、肝、風、寒、支、飲、膽、之十種。亦有勞嗽者。華陀謂之邪嗽。孫真人謂之注嗽。此因酒色過度。勞傷肺經。重者咯唾膿血。輕者時發時瘥。或先嘔血而後嗽。或先咳嗽而吐血。此又挾邪傳注。孫真人用通氣丸。夢與鬼交。用四滿丸。蛤蚧、天靈蓋、桃柳枝、安息香之類。若肺中有蟲。入喉癢嗽。須以藥含化。其蟲卽死。嗽卽止。

愚按。仲景先生云。咳而兩脇痛。不能轉側。兩肋滿。屬於肝臟。用小柴胡湯。咳而嘔苦水。屬膽腑。黃芩、半夏、薑湯。咳而喉中如梗狀。甚則咽腫喉閉。屬心臟。桔梗湯。咳而大便失氣。屬小腸腑。芍藥、甘草湯。咳而右脇痛。陰引肩背。甚則不可動。動則咳劇。屬脾臟。升麻湯。咳而嘔。嘔甚則出長蟲。屬胃腑。烏梅丸。咳而喘息



有聲。甚則唾血。屬肺臟。升麻湯。咳而失尿。屬大腸腑。麻黃附子細辛湯。咳而遺溺。屬膀胱。茯苓半夏湯。咳而不止。三焦受之。其狀腹滿。不食。涕唾。面目浮腫。氣逆。異功散。用之對證。其效如神。仍參五卷看。

附治驗

一婦人患前證。晡熱內熱。寒熱往來。作渴盜汗。小便頻數。其經兩三月一行。此肝脾氣血虛損。用八珍湯。六味丸各六十餘劑。諸症漸愈。其經兩月一行。仍用前二藥。間以加味逍遙散。各三十餘劑。後恚怒適經行。去血過多。諸症悉至。飲食少思。腹腫氣促。用十全大補湯。數劑漸愈。仍用前藥。調補漸愈。復因喪子。胸腹不利。食少內熱。盜汗便血無寐。用加味歸脾湯。仍兼前藥而愈。

一婦人患前症。不時發熱。或時寒熱。或用清熱之劑。其熱益甚。盜汗口乾。兩足如炙。遍身皆熱。昏憤如醉。良久熱止方甦。或晡熱。至旦方止。此陰血虛而陽氣弱也。余朝用六味丸料。夕用十全大補湯。月餘。諸症稍愈。更兼以補中益氣湯。兩月餘而愈。

深師四滿丸 治上氣嗽、飲嗽、燥嗽、冷嗽、邪嗽。謂之五嗽。

乾薑炮

桂心

躑躅花

芎藭

紫苑各二

芫花根皮二分

蜈蚣一條去足炙

細辛

甘草炙

鬼督郵

人參

半夏一泡各

右爲末。煉蜜丸。大豆許。每服五丸。米飲下。日三服。未應。加至七八丸。

溫金散 治勞嗽喘悶。咯痰中有血。方見前勞瘵類

阿膠丸 治勞嗽并嗽血咯血。方見前勞瘵類

團魚丸 治骨蒸勞嗽累效。

貝母

前胡

知母

杏仁

柴胡各等分

生團魚二個

右藥與魚同煮熟。取肉連汁食之。將藥焙乾爲末。用骨更煮汁一盞。和藥丸。梧子大。每服二十丸。煎黃耆六一湯。空心送下。病既安。仍服黃耆六一湯調理。

附方

地骨皮散

知母炒

柴胡

甘草炒

人參

地骨皮

茯苓

半

夏

薑製各錢

用薑水煎服。

海藏紫苑散 治咳中有血。虛勞肺痿。

人參

紫苑

知

母炒

貝母

桔梗炒

茯苓

阿

膠炒各錢

五味子分三

甘草炙五分

用薑水煎服。

參朮調中湯 瀉熱補氣。止嗽定喘。和脾胃。進飲食。

黃耆四分

桑白皮五分

人參

炙甘草

青皮

白茯苓各三分

五味子分五

白朮三分

地骨皮

麥門冬

陳皮各五分

用水煎服。

二陳湯 治脾胃虛弱。中脘停痰。或嘔吐惡心。或頭目不清。飲食少思。方見卷第二十五

論



異功散方見二十五論

六味丸方見二十一論

八珍湯

加味道遙散

十全大補湯

加味歸脾散四方見二十四論

補中益氣湯方見二十四論

### 喘滿方論第十四

岐伯曰。夜行則喘出於腎。淫氣病肺。有所墮恐。喘出於肝。淫氣害脾。有所驚恐。喘出於肺。淫氣傷心。度水跌仆。喘出於腎與骨。皆因外邪所感而致。太陽病。則脈浮。無汗而喘。用麻黃湯。陽明病。則汗出腹滿。喘而潮熱。承氣湯。表邪未解。喘促汗出。葛根黃芩湯。微喘。桂枝厚朴杏仁湯。汗出而喘。麻黃杏子甘草石膏湯。表邪未解。小青龍湯。去麻黃加杏仁。感寒伏熱而喘。九寶湯。氣鬱痰盛喘促。四七湯。涎多而喘。千縉湯。不得臥而喘。神祕湯。寒熱喘咳。棗膏丸。上氣喘促。神授湯。上盛下弱。吞黑錫丹。若四肢逆冷。脈息沉細。或寸大尺小。胸脹冷汗。大便頻數。上氣喘促。此虛極挾寒之陰症。急用返陰丹。

愚按。東垣云。肺金受邪。由脾胃虛弱。不能生肺。乃所生受病。故咳嗽氣短。氣上



皮毛不能禦寒。精神少而渴。情慘不樂。皆陽氣不足。陰氣有餘也。治法若肺氣虛弱。用四君枳殼半夏脾虛不能生肺。補中益氣湯。七情氣結。四七湯。脾經鬱結。歸脾湯。脾氣虛弱。人參補肺散。肺經火盛。人參平肺散。腎水敗濁。六味丸。真陽虛損。八味丸。或兼小便不利。爲害尤速。非二丸不能救。仍與前十一十二論互用。

附治驗

一婦人傷風寒作喘。或用表散。愈而復患。仍用前藥。其症益甚。飲食少思。胸腹不利。此因脾肺氣虛也。予先用六君子湯加桔梗漸愈。又用補中益氣湯全愈。一婦人患前症。屬命門火虛。不能生脾土。用補中益氣湯。八味地黃丸而痊。後復患其喘益甚。用前藥不應。遂用黑錫丹二服。喘止。仍用前二藥。而諸症痊。凡屬邪氣有餘者。其症易識。治效亦速。其屬元氣不足者。變症不一。效非可以旦夕期也。

神祕湯 治水氣乘肺作喘。或支飲喘滿。痰嗽不食。

陳皮去白

紫蘇葉

人參

桑白皮

生薑各一錢

右水煎服。

千緡湯

半夏七枚炮製

皂角去皮尖

甘草炙一寸

生薑如指大

右薑水煎服。

棗膏丸 治息賁在右脇下。大如杯。令人灑淅寒熱喘咳。

甜薤葶炒研

陳皮

桔梗各等分

右爲末。煮棗肉丸。桐子大。每服數丸。白湯下。

許學士云。余常停飲水積。食已必噎漸喘。覺肺系急。服此。

神授湯 治上氣喘急不得臥。

橘紅

桔梗

紫蘇

人參各一錢

五味子杵炒三分

右薑水煎服。

九寶湯 治伏熱咳嗽喘急。虛勞自汗者。不可服。

薄荷

紫蘇

大腹皮洗

甘草炒

杏仁去尖皮

陳皮各一錢

用薑十片。烏梅一箇。水煎。

四磨湯 治七情鬱結。上氣喘急滿悶。痰涎上湧。

人參

檳榔

沉香

烏藥

右四味。各濃磨。白沸湯少許溫服。

五味子湯 治咳嗽。皮膚乾燥。唾中有血。胸脇疼痛。

五味子并炒

桔梗炒

紫苑

甘草炒各五分

竹茹一錢

續斷五錢

赤小豆一撮

生地黄二錢

桑白皮二錢

右水煎服。

附方

六君子湯

四君子湯

補中益氣湯三方見六十二論

四七湯方見七十一論

歸脾湯方見二十四論

人參補脾散

人參平肺散二方見二十六卷六味丸

八味丸二方見二十一卷

黑錫丹方見四卷

### 婦人風痰積飲咳嗽方論第十五

婦人脾胃虛弱。風邪外侵。以致痰滯咳嗽。眼昏頭眩。經云。九竅不利。腸胃之所生也。無擇云。凡屬風熱。三生飲。化痰丸。屬寒冷。金沸草散。屬暑熱。消暑丸。屬氣鬱。四七湯。在上。瓜蒂散吐之。在下。控涎丹利之。仍觀人之勇怯。蘇之虛實。愚按。前症若肝經患怒。用小柴胡湯。肝經風熱。用鈎藤散。肝腎氣虛。用川芎散。脾經鬱結。用濟生歸脾湯。鬱怒傷肝脾。用加味逍遙散。脾虛痰逆。用白朮半夏天麻湯。脾氣虛弱。用六君子益氣湯。肺氣鬱滯。用二陳貝母桔梗。陰虧水泛。六味地黃。腎虛陰火。加減八味丸。腎虛火不歸源。八味地黃丸。仍與前按互相用之。

#### 附治驗

一婦人內熱口乾。勞則頭暈。吐痰帶下。或用化痰理氣藥。前症益盛。肢體或麻。又



用祛風化痰藥。肢體常麻。手足或冷或熱。此脾土不能生肺金也。余用補中益氣。加茯苓。半夏。炮薑二十餘劑。漸愈。又用加味逍遙散三十餘劑。全愈。後因怒。吐痰胸痞。或用清氣化痰丸。食少痰甚。胸脇脹滿。脈或浮大。或微細。余以六君倍用參朮。少加木香而康。

一婦人咳嗽脇痛。或用清肺化痰降火等劑。久不愈。更加內熱。晡熱。苦兩脇或小腹內熱。其咳益甚。小便自遺。余曰。此屬肝經血虛火動。用六味丸。加五味子。滋腎水以生肝血。用補中益氣。生脾土以滋肺金而尋愈。

旋覆花湯 治風痰嘔逆。飲食不下。頭目昏悶等症。

旋覆花

枇杷葉

川芎

細辛

赤茯苓錢各一

前胡錢五分

用水薑棗煎。

大半夏湯 治痰飲。脾胃不和。咳嗽嘔吐。飲食不入。

半夏

白茯苓

生薑錢各二

右薑水煎服。胃痞。加陳皮。如不應。四七湯亦善。

導痰湯 治痰涎壅盛。胸膈痞塞。或咳嗽惡心。飲食少思。

半夏四錢 南星 枳實麸炒 茯苓

橘紅各一錢 甘草五分

右薑十片水煎。

附方

川芎散 治肝腎氣虛。頭風眩運。

小川芎 山藥 白茯苓 甘菊花

人參各五錢 山茱萸肉一兩

右每服一兩食前。空心水煎服。或為末。酒調。日三服。

小柴胡湯方見二十四卷第二論 鉤藤散方見四卷第四論 歸脾湯

加味逍遙散二方見二十四卷第五論 白朮 半夏 天麻湯方見四卷第五論

六君子湯 補中益氣湯二方見二十四卷第六論 二陳湯方見二十四卷第五論

六味丸 加減八味丸 八味丸三方見二十四卷第十一論

婦人心胸嘈雜方論第十六

婦人嘈雜。此脾胃鬱火。痰滯血液。淚汗而成。用猪血炒食之。乃以血導血。而使之歸源爾。旋覆花湯尤善。

愚按。前症若因食鬱。用六君。山楂。山梔。若因胃熱。用二陳湯。炒芩。連。若因六鬱。用越鞠丸。若因氣滯。用四七湯。桔梗。枳殼。大抵此症屬病氣。元氣俱不足。須用六君爲主。少佐以治痰之藥。若以火治之。必變吞酸中滿。

附治驗

一婦人飲食少思。胸中嘈雜。頭暈吐痰。此中氣虛而有熱。用六君子湯。加炒黑山梔。桔梗而愈。後因勞碌。頭暈發熱。吐痰不食。用補中益氣。加半夏。茯苓。天麻而痊。

一婦人中脘嘈雜。口中辛辣。或咳嗽吐痰發喘。面色或白或赤。此脾氣虛而肺中伏火也。用六君子。加山梔。桔梗。柴胡。及炒黑片芩治之。尋愈。

一婦人嘈雜吞酸。飲食少思。大便不實。此脾氣虛寒而下陷。用補中益氣湯。加茯苓。半夏。炮薑漸愈。又常服人參理中丸則安。

一婦人飲食後。嘈雜吞酸。此食鬱爲痰。用六君子湯。送越鞠丸漸愈。又用加味歸

脾湯而痊。後因怒。兩脇脹痛。中脘作酸。用四君湯送左金丸漸安。仍用六君子湯送越鞠丸而痊。

旋覆花湯。治脾胃虛寒。中脘停痰。汪洋嘈雜。腸鳴多睡。嘔吐不食。脇肋脹痛。脈沉遲弦細。

旋覆花

細辛

橘紅

桂心

人參

甘草炒

苦梗

白芍藥

半夏五分

赤茯苓各三

右薑水煎服。

余治婦人心胸嘈雜。用茯苓補心湯治之而愈。方見前

### 附方

補中益氣湯

四君子湯

六君子湯二方見卷第六論

二陳湯方見卷第五論

越鞠丸方見前

四七湯方見卷第七論

歸脾湯方見卷第四論

人參理中湯方見卷第八論



校註婦人良方 卷六 衆疾門 婦人心胸嘈雜方論第十六

四四

# 校註婦人良方

宋 臨川 陳自明良甫編輯  
明 古吳 薛己立齋補註

鄞縣 曹赤電炳章圈校

## 卷七

### 婦人嘔吐方論第一

婦人嘔吐。良由脾胃不調。外邪乘之。或胃中虛冷。或胃口有熱。或中脘停痰。或胃經血弱。治法胃冷者。丁香散。理中丸。胃熱者。小柴胡湯。竹茹湯。胃虛者。藿香正氣散。停痰者。半夏茯苓湯。二陳湯。血虛者。十全大補湯。加陳皮。半夏。藿香。  
愚按。東垣先生云。前症內有故寒與新穀俱入於胃。新故真邪相攻。氣併相逆。復出於胃。故爲噦。補手太陰。瀉足少陰。又云。胃因氣逆爲噦。夫嘔吐噦者。俱屬於胃。以其氣血多少爲異耳。如嘔者。陽明也。陽明多血多氣。故有聲有物。血氣

俱病也。仲景云。嘔多雖有陽明症。慎不可下。孫真人云。嘔家多服生薑。爲嘔家之聖藥也。氣逆者。必散之。故以生薑爲主。吐者。太陽也。太陽多血少氣。故有物無聲。爲血病也。有食入則吐。以橘皮去白主之。噦者。少陽也。多氣少血。故有聲無物。乃氣病也。以薑製半夏爲主。若脾胃虛弱。寒邪所客。飲食所傷者。用六君子。藿香。生薑之類。若胃中有熱。膈上有痰。用二陳。山梔。黃連。生薑。若久病胃虛。嘔而不納穀者。用生薑。參。朮。黃耆。香附之類。亦有痰膈中焦。食不得下者。有氣逆而嘔者。有氣鬱於胃。有食滯於心肺之分而復出者。有胃口有火與痰而嘔者。若注船大吐渴飲水者。冲童便飲之最妙。前論云。血不歸源而嘔。用十全大補湯。誠發前人之未發。愚常用屢效。此論與王安道先生源頭集所論少異。仍宜參看之。

附治驗

太守陽山之內。素善怒。胸膈不利。吐痰甚多。吞酸噯腐。飲食少思。手足發熱數年矣。所服非芩。連。枳。實。必檳。蘇。厚。朴。左。關。弦。洪。右。關。弦。數。此肝火血燥。木乘土位。朝用六味地黃丸。以滋養肝水。夕用六君。歸。芍。以調補脾土而愈。乙巳夏。因大怒。吞酸噯腐。胸腹脹滿。或用二陳。石膏治之。吐涎如湧。外熱如灼。脈洪大。按之

如無。余曰。此脾胃虛損。虛陽發越於外。脾敗而涎泛出也。用六君。加薑桂一鍾。即睡覺而諸症如失。又數劑而康。

先太宜人飲食後。聞外言忤意。嘔吐酸水。內熱作渴。惟飲冷水。氣口脈大而無倫。面色青赤。此肝脾鬱火。投之以藥。入口即吐。第三日吐宿食。第七日吐酸黃水。十一日吐苦水。脈亦洪大。仍喜飲冷。以黃連煎湯。冷飲少許。至二十日。加白朮、茯苓。二十五日。加陳皮。三十七日。加當歸、炙草。至六十日。始進米飲半盞。漸進薄粥。調理即痊。

一婦人食後因怒。患瘧嘔吐。用藿香正氣散而愈。後復怒吐痰。狂言熱熾。胸脇脹痛。手按少得。脈大無倫。按之微細。此屬肝脾二經血虛。以加味逍遙散。加熟地、川芎二劑。脈症頓退。再用十全大補湯而安矣。府庠沈姬文母。患脾虛中滿。痰嗽發熱。又食濕麵冷茶。吞酸嘔吐絕食。誤服芩連、青皮等藥。益加寒熱。口乾流涎不收。聞食則嘔。數日矣。迎治。余曰。脾主涎。此脾虛不能約制也。欲用人參安胃散。惑於衆論。以爲胃經實火。宿食治之。病日增劇。忽思冬瓜。食如指甲一塊。頓發嘔吐酸水不止。仍服前藥。愈劇。復邀視之。則神脫脈絕。瀕死矣。惟目睛尙



動。余曰。寒淫於內。治以辛熱。然藥不能下矣。急用鹽艾。附子炒熱熨臍腹。以散寒回陽。又以口氣補接母口之氣。又以附子作餅。熱貼臍間。時許。神氣少生。以參朮附子爲末。仍以是藥加陳皮煎膏爲丸。如粟米大。入五七粒於口。隨津液嚥下。卽不嘔。二日後。加至十粒。諸病少退。其涎不止。五日後。漸服前劑一二匙。胃氣少復。乃思粥飲。後投以參朮等藥。溫補脾胃。五十餘劑而愈。

丁香散 治脾胃氣弱嘔吐。水穀不入。

丁香

白朮

縮砂

草果 各三錢

人參 一兩

當歸

白豆蔻

藿香

甘草 各半兩

橘皮 三分

神麴 炒

訶子 各半兩

右爲末。每服二錢。薑棗湯調。

竹茹湯 治胃熱嘔吐。

乾薑 二錢

半夏 三錢

甘草 五分

竹茹 一彈大

右薑棗水煎服。

許學士先生云。胃熱者。手足心熱也。政和中。一宗人病傷寒。得汗身涼。數日。忽

嘔吐藥。食不下。用丁香、藿香、滑石等藥。下咽即吐。余曰。此正汗後餘熱留胃脘。正宜竹茹湯。用之即愈。

許仁則半夏丸。治胃冷嘔逆不食。

半夏洗去骨一斤。小麥麵一斤。

右水和丸。如彈子大。水煮熟。初服四五丸。二服加至十四五丸。旋煮間服。

七味人參丸。服前丸不應。可服此藥。

人參 白朮各五兩 厚朴薑製 細辛各四兩

生薑 橘皮三兩 桂心一兩

右爲末。煉蜜丸。桐子大。米飲下十丸。漸加至二十丸。

青金丸。治嘔吐不已。

硫黃三錢 水銀一錢

右入銚內。慢火化。以木片撥炒成砂。研至黑。不見白星。薑汁糊丸。菉豆大。每服二三十丸。米飲下。

### 附方

人參安胃散 治脾胃虛熱。嘔吐泄瀉。或飲食不入。

人參 一錢

黃耆 錢二

生甘草

炙甘草 各五分

白芍藥 七分

白茯苓 四分

陳皮 三分

黃連 分二

右水煎服。

六君子湯

方見二十四卷第六論

加味逍遙散

十全大補湯

二方見二十四卷第四論

六味丸

方見二十四卷第十一論

藿香正氣散

方見二十四卷第九論

## 婦人霍亂方論第二

論曰。嘔吐而利者。名霍亂也。因腸胃虛弱。飲食過度。觸冒風冷。清濁相干所致。或先腹痛而吐。或先吐而痛。或吐利並作。當分寒熱而治之。飲冷者。五苓散。停寒者。理中丸。四肢逆冷。脈微細者。用通脈四逆湯。加猪膽汁。中暑霍亂。煩渴飲冷。轉筋者。用香薷散。脈浮洪者。易治。微遲者。難治。

愚按。賈元良先生云。暑者相火行令也。夏月人感之。自口齒而入。傷心胞絡之經。其症頭疼口乾。面垢自汗。倦怠少氣。或背寒惡熱。甚者迷悶不省。或霍亂吐



利。嘔痰腹痛。或下血發黃生斑等症。治法清心火利小便爲主。若自汗熱甚。用白虎湯。若頭疼惡寒。用十味香薷散。泄瀉煩渴。飲水吐逆。用五苓散。熱甚煩渴。用益元散清之。若表解裏熱甚者。用黃連解毒湯。脈微下利。作渴喜溫。或厥冷不省人事。宜竹葉石膏湯。加熟附半枚冷飲。次以來復丹。五苓散治之。故東垣云。脾胃虛弱。遇夏月淫雨。身重短氣。甚則四肢痿軟。脚欹眼黑。當滋肺氣以補水之源。是以五月常服五味子。人參。麥門冬之劑。爲熱傷元氣故耳。丹溪所謂夏月伏陰在內也。蓋人之腹屬地。巳月六陽盡出於地之上矣。是人之陽氣亦浮於肌表。散於皮毛。而腹中之陽虛矣。又加以涼臺水館。大扇風車。寒泉水果。冰涼之物。自內及外。不用溫熱。病所由生。陳無擇云。凡中暈。切不得用冷藥。惟用溫養。得冷卽死。道途無湯。卽以熱土熨臍中。溺以熱尿卽甦。概可見矣。內經曰。脈虛身熱。得之傷暑。難經云。傷暑得之爲正邪。火自病也。當惡臭。其病身熱而煩。心痛。其脈浮大而散。傷寒論曰。太陽中暈者。身熱疼痛。而脈微弱。或發熱惡寒。而脈微細。芤遲。大抵寒傷形。熱傷氣。蓋傷氣而不傷形。則氣消而脈虛弱。故先哲立法。夏月宜補。良有以也。前症若內有所積。外有所感。用二陳湯加減。



治之。或蘿蔔子搗碎。服而吐之。若飲米湯。即死云云。同前論若轉筋不住。男子以手挽陰。女子以手牽乳。近兩邊。此千金妙法也。乾霍亂不得升降。死在須臾。當以鹽湯吐之。後以二陳湯加川芎、蒼朮、防風、白芷、薑煎服。若登圜而不通。加枳殼。若食瓜果飲冷。乘風霍亂。用六和湯。倍加藿香。凡中暑而亡者。皆因元氣虛弱。而暑熱乘之。以致泄瀉。陽氣暴脫。實爲陰寒之症。宜急補其陽。庶得保生。緩則不救。其他執爲暑熱。投以寒藥。鮮不誤事。愚故以回陽固本之方。繼之於後。

附治驗

進士李通甫之內。冬開衣箱。其內衣裳。乃夏月所晒者。開時覺暑氣所侵。良久患霍亂。足指足跟。俱轉筋甚惡。自分必死。用香薷飲一劑。急煎下咽。即愈。加減理中丸。治肚腹疼痛。手足逆冷。飲食不入等症。

人參

白朮

乾薑

甘草各等

右爲末。煉蜜杵勻。每兩作五丸。每服一丸。白湯化下。嘔吐。加枳殼。泄瀉。加乾薑。吐瀉乾嘔。加半夏。體冷微汗。腹寒。加炮附子。水煎服。

四順附子湯 治霍亂吐利腹痛。手足厥冷。脈微絕。方見八卷十一論  
四逆湯加猪膽汁。名四逆猪膽汁湯。

甘草三兩 乾薑三兩 附子生一枚

右每服五錢。水煎。入猪膽汁半合。作二服。

香薷散 治吐利腹疼。發熱頭痛。或霍亂轉筋拘急。

香薷二錢 白扁豆 厚朴薑製 茯苓各一

右水煎。冷服。連進二三劑。加黃連。名黃連香薷飲。

### 附方

十味香薷散 治伏暑身體倦怠。頭痛惡寒。或吐瀉等症。

香薷一兩 人參 陳皮 白朮炒

茯苓 黃耆炒 木瓜不犯鐵器 厚朴薑製

扁豆 甘草半兩

右每服一兩。水煎。

清暑益氣湯 治長夏濕熱所蒸。四肢困倦。精神短少。懶於動作。胸滿氣促。支節

作疼。或氣高而喘。身熱而煩。心下膨悶。小便黃數。大便澹頻。或瀉利作渴。不思飲食。自汗體重。

黃耆炒

蒼朮

升麻錢各一

人參

白朮

神麴炒

陳皮各五分

甘草炙

黃柏炒

麥門冬去心

當歸錢各三

葛根二分

五味子炒九粒

澤瀉五分

青皮二分

右水煎服。

白虎湯 治胃熱作渴。暑熱尤效。又治熱厥腹滿。身難轉側。面垢譫語。不時遺溺。手足厥冷。自汗脈沉滑。

知母

石膏錢各二

粳米半合

右水煎服。

人參白虎湯 治暑熱發渴。脈虛等症。

人參錢五分

知母錢二

石膏半兩

甘草一錢

右入粳米一合。水煎服。

人參益氣湯 治暑熱傷氣。四肢困倦。嗜臥少食。兩手指麻木。

黃耆錢炒八

甘草七錢內

人參半兩

升麻一錢

白芍藥錢炒三

五味百四十分

柴胡五分

右咬咀。分作四服。

大順散 治冒暑伏熱。引飲過多。脾胃受濕。水穀不分。清濁相干。陰陽氣逆。霍亂嘔吐。臟腑不調。

甘草炒

乾薑炮

杏仁去皮

桂去皮

右爲末。每服二三錢。湯點服。

消暑丸 治傷暑發熱頭疼。或嘔吐泄瀉。二便不分。

半夏

甘草炒

茯苓各半

右爲末。生薑汁和丸。桐子大。每五十丸。水下。易簡方。薑汁。好醋煮半夏末。作糊丸服。

薑附湯 治霍亂轉筋。手足厥冷。汗出嘔逆。腹痛脈欲絕者。

乾薑炮一

附子生一個



右爲末。每服五錢。水煎服。

通脈四逆湯 治霍亂惡寒。腹痛身冷。自汗。脈沉微如欲絕。

吳茱萸炒二兩

附子炮一兩

桂心

通草

細辛

白芍藥炒

甘草炙各半兩

當歸三錢

右每服四錢。水酒生薑煎。如不應。更加倍服之。以效爲度。

半夏解毒湯 治一切暑熱毒。五心煩躁。口舌咽乾。

黃柏炒

黃芩炒

山梔子炒

半夏等分

右每服五錢。水煎。

六和湯 治冒暑伏熱。煩悶。霍亂轉筋。吐瀉。寒熱交作。頭目昏痛。嗜臥倦怠。小便

赤澀。不問胎產並服之。

縮砂

半夏湯炮

杏仁去皮

人參

甘草炙各一兩

赤茯苓

藿香

木瓜各二兩

白扁豆薑汁略炒

香薷

厚朴薑製各四兩

右每服一兩。薑棗水煎服。

六一散 治中暑身熱。小便不利。或發熱體痛。口乾作渴。

滑石六兩 甘草微炒

右爲末。每服三錢。加蜜少許。湯水任下。

二陳湯 方見二十四卷第五論

來復丹

五苓散 二方見二十四卷第十論

竹葉石膏湯 方見十二卷第十論

### 婦人翻胃吐食方論第二增論新

愚按病機云。前症有三。曰氣積寒也。皆從三焦論之。上焦吐者。從於氣。氣者天之陽也。其脈浮而洪。食已暴吐。渴欲飲水。大便燥結。氣上衝胸發痛。其治法當降氣和中。中焦吐者。從於積。有陰有陽。食與氣相假爲積而痛。其脈浮而匿。其症或先痛而後吐。或吐而後作痛。治法當以小毒藥去其積。檳榔、木香行其氣。下焦吐者。從于寒地之道也。其脈沉而遲。其症朝食暮吐。暮食朝吐。小便清。大便秘而不通。治法當以毒藥通其閉塞。溫其寒氣。大便漸通。復以中焦藥和之。不令大便秘結而自愈也。王太僕曰。食不得入。是有火也。食入反出。是無火也。

又發明曰。噎者六腑之所主。陽也。氣也。塞者五臟之所主。陰也。血也。二者皆由陰中伏火而作也。劉宗厚先生曰。若三焦傳化失常所致。主於氣也。若血虧胃脘乾槁所致。因於血也。塞猶填塞不通之義。故發明有治幽門不通。噎塞不便。通幽湯例。蓋陽無陰不能通化。陰之失位而陽伏其中。傳化不變而反上行矣。故前症或由飲食起居。七情虧損脾胃。痰飲停滯。中氣不運。當以補中益氣湯爲主。若鬱結傷脾。用歸脾湯加枳殼。桔梗。若恚怒傷肝。用小柴胡加梔。苓。參。朮。脾氣虛弱。用六君加山梔。枳殼。氣血俱虛。用八珍湯加山梔。半夏。若用行氣之藥。胸膈痞悶。用六君。芎。歸之類。若過用香燥之劑。而大便結燥。用四物。參。朮之類。若飲食不能入。用六君。山梔。吳茱萸。製黃連。若食入而反出。用六君。炮薑。白豆蔻。黃連。製吳茱萸。若痰滯而食反出。用六君。枳殼。桔梗。若飲食少思。大便不實。胸膈痞悶。吞酸噯腐。食反不化。是爲脾胃虛寒。用東垣固真丸。或八味丸。若發熱煩熱。身惡風寒。腹畏熱食。或手足俱冷。胸滿腹脹。是內真寒外假熱。用神效附子丸。或八味丸。大凡嘔吐善食。喜飲冷水。是爲有火。嘔吐少食。喜飲熱湯。是爲無火。當審其因而治之。



附治驗

一婦人患前症。胸腹痞悶。得去後。或泄氣稍寬。余曰。此屬脾氣鬱結而虛弱也。當調補爲善。不信。乃別用二陳、枳實、黃連之類。不應。又用香燥破氣。前症益甚。形氣愈虛。余用加味歸脾湯調治。不出半載而痊。

一婦人患前症。胸腹脹悶。或小腹不利。或時作痛。小便澀滯。余曰。此肝火血虛也。當清肝火。生肝血。養脾土。生肺金。以余言爲迂。別服利氣化痰等劑。前症益劇。虛症蠱起。余用加味逍遙散。加味歸脾湯兼服。尋愈。

一婦人患吐痰甚多。手足常冷。飲食少思。余曰。此肝脾鬱怒。兼命門火衰。不信。另服化痰利氣之劑。胸腹愈脹。又服峻利疎導之劑。余曰。非其治也。必變脾虛發腫之症。急服金匱加減腎氣丸。庶有可救。仍不信。反服沉香化氣等丸。果發腫而歿。

白堊散。治虛熱翻胃。用白堊土一斤。米醋一斤。煨土赤。入醋內。再煨再入。以醋乾爲度。取土一兩。入炮薑一錢爲末。每服一錢。米飲下。甚者二錢。須服四兩有效。



治實熱翻胃。用黃連五錢。生薑汁浸炒。山查三錢。保和丸三錢。同爲末。糊丸麻子大。胭脂爲衣。每服六十丸。煎人參湯入竹瀝下之。

太倉丸 治胃弱翻胃。

肉豆蔻 砂仁 丁香 陳蒼朮 土炒

右爲末。薑汁糊丸。桐子大。每服六七十丸。薑湯下。

青金丹 每服三十丸。生薑陳皮煎湯送下。嘔吐類

附方

東垣補真丸

肉苁蓉 酒浸 葫蘆巴 炒 附子 炮去 陽起石 煨

肉豆蔻 煨 麋 煮 兔絲子 淨洗酒 川烏 炮去 沉香

五味子 錢各五 鹿茸 酒浸 巴戟 去心 鍾乳粉 兩各一

右爲末。用羊腰子兩對。治如食法。葱椒酒煮搗爛。入酒糊丸。如桐子大。每服七十丸。空心。米飲。鹽湯任下。

神效附子丸 治脾腎虛寒嘔吐。或翻胃膈噎。用黑附子重一兩四五錢。端正底

平尖圓一枚。灰火炮皮裂。入生薑自然汁內。浸潤曬乾。再炮。再入汁浸潤。仍曬再炮。用盡薑汁半碗為度。却去皮臍為末。以人參煎膏丸黍米大。每服數丸。津唾嚥下。胃氣稍復。飲食稍進。投以溫補之劑。

六君子湯

補中益氣湯

四物湯三方見二卷第六論

歸脾湯

加味歸脾湯

八珍湯

加味逍遙散

四方見二卷第四論八味丸方見二卷第十一論

二陳湯方見二卷第五論

金匱加減腎氣丸

方見二卷第十論

## 婦人血膈方論第四

愚按、前症若氣逆而血滯。用流氣飲。若恚怒而血逆。用小柴胡、山梔、丹皮。血虛用四物、參朮、柴胡、山梔、丹皮。若鬱結而血虛。用加味歸脾。兼加味逍遙散。脾虛不能生血。用六君、歸芎。胃虛不能生血。用益氣湯。若肝虛而不能藏血。用補肝散。如不應。兼以六味丸。若因脾肺虛。用補中益氣湯。如不應。用六君加芎、歸。

### 附治驗

一婦人患前症。胸膈痞悶。余曰。此屬脾經血虛。遂用四君、芎、歸。調補脾氣。尋愈。又因怒兼兩脇痞悶。頭目不清。月經旬餘未竭。用加味逍遙散。加鈎藤治之。復瘥。一婦人患前症。胸膈作痛。面清目劄。小便頻數。或時寒熱。此肝氣滯而血凝。先用失笑散。二服痛止。又用加味逍遙散而愈。一婦人所患同前。泛用行氣破血之劑。以致不起。神功散 治血滯胸腹作痛。

五靈脂炒一兩

莪朮

桂心

芸薹子炒各半兩

右每服二錢。酒水煎。

附方

流氣飲方見三卷第七論

小柴胡湯方見二十四卷第二論

加味歸脾湯

加味逍遙散二方見二十四卷第四論

補中益氣湯

四君子湯

六君子湯四方見二十四卷第六論

補肝湯方見十七卷

六味丸方見二十四卷第十一論

失笑散方見二十四卷第五論

製吳茱萸黃連法。用二味等分。用熱湯拌濕和勻。重湯頓煮。使氣相通。同炒焦。



各揀出聽用。

### 婦人鼻血方論第五

婦人氣血調和。則循環經絡。若勞傷元氣。陰虛火動。氣逆於肺。則血隨鼻而衄。產後尤不可治。陳無擇曰。亦有因怒氣而得者。趙恭人鼻衄。先用蘇合香丸四粒。次用五苓散。濃煎白茅花湯調服。即止。又用芎歸湯調理而安。一富男鼻血。六脈洪數。訊之云。曾服丹藥。遂用芩連大黃爲末。水調服之而解。

愚按。前症若熱鬱於胃經。用犀角地黃湯。若伏暑於內。用黃連香薷飲。若大怒血蓄於上。用小柴胡湯。若脾損不能攝血歸源。用歸脾湯。大凡雜症見血多。因陰分鬱熱。或內有所傷。皆屬五志所動。經曰。諸見血。身熱脈大者。難治。是火邪勝也。身涼脈靜者。易治。是正氣復也。仍與後症同用。

#### 附治驗

一婦人經素不調。因怒衄血。此肝火熾盛。用加味小柴胡加紅花。二劑血止。又用加味逍遙散。八珍湯兼服。三十餘劑。經行如期。



一婦人鬱結而患前症。用加味歸脾湯。其血漸止。飲食漸進。用加味逍遙散。元氣漸復。寒熱漸止。後因怒仍衄。寒熱往來。用小柴胡湯。加芎歸。丹皮而愈。

一婦人因勞衄血。服涼血之劑。更致便血。或以血下爲順。仍用治血。余曰。此因脾氣下陷而血從之。當升補脾氣。庶使血歸其經。不信。果血益甚。余朝用補中益氣湯。夕用加味歸脾湯而愈。此症用寒涼止血。不補脾肺而死者多矣。

刺薊散 治血熱鼻衄。

刺薊

生地黄 各二錢

桑耳

亂髮灰

艾葉 炒各一錢

蒲黃 五分

右水煎服。

犀角地黄丸 方見後

又方。用白茅根汁一合。飲之即止。

又方。用生葱心塞鼻中。血即止。若刀斧所傷。用之血亦止。

四物湯加側柏生地黃。治虛熱吐血甚效。若脾經血虛。須用四君加芎歸。若脾經結鬱。須用歸脾湯。若肝腎虧損。須用六味丸。若氣血俱虛。須用十全大補湯。

附方

濟生犀角地黄湯 治熱鬱不解。泛行經絡。或流腸胃。隨氣湧泄。以致衄血吐血。或為便血。並皆治之。

犀角升錢如無

生地黃

白芍藥

牡丹皮各等分

右每服四五錢。水煎。若實熱熾甚。加炒黃芩。若去血過多。或脾肺之氣虧損。不能攝血歸源者。急用四君子湯。鬱結者。用歸脾湯。

枇杷葉散 治暑毒攻心。衄血嘔血。或吐瀉作渴。

香薷二錢

厚朴薑製一錢半

甘草炙

麥門冬去心

木瓜鐵器不見

白茅根各一錢

枇杷葉

陳皮

丁香各半錢

右每服三五錢。薑水煎。

黃連香薷飲 治伏暑衄血。不拘四時。方見本卷第二論

小柴胡湯

加味小柴胡湯二方見第二論

歸脾湯

加味逍遙散

八珍湯

加味歸脾湯四方見二十四卷第四論補中益氣湯方見二十四卷第六論

### 婦人吐血方論第六

婦人吐血者。因臟腑傷損所致。夫氣血外行於經絡。內榮於臟腑。若六淫七情。飲食起居有所損傷。行失常道。逆則吐血也。

愚按前症若脾經鬱熱。用犀角地黄湯。脾胃伏暑。用黃連香薷飲。心脾鬱熱。用生地黃湯。心氣耗損。用茯苓補心湯。脾氣勞傷。用鷄蘇散。思慮傷脾。用歸脾湯。暴怒肝火。用加味小柴胡湯。久怒肝傷。六味地黃丸。脾肺虛熱。用麥門冬飲。肝腎虛熱。用六味地黃丸。氣血俱虛。用十全大補湯。經云。肺朝百脈之氣。肝統諸經之血。必用甘溫之劑。補其陽氣。使血歸其經。如大吐血病。毋論其脈急。用獨參湯救之。若潮熱咳嗽而脈數者。元氣虛而假熱之脈也。皆由脾胃先損。須用人參之類。本草云。人參治脾胃不足。補中溫中。瀉脾肺中火。東垣先生云。脾胃虛者。心火亢盛而乘土位。肺氣受邪。須用黃耆最多。人參甘草次之。脾胃一虛。肺氣先絕。故用黃耆以益皮毛而閉腠理。嘗治氣血虛弱。用十全大補最善。



若用寒涼止血。胃寒反傷。無不致禍。

### 附治驗

一老婦每作先飲食不進。或胸膈不利。或中脘作痛。或大便作瀉。或小便不利。余以爲肝脾之症。用逍遙散。加山梔、茯苓、遠志、木香而愈。後鬱結吐紫血。每作先倦怠煩熱。以前藥加炒黑黃連三分。吳茱萸二分。頓愈。復因怒吐赤血甚多。燥渴垂死。此血脫也。法當補氣。乃用人參一兩、蒼朮、當歸各三錢、陳皮、炮黑乾薑各一錢、炙甘草、木香各一錢。一劑頓止。又用加味歸脾湯調理而痊。

一女子懷抱素鬱。胸滿食少。吐血面赤。用六味丸及歸脾。加山梔、貝母、芍藥而愈。

一婦人爲哭母吐血咳嗽。發熱盜汗。經水不行。此悲傷肺。思傷脾。朝服補中益氣。加桔梗、貝母、知母。夕用歸脾湯。送六味丸而愈。

柔脾湯 治虛熱吐血。衄血汗出。

甘草炒

白芍藥炒

黃耆各半兩

熟地黃自製一兩五錢

右每服五錢。水酒煎。

一婦人月經不利。忽妄行嘔血。察其形脈如常。用四生丸卽安。一女子飽食負重。



而吐血。用前湯。及青餅子而愈。世治吐血。並用竹茹、地黃、藕汁。亦不可拘泥。如陽乘於陰。血得熱則流散。經水沸溢。理宜涼解。大黃、犀角之類。如陰乘於陽。所謂天寒地凍。水凝成冰。須用溫散。乾薑、肉桂之類。

四生丸 治乘陽於陰。以致吐血衄血。

生荷葉

生艾葉

生柏葉

生地黃各等分

右研丸。鷄子大。每服一丸。水煎服。陳自華云。先公嘗遊靈石寺。主僧留飯設桌。一僧見桌不穩。急俯穩之。舉首卽嘔血。明年到寺。問舊嘔血者何如。主僧言。服得四生丸。遂愈。自得此方。屢治有效。愚意前症。乃內熱暴患。用之卽效。若人病久。本元不足。須補脾以滋化源。否則虛火上炎。金反受尅。獲生鮮矣。

犀角地黃湯方見前

薑草湯 治陰乘於陽。寒而嘔血。

甘草炒

乾薑各一錢

右水煎服。理中湯亦效。

花蕊石散 治瘀血積於內。以致大小便不通。或血畜於上。而吐不止。一婦人苦

吐血。百藥不效。童便酒調。不數服而愈。方見胞衣不下  
如聖散 治吐血不已。每服二錢。米飲下。方見十七卷

附方

濟生雞蘇散 治勞傷肺經。唾中有血。咽喉不利。

雞蘇葉

黃耆炒

生地黃

阿膠炒

貝母

白茅根錢各一

桔梗炒

麥門冬去心

蒲黃炒

甘草五錢各

右薑水煎服。

生地黃散 治鬱熱衄血。咯血吐血。陰虛而不能愈者。

枸杞子

柴胡

黃連炒

地骨皮

天門冬

白芍藥炒

甘草炒

黃芩炒

黃耆炒

生地黃

熟地黃自製各五分

右水煎。下血。加地榆。

三因茯苓補心湯 治面色黃瘁。五心煩熱。咳嗽吐血。

半夏

茯苓

紫蘇

前胡

人參

枳殼麸炒

桔梗炒

甘草炒

乾葛各五分

當歸一錢

川芎

陳皮

白芍藥各一錢

熟地黃自製一錢五分

右薑棗水煎服。

麥門冬飲子

治氣虛吐血。或氣虛不能攝血者。

五味子粒十

麥門冬去心

黃耆炒各一錢

當歸身

人參

生地黃各錢半

右水煎服。

十全大補湯

治胃氣虛弱。吐血衄血。便血不止。以致外症惡寒發熱。自汗盜汗。

食少體倦。或寒熱作渴。頭疼眩暈。面似中風。或氣血俱虛。胸腹脇痛。或骨節作

痛。經候不調。或寒熱往來。發熱晡熱。或五心發熱。咽乾舌燥。或痰嗽喘促。胸膈

虛痞。或嘔吐泄瀉。手足冷熱等症。

歸脾湯

加味逍遙散

二方見二十四卷第四論加味小柴胡湯方見二十四卷第二論

六味丸

八味丸二方見二十四卷第十一論

獨參湯方見三卷第十一論

補中益氣湯

方見二十四卷第六論

黃連香薷飲

枇杷葉散

二方見本卷前

### 婦人痲痺諸氣方論第七

婦人痲痺。因元氣虛弱而邪氣積聚。蓋痲者在腹內。近臍左右。有筋脈急痛。如臂如指如絃之狀。痺者僻。在兩肋之間。有時而痛。皆陰陽不和。經絡痞隔。飲食停滯。冷氣固結而成也。

愚按前症因飲食起居。七情失宜。虧損臟腑。氣血乖違。陰絡受傷。循行失度所致。羅謙甫先生曰。養正邪自除。必先調養。使榮衛充實。若不消散。方可議下。但下之不以漸。則必有顛覆之害。若不守禁忌。縱嗜慾。其有不喪身者鮮矣。

#### 附治驗

一婦人內熱作渴。飲食少思。腹內初如雞卵。漸大四寸許。經水三月一至。肢體消瘦。齒頰似瘡。脈洪數而虛。左關尤甚。此肝脾鬱結之症。外貼阿魏膏。午前用補中益氣湯。午後用加味歸脾湯。兩月許。肝火少退。脾土少健。午前以補中益氣。



下六味丸。午後以逍遙散。下歸脾丸。又月餘。日用蘆薈丸二服。空心。以逍遙散下。日晡以歸脾湯下。喜其謹疾調理。年餘而愈。

一婦人腹內一塊。不時上攻。或作痛有聲。或吞酸痞悶。月經不調。小便不利。二年餘矣。面色青黃。余以爲肝脾氣滯。以六君加芎歸柴胡炒連木香吳茱各少許。二劑。却與歸脾湯。下蘆薈丸。三月餘。肝脾和而諸症退。又與調中益氣加茯苓丹皮。中氣健而經自調。

婦人性多鬱善怒。勤於女工。小腹內結一塊。或作痛。或痞悶。月經不調。恪服伐肝之劑。內熱寒熱。胸膈不利。飲食不甘。形體日瘦。牙齦蝕爛。此脾土不能生肺金。肺金不能生腎水。腎水不能生肝木。當滋化源。用補中益氣。六味地黃。至仲春而愈。

松江太守何恭人。性善怒。腹結一塊。年餘。上脘蝕透。血氣虛極。時季冬。肝脈洪數。按之弦緊。或用伐肝木清胃火之藥。余曰。真氣虛而邪氣實也。恐伐肝木。至春不能發生耳。用八珍湯以生氣血。用地黃丸以滋腎水。肝脾頓退。因大怒。耳內出血。肝脈仍大。煩熱作渴。此無根之火也。仍以前藥加肉桂二劑。脈斂熱退。復

因大怒。果卒於季冬辛巳日。乃金尅木故也。

一婦人經候過期。發熱倦怠。或用四物、黃連之類。反兩月一度。且少而成塊。又用峻藥通之。兩目如帛所蔽。余曰。脾為諸陰之首。目為血脈之宗。此脾傷五臟皆為失所。不能歸於目也。遂用補中益氣、濟生歸脾二湯。專主脾胃。年餘而愈。

麝香丸 治疰瘕冷氣。心腹作痛。

麝香二錢另研

五靈脂炒

阿

魏五錢錢麵裹煨令熟

桃仁

三稜各二兩醋製

芫花醋炒

檳榔

各一兩

莪

茂醋製

桂心

沒藥

木香

當歸

各半兩

右為末。飯丸。桐子大。每服十丸。淡醋湯下。

方瘕瘕神效。以積猪肝一具。重十餘兩。用巴豆仁五十枚。入肝內。用醃醋三碗。慢

火熬乾研爛。量入三稜末。丸。桐子大。每服五丸。食前酒下。

羅安人每經行。臍腹痛甚。以桃仁桂枝湯一劑而瘥。方見一卷

方瘕經來腹先痛。用局方七氣湯。送來復丹。局方積氣丸。疰瘕瘕瘕。諸氣亦效。

### 附方

蘆薈丸 治疔瘡肌肉消瘦。發熱潮熱。飲食少思。口乾作渴。或肝疔食積。口鼻生瘡。牙齦蝕爛等症。

蘆薈

胡黃連

黃連炒焦

木香

白蕪荑炒

青皮

錢各五

當歸

茯苓

陳皮

甘草

錢各七

右爲末。米糊丸。桐子大。每服七八十丸。米湯下。

阿魏膏 治一切瘡塊。更服胡連丸。

羌活

獨活

玄參

官桂

赤芍藥

穿山甲

大黃

白芷

天麻

紅花

錢各五

生地黄

兩頭尖五錢

木鱉

亂髮

錢各三

槐柳桃枝

錢各三

右用香油二斤四兩。煎黑去粗。入髮。煎髮化。仍去粗。徐下黃丹。煎軟硬得中。入芒硝。阿魏。蘇合油。乳香。沒藥。各五錢。麝香三錢。調勻。卽成膏矣。攤貼患處。內服九藥。黃丹須用真正者效。凡貼膏藥。先用朴硝。隨患處鋪半指厚。以紙蓋。用熱



熨斗熨良久。如硝耗。再加熨之二時許。方貼膏藥。若是肝積。加蘆薈末同熨。

六君子湯

補中益氣湯二方見二十八論八珍湯

加味歸脾湯

歸脾湯

逍遙散四方見二十四論

六味丸方見二十四論

調中益氣湯方見四卷第五論

### 婦人疝瘕方論第八

婦人疝瘕之病。由飲食不調。血氣勞傷。或胎產經行。風冷相搏所致。蓋疝者痛也。瘕者假也。脈弦急者生。虛弱者死。尺脈濇浮牢。爲血實氣虛。腹痛逆氣上行。此爲胞中有惡血。久則結成瘕也。

愚按。子和先生云。遺溺閉癢。陰痿胛痺。精滑白淫。皆男子之疝也。若血涸月事不行。行後小腹有塊。或時動移。前陰突出。後陰痔核。皆女子之疝也。但女子不謂之疝而謂之瘕。

#### 附治驗

一婦人小腹痞脹。小便時下白帶。小水淋瀝。此肝經濕熱下注。用龍膽瀉肝湯而



愈。

一婦人小腹脹痛。小水不利。或胸乳作痛。或脇肋作脹。或氣逆心動。余以爲肝入而血傷痺。用四物柴胡湯下。或玄胡、紫木香而愈。  
一婦人小腹痞悶。小便不利。內熱體倦懶食。用八珍湯加柴胡、山梔、龍膽草治之而安。

乾漆散 治疝瘕脇肋疼痛。

乾漆炒令盡 木香

芫花醋炒

赤芍藥

桂心 當歸

川芎

琥珀各半

大黃二兩炒 牛膝一兩

桃仁去皮尖一兩另研 麝香一錢

右爲末。每服一錢。溫酒調下。

燔葱散 治前症屬寒氣不散。疼痛甚效。方見二十四卷第八論

附方

寶鑑蒺藜湯 治陰疝小腹作痛。小便不利。手足逆冷。或脇腹悶痛。

蒺藜去刺

附子炮

梔子去皮各

右末。每三錢。水煎。食前溫服。

丹溪定痛散 治寒疝疼痛速效。

枳殼十五箇 山梔子炒

唐棣子

吳茱萸炒

荔枝核炮各等分

右末。用長流水調下一二錢。空心服。

三因失笑散 治小腸疝氣痛。或血氣肚腹作痛。方見二十五論

龍膽瀉肝湯方見二十四論 四物湯方見二十四論 八珍湯方見二十四論

## 婦人八瘕方論第九

婦人臟腑調和。經脈循環。則月水以時。故能孕而無病。若乘外邪而合陰陽。則小便胸脇腰背相引而痛。月事不調。陰中腫脹。小便淋瀝。面色黃黑。則瘕生矣。八瘕者。黃青燥。血脂狐蛇鱗是也。千金外臺言之詳矣。

愚按。經曰。氣主煦之。血主濡之。若血不流。則凝而為瘕也。瘕者。中雖硬而忽聚忽散。多因六淫七情。飲食起居。動傷臟腑而成。當與疝癖諸症治同。慎不可復。

傷元氣。

桃仁煎 治血瘀。

桃仁

大黃炒各一兩

蟲炒半兩

朴硝

右爲末。以醇醋一鍾。石器中煮三分。下前三味。不住手攪。煎至可丸。下朴硝。丸桐子大。不喫晚食。五更初。溫酒下五丸。日午下穢物。如未見。再服。仍以調氣血藥補之。予向在毘陵。一婦人小便不通。臍腹脹甚。予診之曰。此血瘀也。用前藥一服。腹痛下血塊。血水即愈。此藥猛烈大峻。氣血虛者。斟酌與之。

大硝石丸 治七癥八瘕。當用此藥去之。不令人困。

硝石三兩

大黃四錢

人參一錢

甘草八分

右爲末。苦酒一升。石器中。先入大黃煎膏。入餘藥。丸梧桐子大。每服三十丸。米飲下。三日一服。宜下赤物。

### 婦人腹中瘀血方論第十

婦人腹中瘀血者。由月經閉積。或產後餘血未盡。或風寒滯瘀。久而不消。則爲積

聚癥瘕矣。

愚按前症若鬱結傷脾。用加味歸脾湯。若恚怒傷肝。用加味逍遙散。若產後惡露。用失笑散。若肝脾虧損。用六君、柴胡。以補元氣為主。胃氣虛弱。用益氣湯。加茯苓、半夏為主。大凡腹中作痛。畏手按者。此內有瘀血。若形體如常。屬病氣。元氣俱實。用桃仁承氣湯直下之。若痛而肢體倦怠。飲食少思。此脾胃受傷。屬病氣有餘。元氣不足。用當歸散調和之。若痛而喜手按腹。形體倦怠。飲食少思。此元氣病氣俱不足。用六君、炮薑、芎歸純補之。若痛而大便不實。飲食難化。此脾腎虛寒。用六君、炮薑、肉果溫補之。若痛而作嘔。少食。此脾胃虛弱。用六君、炮薑、藿香。若痛而嘔吐不食泄瀉。用六君加薑、桂。若兼手足逆冷自汗。更加附子。此症多有因攻伐而致者。

### 附治驗

婦人耳下腫赤。寒熱口苦。月經不調。小腹內一塊。此肝火氣滯而血凝也。用小柴胡加山梔、川芎、丹皮治之。諸症悉退。婦人久患腹痛。去瘀血方止。而復大痛。諸藥不納。予以爲脾胃之氣虛寒。用參、朮、炮



薑丸如黍。每用數粒。津嚥下。後以二味濃煎。漸呷而愈。

桃仁丸 治瘀血不利。月水不調。發熱作渴。心腹滿急。或肚腹中作痛。

桃仁 大黃三兩 蠱 蟲去足 水蛭四十枚

右爲末。煉蜜丸。桐子大。每服五六丸。空心熱酒下。

附方

桃仁承氣湯 治瘀血小腹急痛。大便不利。或譫語口乾。漱水不嚥。遍身黃色。小便自利。或血結胸中。手不敢近腹。或寒熱昏迷。其人如狂。

桃仁半兩 大黃二兩 甘草二錢 肉桂一錢

右薑水煎。發日五更服。

附方

加味歸脾湯 治瘀血已去。或脾經失血。小腹作痛無寐。發熱盜汗。或脾傷不能攝血。或心脾傷痛。嗜臥少食。或憂思傷脾。血虛發熱。或肢體腫痛。大便不調。或經候不准。晡熱內熱。

加味逍遙散方見二十四 失笑散方見二十五 六君子湯

補中益氣湯二方見二十卷第六論當歸散方見後卷第五論

小柴胡湯方見二十四卷第二論

### 婦人癥痞方論第十一

婦人癥痞。由飲食失節。脾胃虧損。邪正相搏。積於腹中。牢固不動。故名曰癥。得冷則作痛。冷入子藏則不孕。入胞絡則月水不通。

愚按前症若脾胃虛弱。用六君子加芎歸。若肝脾虛弱。用補中益氣。及歸脾湯。若肝火鬱滯。佐以蘆薈。地黃二丸。外貼阿魏膏。患者須慎七情六淫。飲食起居。治者不時審察病機而藥之。庶幾有效。

#### 附方

穿山甲散 治癥痞瘀血。心腹作痛。

穿山甲

鱉甲醋炙

赤芍藥

大黃炒

乾漆炒令盡

桂心各一兩

川芎

芫花醋炙

當歸尾各半兩

麝香一錢

右爲末。每服一錢。酒調下。

六君子湯

補中益氣湯

二方見二十四卷第六論歸脾湯方見二十四

六味地黃丸

方見二十四卷第十二論蘆薈丸方見本卷第七論

婦人食癥方論第十一

婦人食癥。由臟腑虛弱。經行不忌生冷飲食。或勞傷元氣所致。陳無擇云。經不行者。宜先導之。然後固元氣為主。

愚按。前症若形氣虛弱。須先調補脾胃為主。而佐以消導。若形氣充實。當先疏導為主。而佐以補脾胃。若氣壅血滯而不行者。宜用烏藥散。散而行之。若脾氣虛而血不行者。宜用四君。芎歸補而行之。若脾氣鬱而血不行者。宜用歸脾湯。解而行之。若肝脾血燥而不行者。宜用加味逍遙散。清而行之。大抵食積痞塊之症。爲有形。蓋邪氣勝則實。真氣奪則虛。當養正闢邪。而積自除矣。雖然。堅者削之。客者除之。胃氣未虛。或可少用。若病久虛乏者。不宜輕用。

烏藥散

方見後

婦人積年血癥方論第十三

婦人積年血癥。由寒溫失節。脾胃虛弱。月經不通。相結盤牢。久則腹脇苦痛。宜用三稜煎主之。

愚按前症多兼七情虧損。五臟氣血乖違而致。蓋氣主煦之。血主濡之。脾統血。肝藏血。故鬱結傷脾。恚怒傷肝者。多患之。腹脇作痛。正屬肝脾二經症也。竊謂羅謙甫先生云。養正積自除。東垣先生云。人以胃氣為本。治法宜固元氣為主。而佐以攻伐之劑。當以歲月求之。若欲速效。投以峻劑。反致有誤。右七症方藥。當互相參用。

### 附方

三稜煎 治血症血癥。食積痰滯。

莪 朮醋炙

三 稜各三兩

青 皮去白

半 夏

麥 芽炒各一兩

右用好醋一鍾煮乾。焙為末。醋糊丸。桐子大。每服三四十九。淡醋湯下。痰積。薑湯下。

## 婦人血氣心痛方論第十四



婦人血氣心痛。由臟腑虛弱。風冷所乘。蓋心爲諸臟之主。若心受傷。名真心痛。朝發夕死。夕發旦死。若心絡傷。故痛發乍輕乍甚。而成斯症也。

愚按前症若寒邪所傷。溫散之。飲食停滯。消導之。肝火妄動。辛平之。脾氣鬱結。和解之。仍與後六症方藥同用。

附治驗

一婦人久患心痛。飲食少思。諸藥到口卽吐。予以爲脾土虛弱。用白朮一味。同黃土炒去土。每服一兩。以米泔煎濃。徐服少許。數日後。自能大飲。用三斤餘而安。上舍陳履學長子室。素怯弱。產後患疥瘡。年餘不愈。因執喪旬月。每欲眩仆。一日感氣。忽患心脾高腫作疼。手不可按。而嘔吐不止。六脈微細。或見其形。實誤認諸痛。不可補氣。乃用青皮、木香、五味、吳茱萸等藥而愈。繼復患瘧且墮胎。又投理氣行血之藥。病雖去。元氣轉脫。再投參耆補劑。不應矣。六脈如絲。欲絕。迎予至。診之曰。形雖實而脈虛極。反用理氣之劑。損其真氣故也。連投參耆、歸朮、附子、薑桂二劑。間用八味丸。五日寢食漸安。六脈全復。此症若心脾疼痛時。卽服此等藥。瘧亦不作矣。

附方

烏藥散 治血氣壅滯。心腹作痛。

烏藥

莪 茂醋浸炒

桂 心

當 歸

桃 仁

青 皮

木 香各等分

右爲末。每服二錢。熱酒調下。

靈苑方 用玄胡、靈脂爲末。每服一錢。沸湯下。日三服。

八味丸方見二十四卷第十一論

婦人血氣心腹疼痛方論第十五

婦人血氣心腹疼痛。由臟腑虛弱。風邪乘之。真邪相搏。隨氣上下。故心腹作痛也。愚按前症若氣滯血瘀。用沒藥散。勞傷元氣。用益氣湯。肝脾鬱結。用四七湯。怒動肝火。用小柴胡湯。肝脾血虛。用四物湯。脾肺氣虛。用四君子湯。中氣虛弱。用補中益氣湯。氣血俱虛。用八珍湯。

附治驗

一婦人每怒心腹作痛。久而不愈。此肝火傷脾氣也。用炒山梔一兩。生薑五片。煎服而痛止。更以二陳加山梔。桔梗。乃不發。

一婦人懷抱鬱結。不時心腹作痛。諸藥不應。用歸脾湯。倍加炒山梔而愈。

陳湖陸小村母。久患心腹疼痛。每作必胸滿嘔吐。手足俱冷。面赤脣麻。咽乾舌燥。寒熱不時。月餘竟夕不安。其脈洪大。衆以痰火治之。屢止屢作。迨乙巳春。發頻而甚。仍用前藥反劇。此寒涼損真之故。內真寒而外假熱也。且脈息洪弦而有怪狀。乃脾氣虧損。肝木乘之而然。當溫補胃氣。遂用補中益氣湯。加半夏、茯苓、吳茱萸、木香。一服。熟寐徹曉。洪脈頓斂。怪脈頓除。諸症釋然。

附方

琥珀散 治氣滯心腹撮痛。或月經不行。小便疼痛。

烏藥

莪朮 醋浸炒 當歸 一兩

右爲末。每服二錢。溫酒調下。

蠲痛散 治血氣刺痛。

荔枝核 半兩 燒存性

香附子 一兩



右爲末。每服二錢。鹽酒送下。

菖蒲丸 治血積心脾作疼。男六德續添

九節菖蒲六兩

吳茱萸炒

香附子各四兩

右爲末。醋調神麴糊丸。桐子大。每四五十丸。淡薑湯調下。

沒藥散 治血氣不行。心腹作痛。或行注疼痛。或月經不調。發熱晡熱。並宜用之。

紅花

沒藥

當歸

玄胡索等分

右爲末。每服二錢。童便酒調下。

木香枳朮丸 破滯氣。消飲食。開胃進食。消化痰涎。

木香

枳實炒一兩

白朮炒二兩

右爲末。每服五錢。薑棗水煎服。

木香化滯湯 治脾胃虛弱。飲食停滯。腹脹作痛。或心下痞滿。不思飲食。若憂怒

飲食而致者。尤宜用之。

木香

紅花各三錢

橘皮

當歸梢各二錢

柴胡四錢

草豆蔻

甘草炙半兩

半夏一兩



枳實錢二

右每服三五錢。薑水煎服。

補中益氣湯

四君子湯

四物湯三方見二十六卷第六論

四七湯方見七十一卷第七論

小柴胡湯方見二十四卷第二論

八珍湯

歸脾湯二方見二十四卷第四論

二陳湯方見二十四卷第五論

### 婦人血氣小腹痛方論第十六

婦人小腹痛。由胞絡受冷。搏於血氣。結於小腹。因虛發動故痛也。

愚按前症若氣寒血結。用威靈仙散。氣滯血凝。用當歸散。肝經血虛。用四物湯。加參朮。柴胡。肝經濕熱。用龍膽瀉肝湯。肝脾氣虛。用六君子湯。加柴胡。芍藥。肝脾虛寒。用六君子湯。加柴胡。肉桂。若兼嘔吐。加木香。四肢逆冷。再加炮薑。

#### 附治驗

通府張孟威云。其妹小腹痛。用附子理中湯。附子服過八十餘枚。此乃沉寒痼冷之甚。不多有者。

附方

威靈仙散 凡冷氣滯血。小腹疼痛。或經行遇怒。腹脹痛。宜用之。

威靈仙 一兩

當歸

沒藥

木香

桂心 各半

右爲末。每服一錢。熱酒調下。

當歸散 凡血積小腹疼痛。或因氣逆。月經不行。肚腹作痛。

當歸 炒

赤芍藥

劉寄生

沒藥

枳殼 炒

玄胡索 等分

右爲末。每服一錢。熱酒調下。

四物湯

六君子湯 二方見二計

龍膽瀉肝湯 方見二計

附子理中湯 方見二計

婦人兩脇脹痛方論第十七

婦人兩脇脹痛。因臟腑虛弱。氣血不調。風冷客於胞絡。相搏壅塞痛也。

愚按東垣先生云。胸腹作痛。口苦舌乾。寒熱往來。發嘔發吐。四肢滿悶。淋瀝便難。腹中急痛。此肝木之妄行也。竊謂前症。若暴怒傷血。用小柴胡。芎歸。山梔。氣虛。用四物。參。朮。柴。梔。若久怒傷氣。用六君。芎。歸。山梔。若氣血俱虛。用六味。地黃。丸。若經行腹痛。寒熱晡熱。或月經不調。發熱痰咳。少食嗜臥。體痛。用八珍。柴胡。丹皮。若脇脹發熱。口渴唾痰。或小便淋瀝。頸項結核。或盜汗便血。諸血失音。用六味丸。若兩脇作脹。視物不明。或筋脈拘急。或面青小腹痛。或小便不調。用補肝散。若概用香燥之劑。反傷清和之氣。則血無所生。諸症作焉。丹溪先生云。右脇痛。用推氣散。小龍薈丸。當歸龍薈丸。控涎丹。抑青丸。十棗湯。皆病氣元氣俱實之劑。用者審之。

附治驗

一婦人性急。吐血發熱。兩脅脹痛。日晡益甚。此怒氣傷肝。氣血俱虛也。朝用逍遙散。倍加炒黑山梔。黃柏。貝母。桔梗。麥門冬。夕以歸脾湯。送地黃丸而愈。

一孀婦內熱晡熱。肢體痠麻。不時吐痰。或用清氣化痰藥。喉間不利。白帶腹脹。用行氣散血藥。胸膈不利。肢體時麻。此鬱怒傷肝脾而藥益甚也。予則朝用歸脾。



以解脾鬱。生脾氣。夕用加味道遙散。以清肝火。生肝血。百餘劑而愈。後怒。飲食日少。肢體時麻。此乃肝火侮土。用補中益氣。加山梔、茯苓、半夏而痊。又飲食失調。兼有怒氣。肢體麻甚。月經如注。脈浮洪而數。此脾受肝傷。不能統血而致崩。肝氣虧損。陰血而脈大。繼用六君。加芎、歸、炮薑而血崩止。又用補中益氣。加炮薑、茯苓、半夏而元氣復。更用歸脾湯。逍遙散。調理而康。

### 附方

藏靈仙散 治冷氣血滯。兩脇作痛。前方見

人參紫荊皮散 治心腹刺痛。胸膈飽滿。不進飲食。

紫荊皮

蒼朮

石菖蒲各一

香附子二兩

人參半兩

木香二錢

右爲末。米糊丸。桐子大。每服三十丸。食後薑湯下。

左金丸一名四

治肝火胸脅脹痛。或發寒熱。或頭目作痛。或大便不實。或小便

淋秘。或小腹疼痛。及一切肝火之症。

黃連炒六

吳茱萸片一兩湯煮



右爲末。粥丸。白米陳皮湯下。

當歸龍薈丸 治肝經實火。胸脇脹痛。或大便秘結。小便澀滯。凡屬肝經實火者宜用之。

當歸

龍膽草炒焦

梔子仁炒

黃連炒

黃芩炒

大黃炒

蘆薈

青黛各五錢

木香五分

麝香五分

右爲末。用神麴糊丸。桐子大。每服二十丸。薑湯下。

補肝散 治肝脾二經氣血虧損。脇脹作痛。或脇脹頭暈。寒熱發熱。或遍身作痛。經候不調。

山茱萸肉

當歸

五味子炒

山藥

黃耆炒

川芎

木瓜各半

熟地黃自製

白朮炒

獨活

酸棗仁炒

右爲末。每服五錢。棗水煎服。

小柴胡湯 方見二論 四物湯

補中益氣湯

六君子湯三方見二十六卷第六論、六味丸方見二十四卷第十一論

八珍湯

逍遙散

歸脾湯

加味逍遙散四方見二十四卷第四論

### 婦人心腹脹滿方論第十八

婦人。心腹脹滿。由心脾虛損。邪氣乘之。此足少陰腎經之脈。起於足小指。貫腎絡膀胱。入肝肺。出絡於心。若邪搏三經。併結於脾。脾虛則心腹脹滿矣。

愚按。前症脾胃虛痞。用六君子湯。脾胃虛寒者。用人參理中湯。鬱結氣滯者。用歸脾湯。肝侮脾土。用六君加柴芍。脾氣壅滯。用平胃散。肺氣壅滯。用紫蘇飲。宿食壅滯。用養胃湯。脾血虛痞。用四物加參朮。右六症當互相參用。仍

附治驗嘔吐心腹痛第一論

一婦人胸膈不利。飲食少思。腹脹吞酸。或用疎利之藥。反致中滿不食。予以爲脾氣虛而肝木勝。用補中益氣湯。加砂仁、香附、煨薑。又以六君子加芍、歸、桔梗而愈。

吳江史玄年母。久病之後。遇事拂意。忽胸腹脹滿。面目微腫。兩腿重滯。氣逆上升。

言語喘促。所服皆清氣之劑。不效。予曰。此脾肺虛寒也。先用六君子湯一劑。病勢頓減。後用補中益氣。加茯苓、半夏、乾薑二劑。形體頓安。後以七情失調。夜間腹脹。乃以十全大補湯。加木香治之而痊。

附方

白朮散 治脾胃氣滯。心腹脹滿。不欲飲食。

白朮炒

草果

訶子

茯苓

檳榔

桂心

陳皮

厚朴薑炒

人參各一錢

甘草炒三分

右薑棗水煎服。

愚按。前方治胸膈氣滯。飲食內停之良劑。若脾血虛痞。須用四物、參、朮。脾氣虛痞。須用四君、芎歸。

補遺。治心腹脹滿。予常獨用厚朴薑汁炒。每服五錢。薑七片。水煎溫服。不拘時候。間服沉香降氣湯。得效。此病氣元氣壅實之治法也。

附方

平胃散 治脾氣壅滯。胸腹不利。或飲食不進。停滯嘔吐。

蒼朮

厚朴薑炒

陳皮各一錢五分

甘草炙五

薑棗水煎服。

人參養胃湯 治脾氣壅滯。胸膈不利。或飲食壅滯。胸腹脹悶。或兼外感風寒。頭痛嘔吐等症。方見二十九卷第九論

四物湯

六君子湯

補中益氣湯三方見二十九卷第八論

人參理中湯方見二十九卷第八論

紫蘇飲方見二十九卷第八論

十全大補湯

歸脾湯二方見二十九卷第四論

調中益氣湯方見二十九卷第九論



校註婦人良方 卷七 衆疾門 婦人心腹脹滿方論第十八

五二

# 校註婦人良方

宋 臨川 陳自明良甫編輯  
明 古吳 薛己立齋補註  
鄞縣 曹赤電炳章圈校

## 卷八

### 婦人小便淋瀝不通方論第一

婦人淋瀝。由腎虛而膀胱熱也。蓋膀胱與腎爲表裏。主於水。行於脬者。爲小便也。若腎虛則小便頻數。膀胱熱則小便淋瀝。甚則不通。腹脹喘急。當速治之。愚按前症若膀胱熱結。用五淋散。若脾肺虛熱。用補中益氣湯。加山藥、五味、麥冬。若脾經鬱熱。用加味歸脾湯。若肺經鬱火。用黃芩清肺飲。若肝經濕熱。用龍膽瀉肝湯。血虛。用加味逍遙散。陰虛。用六味丸。加柴胡、山梔。大抵不渴而不利者。熱在下焦血分也。用滋腎丸。渴而不利者。熱在氣分也。用清肺飲。尺脈數而

無力者。陰火盛而陽不能化也。用六味丸、滋腎丸爲主。尺脈浮而無力者。陽氣虛而陰不能生也。用加減八味丸、滋腎丸爲主。

附治驗

一婦人素有前患。內熱體倦。余以爲肝火血少。脾氣虛弱。用八珍湯、逍遙散。兼服月餘而小便利。又用八珍湯而氣血復。

一婦人患前症。面青脇脹。諸藥不應。予以爲肝經氣滯而血傷。用山梔、川芎煎服而愈。

一婦人小便不利。小腹并水道秘悶。或時腹脇脹痛。余以爲肝火。用加味逍遙散。加龍膽草四劑。稍愈。乃去膽草。佐以八珍散。加炒黑山梔。兼服而瘥。

石葦湯 治小便實熱。氣滯淋瀝。

石葦

黃芩炒

木通

榆白皮

葵子

瞿麥

甘草各五

右葦水煎服。

雞蘇散 治血熱淋瀝。

鷄蘇葉

木

通各二

生地黄

滑

石各三

刺薊根一兩

右每服半兩。淡竹葉三七片。水煎。

桃仁煎

治血瘕小便如淋。臍腹脹痛。

方見血瘕門第七卷第九論

火府丹

治心經積熱。小便澀及五淋。

加甘草名導赤散

生地黄二兩

木

通爲末

黃芩炒各一兩

右加蜜丸。桐子大。每服三十丸。木通煎湯下。

許學士云。一卒病渴。日飲水斗許。不食者三月。心中煩悶。時已十月。余謂心經

有熱伏。與火府丹數服。越二日。來謝云。當日三服渴止。又三服。飲食如故。此本

治淋。用以治渴。可謂通變也。

一方。牛膝一合。水煎。入麝香少許服之。鄞縣耿武尉夢得。其內患淋。下砂石剝剝

有聲。甚爲苦楚。一服而愈。

### 附方

滋腎丸

治熱在血分不渴。而小便不利。或腎虛足熱。腿膝無力。不能履地。又下



焦陰虛。小便不利。肚腹腫脹。或皮膚脹裂。眼睛突出。此神劑也。

知母酒炒 黃柏酒炒各 肉桂二錢

右各另爲末。水丸。桐子大。每服二百丸。空心百滾湯下。

黃芩清肺飲 治肺熱小便不利。宜用此藥清之。

黃芩炒 山梔炒各

右水煎服不利。加鹽豉二十粒。

五淋散 治膀胱有熱。水道不通。淋瀝不出。或尿血如豆汁。或成砂石。或如膏汁。

或熱拂便血。

赤茯苓五錢

赤芍藥

山梔各一錢

當歸

甘草各一錢

右入燈心。水煎服。

補中益氣湯方見二十四 八珍湯

加味歸脾湯

加味逍遙散三方見二十四 龍膽瀉肝湯方見二十四 加減八味丸

六味丸二方見二十四

## 婦人轉脬小便不利方論第二

婦人轉脬。或內熱傳搏於胞。或忍小便。氣逆於內。以致小腹急痛。不得小便。甚者至死。

愚按、前症不問男女。孕婦轉脬。小便不利。命在反掌。非八味丸不能救。餘參前後論主治。

附治驗餘見第十五卷

一婦人小便淋瀝。小腹胀悶。胸滿喘急。諸藥不應。余視為轉脬之症。用八味丸一服。小便如湧而出。

一婦人因鬱怒。小便滴澁。漸至小腹腫脹。痰咳喘促。余用八味丸煎服。小便即利而痊。

一婦人素善怒。小便淋瀝不利。月經不調半載矣。或兩脇脹悶。或小腹作痛。或寒熱往來。或胸乳作痛。或咽喉噎塞。或兩脚筋攣。或肢節結核。面色青黃不澤。形氣日瘦。左關弦洪。右關弦數。此鬱怒傷肝脾。血虛氣滯為患。朝用加味歸脾湯。

以補脾氣。解脾鬱。祛肝火。夕用滋腎丸。生肝散。滋腎水以生肝血。抑肝火。舒筋膜。兼服月餘而愈。

滋腎生肝飲

山藥

山茱萸肉各一錢

熟地黄自製二錢

澤瀉

茯苓

牡丹皮各七分

五味子并炒

柴胡三分

白朮

當歸

甘草

右水煎服。

葱白湯 治氣滯小便不通。腹脹欲死。

橘皮三兩

葵子一兩

葱白一莖

右水煎。分三服。

八味丸 治脬轉小便不通。殊有神效。但世所不用。以致誤人多矣。方見二十四

滑石散 治脬轉小便數日不通。

滑石一兩

寒水石二兩

葵子一合

右爲末。以水一斗。煮至五升。時服一升即利。

又方

亂髮燒灰 葵子

車前子各等分

右爲末。每服二錢。酒調服。

石葦湯 治轉脬小便不通。

前方見

治強忍小便致脬轉尿不利困篤欲死。

滑石二兩 亂髮灰一兩

右爲末。每服三錢。桃白皮一觔。細切熟杵。入水三盞。絞取汁調服。千金翼用杏仁二十粒去尖皮。熬炒黃。嚼細水送下立通。一方皂角爲末。吹鼻內取嚏。

### 婦人小便數方論第三

小便乃腎與膀胱主之。蓋腎氣通於陰。若腎虛而熱乘之。則小便澀滯。虛則頻數也。

愚按。前症若肝經火動。用逍遙散。加龍膽草、車前子。膀胱火動。六味丸。加麥門、



五味。肝腎濕熱。龍膽瀉肝湯。鬱傷肝脾。加味逍遙散。加味歸脾湯。肝脾肺氣虛。補中益氣。加麥門、五味。肝經血虛。加味逍遙散。腎氣虛敗。鹿茸散。如不應。用八味丸。

附治驗

一、婦人患前症。小便頻數。日晡熱甚。此肝脾血虛。氣滯而兼溼熱也。用加味逍遙散。加車前子而愈。

一、婦人患前症。發熱煩躁。面目赤色。脈洪大而虛。余謂此血虛發躁。用當歸補血湯。數劑而痊。

一、婦人久患前症。泥屬於火。雜用寒涼止血之劑。虛症悉具。余曰。此脾胃虧損而諸經病也。當補中氣為主。遂以六君補中二湯。兼服兩月餘。尋愈。

桑螵蛸散 治腎氣虛寒。小便數少。或時頻數。或夜間尤數。

桑螵蛸 三十枚 炒

鹿茸 炙

牡蠣 煅

甘草 兩 炒二

黃耆 炒

右爲末。每服二三錢。食前空心。用薑湯調下。日二服。

縮泉丸 治脬氣虛寒。小便頻數。或遺尿不止。小兒尤效。

烏藥 益智仁等分

右為末。酒煎山藥末為糊。丸桐子大。每服七十丸。鹽酒或米飲下。

鹿茸散 治腎氣虛寒。便溺數甚。或夜間頻數遺溺。

鹿茸炙 烏賊魚骨 桑寄生 當歸

龍骨煅各二兩 白芍藥炒 附子炮各三錢 桑螵蛸炙各五錢

右為末。每服二錢。空心并食前用溫酒調下。作丸服亦可。凡用附子重一兩三四錢。底平頂圓。周圍有瓣者方是。

附方

當歸補血湯 八味丸 六味丸

加減八味丸四方見二十四卷第十一論 逍遙散

加味逍遙散 加味歸脾湯三方見二十四卷第四論 六君子湯

補中益氣湯二方見二十六卷第六論

婦人遺尿失禁方論第四

經云。膀胱不利爲癃。不約爲遺溺。乃心腎之氣。失其常度也。故有水道澀而遺者。有失禁而不知自遺者。亦有生產傷膀胱。不時而遺者。有脬寒臟冷。遺而不知者。愚按。內經曰。胞移熱於膀胱。則癃溺血。膀胱不利爲癃。不約爲遺溺。注曰。膀胱爲津液之府。水注由之。然足三焦脈實。約下焦而不通。則不得小便。足三焦脈虛。不約下焦。則遺溺也。靈樞經曰。足三焦者。太陽之別也。並太陽之正。入絡膀胱。約下焦。實則閉癃。虛則遺溺。竊謂前症。若肝腎虛熱。挺孔痿痺。用六味丸。如不應。用加減八味丸。陽氣虛憊。膀胱積冷。用鹿茸丸。如不應。用八味丸。若脾氣虛弱。不能禁止。用補中益氣湯。加山藥、山茱、五味。若肺氣虛寒。前湯加附、桂。此症屬虛熱者多。真寒者少。治宜審察。

附治驗附小便遺溺

一婦人小便自遺。或時不利。日晡益甚。此肝熱陰挺。不能約制。用六味丸料。加白朮酒炒黑。黃柏七分。知母五分。數劑。諸症悉愈。若誤用分利之劑。愈損真陰。必致不起。

一老婦患前症。惡寒體倦。四肢逆冷。余以爲陽氣虛。先用補中益氣加附子。三劑。



不應。遂以參附湯四劑。稍應。仍以前藥而安。附子計用四枚。人參三觔許。一婦人病愈後。小便出尿。此陰陽失於傳送。名大小腸交也。先用五苓散二劑而愈。又用補中益氣而安。

鹿茸丸 治陽氣虛寒。小便白濁。滑數不禁。或臍腹陰冷。大便不實。

鹿茸炙

椒紅

桂心

附子炮

牡蠣煨

補骨脂炒

石斛

肉苁蓉酒浸

雞脰胘炙

沉香各一兩

桑螵蛸錢二

右爲末。酒糊丸。桐子大。每服三十丸。空心溫酒下。

秘元丹 治陽氣虛。小便不禁。或夜多小便頻數。

白龍骨炒三

訶子去核

縮砂去皮

右爲末。糯米丸。桐子大。每服五十丸。空心鹽酒下。

又方。鹿角鎔炒爲末。每服三五錢。空心熱酒調下。

又方。雞脰胘炙爲末。每服二三錢。空心酒調下。日二三服。

又方。桑螵蛸扶神。遠志。菖蒲。人參。當歸。龍骨。龜板爲末。臥時。人參湯下三錢。



又方。桑螵蛸酒炒爲末。每服二錢。空心薑湯調下。

附方

六君子湯

補中益氣湯二方見第六論六味丸

八味丸

加減八味丸三方見二十四論

參附湯方見十六論

五苓散方見二十九論

婦人小便出血方論第五

心主於血。通行經絡。循環臟腑。若得寒則凝澀。得熱則妄行。失其常道。則溢滲於  
脬。則小便出血也。

愚按前症肝經血熱者。加味逍遙散。怒氣血傷者。加味逍遙散。調送髮灰。若肝經  
風熱者。加味逍遙散。送子芩丸。氣血俱虛者。八珍湯送髮灰。膏粱積熱者。清胃  
散。加槐花。甘草。風熱傷胃者。四君子加防風。枳殼。胃氣不能攝血者。補中益氣  
湯。鬱結傷脾。不能攝血者。濟生歸脾湯。

附治驗

一婦人尿血。因怒寒熱。或頭疼或脇脹。此肝血虛而肝火盛。用加味逍遙散而血脹止。補中益氣加蔓荊子而頭痛痊。後鬱怒腹痛尿血。仍用前散。加龍膽草并歸脾治之。將愈。又因傷於飲食。復作心忪不寧。徹夜不寐。仍用前湯而痊。

一婦人尿血。面黃體倦。飲食不甘。晡熱作渴。此脾胃氣虛。不能攝血歸經。用補中益氣。以補胃氣。用歸脾湯。以解鬱結。更用加味逍遙散。以調養肝血而痊。

一婦人小便出血。服四物。蒲黃之類。更加發熱吐痰。加芩連之類。又飲食少思。虛症蜂起。肝脈弦而數。脾脈弦而緩。此因肝經風熱。為沉陰之劑。脾傷不能統攝其血。發生諸臟而然也。予用補中益氣湯。六味地黃丸而痊。

鹿茸散 治勞損尿血。發熱內熱。或寒熱往來。口乾作渴。

鹿茸炙

當歸

熟地黃自製

葵子炒

蒲黃炒

續斷酒炒各

右為末。每服二錢。酒調。日三服。

髮灰散 治起居所傷。小便尿血。或忍尿脬轉。臍下急痛。小便不通。又治肺疽心紐。內崩吐血。舌上出血。用亂髮燒灰。本草云能療瘀血通關隔利水道破癥瘕癰腫狐疝刺痛疰雜瘡療脬轉通大小便

止咳嗽  
鼻衄

右爲末二錢。以米醋湯調服。

生地黃散 治血熱小便出血。

生地黃二錢 黃芩錢炒五

阿膠炒

柏葉炒各錢

水煎服。

當歸散 治血分有熱小便出血。或時尿血。

當歸 羚羊角錢

赤芍藥各錢

生地黃

刺薊葉各錢一

右水煎服。

又方。治血分有熱。用生地黃杵取汁。每用一小盞。日三服。

又方。治血分有熱。小便尿血。用炒蒲黃末。每服二錢。溫酒調下。滾湯亦下。

又方。腎虛。鹿角膠二兩。炙黃爲末。作二服。長流水調。

附方

八珍散

加味逍遙散

歸脾湯三方見二十四論



子芩丸

方見十二卷第六論

清胃散

方見二十四卷第一論

四君子湯

補中益氣湯

二方見二十四卷第六論

### 婦人大便不通方論第六

夫大便不通者。由臟腑不調。寒熱之氣。結於腸胃。或經水過多。內亡津液。宜用三脘散。或四物加青皮。或七宣丸。麻仁丸。選而用之。

愚按。前症或大腸血涸。或血虛火燥。不可計其日期。飲食數多。必待腹滿脹。自欲去而不能者。乃用豬膽汁潤之。若妄服苦寒辛散之劑。元氣愈傷。或通而不止。或成中痞之症。大抵血虛火燥。用加味逍遙散。氣血俱虛。用八珍湯。燥藥傷血。用四物。連翹。甘草。尅伐傷氣。用四君。川芎。當歸。內熱作渴。飲湯脈實。用竹葉黃耆湯。內熱作渴。飲冷脈濇。用四物送潤腸丸。肝膽尅脾土。而不能輸送。用小柴胡。加山梔。郁李仁。腸胃氣虛。而不能傳送。用補中益氣。加芍藥。厚朴。積熱而秘結。用清胃散。加芍藥。其有熱燥風燥。陽結陰結。皆不宜損中氣。治者審之。



附治驗

一婦人痰喘內熱。大便不通。兩月不寐。脈洪大。重按微細。此屬肝肺腎虧損。朝用六味丸。夕用逍遙散。各三十餘劑。計所進飲食百餘碗。腹始痞悶。正前所謂血虛火燦也。以猪膽汁導而通之。用十全大補湯調理而安。

附方

通神散 治大便實熱不通。其證心腹脹痛。手不得近。心胸煩悶。而欲飲食者。

大黃炒

芒硝

檳榔

桃仁并

郁李仁

湯浸去皮酒炒各一兩

右爲末。每服二錢。粥飲調。

大麻仁丸

治腸胃風結。大便常秘。而欲飲食者。

大麻仁

別研如膏

大黃炒各二兩

檳榔

木香

枳殼一兩

右爲末。入麻仁。煉蜜丸。桐子大。每服二十丸。溫水下。

皂角丸 治大腸經有風。大便秘結而不堅實者。

皂角子炒去

枳殼等分炒

右爲末。煉蜜丸。桐子大。每服七十丸。空心米飲下。

蘇麻粥 順氣滑腸。用紫蘇子、麻子仁水研取汁煮粥食之。

潤腸丸 治伏火風熱。大腸乾燥。若因失血。或因腎虛。當滋腎水。最忌此丸。

麻子仁

桃仁去皮尖另羌活

當歸尾

大黃煨

皂角仁

秦艽各五錢

右另研爲末。煉蜜丸。每服五十丸。空心白湯送下。如直腸乾澀。用猪膽汁導之。

亦忌前藥。

### 附方

加味逍遙散

八珍湯二方見二十四卷第四論

補中益氣湯

四物湯

四君子湯三方見二十四卷第六論

竹葉石膏湯方見二十四卷第三論

小柴胡湯

方見二十四卷第三論

清胃散方見二十四卷第一論

瘡科竹葉黃耆湯方見二十四卷第四論

## 婦人老弱風人便秘戒用利藥方論第七

初虞世云。肺主氣。肺氣不降。則大腸不能傳送。宜用杏仁、枳殼、訶子等藥。若老弱風人。津液短少。大便秘澀。用胡麻、杏仁、麻仁、阿膠、皂角之類。每見用駛利之藥。大便雖通。精血復傷。反致他病。一男子病風淫末疾。或用駛藥利之。患肺痿咯膿血。至大便不通而死。惜哉。

愚按。前症若胃強脾弱。津液不得四布。但輸膀胱。小便數而大便難者。用脾約丸。若陰血枯槁。內火燔灼。脾肺失傳。大便秘而小便數者。用潤腸丸。此丸若用之於熱甚氣實。與西北稟厚者。無有不效。若用於東南及虛熱而氣血不足者。則脾愈弱而腸愈燥。反致虛痞矣。此東垣先生之治法也。其搜風順氣丸。中貴及西北人用之多效。東南人用之。無不致害。

附治驗

一老婦大便欲去而難去。又不堅實。腹內或如故。或作脹。兩關尺脈浮大。余以爲腸胃氣血虛弱。每服十全大補湯。加肉蓯蓉。去後始快。若間二三日不服。腹內仍脹。大便仍難。

搜風順氣丸 治痔漏腸風。風熱閉結。元氣充實者。



車前子五錢兩

大麻子微炒

大黃五錢半熟

牛膝酒浸

郁李仁湯泡

兔絲子酒浸蒸

枳殼微炒

山藥錢各一

右爲末。煉蜜丸。桐子大。每服二十丸。空心白湯送下。

### 子和脾約丸

麻仁錢一兩二

枳殼微炒

厚朴薑製

芍藥各一

大黃四兩

杏仁去皮尖炒

右爲末。入杏仁膏煉蜜丸。桐子大。每服二三十丸。空心用滾湯送下。內杏仁研爛。

### 婦人泄痢祕結方論第八

經云。春傷於風。夏必飧泄。蓋木刑土也。土不能滲泄。則木氣勝。故津液燥而祕。不可專以風治。張氏母年七十。患痢頻數。腰脚拘攣。百方不愈。用蒺藜、酸棗仁治之。即愈。黃魯直苦祕結。亦用前藥而愈。故受症有不同也。愚按。前症若因足三陰虧損。發熱作渴。胸膈不利。飲食善消。面帶陽色。脈洪而



虛。肢體倦怠者。用補中益氣湯。六味地黃丸。脾肺氣虛。補中益氣湯。脾經鬱結。用加味歸脾湯。氣血俱虛者。八珍加肉蓯蓉。腎經津液不足者。六味地黃丸。胃火消鑠。津液。竹葉黃耆湯。肝木侮脾土。小柴胡加山梔。郁李仁。枳殼。膏粱積熱。清胃散。加山梔。郁李仁。枳殼。若燥在直腸。用猪膽導之。

附治驗

一老婦大便。月餘不通。痰喘內熱。不得就枕。脈洪大。重按細微。朝用六味丸。夕用逍遙散。各五十餘劑。計進飲食百餘碗。小腹始悶。此火燥而消鑠也。以猪膽汁潤之。用十全大補而安。後仍不通。用八珍倍加蓯蓉。常服而通。

治風人大便秘

皂莢子

三百粒破作兩片慢火炒燥入酥  
棗大又炒燥又入酥至焦黑爲度

右爲末。蜜丸。桐子大。每服三十丸。煎蒺藜酸棗仁湯。空心下。良久。未利再服。漸加至百丸。以通爲度。

蒺藜湯。用蒺藜炒杵去刺三兩。酸棗仁炒香一兩。每用五錢。水一盞。煎七分。去滓。送下前丸。

大五柔丸 治臟氣不調。大便難利。或為秘結堅硬。

大黃飯上蒸

枳殼去穢炒

白芍藥末

葶藶炒為末

牛脂熬油

茯苓酒浸焙

桃仁皮尖研去

杏仁四十枚去皮尖研

右和勻。煉蜜丸。桐子大。米飲下三十丸。日三服。以利為度。

二仁丸 安康郡太守苦風秘。予處此方。用之甚效。

杏仁去皮尖

麻仁別研

枳殼去穢炒為末

訶子炒去核為末

右用煉蜜丸。桐子大。每服二三十丸。溫水下。未利增之。

蜜導法 用好蜜四五兩。石器中微火熬。不住手攪。候可丸。以蛤粉塗手。捏如指。

長三寸許。入大孔內。以手掩良久。即通。未通再作。文潞公泄利。求速效。用石脂。

龍骨等藥。便秘累日甚苦。余告曰。此燥糞在直腸。藥所不及。請以蜜導之。下結

糞四五十枚而愈。

通氣散 治虛人憂怒。以致傷肺與大腸。不能傳送。

陳皮

蘇葉

枳殼麵炒

木通各一錢

用水煎服。

皂角丸、蘇麻粥亦佳見前

附方

補中益氣丸方見二十四卷第六論 六味丸方見二十四卷第十一論

加味歸脾湯

八珍湯

逍遙散

加味逍遙散

十全大補湯五方見二十四卷第四論 竹葉黃耆湯方見二十四卷第二論

小柴胡湯方見二十四卷第二論

清胃散方見二十四卷首論

婦人泄瀉方論第九

論曰。泄瀉之症。因腸胃虛冷而邪氣乘之。經云。春傷於風。夏必飧泄。蓋風傷肝。肝木旺而尅脾土。屬外因也。若七情不平。臟氣受傷。屬內因也。若飲食生冷傷脾。屬不內外因也。大法寒者溫之。熱者涼之。滑者澀之。濕者燥之。

愚按。前症若生冷所傷。用六君、木香、砂仁。辛熱所傷。用二陳、炒連、山梔。麵食所傷。用六君、神麴。米食所傷。用六君、穀蘖。飲食不時而傷。用四君子湯。飲食過多



而傷。用六君子湯。飲食停滯。人參養胃湯。脾氣虛弱者。六君、升麻、柴胡。脾氣虛寒。六君、木香、炮薑。肝木乘脾者。六君、柴胡、芍藥。肝火尅脾者。六君、芍藥、山梔。中氣虛而下陷者。補中益氣湯。鬱結傷脾者。濟生歸脾湯。腎氣虛者。五味子散。脾氣虛者。二神丸。脾腎虛者。四神丸。命門火衰者。八味丸。真陽虛敗者。固真丸。仍與滯下方參用。

#### 附治驗

侍御沈東江之內。停食腹痛作瀉。以六君加木香、炮薑而愈。後復作。傳爲腎泄。用四神丸而安。

侍御徐南湖子室。瀉屬腎經。不信余言。專主滲泄。以致不起。一婦人年五十。不食夜飯。五更作瀉。二十年矣。後患痢。午前用香連丸。午後用二神丸。各二服而痢止。又用二神丸數服。而食夜飯。不月而形體如故。

吳江史玄年母。素有血疾。殆將二紀。年居泄瀉。飲食少思。面黃中滿。夏月尤甚。治血之藥。無慮數百劑。未嘗少減。余以爲脾腎虛損。用補中益氣湯。送二神丸。復用十全大補湯。煎送前丸。食進便實。病勢頓退。若泥中滿忌參、朮、痰痞忌熟地。



便泄忌當歸。皆致誤事。

桂香丸 治虛寒滑泄腹痛。或嘔吐不食。手足逆冷。

附子炮

肉荳蔻炮

丁香

桂心

白茯苓各一兩

木香炮

白乾薑炮各半兩

右爲末。米糊丸。桐子大。每服五十丸。空心米飲下。

胃苓散 治脾胃所傷。吐瀉不止。水穀不分。即五苓散合平胃散。

右每服五七錢。用薑棗水煎。空心服。仍節飲食。

木香散 治臟腑虛寒。下泄米穀。口舌生瘡。或嘔吐不食。

木香煨

破故紙炒各一兩

良薑

縮砂炒

厚朴製各三錢

赤芍藥炒

桔紅

桂心

白朮各半兩

胡椒

吳茱萸炮各一錢

肉豆蔻煨

檳榔一錢

右爲末。每服三錢。用猪肝四兩。批薄。以藥摻拌。量入水醋鹽葱薑。煮乾。空心頓食。或丸桐子大。每服百丸。粥飲下。日三服。

府傳趙宜人患泄瀉。諸藥無效。診之曰。此肝腎虛也。服前散而愈。經曰。洩痢前後不止。腎虛也。又曰。諸厥固泄。皆屬於下。下謂下焦。肝腎之氣也。門戶束要。肝之氣也。肝氣厥而上行。故下焦不能禁固而泄痢。腎為胃關。門戶不要。故倉廩不藏也。

香連丸 治痢疾。并水瀉暑瀉腹痛。不問赤白神效。

黃連淨二兩 吳茱萸去枝梗十兩

右先將二味用熱水拌和。入磁器內。置熱湯頓一日。同炒至黃連紫黃色。去茱。用連為末。每末四兩。入木香末一兩。淡醋米飲為丸。桐子大。每服二三十丸。滾湯下。久痢中氣下陷者。用補中益氣下中氣虛者。用四君子下中氣虛寒者。加薑桂。

三黃丸 治熱痢腹痛。或口舌生瘡。咽喉齒痛。及一切虛火之症。

黃芩 黃連 黃柏各等分

右各另為末。米糊丸。桐子大。每服七八十丸。白湯下。

芍藥湯 治熱痢便血後重。經曰。洩而便膿血。此氣行而血止也。行血則便膿自

愈。調氣則後重自除。

芍藥炒一兩

當歸

黃連炒各半兩

檳榔

木香

甘草炒各二錢

桂枝五分

黃芩炒五錢

右每服半兩。水煎。如不減。加大黃。此症多有因中氣虛弱。脾氣鬱結者。治當審察。

二神丸

加五味二兩。吳茱萸四兩。名四神丸。

治脾腎虛弱。侵晨五更作瀉。或全不思食。或食而不化。

大便不實。神效。

破故紙炒四兩

肉豆蔻生二兩

右爲末。用大紅棗四十九枚。生薑四兩。切碎。同棗用水煮熟。去薑。取棗肉。和藥丸。桐子大。每服五十丸。空心鹽湯下。

五味子散 治腎經虛弱。大便不實。或夜間或五更泄瀉。

五味子炒二兩

吳茱萸半兩

右爲末。每服二錢。空心。米飲調下。其效如神。米糊爲丸。亦可。

白朮芍藥湯 治脾經受濕。水泄注下。後重腹滿。形體倦怠。不欲飲食。或暴泄無

數。水穀不分。

白朮炒

芍藥二錢各

甘草炒一

用水煎服。

茯苓湯 治濕熱泄瀉。或飲食傷瀉。

白朮炒

茯苓錢各五

右用水煎。食前服。一方有芍藥等分。名白朮散。

滲濕湯 治寒濕所傷。身重腰冷。如坐水中。或小便秘澀。大便溏泄。此症多因坐

臥濕地。或陰雨所襲而致。

蒼朮炒

白朮

甘草炒一兩各

乾薑

茯苓各二

陳皮一兩

丁香錢各半

右每服四五錢。棗水煎。

防風芍藥湯 治飧泄身熱。脈弦腹痛及頭痛。

防風

芍藥炒

黃芩炒各二錢

用水煎服。



六君子湯

四君子湯

補中益氣湯三方見二論  
四卷第六

人參養胃湯方見七卷  
第十八論

十全大補湯

濟生歸脾湯二方見二論  
四卷第四

八味丸方見二十四  
卷第十一論

東垣補真丸方見七卷  
第三論

### 婦人協熱下痢方論第十

論曰。下痢赤黃。米穀不化。作渴嘔逆。小便不利。心胸煩躁。脈虛大而數。此胃經虛熱。津液不分。併於大腸所致。先用五苓散。次用玉粉丹。四味阿膠丸主之。愚按前症若胃氣虛弱。用補中益氣湯。肝木侮脾土。用六君子湯。鬱結傷脾土。用歸脾湯。命門火衰。用八味地黃丸。餘參各論主之。

#### 附治驗

一婦人五月間患痢。日夜無度。小腹墜痛。發熱惡寒。余以爲脾氣虛弱。用六君子湯送香連丸。二服漸愈。仍以前湯送四神丸。四服全愈。至七月終。怠惰嗜臥。四肢不收。體重節痛。口舌乾燥。飲食無味。大便不實。小便頻數。灑淅惡寒。悽慘不樂。此肺脾腎虛而陽氣不伸也。用升陽益胃湯而痊。

玉粉丹

蛤粉

硫黃等分

右爲末。米糊丸。桐子大。每服五十丸。用米飲下。

四味阿膠丸

黃連炒

赤茯苓二兩

芍藥炒三

阿膠炒一兩

右爲末。以醋丸。桐子大。每服三十丸。食前米飲下。

附方

補中益氣湯

六君子湯二方見二卷第八論

歸脾湯方見二卷第四論

八味丸方見二卷第十一論

婦人滯下方論第十一

經云。春傷於風。夏生飧泄。蓋風喜傷肝。然春時肝木反尅脾土。以致滯下赤白。裏急後重。先服神朮散。次用五苓散之類。煩渴腹痛。小便赤澀。脈洪數爲熱。用白頭翁湯之類。脈虛弱爲伏暑。用香薷散之類。如風邪下血。用胃風湯。腹痛嘔逆。手足

俱冷。六脈微細。爲臟腑虛寒。急服四順附子湯。灸氣海、丹田二穴。久痢腸滑。用理中湯。加肉果、訶子。或十全大補湯。加木香、肉果之屬。若一方一郡所患相類者。乃屬疫症。

愚按東垣云。太陰經受濕。水瀉變膿血。脾傳於腎者。謂之賊邪。難愈。先痢而後瀉者。謂之微邪。易痊。若厥陰經下痢。脈沉微。手足厥逆。用麻黃小續命湯汗之。若身冷自汗。小便自利。脈微嘔吐。用漿水散溫之。若脈疾身動。下迫聲響。用白朮芍藥湯。脈沉身靜。飲食不入。用薑附湯。身體沉重。四肢不舉。用朮附湯。竊謂前症若飲食停滯。用六君子湯。以補脾胃。消飲食。若胃氣下流。用補中益氣湯。以補脾胃。升元氣。若風傷腸胃。宜用神朮散。以補脾胃。解外邪。若痰積中焦。宜用六神丸。以補脾胃。化痰滯。大凡脾胃虛弱。宜補中氣。調飲食。

附治驗

一老婦食後。因怒患痢。裏急後重。肛門脫下。此脾氣下陷。用大劑六君。加附子、肉蔻、煨木香各一錢。吳茱五分。骨脂、五味各一錢五分。二劑。諸症悉退。惟小腹脹悶。此肝氣滯於脾也。與調中益氣。加附子、木香五分。四劑而愈。後口內覺鹹。此



腎虛水泛。與六味地黃丸。二劑頓愈。又以飲食失宜。大便不實。四肢逆冷。此脾胃復傷。與六君加附子五分。及八味丸而愈。

先太宜人。仲夏患痢腹痛。去後無度。煩渴飲湯。手按腹痛稍止。脈鼓指而有力。此真氣虛而邪氣實也。急用人參五錢。白朮、茯苓各三錢。陳皮、炙草、附子、升麻各一錢。服之即睡覺而索食。脈症頓退。再劑而安。此取症不取脈也。其時同患是症。服痢藥者俱致不起。惜哉。

神朮散 治春傷於風。夏生飧泄。或傷風頭痛。項背拘急。鼻流清涕。

蒼朮錢炒二 藁本 川芎錢各一 羌活

粉草炒五分一錢 細辛五分

右用薑水煎服。欲發汗。加葱頭。

### 四順附子湯

生附子去皮 白乾薑炮 甘草炒 人參各一兩

右每服四五錢。水煎。吐瀉腹痛。加肉桂半兩。小便不利。加茯苓半兩。若體寒自汗。手足逆冷。六脈虛弱。背寒面垢。或面如塗油。齒乾煩悶。躁渴引飲。此為伏暑。



宜用小柴胡湯、五苓散、酒蒸黃連丸。

加減參附湯 治寒痢陽氣脫陷。嘔吐不食。手足俱冷。

大附子炮

大人參錢各二

丁香香粒十五

右用薑十片。米一撮。水一鍾。煎服。如不應。再加之。

治禁口痢甚妙。石蓮肉爲末。每服二錢。陳米飲調下。又方。乾山藥半生半炒。黃爲末。不拘時。用米飲調下。

附方

胃風湯 治風冷乘虛。客於腸胃。以致水穀不化。泄瀉注下。或腸胃濕毒。下如豆汁。或下瘀血。

人參

白茯苓

芎藭

肉桂

當歸

白芍藥炒

白朮等炒各

右每服三二錢。入粟米數粒。水煎。空心。食前熱服。水煮木香丸 治久痢裏急後重。日夜無度。其效如神。

罌粟殼三兩

青皮兩去白二錢

甘草兩炒各二錢

訶子八兩去核

當歸

木香各六兩

右爲末。煉蜜丸。彈子大。每服一丸。水煎化。空心服。

戊己丸 治胃經受熱。泄痢不止。或飲食不入。腹痛不止。

黃連炒

吳茱萸炒去梗

白芍藥各五兩

右爲末。麵糊丸。桐子大。每服三十丸。米飲食前下。

真人養臟湯 治下痢赤白。裏急後重。腹痛脫肛。

粟殼蜜炙三錢

人參六錢

白朮六錢

肉桂入錢

當歸六錢

訶子皮二錢

木香煨二兩

肉豆蔻半兩

白芍藥炒一兩

甘草炒一兩

右每服四錢。用水煎。臟寒加附子一兩。

升陽除濕防風湯。如大便閉塞。或裏急後重。數至圉而不能便。或有白膿。或兼下

血。此鬱結而不通也。以此湯舉其陽。則陰氣自降矣。慎勿利之。

蒼朮米泔浸四錢

防風二錢

白朮炒

白茯苓

白芍藥炒各一錢

先將蒼朮用水一鍾半煎至一鍾內諸藥同煎至八分食前熱服。夫飲食入胃其氣上升輪精心肺然後下降若脾胃有傷不能上升下流腎肝而成泄利法宜升補中氣不可疎下此東垣發前人所未論也。

調中益氣湯 夫脈弦洪緩而沉按之中下不得一瀋其證四肢滿閉肢節煩疼難以屈伸身體沉重煩心不安忽肥忽瘦四肢懶倦口失滋味大小便清利而數或上飲下便或大便澀滯夏月飧泄或便後見血或下白膿胸滿短氣咽膈不通嗜睡無力飲食少思方見四卷第五論

麻黃續命湯

防風

杏

仁去皮尖各二兩

麻

黃去節二兩

人

參

黃芩炒

甘草

芍藥炒

防己

肉桂各一兩

附

子炮去皮五錢

右每服半兩用薑水煎

白朮芍藥湯 治太陰脾經受濕水泄注下體重微滿困弱無力不欲飲食或暴泄無數水穀不化宜此湯和之

白朮

每服一兩水煎。

芍

藥炒各一兩

甘草炒五錢

漿水散。治暴利如水。周身汗出。一身盡冷。脈微而弱。氣短難言。甚者惡病。急用此藥。緩則不救。

半夏一兩洗

附子半兩炮

乾薑一作乾生薑

肉桂

甘草炙各五錢

良薑二分錢

右為末。每服三五錢。漿水煎。和滓熱服。不應加之。

薑附湯。治霍亂轉筋。手足厥冷。或吐逆身冷。脈微急。用此藥救之。

乾薑一兩

附子生一個

每服半兩水煎。

朮附湯。治下痢脾氣脫陷。脈體不動。汗出身冷。氣短喘急。或嘔吐不食等症。須急用之。

白朮

生附子須用者

右為末。每服五錢。薑棗水煎。和滓服。如不應。倍用之。



六神丸 治食積赤白痢疾。或腹痛不食。或久而不止。

神 麴爲糲

麥 芽炒

扶 苓

枳 殼麴炒

木 香

黃

連炒赤各等分

右爲末。用神麴糊丸。桐子大。每服五十丸。白湯送下。

香連丸前方見

六君子湯

補中益氣湯二方見二十六卷第四論

五苓散方見二十一卷第十論

六味丸

八味丸二方見二十一卷第十一論

### 婦人痢後嘔噦方論第十二

滯下咳逆嘔逆。古人謂之噦。此胃氣虛寒之危症也。用橘皮乾薑湯、半夏生薑湯、丁香柿蒂湯。熱證欬逆。用小柴胡湯、橘皮竹茹湯。嘗治一痢咳逆。脈沉弱。投退陰散。兩服而愈。又一痢後咳逆。灸期門穴三壯而愈。其穴在第六

愚按、東垣云。如泄痢而嘔者。胃氣不利也。上焦不和。用生薑橘皮湯。中焦不和。用芎歸桂苓。下焦不和而寒。治以輕劑。熱甚而治以重劑。亦有胃火上衝而嘔者。有積滯而嘔者。有陰虛而嘔者。丹溪云。下痢吃逆。自下衝上。屬火之象。古方

悉以胃弱言之。殊不知胃弱者。脾陰弱也。故久病變之。乃胃弱脾寒之危症。用半夏一兩。生薑半兩。或理中湯加枳殼、茯苓、半夏。不效。更加丁香、柿蒂各十枚。胃熱咳逆。用橘皮竹茹湯。別病忽然而致。半夏茯苓湯加枳實、半夏、木香調氣散最佳。

### 附治驗

一婦人痢後嘔噦。服降火化痰等劑。愈甚。脈洪大。按之虛細。作渴飲湯。諸藥到口即嘔。余以爲脾胃虛寒。不能司納。以參朮炮薑末各一錢。以飯作丸。米飲不時過三五粒。至三兩許。聞藥不嘔。乃以六君加炮薑三十餘劑而安。

一婦人患前症。飲食少思。胸腹膨脹。大便不實。所見之症。悉屬虛寒假熱。遂朝用補中益氣湯加炮薑、木香。夕用六君子送四神丸。漸愈。又用八味丸料煎送四神丸而痊。

一婦人因怒嘔噦。時或昏憤。口噤。或時舉體肉動。其面色或青或赤。余以爲肝火熾盛。脾土受侮。用小柴胡湯加山梔、釣藤治之。漸愈。又用加味歸脾、逍遙二藥調理而痊。

橘皮乾薑湯 治胃寒嘔噦不食。或吐痰腹痛兼瀉。

橘皮 通草 乾薑 桂心

甘草 鈔一 人參 鈔一

右水煎服。

橘皮竹茹湯 治噦逆。

橘皮 二錢 竹茹 甘草 鈔 人參

半夏 鈔一

右薑棗水煎。

猪苓湯 治咳而嘔渴。心煩不得眠。

猪苓 赤茯苓 澤瀉 阿膠 鈔

滑石 錢各一

右水煎服。

半夏湯 治噦欲死。

半夏 一兩 生薑 兩二

用水煎爲二服。

丁香柿蒂湯 治欬逆。

丁香 香十粒 柿蒂 個十五

用水煎。熱服。

生薑橘皮湯 治嘔噦手足厥冷。

橘皮 一錢 生薑 四錢

用水煎服。

退陰散 治陰毒傷寒。手足逆冷。或咳逆不止。脈沉細。頭痛腰重。急進三服。若傷

冷。每服一字。入正元散內同煎。入鹽一捻。

乾薑 炮 川烏 等分

每服一錢。鹽一捻。水煎。

倉廩湯 治痢疾心煩。手足溫。頭痛。此熱毒上衝。宜用此湯。卽敗毒散。每服四五

錢。入陳倉米百粒。薑五片。棗一枚煎。若脈微弱。或胸腹虛脹。手足厥冷。或因服  
罌粟。烏梅過多。以致作嘔者。宜用山藥半生半炒爲末。米飲調下。日二三服。



附方

木香調氣散 治氣滯嘔吐。或胸膈不利。心腹刺痛。飲食不思。

木香

白豆蔻

丁香

檀香 各二

藿香

甘草 炒各

砂仁 四兩

右爲末。每服一錢。白湯調服。

半夏茯苓湯 方見十二卷第三論

補中益氣湯

竹葉石滑湯

六君子湯 方見十二卷第六論

八味丸 方見十二卷

婦人大便下血方論第十三

婦人臟腑損傷。風邪所入。以致大便下血。或如豆汁。或腹中作痛。若糞後下血。其來遠。糞前下血。其來近。遠近者。言病在上下也。若面無血色。時寒時熱。脈浮弱。按之如絲者。是前症也。

愚按。前症或飲食起居。或六淫七情失宜。以致元氣虧損。陽絡外傷。若膏粱積熱。加味清胃散。怒氣傷肝。六君、柴、芍、芎、歸。鬱結傷脾。加味歸脾湯。脾氣虛弱。六

君子湯。思慮傷心。妙香散。大腸風熱。四物、側柏、荆、防、枳殼。大腸血熱。四物、丹皮、柴胡。中氣下陷。補中益氣、茯苓、半夏。心脾不能攝血。必補脾肺之源。舉下陷之氣。

### 附治驗

一婦人下血不已。面色痿黃。四肢畏冷。此中氣下陷。用補中益氣湯。送四神丸。數服而愈。

光祿張淑人。下血煩躁。作渴。大便重墜。後去稍緩。用三黃湯。加大黃至四兩。方應。後用三黃湯。又二十餘劑而愈。此等元氣。百中一二。韓地官之內。脾胃素弱。因飲食停滯。服剋伐之劑。自汗身冷。氣短喘急。腹痛便血。或用諸補劑。皆不應。余用人參、炮附子各五錢。二劑稍應。却用六君子。每劑加炮附子三錢。四劑漸安。又用前湯。每加附子一錢。數劑乃瘥。

一婦人因怒。胸痞。飲食少思。服消導利氣之藥。痰喘胸滿。大便下血。余用補中益氣。加茯苓、半夏、炮薑四劑。諸症頓愈。又用八珍加柴胡、炒梔全愈。

一婦人瘀血腹痛。便血見前。

加減四物湯 治腸風下血。

側百葉炒

荊芥

槐花炒

甘草炒各五分

枳殼麩炒

生地黄

當歸

川芎各錢一

右薑水煎。

腸風黑神散 治腸風下血。腹疼後重。或肛門脫出。

敗棕燒

木饅頭燒

烏梅去核

粉草炙各錢一

水煎服。

愚按前二症。若病久中氣虛弱者。必用培補脾胃為主。

地榆湯 陰結便血。駱龍吉方

地榆四兩

甘草兩半

縮砂仁七粒

每服三錢水煎。

防風如神散 治風熱氣滯。糞後下血。

防風

枳殼麩炒各

每服三錢水煎。

愚按前二症若胃氣虛不能統血而下用四君中氣下陷用補中益氣湯脾氣鬱結用歸脾湯氣血虛弱用八珍湯氣血虛寒用十全大補湯治久下血成片用頭髮燒灰每服一二錢水調下妙香散治心氣下血溫酒調下

附方

加味清胃散方見二十四卷第六論 四君子湯

六君子湯

四物湯

補中益氣湯

四方見二十四卷第六論 八珍湯

加味歸脾湯二方見二十四卷第四論 二神丸

四神丸

三黃丸三方見前第八論

婦人痔瘻方論第十四

婦人痔瘻因鬱怒風熱厚味膏粱所致其名有五肛邊如乳出膿者爲牝痔腫脹出血者爲牡痔痒痛者爲脈痔腫核者爲腸痔登廁出血者爲血痔治宜審之愚按前症婦人多因胎產經行飲食起居六淫七情失調所致男子多因醉飽



入房筋脈橫解。精氣脫泄。熱毒乘虛而患。或入房強固其精。木乘火勢而侮金。或炙博厚味。陰虛濕熱。宜涼血潤燥疎風。潰後當養元氣。補陰精。不愈。即成痔。漏。有串臀。串陰。穿腸者。其腸頭腫塊者。濕熱也。作痛者。風也。便燥者。火也。潰膿者。熱勝血也。大便作痛者。潤燥除濕。肛門墜痛者。瀉火導濕。小便瀦滯者。清肝導濕。經云。因而飽食。筋脈橫解。腸澼爲痔。症屬肝腎不足。故用加味地黃。及六味丸。有效。慎勿敷毒藥。及服寒涼之劑。

驚甲散 治五種痔漏。膿血淋漓。或腫痛。堅硬下墜。

驚甲

露蜂房

蛇蛻

蝟皮

猪後懸蹄五味燒存性各二錢

麝香一分

右爲末。每服一錢。空心生地黃煎湯調下。更傅之。又方。熱痛。用寒水石。朴硝爲末。以津調搽。

附方

六味丸方見二十一論

加味地黃丸方見二十一論

婦人脫肛方論第十五

也。夫脫肛者。大腸之候也。大腸虛寒。其氣下陷。則肛門翻出。或因產努力。其肛亦然。

愚按前症。若大腸濕熱。用升陽除濕湯。若血熱。用四物、條芩、槐花。血虛。用四物、白朮、茯苓。兼痔痛。用四物、槐花、黃連、升麻。中風虛弱。用補中益氣、芍藥、白朮。中氣虛寒。加半夏、炮薑、五味。腎虛。用六味丸。虛寒。用八味丸。夫肺與大腸爲表裏。肛者大腸之門。肺實熱則祕結。肺虛寒則脫出。腎主大便。故肺腎虛者。多有此症。

### 附治驗

一婦人脫肛。用補中益氣。加味歸脾各百餘劑而愈。後因分娩復脫。仍以前藥各二百餘劑始愈。

姚和衆以鐵粉傳之良。聖惠方亦治陰脫陰腫

集驗方以生鐵三斤。水一斛。煮至五升。取水洗。日二次。一方用五倍子煎湯洗。以赤石脂末。摻上托入。或脫長者。以兩床相並。中空尺許。以磁瓶盛湯。令病人仰臥。浸瓶中。逐日易之。收盡爲度。

附方

升陽除濕湯 自下而上者引而竭之。

升麻

柴胡

防風

神麴炒

澤瀉

猪苓各半兩

蒼朮一兩

陳皮

甘草炙

大麥蘖各三錢

右每服五錢。水煎。空心服。胃寒腸鳴。加益智仁。半夏各半錢。薑棗同煎。

四物湯

補中益氣湯二方見二十六卷第六論六味丸

八味丸

二方見二十四卷第十一論

婦人陰腫方論第十六

婦人陰腫。因胞絡素虛。風邪客之。乘於陰部。血氣相搏故也。

愚按前症若氣血虛弱。用補中益氣湯舉而補之。肝經濕熱。用龍膽瀉肝湯滲而清之。若陰腫陰癢。陰冷陰挺。當與後論互相參看。

附治驗

一婦人陰中腫悶。小便澹滯。兩脇作腫。內熱晡熱。月經不調。時或寒熱。此因肝脾鬱怒。元氣下陷。濕熱壅滯。朝用歸脾湯。加柴胡、升麻、解鬱結、補脾氣、升元氣。夕用加味逍遙散。清肝火、生肝血、除濕熱。各數劑。諸症悉愈。又用四君、芎歸、丹皮。調補肝脾而經水如期。

菖蒲散 治月水澹滯陰間腫痛。

菖 蒲 當歸 各一 秦 芎 二兩

右每服五錢。入葱白水煎。

白礬散 治陰腫堅痛。

白 礬 半兩 甘 草 半錢 大 黃 一兩

右爲末。水和。用棗大綿裹。內陰中。日兩換。以愈爲度。

### 附方

補中益氣湯 方見二十四卷第六論 龍膽瀉肝湯 方見二十四卷第八論

## 婦人陰癢方論第十七



婦人陰癢。爲三蟲在腸胃之間。因臟虛而蝕陰中。微則爲癢。甚則爲痛也。

愚按前症屬肝經所化。當用龍膽瀉肝湯。逍遙散以主其內。外以桃仁研膏。和雄黃末。或鷄肝納陰中。以制其蟲。

附治驗

一婦人胸膈不利。內熱作渴。飲食不甘。肢體倦怠。陰中悶癢。小便赤澀。此鬱怒傷脾。肝所致。用歸脾湯加山梔而愈。復因怒。患處并小腹脹痛。用小柴胡加山梔、芎歸、芍藥。痛止。用逍遙散加山梔而愈。又因勞役。患處腫脹。小便仍澀。用補中益氣加山梔、茯苓、丹皮而安。

一婦人陰內痛癢。不時出水。食少體倦。此肝脾氣虛。濕熱下注。用歸脾湯加丹皮、山梔、芍藥、柴胡、生草主之而安。

一婦人陰內痛癢。內熱倦怠。飲食少思。此肝脾鬱怒。元氣虧損。濕熱所致。用參、耆、歸、朮、陳皮、柴胡、炒梔、車前、升麻、芍藥、丹皮、茯苓而瘥。若陰中有蟲癢痛。亦屬肝木。以桃仁、雄黃研。納陰中以殺之。仍用清肝解鬱之藥。有以鷄肝納之者。乃取蟲之法也。

又方。搗新桃葉棉裹。納陰中。日三兩易。

龍膽瀉肝湯方見二十四卷第八論 逍遙散方見二十四卷第四論

### 婦人陰冷方論第十八

婦人陰冷。因勞傷子臟。風冷客之。用五加皮、乾薑、丹參、蛇床子、熟地黃、杜仲各三兩。鍾乳粉四兩。天門冬一兩。地骨皮二兩。酒十五斤。漬二宿。每服一盞。空心。食前飲之。

愚按。前症屬肝經內有濕熱。外乘風冷所致。若小便澀滯。或小腹痞痛。用龍膽瀉肝湯。若內熱寒熱。或經候不調。用加味逍遙散。若寒熱體倦。飲食少思。用加味四君子。若鬱怒發熱。少寐懶食。用加味歸脾湯。

#### 附治驗

一婦人陰中寒冷。小便黃濇。內熱寒熱。口苦脇脹。此因肝經濕熱。用龍膽湯祛利濕熱。用加味逍遙散調血氣而安。

一婦人所患同前。更寒熱嘔吐。兩股腫痛。先用小柴胡加山梔一劑。寒熱嘔吐頓

止。次用龍膽瀉肝湯一劑。腫痛頓消。

一婦人陰中寒冷。小便澄清。腹中亦冷。飲食少思。大便不實。下元虛寒。治以八味丸。月餘。飲食漸加。大便漸實。又月餘。諸症悉愈。

八味丸 治血弱不能榮養臟腑。津液枯澀。風寒客於子臟。以致陰冷。愚按。此丸果係肝脾腎虛。殊有神效。

附方

小柴胡湯方見二十四卷第二論 龍膽瀉肝湯方見二十四卷第八論 加味逍遙散  
加味歸脾湯二方見二十四卷第四論 加味四君子湯方見二十四卷第六論

婦人陰挺下脫方論第十九

婦人陰挺下脫。或因胞絡損傷。或因子臟虛冷。或因分娩用力所致。愚按。前症當升補元氣為主。若肝脾鬱結。氣虛下陷。用補中益氣湯。若肝火濕熱。小便瀯滯。用龍膽瀉肝湯。

附治驗



一婦人陰中突出如菌。四圍腫痛。小便頻數。內熱晡熱。似癢似痛。小便重墜。此肝脾鬱結。蓋肝火濕熱而腫痛。脾虛下陷而重墜也。先以補中益氣。加山梔、茯苓、車前子、青皮。以清肝火升脾氣。更以加味歸脾湯。調理脾鬱。外以生豬脂和藜蘆末。塗之而收。

一婦人陰中挺出五寸許。悶痛重墜。水出淋漓。小便瀦滯。夕與龍膽瀉肝湯。分利濕熱。朝與補中益氣湯。升補脾氣。諸症漸愈。再與歸脾湯。加山梔、茯苓、川芎、黃柏。間服調理而愈。後因勞役。或怒氣。下部濕癢。小水不利。仍用前藥即愈。又方。治前症。用麻子仁研塗頂中。自吸入即洗去。

### 附方

補中益氣湯 方見二十四卷第六論 龍膽瀉肝湯 方見二十四卷第八論 歸脾湯 加味歸脾湯 二方見二十四卷第四論

## 婦人陰中生瘡方論第二十一

竊謂前症乃七情鬱火。傷損肝脾。濕熱下注。其外症陰中出如蛇如菌。或如鷄



冠狀。或生蟲濕癢。或潰爛出水。或腫悶墜痛。其內症體倦內熱。經候不調。或飲食無味。晡熱發熱。或胸脇不利。小便痞脹。或赤白帶下。小水淋瀝。其治法腫痛者。四物湯加柴梔。丹皮。膽草。濕癢者。歸脾湯加柴梔。丹皮。淋瀝者。龍膽瀉肝湯。白朮。丹皮。潰腐者。逍遙散。山梔。川芎。腫悶墜痛者。補中益氣湯。山梔。丹皮。佐以外治之法。

一婦人潰腐膿水淋漓。腫痛寒熱。小便赤澀。內熱作渴。肢體倦怠。胸脇不利。飲食少思。余以爲肝脾虧損。用補中益氣。內柴胡。升麻各用一錢。加茯苓一錢。山梔二錢。數劑少愈。又與歸脾湯。加山梔。川芎。茯苓。三十餘劑。諸症悉退。惟內熱尙在。再與逍遙散。倍用山梔而愈。

一婦人素性急。陰內痛。小便赤澀。怒而益甚。或發熱。或寒熱。此肝經濕熱所致。用芎歸。炒梔。柴胡。苓朮。丹皮。澤瀉。炒芍。車前。炒連。生草。數劑漸愈。又去黃連。澤瀉。又數劑全愈。

附方

四物湯

補中益氣湯二方見六計逍遙散

歸脾湯二方見二十四卷第四論

龍膽瀉肝湯方見二十四卷第八論 小柴胡湯方見二十四卷第二論

### 婦人交接傷丈夫頭痛方第二十一

愚按、前症當用補中益氣、六味地黃。以滋化源為主。

來復丹 交接所傷。四肢沉重。頭痛昏暈。米飲下。

右每服五十丸。方見二十五卷第十論

#### 附方

補中益氣湯方見二十四卷第六論 六味丸方見二十四卷第十一論

### 女人交接輒痛出血方第二十二

一婦人每交接出血作痛。此肝火動脾而不能攝血。用補中益氣、濟生歸脾二湯而愈。若出血過多而見他症。但用前藥調補肝脾。

千金療交接血出。

桂心

伏龍肝各等分

爲末。酒服錢許。

附方

補中益氣湯方見二十四卷第六論 濟生歸脾湯方見二十四卷第四論

婦人交接他物所傷方第二十二

一婦人交接出血作痛。發熱口渴欲嘔。或用寒涼之藥。前症益甚。不時作嘔。飲食少思。形體日瘦。余曰。症屬肝火。而藥復傷脾所致也。先用六君加山梔、柴胡、脾胃健而諸症愈。又用加味逍遙散而形氣復。

一婦人陰腫下墜。悶痛出水。胸腹不利。小便頻數。內熱晡熱。口苦耳鳴。此肝脾火症。用小柴胡加車前、膽草、苓朮、升麻。一劑稍愈。又用加味逍遙加升麻。數劑漸愈。乃以加味歸脾加升麻、柴胡。并補中益氣加山梔。數劑頓愈。仍用加味逍遙、加味歸脾二藥調理全愈。

一婦人患前症熱痛。或用寒涼敗毒藥。飲食不入。時欲作嘔。小腹重墜。余謂此脾胃復損。元氣下陷。先用補中益氣加炮薑二劑。重墜漸愈。又加茯苓、半夏。二十

餘劑而愈。乃以歸脾湯。少加柴胡、升麻。并六味、地黃丸而康。  
又方。割鷄冠血塗之。以赤石脂末摻之。五倍子末亦良。

附方

六君子湯

補中益氣湯二方見二卷第六論加味逍遙散

加味歸脾湯

歸脾湯三方見二卷第四論六味丸方見二卷第十一論

婦人小戶嫁痛方第二十四

愚按、前症當從二十一論互相主治。

千金方療小戶嫁痛。

甘草

生薑各五分

白芍藥四分

桂心二分

右以酒二升。煎三四沸服。

又方。海螵蛸燒爲末。酒服方寸匕。日三服。

又方。小麥、甘草等分。煎湯洗甚效。



校註婦人良方 卷八 衆疾門 婦人小戶嫁痛方第二十四

五六

# 校註婦人良方

宋 臨川 陳自明良甫編輯  
明 古吳 薛己立齋補註  
鄞縣 曹赤電炳章圈校

## 卷九

求嗣門

疾病既無預知求嗣故以次之

### 陳無擇求子論第一

有夫婦。必有父子。婚姻之後。必求嗣續。故古人謂不孝有三。無後爲大者。言嗣續之至重也。凡欲求子。當先察夫婦有無勞傷痼疾。而依方調治。使內外和平。則有子矣。

愚按、丹溪先生云。人之育胎者。陽精之施也。陰血能攝之。精成其子。血成其胞。

胎孕乃成。今婦人無子者。率無不足以攝精也。血之少也。固非一端。然欲得子者。必須補其精血。使無虧欠。乃可以成胎孕。若泛用秦桂丸之劑。熏戕臟腑。血氣沸騰。禍不旋踵矣。竊謂婦人之不孕。亦有因六淫七情之邪。有傷衝任。或宿疾淹留。傳遺臟腑。或子宮虛冷。或氣旺血衰。或血中伏熱。又有脾胃虛損。不能營養衝任。審此。更當察其男子之形氣虛實何如。有腎虛精弱。不能融育成胎者。有稟賦微弱。氣血虛損者。有嗜慾無度。陰精衰憊者。各當求其源而治之。至於大要。則當審男女之尺脈。若左尺微細。或虛大無力者。用八味丸。左尺洪大。按之無力者。用六味丸。兩尺俱微細。或浮大者。用十補丸。又巢氏謂夫妻年命尅制。墳墓不利者。理或有之。若誤用辛熱燥血。不惟無益。反受其害。今以素不生育。病愈後而得子者。附於左。

附治驗餘見醫學綱目求嗣部

- 一 婦人月經淋瀝。愈而生子。見一卷月經不調
- 一 人患陽氣虛寒。愈而生子。見五卷冷勞第四症
- 一 婦人患結核。愈而生子。見一十四卷結核類第三症

一婦人稟弱。經行腹痛而生子。見一卷經行腹痛  
一婦人素虛弱。患鶴膝風。愈而生子。見二卷膝風  
一婦人患瘰癧。愈而生子。見二卷瘰癧第一症  
一婦人患蘭唇。愈而生子。見二卷瘰癧第一症

## 褚尚書求男論第二

建平孝王妃姬。皆麗無子。擇民家未笄女子入御。又無子。問曰。求男有道乎。澄對曰。合男女必當其年。男雖十六而精通。必三十而娶。女雖十四而天癸至。必二十而嫁。皆欲陰陽完實。然後交而孕。孕而育。育而子堅壯強壽。今未笄之女。天癸始至。已近男色。陰氣早洩。未完而傷。未實而動。是以交而不孕。孕而不育。而子脆之不壽。此王之所以無子也。然婦人有所產皆女子者。有所產皆男者。大王誠能訪求多男婦人至官府。有男之道也。王曰。善。未再期。生六男。夫老陽遇少陰。老陰遇少陽。亦有子之道也。

## 無子論第二



夫無子者。其因有三。一墳墓風水不利。二夫婦年命相尅。三夫婦疾病。墳墓不利。年命相尅。此非藥力可致。若夫婦疾病。必須藥餌。然婦人無子。或勞傷血氣。或月經閉澀。或崩漏帶下。右尺浮則爲陽絕。或尺微瀦。或少陰脈浮緊。或尺寸俱微弱者。皆致絕產。若調攝失宜。飲食失節。乘風襲冷。結於子臟。亦令無子也。

### 千金翼求子方論第四

論曰。夫婦之居幽閨。類多血氣不調。胎妊生產崩傷之異。比之男子。十倍難療。其或七情失宜。或飲食無度。或胎瘡未愈而遽合。或登廁風入陰戶。便成痼疾。若欲求子。交感之時。必天日清明。神思清爽。氣血諧和。與天德福德相合。夫婦本命五行相生。并本命帝旺而生者。則壽而賢。否則不可得也。

### 交會禁忌第五

凡求子宜吉。良日交會。當忌丙丁及弦望晦朔。大風雨霧寒暑。雷電霹靂。天地昏冥。日月無光。虹蜺地動。日月薄蝕。及日月火光。星辰神廟。并竈園廁。塚墓死柩之

傍。若交會受胎。多損父母。生子殘疾夭枉。愚頑不孝。若父母如法。則生子福德智慧。驗如影響。可不慎哉。

### 男子受胎時日法第六

凡男子受胎。皆以婦人經絕。一日三日五日爲男。仍遇月宿在貴宿日。若以經絕後二日四日六日瀉精者皆女。過六日皆不成胎。又遇旺相日尤吉。半夜入房生子者。賢明貴壽。餘時皆凶。

### 推支干旺相日法第七

春甲乙。夏丙丁。秋庚辛。冬壬癸。春寅卯。夏巳午。秋申酉。冬亥子。

### 推每月宿日第八

正月 初一、初六、初九、初十、十一、十二、十四、二十、二十一、二十四日。  
二月 初四、初七、初八、初九、初十、十二、十四、十九、二十二、二十七。

三月 初一、初六、初七、初八、初十、十七、二十、二十五日。

四月 初三、初四、初五、初六、初八、初十、十五、十八、二十二、二十八日。

五月 初一、初二、初三、初四、初五、初六、初十、十二、十三、十五、十六、二十、二十五、二十八、二十九、三十日。

十八、二十九、三十日。

六月 初一、初三、初十、十三、十八、二十二、二十六、二十七、二十八、二十九日。

七月 初一、十一、十六、二十一、二十四、二十五、二十六、二十七、二十九日。

八月 初五、初八、十三、十八、二十一、二十二、二十三、二十四、二十五、二十六日。

九月 初三、初六、十一、十六、十七、二十、二十一、二十二、二十四日。

十月 初一、初四、初九、十四、十七、十八、十九、二十二、二十九日。

十一月 初一、初六、十一、十四、十五、十六、十七、十九、二十六、二十九日。

十二月 初四、初九、十二、十三、十四、十五、十七、二十四、二十七、二十九日。

若春合甲寅、乙卯、夏合丙午、丁巳、秋合庚申、辛酉、冬合壬子、癸亥。與上月宿日合者佳。

# 求子服藥須知第九

論曰。夫人求子服藥。須知次第。男服七子散。女服盪胞湯。紫石英門冬丸。及坐導藥。則無不效矣。

七子散 主丈夫氣虛。精氣衰少無子。

牡荊子

五味子

兔絲子

車前子

荇蕒子

山藥

石斛

熟地黃

杜仲

鹿茸

遠志

附子

蛇床子

川芎

山茱萸

天雄

桂心

白茯苓

牛膝

人參

黃耆

巴戟

菴蓉

鍾乳粉

右爲末。每服錢許。日二服。酒調。

一方加覆盆子二錢。

慶雲散 主丈夫陽氣不足。不能施化。

覆盆子

五味子

兔絲子

白朮

石斛

麥門冬

天雄

紫石英

桑寄生



右爲末。食後。酒服錢許。日三服。或米飲調冷。去桑寄生。加細辛四兩。陽事少。去石斛。加檳榔十五箇。

盪胞湯 治婦人全不產育。

朴硝 牡丹皮

當歸

大黃飯蒸久

桃仁各三兩

細辛

厚朴

苦梗

赤芍藥

人參

茯苓

桂心

甘草

牛膝

陳皮各二兩

附子炮半兩

蟲翅足焦去

水蛭炒各十枚

坐導藥 治婦人全不產及斷續。更服盪胞湯。

皂角去一兩

吳茱萸

當歸

大黃

晉礬枯

戎鹽

川椒各二兩

五味子

細辛

乾薑各三兩

一方無茱萸。有葶藶。苦匏各三分。

右爲末。以絹袋盛。如指狀。入陰中。如欲小便去之。一日仍易之。如子宮有冷水。

天陰則痛。須候下盡而止藥。每日早晚。用苦菜煎湯熏洗。着藥後一日。服紫石英丸。

### 紫石英丸

紫石英

天門冬各二兩

紫葳

牡蒙各二兩

粉草半兩

桂心

川芎

卷柏

烏頭炮

熟地黄乾

辛夷仁

禹餘糧碎服醋

當歸

石斛各三兩

烏賊骨

牛膝

薯蕷各六分

桑寄生

人參

牡丹皮

乾薑

厚朴

續斷

食茱萸

細辛各五分

柏子仁一兩

右爲末。蜜丸。桐子大。每服二十丸。溫酒下。

續嗣降生丹 治婦人五臟虛損。子宮寒冷。不能成孕。

當歸

桂心

龍齒

烏藥

益智

杜仲

石菖蒲

吳茱萸各半兩

扶神

牛膝

秦艽

細辛

桔梗

半夏

防風

白芍藥

乾薑

附子

川椒

牡蠣

子砂

椒焙

右爲末。用糯米糊丸。桐子大。每服三十丸。至百丸。空心。淡醋溫酒、鹽湯任下。日

二服。及治男子精寒不固。陽事衰弱。白濁夢泄。婦人寒熱。諸虛百損。盜汗氣短。

預服此藥者。無不感應。

愚按前五方多慄悍之味。治當審察病因。不可輕用。秦桂養真。白薇、茱萸、地黃、

紫石英、陽起石、暖宮濟陰丹。湯藥數方。尤爲慄悍。不可輕服。未敢悉錄。

竇禹鈞夜夢其亡祖父謂之曰。汝緣無子。又且不壽。宜修善行。自是佩服乃訓。復

夢祖父謂曰。汝名掛天曹。以有陰德。特延算三紀。勅錫五子。悉皆榮顯。

張慶司獄。惟務方便。年五十。始生子亨。有一道人。丐於門。謂慶曰。汝本無嗣。今聞

嬰兒聲。非若子乎。慶曰。偶得一子。道人曰。信乎。陰德未易量。爾之積累善事。非一

朝一夕。今不但有嗣。又喜子孫文學之貴。宜善保之。後果如其言。



馮商。其妻每勸置妾。商娶一女。已成。聞其父因官綱運欠折。鬻女以償之。商惻然。不忍犯。更益以資裝。送還其父。明年生馮京。後登狀元。馬默未有嗣。知登州日。奏活沙門島罪人。不致枉死。一日。夢中見身便挾一男女。乘空來其前。呼曰。爾本無嗣。以活人數多。上帝特賜男女各一。言訖不見。果如其言。

時邦美之父。老而無子。置一妾。對暗空悲泣。問之。乃曰。父卒於官。鬻妾欲辦喪耳。時遂攜金偕往其家。殯葬而歸。未幾。生邦美。後舉進士。官至吏部。

袁韶父爲郡吏。年五旬。置一妾。乃宦家女也。父歿家貧。鬻而歸葬。袁知其故。卽送還。更以囊資益之。明年生韶。旣長。爲參知政事。

馮涓之父無子。置一妾。聞其父喪。官所無力歸葬。故鬻此女。卽日訪其母而歸之。且厚資助。夜夢一羽衣曰。天賜爾子。慶流涓涓。明年生一子。因名曰涓。旣長。及第。人之無嗣。或因丈夫陽氣之不足。不能施化。或因婦人陰血衰憊。百疾攻之。以致然也。故先賢立方垂訓。以啓後人。或者用計百端。妾媵無數。及皓首終身。不能如其意者。是皆心行有虧。非命也。苟能革心之非。所行向善。積德累功。施恩布惠。則



上天之報施。自然慶流後裔。此溫隱居求嗣篇所由作也。予嘗讀聖朝爲善陰隲書。因覽寶禹鈞等數人所履。皆言此事。歷歷可鑑。謹錄附贅於此。以爲求嗣者勸戒之一助云爾。

溫隱居求嗣保生篇第十

昔東京焦公。三世無嫡嗣。爲商旅。遊翫名山。尋訪至人。問其因。至京都。遇一老僧。聲清而神明。談論甚異。焦怪而問之曰。貧家三世無嫡嗣。奈何。僧曰。無嗣者有三。一祖宗無德。自身無行。二夫妻年命。恐犯禁忌。三精神不守。妻妾血寒。焦公曰。血寒有何法術。願聞一言。僧曰。先修德。後修身。三年之後。到臺山。當授異方。說畢。忽不見。焦一遵其言。後赴五臺。見一行童。手持一書。言曰。老師傳語大夫。功成行滿。賜方藥名續嗣降生丹。依方服之。當生富貴之子。焦員外子生子不肖。亦赴五臺。見行童曰。老師昨日見員外。何必來問我。但依爾父所行。愚者自賢。焦曰。愚豈能賢乎。行童曰。昔寶氏五子。皆不全形。後行恩布德。悉登科第。焦氏拜謝而歸。奉行雕板。印施方書。不及二十年。子孫數人皆貴顯。後人收得此行狀及方。受持行用。

求藥者獲其子孫。皆有德行。余躬受此方。不敢緘默。併錄篇論。以告諸賢。庶不致異方湮沒耳。

正統間。合肥人羅誠。年六十無子。因連坐謫保安州爲民。將至居庸。解者逃回。羅赴關自告。或者曰。放流絕域。人所不堪。今解者既去。君可無往也。羅曰。吾罪本爲人所累。使予歸。復以此累人。吾不忍也。且國皇法不可輕遁。遂至州。夜有二盜。疑其有所攜。乃穿穴以取之。其妻覺。預置沸湯。俟其入。則沃之。既穴。二人將入。羅起諭之。乃去。次日羅至市。忽有二人俯伏道旁。羅問之。乃夜穿穴者也。二人曰。吾輩相戲。幾被傷殞。賴公曉諭。二命得生。公所賜也。後羅凡出外。二人必爲之守護。未幾。羅妻卒。妾生一子。任延安守。一女適隆慶衛指揮使王欽。

禮部尙書沈立齋云。有二老。一有子而富。一無子而貧。居址相隣。因居高岡。其上塋墓。二老欲掘墓開窰以取利。貧者以告其妻。妻曰。岡後有墓。開以爲窰。不惟燒損地脈。壞人風水。且近墳穴。不可爲也。遂已之。富者開岡。見尸則焚之。後見骸骨甚多。悉棄於水。因致巨富。乃起岑樓。以蓄財物。每夜翁之眷屬。皆居於上。去其梯。以示賊不能犯。不意賊有劉六者。卒然晝至。家屬不及登樓者。則投井而死。其



登樓者。被焚而死。人以爲焚尸於火。棄尸於水之報也。其貧者後致巨富。生一子。益其家業云。

弘治間。京師有黃剛者。因無子。每歲夏秋。修合痢疾藥施之。忽鄰里於靜夜。聞人言黃公積善久矣。送以一嗣。後果有子。

弘治間。有張某。自太醫院恩生仕至縣尹。老而無子。在縣篤於惜民。已而陞爲郡守。民深感其惠。在郡生子。亦德政之所致也。

正德間。夏誠字純夫。吳江縣人。錦衣衛籍。中順天府鄉試。任武城縣尹。愛民甚篤。因忤上司。遂歸老於家。舊民到京者。懷其德惠。憐其清苦。莫不以財帛助之。垂老得子。後有繼其政者。甚豐斂。縣民於中途劫之。子女皆被其害。

黃善貧而無子。傭工爲業。富民倪五。命其開窖取土。因鋤土見尸棺。以舊土掩之。乃從遠地擔土而歸。後倪貧而黃富。亦開窖。倪亦傭工於黃家。黃甚惜之。與之共食。倪因患時瘡。爲人憎。遂投水而死。黃聞之。遂收其尸而殯之。遂有子。且繼其富。作善降祥。信不誣矣。竊聞之書曰。惠迪吉。從逆凶。惟影響。又曰。作善降祥。作惡降殃。子之有無。自王室至於庶民。亦在乎陰德。而豈可專泥於藥哉。

校註婦人良方

宋 臨川 陳自明良甫編輯  
明 古吳 薛己立齋補註

鄞縣 曹赤電炳章圈校

卷十

胎教門 胎前已明類知

妊娠總論第一

巢氏病源論。妊娠一月。名胎胚。足厥陰脈養之。二月名始膏。足少陽脈養之。三月名始胎。手心主脈養之。當此之時。血不流行。形象始化。未有定儀。因感而變。欲子端正莊嚴。常口談正言。身行正事。欲生男。宜佩弦。執弓矢。欲生女。宜佩韋。施環珮。欲子美好。宜佩白玉。欲子賢能。宜看詩書。是謂外象而內感者也。四月始受水精。



以成其血脈。手少陽脈養之。五月始受火精。以成其氣。足太陰脈養之。六月始受金精。以成其筋。足陽明脈養之。七月始受木精。以成其骨。手太陰脈養之。八月始受土精。以成膚革。手陽明脈養之。九月始受石精。以成毛髮。足少陰脈養之。十月五臟六腑。關節人神皆備。此其大略也。又五臟論有稱耆婆者。論一月如珠露。二月如桃花。三月男女分。四月形象具。五月筋骨成。六月毛髮生。七月遊其魂。兒能動左手。八月遊其魄。兒能動右手。九月三動身。十月受氣足。更有顧願經云。一月爲胎胞精血凝也。二月爲胎形成胚也。三月陽神爲三魂。四月陰靈爲七魄。五月五行分五臟也。六月六律定六腑也。七月精開竅通光明也。八月元神具降真靈也。九月宮室羅布。以定生人也。十月受氣足。萬象成也。今推究數說。五臟論者。類皆淺鄙。妄託其名。至於三藏佛書。且涉怪誕。漫不可考。今按顧願經三卷云。中古巫方所撰。其巢氏論妊娠。至三月始胎之時。欲談正言行正事。佩弦韋執弓矢。施環佩。佩白玉。讀詩書之類。豈非胎教之理乎。嘗試推巢氏所論云。妊娠脈養之理。足厥陰肝脈也。足少陽膽脈也。爲一臟腑之經。餘皆如此。且四時之令。必始於春。木故十二經之養。始於肝。所以養胎在一月。二月手心主。心胞絡脈也。手少陽三

焦脈也。屬火而夏旺。所以養胎在三月四月。手少陰。乃心脈也。以君主之官。無爲而尊也。足太陰脾脈也。足陽明胃脈也。屬土而旺長夏。所以養胎在五月六月。手太陰肺脈也。手陽明大腸脈也。屬金而旺秋。所以養胎在七月八月。足少陰腎脈也。屬水而旺冬。所以養胎在九月。又况母之腎臟繫於胎。是母之真氣。子之所賴也。至十月。兒於母腹之中。受足諸臟氣脈所養。然後待時而生。此論奧微而有至理。世更有明之者。亦未有過於巢氏之論矣。余因述其說。

### 受形論第一

巢氏論曰。陽施陰化。精氣有餘。兩胎有俱男俱女者。道藏經云。婦人月信止後。一日三日五日。值男女旺相日。陽日陽時交合。有孕多男。若男女稟受皆壯。則男子。一或怯弱。則少子。顧類經云。陽盛發陰。當孕成男。六脈諸經。皆舉其陰。又云。三陽所會則生男。三陰所會則生女。葛仙翁肘後方云。男從父氣。女從母氣。聖濟經云。天之德。地之氣。陰陽之至和。薄於一體。因氣而左動則屬陽。陽資之則成男。因氣而右動則屬陰。陰資之則成女。易稱乾道成男。坤道成女。此男女之別也。凡妊娠。



有疾。投以湯藥。衰其太半而已。使病去母安。胎亦無損矣。

愚按東垣丹溪云。經水斷後一二日。血海始淨。精勝其血。感者成男。四五日後。血脈已旺。精不勝血。感者成女。蓋父精母血。因感而會。精之施也。血能攝精。故成子。此萬物始資於乾元也。血之行也。精不能攝。故成女。此萬物資生於坤元也。陰陽交媾。胚胎始凝。所藏之處。名曰子宮。一系在下。上有兩歧。一達於左。一達於右。精勝其血。則陽爲之主。受氣於左子宮。而男形成。精不勝血。則陰爲之主。受氣於右子宮。而女形成。此二先生之確論也。若夫妊娠藥餌宜禁。當參本門考之。

### 受形篇第三

褚氏云。男女之合。二精交暢。陰血先至。陽精後衝。血開裏精。精入爲骨。而男形成矣。陽精先入。陰血後參。精開裏血。血入爲本。而女形成矣。陽氣聚面。故男子面重。溺死者必伏。陰氣聚背。故女子背重。溺死者必仰。走獸溺死。仰伏皆然。陰陽均至。非男非女之身。精血散分。駢胎品胎之兆。父少母老。產女必羸。母壯父衰。生男必

弱。古之良工。首察乎此。氣受偏瘁。與之補之。補羸女則養血壯脾。補弱男則壯脾節色。羸女宜及時而嫁。弱男宜待壯而婚。此疾外所務之本。不可不察。

#### 論胎教第四 馬益卿先生

論曰。胎教產圖之書。不可謂之迂而不加信。然亦不可狎犯之。方今俚俗之家。與不正之屬。將息避忌。略不如儀。或藥毒不消。或產於風露。無產厄而子母均安者。亦倖有之。若保胎之法。須多方豫養。方無後患。如隣家有所興修。亦或犯其胎氣。令兒破形殞命。如刀犯者形必傷。泥犯者竅必塞。打擊者色青黯。繫縛者相拘攣。如此等驗。有如指掌。不可不慎也。

#### 孕元立本章第五

有太初。有太始。混沌一判。既見氣矣。故曰太初。既立形矣。故曰太始。氣初形始。天地相因。生生化化。品物彰矣。故曰大哉乾元。萬物資始。至哉坤元。萬物資生。吳昶註云。混沌未化。則氣形俱泯。混沌既判。則氣形已分。既見氣矣。是爲太初。



既立形矣。是爲太始。太初者。凡有氣之所本。故天得之以統元氣。太始者。凡有形之所本。故地得之以統元形。天地交泰。相因爲氣形。生生者得所以生化。化者得所以化。品物流行。而形色名聲彰矣。大哉乾元。太初之所寓也。故以萬物之資始爲言。至哉坤元。太始之所寓也。故以萬物資生爲言。惟萬物資始資生於乾坤。故乾元則兆象至坤元。然後形無不成。

有生之初。雖陽予之正育而充之。必陰爲之主。

薛左丞註陰陽離合論曰。天覆地載。萬物方生。未出地者。命曰陰處。名曰陰中之陰。出地者。命曰陰中之陽。陽予之正。陰爲之主。王冰謂陽施正氣。萬物方生。陰爲之主。羣形乃立。字說始而生之者。天地也。育而充之者。人也。

因形移易。日改月化。坤道之代終也。

列子周穆篇尹文先生曰。因形移易。謂之化。莊子曰。予方篇混元曰。消息盈虛。一晦一明。日改月化。曰有所爲。而莫見其功。易坤卦文言曰。地道無成而代有終也。地之承天。其無成而有終也。豈迫於不得已耶。蓋道之所在。萬物失之則死。得之則生。有生之類。聽命於此。故無成而代有終者。以道言之也。

謂之妊。陽既受始。陰壬之也。壬子謂之妊。字說。

壬一陽也。二陰也。陽既受始。陰壬之而謂之妊。解曰。壬。陽水之子也。位在亥子之間。陰至亥極矣。陽復受胎而謂之妊。於壬至子然後生。

謂之胞。已爲正陽。陰包之也。

已。正陽也。而陰能包之。陰與陽更用事故也。已者孟夏之月。於卦爲乾。純陽用事故。詩謂之正月。正月者。正陽之月也。陰方用事。而爲物之主。則雖正陽。亦在所包而退聽焉。

謂之坯。未成爲器。猶云坯也。

說文。瓦未燒者謂之坯。胚。婦孕一月也。字說。坯未成爲器。猶坯也。謂之胎。既食於母。爲口以也。

說文。胎。婦孕二月也。字說。元胎既食於母。爲口以焉。

若娠則以時動也。

字說。女娠以時動。

若懷則以身依之也。

字說。心所懷。則身依焉。目隸焉。

天之德。地之氣。陰陽之至和。相與流薄於一體。

靈樞經曰。天之在我者德。地之在我者氣。德流氣薄而生者也。

唯能順時數。謹人事。勿動而傷。則育之道得矣。

自一月積之。至於十月。所謂時數也。保衛輔翼。防閑忌慎。適其宜。所謂人事也。觀四序之運。生長收藏。代出萬物。儀則咸備。而天地之氣。未始或虧者。蓋陰陽相養以相濟也。

陰陽離合論曰。天覆地載。萬物方生。陽予之正。陰爲之主。故因春生。因夏長。因秋收。因冬藏。失常則天地四塞。莊子天地篇曰。流動而生物。物生成理。謂之形。形體保神。各有儀則。謂之性者。曾不知此。乃欲拂自然之理。謬爲求息之術。方且推生死於五行。斬補養於藥石。以僞勝真。以人助天。雖或有子。孕而不育。育而不壽者衆矣。昔人論年老有子者。男不過盡八八。女不過盡七七。則知氣血在人。固自有量。夫豈能逃陰陽之至數哉。

天真論帝曰。有其年已老而有子者何也。岐伯曰。此其天壽過度。氣脈常通。而腎



氣有餘也。此雖有子。男不過盡八八。女不過盡七七。而天地之精氣皆竭矣。註雖老而生子。子壽亦不能過天癸之數。

### 凝形殊稟章第六

天地者。形之大也。陰陽者。氣之大也。惟形與氣相資而立。未始偏廢。

莊子則陽篇太公調曰。天地者。形之大者也。陰陽者。氣之大者也。氣以形載。形以氣充。惟氣與形兩者相待。故曰相資而立。未始偏廢。

男女媾精。萬物化生。天地陰陽之形氣寓焉。

繫辭曰。天地絪縕。萬物化醇。男女媾精。萬物化生。

語七八之數。七少陽也。八少陰也。相感而流通。故女子二七天癸至。男子而精通。則以陰陽交合而兆始故也。

岐伯曰。女子二七而天癸至。任脈通。衝脈盛。月事以時下。故能有子。男子二八腎氣盛。精氣溢瀉。陰陽和。故能有子。傳曰。女子十四有為人母之道。四十九絕生育之理。男子十六有為人父之道。六十四絕陽化之理。



語九十之數。九老陽也。十老陰也。相包而賦形。故陰窮於十。男能圍之。陽窮於九。女能方之。則以陰陽相生而成終故也。

字說。陰窮於十。圍之者男。陽窮於九。方之者女。九有變也。女足以方之。十無變也。男足以圍之。解曰。男有室。所以圍陰於外。女有家。所以方陽於內。易曰。婦人之吉。從一而終也。夫子制義。從婦凶也。圍。圓也。君道也。夫道也。圓則可以制義而行。方。仁也。臣道也。方則從一而已。男從圍與規。從夫同意。女從仁與臣。從仁同意。

元氣孕毓。皆始於子。自子推之。男左旋。積歲三十而至巳。女右旋。積歲二十而至巳。巳爲正陽。陰實從之。自巳懷壬。男左旋。十月而生於寅。女右旋。十月而生於申。申爲三陰。寅爲三陽。而生育之時著矣。其稟賦也。體有剛柔。脈有強弱。氣有多寡。血有盛衰。皆一定而不易也。

十九難曰。男生於寅。寅爲木。陽也。女子生於申。申爲金。陰也。楊氏註云。元氣起於子。人之所生也。男從子。左行三十。女從子。右行二十。俱至於巳。爲夫婦懷妊也。古者男子三十。女年二十。然後行嫁娶。十月而生者。男從巳左行。至寅爲十。

月。故男行年起於丙寅。女從巳。有行至申爲十月。故女行年起於壬申。

以至分野異域。則所產有多寡之宜。吉事有祥。則所夢各應其類。是故荆楊薄壤多女。雍冀厚壤多男。熊羆爲男子之祥。蛇虺爲女子之祥。是皆理之可推也。

周官職方也。揚州其民三男五女。荊州其民一男二女。雍州其民三男二女。冀州其民五男三女。詩斯千篇名。吉夢維何。維熊維羆。維虺維蛇。大人占之。維熊維羆。男子之祥。維虺維蛇。女子之祥。

胎化之法。有所謂轉女爲男者。亦皆理之有。然如食牡雞。取陽精之全於天產者。帶雄。取陽精之全於地產者。

千金方轉女爲男。丹參丸。用東門上雄雞頭。又方。取雄黃一兩。絡囊盛帶之。本草丹雄雞。補虛溫中。通神攻毒。其肝補腎。其冠血益陽。雄黃人佩之。鬼神不能近。毒物不能傷。

操弓矢。藉斧斤。取剛物之見於人事者。氣類潛通。造化密移。必於三月兆形之先。蓋方儀則未具。陽可以勝陰。變女爲男。理固然也。

巢氏論云。妊娠三月。始胎形象始化。未有定儀。見物而變。欲得男者。操弓矢。食

雄雞。

### 氣質生成章第七

具天地之性。集萬物之靈。陰陽平均。氣質完備。咸其自爾。然而奇耦異數。有衍有耗。剛柔異用。或強或羸。血榮氣衛。不能逃於消息盈虛之理。則稟質之初。詎可一概論耶。是以附贅垂疣。駢拇枝指。侏儒跛癈。形氣所賦者有如此者。瘡瘍癰腫。聾盲瘖瘂。瘦瘠疲癯。氣形之病有如此者。然則胚胎造化之始。精遺氣變之後。保衛輔翼。固有道矣。

孝經云。天地之性。人爲貴。書秦誓曰。惟人萬物之靈。天有五氣。各有所湊。地有五味。各有所入。所湊有節。適所入有度量。凡所畏忌。悉知戒慎。資物爲養者。理固然也。故寢興以時。出處以節。

六節藏象論曰。天食人以五氣。地食人以五味。王冰云。天以五氣食人者。臊氣湊肝。焦氣湊心。香氣湊脾。腥氣湊肺。腐氣湊腎。地以五味食人者。酸味入肝。苦味入心。甘味入脾。辛味入肺。鹹味入腎也。



可以高明。可以周密。使霧露濕邪。不得投間而入。因時爲養者。理宜然也。故必調喜怒。寡嗜慾。

禮記月令。仲夏之月。可以居高明。可以處臺榭。脈要精微論云。冬日在骨。蟄蟲周密。君子居室。夏則順陽。在上。故可以高明。冬則順陽。氣之伏藏。故可以周密。作勞不妄。而氣血從之。皆所以保攝妊娠。使諸邪不得干焉。

天真論岐伯曰。上古之人。其知道者。不妄作勞。故能形與神俱。而盡終其天年。通天論曰。聖人陳陰陽。筋脈和同。骨體堅固。氣血皆從。苟爲不然。方授受之時。一失調養。則內不足以爲中之守。外不足以爲身之強。氣形弗克。而疾疚因之。

脈要曰。五臟者。中之守也。得守者生。失守者死。又曰。五臟者。身之強也。得強則生。失強則死。

若食兔唇缺。食犬無聲。食雜魚而生瘡癬之屬。皆以食物不戒之過也。

孫真人養胎法云。妊娠食兔肉。令子缺唇。食犬肉。令子無音聲。食乾鯉魚。令子患瘡癬。異法方論云。食之使人熱中。註云。魚發瘡。



心氣大驚而癩疾。

奇病論。帝曰。人生而病癩疾者何。岐伯曰。名爲胎病。此得之在腹中時。其母有所大驚。氣上不下。精氣并居。故令子發爲癩疾也。

腎氣不足而解顱

巢氏云。解顱者。言小兒年雖長。而顱門不合。頭縫開解。是皆由腎氣不成故也。腎主骨髓。而腦爲髓海。腎氣不成。則腦髓不足。不能成。故頭顱開解。

脾胃不和而羸瘦。

巢氏曰。夫羸瘦不生肌膚。皆爲脾胃不和。不能飲食。故血氣衰微。不能榮於肌膚也。凡小兒在胎而遇寒。或生而伏熱。皆令兒不能食。故羸瘦也。

心氣虛乏而神不足。皆由氣血不調之故也。誠能推而達之。使邪氣無所乘。茲乃生育相待而成者。

病源云。肺主氣。心主脈。而血氣通矣。臟腑循行經絡。產則血氣傷損。臟腑不足。而心統領諸臟。使其勞傷不足。則令驚悸恍惚。是心氣虛也。故曰。天不人不因人。

法言云。天不人。不因人。不天不成。

### 轉女爲男法第八

一婦人懷娠未滿三月。男女未定。形象未成。故藥餌方術。可以轉令生男者。理或有之。其法以斧置妊娠床下。繫刃向下。勿令人知。恐勿信。試令雞抱卵時。依此置窠下。一窠盡出雄者。又自初覺有娠。取弓弩弦縛婦人腰下。滿百日去之。此紫官玉女秘法也。又妊娠三月已前。以雄鷄尾尖上長毛三莖。潛安婦人臥席下。又取夫髮及手足甲。潛安臥席下。俱勿令知之。又妊娠纔滿三月。要男者以雄黃半兩。衣中帶之。要女者以雌黃帶之。以上諸法。試之良有驗也。

校註婦人良方 卷十 胎教門 轉女爲男法第八

一六

# 校註婦人良方

宋 臨川 陳自明良甫編輯  
明 古吳 薛己立齋補註  
鄞縣 曹赤電炳章圈校

## 卷十一

### 候胎門

#### 脈例第一

王子亨云。若妊娠。其脈三部俱滑大而疾。在左則男。在右則女。經云。陰搏陽別。謂之有子。搏者近也。陰脈逼近於下。陽脈則出於上。陽中見陽。乃知陽施陰化。法當有子。又少陰脈動甚者。妊子也。手少陰屬心。足少陰屬腎。心主血。腎主精。精血交會。投識於其間。則有娠。又三部脈浮沉正等。無病者。有妊也。餘病如脈經說。左手



尺脈浮洪者。爲男胎也。右手尺部浮洪者。爲女胎也。兩手尺部俱洪者。爲兩男。俱沉實者。爲兩女。又云中指一跳一止者。一月胎。二跳二止者。二月胎也。

診婦人有妊歌第二

肝爲血。今肺爲氣。血爲榮。今氣爲衛。陰陽配偶不參差。兩藏通和皆類例。血衰氣旺定無妊。血旺氣衰應有體。

肝藏血。爲榮屬陰。肺主氣。爲衛屬陽。陰陽配偶者。是夫婦匹配。偶合媾精。乃有子也。若血少氣盛。則無娠孕。若血盛氣少。則有孕也。

寸微關滑尺帶數。流利往來并雀啄。小兒之脈已見形。數月懷就猶未覺。

寸脈微。關脈滑。尺脈帶數。及流利雀啄。皆是經脈閉塞不行成胎。已上之脈。皆是血多氣少之脈。是懷小兒之脈。已見形狀也。

左疾爲男。右爲女。流利相通速來去。兩手關脈大相應。已形亦在前通語。

左手脈疾爲懷男。右手脈疾爲懷女。及兩脈流行。滑利相通。疾速來去。是或兩手關脈洪大相應。是其胎已有形狀也。

左脈帶縱兩個男。

縱者。夫行乘妻。水行乘火。金行乘木。卽鬼賊脈也。名曰縱。見在左手。則懷兩個男兒也。

右手帶橫一雙女。

橫者。妻乘夫也。是火行乘水。木行乘金。卽所勝脈也。名曰橫。見於右手。則懷一雙女兒也。

左手脈逆生三男。

逆者。子乘母也。是水行乘金。火行乘木。卽已生脈也。名曰逆。見於左手。則懷三箇男兒也。

右手脈順還三女。

順者。母乘子也。是金行乘水。木行乘火。卽生已之脈也。名曰順。見於右手。則懷三箇女兒也。

寸關尺部皆相應。一男一女分形證。

寸關尺部。脈大小遲疾相應者。是懷一男一女形證之脈也。謂關前爲陽。關後

爲陰。陰陽脈相應。故懷一男一女也。

有時子死母身存。或即母亡存子命。

此二句之文。是辨子母存亡之法。

往來三部通流利。滑數相參皆替替。陽實陰虛脈得明。遍滿胸膛皆逆氣。

若寸關尺三部通行流利。皆替替有力而滑數。皆是陽實陰虛之脈。主妊婦逆氣遍滿胸膛而不順也。

左手太陽浮大男。

左手寸口爲太陽。其脈浮大。則是懷男子。

右手太陰沉細女。

右手寸口爲太陰。其脈沉細。是懷女脈也。

諸陽爲男。諸陰女。指下分明長記取。

諸陽脈皆爲男。即爲大疾數滑實之類也。當懷男子。諸陰脈三。即沉細之類是也。當懷女子。

三部沉正等無絕。尺內不止真胎婦。



寸關尺三部脈沉浮正真齊等。舉按無絕斷。及尺內舉按不止住者。真的懷胎婦也。

夫乘妻兮縱氣霧。

經云。縱者。夫乘妻也。水行乘火。金行乘木。卽鬼賊脈也。縱氣霧。霧者露也。又上下也。謂夫之陽氣乘妻之陰氣。二氣上下相逐。如霧潤結子也。

妻乘夫兮橫氣助。

橫者。妻乘夫也。見前註。謂兩傍橫氣相佐助也。

子乘母兮逆氣參。

逆者。子乘母也。謂子氣犯母氣。相乘逆行之氣相參合也。

母乘子兮順氣護。

是母氣乘於子氣爲順。氣相護衛也。凡胎聚縱橫逆順四氣以榮養。方以成形也。

小兒日足胎成聚。身熱脈亂無所苦。

婦人懷小兒五箇月。是以數足。胎成就而結聚也。必母身體壯熱。當見脈息躁

亂。非病苦之症。謂五月胎已成。受火精以成氣。故身熱脈亂。是無病也。

汗中不食吐逆時。精神結備其中住。

謂妊胎受五行精氣以成形。稟二經以榮其母。懷妊至五月。其胎雖成。其氣未備。故胎氣未安。上衝心胸。則汗出不食吐逆。名曰惡阻。俗呼選飯。唯思酸辛之味。以調胎氣也。

滑疾不散三月胎。

妊娠三月名始胎。此是未有定儀。心胞脈養之。故脈見滑疾流利。為少氣多血。不散為血氣盛。則始結為胎也。

但疾不散五月母。

其脈但疾數而不散者。是五箇月懷胎之母也。

弦緊牢強滑利安。沉細而微歸泉路。

孕婦之脈。宜弦緊牢強滑利。為安吉之脈。若沉細而微。謂脈與形不相應。故云死也。前文雖云太陰沉細。又云諸陰為女。其說似有相違。謂三部脈皆不沉細及微。故不同也。

愚按前論與脈訣所云不同。觀者當自推之。

### 驗胎法第三

婦人經脈不行。已經三月。欲驗有胎。川芎生爲末。空心濃煎。艾湯調下二錢。腹內微動。則有胎也。

### 胎殺避忌產前將護法第四

一受孕之後。切宜避忌胎殺所遊。如經云。刀犯者形必傷。泥犯者竅必塞。打擊者色青黯。繫縛者相拘攣。甚至母殞。禍如反掌。

#### 月遊胎殺

立春在房床。

驚蟄在戶。單扇

清明在門。雙扇

立夏在竈。

芒種在母身。

小暑在竈。

立秋在碓。按經本云在正北方子云

白露在廚前。

寒露在門。

立冬在戶及廚。

大雪在爐及竈。

小寒在房母身。



十干日遊胎殺

甲巳日占門。  
乙庚日占碓磨。  
丙辛日占井竈。  
丁壬日占廚解。  
戊癸日占米倉。

十二支日遊胎殺

子丑日占中堂。  
寅卯辰酉日占竈。  
巳午日占門。  
未申日占籬下。  
戌亥日占房。

六甲旬遊胎殺

甲子旬遊窗碓。  
甲戌旬遊正廳。  
甲申旬遊中庭。  
甲午旬遊房內。  
甲辰旬遊房中。  
甲寅旬遊□□。

太史局日遊胎殺

每遇癸巳、甲午、乙未、丙申、丁酉五日。在房內北。庚子、辛丑、壬寅三日。在房內南。  
癸卯一日。在房內西。  
甲辰、乙巳、丙午、丁未四日。在房內東。  
六戌六巳日。在房內中。  
餘日在外無占。

凡遊在房內。不宜於方位上安床帳及掃舍。皆凶。又有小兒殺及本年三殺。及產母身黃定命。皆不可犯。凡妊娠之後。將此貼於房內。常照見之。切不可穿鑿修掘。移釘繫籬壁。重物展壓之類。犯之重則胎死腹中。母亦不利。輕則子受其殃。成人之後。必定破形拳攣。跛縮瘡痘。犯之極驗。

### 食忌論第五

一受孕之後。切宜忌不可食之物。非惟有感動胎氣之戒。然於物理。亦有厭忌者。設或不能戒忌。非特延月難產。亦能令兒破形母損。可不戒哉。

食雞肉糯米合食。令子生寸白蟲。

食羊肝。令子生多厄。

食鯉魚鱠及雞子。令兒成疳多瘡。

食犬肉。令子無聲音。

食兔肉。令子脣缺。

食鯊。令子項短及損胎。

食鴨子共桑椹同食。令子倒生心寒。

食螃蟹。令子橫生。

食雀肉合豆醬食之。令子面生黚點黑子。

食豆醬合薑香食之。墮胎。食水漿絕產。

食雀肉。令子不恥多淫。

食山羊肉。令子多病。

食生薑。令子多指生瘡。

食驢騾馬肉。延月難產。

### 孕婦藥忌歌第六

蚺蛇水蛭地膽蟲。

烏頭附子配天雄。

躑躅野葛螻蛄類。

烏喙側子及蟲蟲。

牛黃水銀并巴豆。

大戟蛇蛻及蜈蚣。

牛膝藜蘆并薏苡。

金石錫粉及雌雄。

牙硝芒硝牡丹桂。

蜥蜴飛生及麝蟲。

伐赭蚱蟬胡粉麝。

芫花薇薔草三稜。

槐子牽牛并皂角。  
亭長波流蔞草中。  
馬刀石蠶衣魚等。  
驢肉兔肉不須供。

桃仁鱗鱒和茅根。  
瞿麥蔞茹蟹爪甲。  
半夏南星通草同。  
切須婦人產前忌。

槐根礪砂與乾漆。  
蝟皮赤箭赤頭紅。  
乾薑蒜雞及雞子。  
此歌宜記在心胸。



校註婦人良方 卷十一 候胎門 孕婦藥忌歌第六

一一

# 校註婦人良方

宋 臨川 陳自明良甫編輯  
明 古吳 薛己立齋補註

鄞縣 曹赤電炳章圈校

## 卷十二

妊娠疾病門

胎後已明須知妊娠疾病故以次之

妊娠諸病忌毒藥。餘當對症依法治之。

### 妊娠隨月服藥將息法第一

千金云。妊娠一月。名始胚。飲食精熟。酸美受御。宜食大麥。毋食腥辛。是謂纔正。是月足厥陰脈養。不可針灸其經。此經內屬於肝。肝主筋血。一月之內。血行否澀。不爲力事。寢必安靜。毋令恐懼。况一月陰陽新合爲胎。寒多爲痛。熱多卒驚。舉重腰

痛。腹滿胞急。卒有所下。當預安之。宜服烏雄雞湯。

烏雄雞湯方

烏雄雞一隻治

吳茱萸一兩

茯苓

阿膠各二兩炒

生薑

甘草各一兩

人參

芍藥

白朮各三兩

麥門去心

右以水一斗二升。煮雞取汁六升。下藥。煮取三升。內酒三升并膠等。取汁三升。分三服。

補胎湯 若曾傷一月胎者。當預服此藥。

細辛一兩

防風二兩

烏梅一升

吳茱萸

生地黄

白朮各一兩

大麥五合

生薑四兩

右以水七升。煮取汁二升半。分三服。寒多倍細辛、茱萸。熱多去細辛、茱萸。加桔萎根二兩。有所思。去大麥。加柏子仁三合。一方有人參一兩。忌生菜、蕪荑、桃李、雀肉等物。

妊娠二月。足少陽脈養。不可針灸其經。此經內屬於膽。膽主精。是時兒精成於胞

裏。當謹護勿驚動。况二月始陰陽踞經。有寒不成。有熱卽萎。卒中風寒。有所動搖。心滿。臍下懸急。腰背強痛。卒有所下。乍寒乍熱。艾葉湯主之。

### 艾葉湯方

丹參

當歸

人參

麻黃去節

艾葉

阿膠炙各二兩

甘草炙一兩

大棗十二箇

生薑六兩

右以酒三升。水一斗。內藥煮減半。去滓內膠。煎取三升。分三服。忌海藻、菰菜。

黃連湯 若曾傷二月胎者。當預服此藥。

黃連

人參各一兩

吳茱萸五合

生地黄五兩

生薑三兩

右以醋漿七升。煮取三升。分四服。日三夜一。每十日作一劑。若覺不安。加烏梅一升。加烏梅者。不用漿。直用水。忌猪肉、冷水、蕪荑。一方加當歸半兩。

妊娠三月。名始胎。當此之時。未有定儀。見物而化。欲生男者。操弓矢。欲生女者。弄珠璣。欲子美。數視璧玉。欲子賢良。端正清虛。是謂外象而內感者也。是月手心主



脈養。不可鍼灸其經。此經內屬於心。毋悲哀思慮驚動。蓋三月為定形。有寒則大便清。有熱則小便難。不赤即黃。卒驚恐憂愁。瞋悲喜頓仆。動於經脈。腹滿繞臍苦痛。腰背痛。卒有所下。宜服雄雞湯。

雄雞湯方

雄雞一隻治法

甘草炙

茯苓

人參

阿膠各二兩炒

黃芩

白朮各一兩

芍藥四兩

大棗十二枚擘

生薑一片兩

麥門冬五合

右以水一斗五升。煮雞減半。內藥。煮取一半。入清酒三升。并膠。再煎取三升。分三服。日飲盡。忌海藻菘菜酢物。桃李雀肉等。一方有當歸。川芎二兩。無黃芩。生薑。

茯神湯 若曾傷三月胎者。當預服此藥。

茯神

丹參

龍骨各一兩

阿膠炒

當歸

甘草炙

人參各二兩

赤小豆

大棗十二枚擘

右酢漿一斗。煮取三升。分四服。七日後。服一劑。腰痛加桑寄生二兩。深師方。有薤白二兩。麻子一升。忌同前。

妊娠四月。以受水精。始成血脈。其食稻粳。其羹魚鴈。是謂成血氣。以通耳目而行經絡。是月手少陽脈養。不可鍼灸其經。此經內輸三焦。其時兒六腑順成。當靜形體。和心志。節飲食。蓋四月為離經。有寒。心下溫溫欲嘔。胸滿不食。小便如淋。臍下苦急。卒中風寒。頸項強痛。寒熱。或驚動身軀。腰背腹痛。或時胎上。胸煩不安。卒有所下。宜服菊花湯主之。

### 菊花湯方

菊	花	<small>如雞子大一枚</small>	麥	門	冬	<small>去心一枚</small>	麻	黃	<small>去節</small>	阿	膠	<small>炙二兩各</small>
生	薑	<small>五兩</small>	甘	草	炙		當	歸		半	夏	<small>洗二兩各</small>
人	參	<small>五錢兩</small>	大	棗	<small>枚十二</small>							

右以水八升。煮減一半。內清酒三升。并阿膠。煎取三升。分三服。溫臥。當汗。以粉撲之。護風寒四五日。忌食如前。

### 調中湯

芍藥四兩

甘草炙

芎藭

續斷各二兩

柴胡

李根白皮

白朮各三兩

烏梅一升

當歸五錢

生薑四兩

厚朴炙

枳實各二兩

右以水一斗。煮取三升。分四服。日三夜一。八日。每服一劑。一方有半夏二兩。

忌海藻、菰菜、桃李、雀肉。

妊娠五月。始受火精。以成其氣。晏起沐浴。浣衣居處。必厚其衣裳。朝吸天光。以避寒殃。其食稻麥。其羹牛羊。和菜黃調以五味。是謂養氣。以定五臟。是月足太陰脈養。不可鍼灸其經。此經內輸於脾。其時兒四肢成。無大飢。無甚飽。無食乾燥。無自灸熱。無大勞倦。蓋五月毛髮初生。有熱。苦頭眩。心亂嘔吐。有寒。則腹滿痛。小便數。卒有恐怖。四肢疼痛。寒熱胎動無常處。腹痛頓欲仆。卒有所下。宜服阿膠湯。又名旋覆花湯主之。

阿膠湯方

阿膠炙四兩

人參一兩

生薑六兩

吳茱萸七合

當歸

旋覆花

芍藥

甘草炙



黃芩各二兩

麥門冬去心一升

右以水九升。煮取一半。內清酒三升。并阿膠。微火煎。取三升半。分四服。日三夜一。先食後服。便愈。不差。更服。忌海藻、菰菜。

安中湯 若曾傷五月胎者。當預服此方。

甘草炙

芍藥各三兩

當歸

人參

生地黄

芎藭各二兩

五味子五合

麥門冬去心一升

大棗三十枚

生薑六兩

大麻仁五合

黃芩一兩

右以水七升。清酒五升。煮取三升半。分四服。日三夜一。七日再服。一劑。忌如前。

安胎當歸湯 若妊娠五月。舉動愕胎不安。小腹痛引腰絡。小便下血。

當歸

阿膠炙

芎藭

人參各一兩

大棗十二枚

艾一把

右以酒水各三升。煮至三升。去滓。內膠令烊。分三服。一方有甘草。無參、棗。

妊娠六月。始受金精。以成筋。身欲微勞。無得靜處。出遊於野。數觀走犬走馬。食忌鷙鳥猛獸之肉。是謂變腠理。紉筋。以養其力。以堅背膂。是月足陽明脈。養。不可鍼。



灸其經。此經內屬於胃。主其口目。蓋六月之時。兒口目皆成。調五味。食甘美。母大飽。六月卒有所動不安。寒熱往來。腹內脹滿。體驚怖。忽有所下。腹痛如欲產。手足煩疼。宜服麥門冬湯。

麥門冬湯方

麥門冬去心 升

甘草炙

人參各一兩

生地黄三兩

黃芩二兩

阿膠炒四兩

生薑六兩

大棗枚十五

右以水七升。煮減半。內清酒二升。并膠。煎取三升。分三服。如人行三四里。進糜粥。忌海藻、菰菜、蕪荑。

柴胡湯 若曾傷六月胎者。當預服之。

柴胡四兩

白朮

芍藥紫葳一方作

甘草炙各二兩

麥門冬去心三兩

茯苓一兩

芎藭二兩

生地黄五兩

生薑六兩

大棗枚三十

右以水一斗。煮取三升。分四服。日三夜一。仍進糜粥七日。更服一劑。忌海藻、菰菜、蕪荑、桃李、雀肉等。一方有黃芩二兩。

旋覆花湯亦名阻病 集驗療妊娠六七月。胎不安常處。

旋覆花 一兩

厚朴 製

白朮

枳殼

黃芩 炒

茯苓 各三兩

半夏 方無一

芍藥

生薑 各二兩

右以水一斗。煮取二升半。先食分五服。日三夜二。忌羊肉、鰾、醋、桃李、雀肉等。千金同。

妊娠七月。始受水精。以成骨。勞身搖肢。無使定止。動作屈伸。以運血氣。自此後。居處必節飲食。避寒暑。食粳稻。以密腠理。是謂養骨而堅齒。是月手太陰脈養。不可鍼灸其經。此經內屬於肺。主皮毛。是時兒皮毛已成。無大言。無號哭。無薄衣。無洗浴。無寒飲。若忽驚恐。搖動腹痛。卒有所下。手足厥陰脈。若傷寒煩熱。腹滿短氣。常苦頸項腰背強。宜服葱白湯。

葱白 十五枚

半夏 細切

人參 五錢

生薑 八兩

甘草 炒

當歸

黃耆 炒各三兩

阿膠 炒四兩

黃芩 一兩

旋覆花 一把

麥門冬 去心一升

右以水八升。煮減半。內清酒三升。并膠。煎取四升。溫服一升。日三夜一。溫臥當汗出。無汗。加麻黃二兩。秋後勿強汗。忌羊肉、錫、海藻、菰菜等。

杏仁湯 若曾傷七月胎者。當預服。

杏仁去尖仁皮

甘草

鍾乳研

麥門冬去心

吳茱萸升各一

五味子

粳米各五合

紫苑一兩

右以水八升。煮取三升半。分四服。日三夜一。七日服一劑。忌海藻、菰菜。

妊娠八月。始受土精。以成膚革。和心靜息。無使氣極。是謂周密。腠理光澤。顏色是月。手陽明脈養。不可鍼灸其經。此經內屬於大腸。大腸主九竅。是時兒九竅皆成。無食燥物。無輒失食。無忍大氣。若中風寒。有所犯觸。身體盡痛。乍寒乍熱。胎動不安。苦頭眩痛。繞臍下寒。時時小便。白如米汁。或青或黃。或寒慄。腰背苦冷痛。而目視茫茫。宜服芍藥湯。

芍藥湯方

芍藥四錢

人參

當歸

甘草炙各二兩

白朮一兩

厚朴製二兩

薤白切一

生薑兩切四



右以水五升。酒四升。煮取三升。分四服。日三夜一。忌海藻、菰菜、桃李、雀肉等類。  
葵子湯 若曾傷八月胎者。當預服。

甘草炙

柴胡

白朮各二兩

厚朴薑製

芍藥

葵子二升

生薑六兩

大棗二十枚

右以水九升。煮取三升。分四服。日三夜一。服一劑。忌猪肉、冷水、蕪荑、桃李、雀肉、酢物等類。

妊娠九月。始受石精。以成皮毛。六腑百節。莫不畢備。飲醴食甘。緩帶自持而待之。是謂養毛髮。多才力。是月足少陰脈所養。不可鍼灸其經。此經內屬於腎。腎主續縷。皆成。無處溫冷。無着灸衣。若卒下痢腹滿。懸急上衝。腰背痛。不可轉側。短氣。宜服半夏湯。

半夏湯方

半夏炮炒

麥門冬去心

乾薑炮

當歸

吳茱萸

阿膠炙

大棗十二枚

右以水九升。煮取三升。去渣。內蜜八合。微火溫。分四服。痢即止。忌生血物。錫。



猪腎湯 若曾傷九月胎者當須服。

猪腎一具

茯苓

桑寄生

乾薑炮

生地黄

芎藭各三

白朮

麥門冬去心

附子大者一

右以水一斗煮猪腎熟去之內諸藥煎三升半分四服日三夜一十日更一劑。

忌猪肉蕪荑桃李雀肉酢物。

妊娠十月五臟俱備六腑通納天地氣於丹田故使關節人事皆備但俟時而生。

愚按妊娠所禁之法皆傳自上古當永為遵守其方藥用須斟酌。

芎藭補中湯 治懷孕血氣不能榮養以致半產予嘗治一妊娠不足月而損墜。

服此藥遂安。

乾薑煨

阿膠炒

五味子

芎藭各五

黃耆炒

當歸

白芍藥

杜仲炒

白朮各一

木香

人參

甘草炙各

右水煎服。

## 妊娠惡阻方論第二

妊娠惡阻病。產寶謂之子病。巢氏病源謂之惡阻。由胃氣怯弱。中脘停痰。脈息和順。但肢體沉重。頭眩擇食。惟嗜酸鹹。甚者寒熱嘔吐。胸膈煩滿。半夏茯苓丸主之。愚按前症若中脘停痰。用二陳湯加枳殼。若飲食停滯。用六君子加枳殼。若脾胃虛弱。用異功散。若榮氣不足。用人參橘皮湯。兼氣惱。加枳殼。胸脇痞悶。再加蘇梗。脇痛再加柴胡。若飲食少思。用六君子加紫蘇。枳殼。頭暈體倦。用六君子湯。若脾胃虛弱。嘔吐不食。用半夏茯苓湯。蓋半夏乃健脾氣化痰滯之主藥也。脾胃虛弱而嘔吐。或痰涎壅滯。飲食少思。胎不安。必用茯苓半夏湯。倍加白朮。然夏、白朮、茯苓、陳皮、砂仁。善能安胎氣。健脾胃。予常用驗矣。

### 附治驗

一妊娠嘔吐惡食。體倦嗜臥。此胃氣虛而惡阻也。用人參橘皮湯。二劑漸愈。又用六君子加紫蘇。二劑而安。

一妊娠吞酸惡心。時欲作嘔。此因脾胃虛而飲食停滯。用六君子加枳殼。香附治之。

而愈。

一妊婦停食腹滿。嘔吐吞酸。作瀉不食。余以爲飲食停滯。兼肝木傷脾土。用六君子湯。以健脾胃。加蒼朮。厚朴。以消飲食。吳茱萸。所製黃連。以清肝火。諸症悉愈。又以六君加砂仁。調理而脾土乃安。

白朮湯 治胃虛惡阻。吐水甚至十餘日。粥漿不入。

白朮錢炒一

人參五分

丁香

甘草二各分

薑水煎服。

人參橘皮湯 治阻病嘔吐痰水。飲食少思。肢體倦怠。

人參

橘紅

白朮炒

麥門冬去心

白茯苓錢各一

厚朴製

甘草各五分

右加竹茹。薑水煎服。

保生湯 治妊娠惡阻。少食嘔吐。或兼吐瀉作渴。

人參一錢

甘草炒

白朮炒

香附

烏梅

橘

紅各五分

右薑水煎服。

安胎飲 治體倦惡食。或胎動腹痛。或下血發熱。

甘草炒

茯苓

當歸

熟地黃 自製

川芎

白朮炒

黃耆炒

白芍藥炒

半夏湯泡

阿膠 切炒

地榆 各五

右薑水煎服。

又方。縮砂仁爲末。每服二錢。薑湯或米飲調下。

附方

二陳湯 方見二十四卷第五論

六君子湯 方見二十四卷第六論

異功散 方見二十三卷第三論

半夏茯苓湯 方見後

### 妊娠痰逆不食方論第三二

妊娠嘔逆者。乃水飲停積爲痰。輕者妨食嘔逆。甚者腹痛傷胎。皆繇胃氣不健。或風冷外乘所致也。



愚按前症因食停滯。用半夏茯苓湯。加枳殼。兼氣惱。更加柴胡。因痰壅滯。用半夏茯苓湯。加白朮。因風寒外傷。用參蘇飲。飲食腹脹。用香砂六君子湯。寒熱嘔吐。人參養胃湯。

附治驗

一妊婦嘔吐脇脹。或寒熱往來。面色青黃。此木旺而尅脾土。用六君子加柴胡。桔梗。枳殼而安。

一妊婦嘔吐酸水。胸滿不食。此脾土虛而肝木所侮。用六君子加芍藥而愈。又用四君子加枳殼。桔梗而安。

一妊婦胸腹膨脹。吐痰不食。此脾胃虛而飲食爲痰。用半夏茯苓湯漸愈。又用六君子加枳殼。蘇梗。桔梗。而飲食如常。後因恚怒。脇脹不食。吐痰惡心。用半夏茯苓湯。加柴胡。山梔而愈。

半夏茯苓湯 治妊娠脾胃虛弱。飲食不化。嘔吐不止。

半夏 炮炒  
黃芩 炒  
陳皮 各一錢  
白茯苓 二錢  
砂仁 炒一錢  
甘草 分五

右用薑棗烏梅水煎服。一二劑後。用茯苓丸。一方加藿香。

茯苓丸 治妊娠煩悶頭暈。聞食吐逆。或胸腹痞悶。

赤茯苓

人參

桂心

乾薑炮

半夏炮洗黃

橘紅各一兩

白朮炒

葛根

甘草炒

枳殼各二兩

右爲末。蜜丸。桐子大。每服五十丸。米飲下。日三服。

四七湯 方見十一卷第七論

附方

參蘇飲 方見六卷第十三論

六君子湯

四君子湯

香砂六君子湯 三方見二十四卷第六論

人參養胃湯 方見八卷第十八論

### 胎動不安方論第四

妊娠胎動。或飲食起居。或衝任風寒。或跌仆擊觸。或怒傷肝火。或脾氣虛弱。當各推其因而治之。若因母病而胎動。但治其母。若因胎動而母病。唯當安其胎。輕者

轉動不安。重者必致傷墜。若面赤舌青。是兒死也。面青舌赤吐沫。是母死也。唇口色青。兩邊沫出。是子母俱死也。察而治之。

愚按前症胎氣鬱滯者。用紫蘇飲。脾氣虛弱者。六君子湯加蘇、殼。鬱結傷脾者。歸脾湯加柴、梔。鬱怒傷肝脾者。四七湯加芎、歸。怒動肝火者。加味小柴胡湯。若胎已死。急用平胃散加朴硝腐化之。

附治驗

一妊婦內熱晡熱。或兼寒熱。飲食少思。其胎或下墜。或上攻。此肝經血虛而火動耳。先用加味逍遙散數劑。次用六君子加柴胡、枳殼。各數劑而愈。

一妊婦因怒寒熱。胸脇脹痛。嘔吐不食。狀如傷寒。此怒動肝火。脾氣受傷也。用六君子加柴胡、山梔、枳殼、牡丹皮而愈。但內熱口乾。用四君子加芎、歸、升麻、柴胡而安。

鈎藤湯 治妊娠胎動腹痛。面青冷汗。氣欲絕者。

鈎藤鈎

當歸

茯神去木

人參

各一錢

苦梗五分

桑寄生一錢

右水煎服。煩熱。加石膏。

黃耆湯 治氣虛胎動。腹痛下水。

糯米一合 黃耆炒

川芎各一兩

右水煎。分三服。

順氣飲子 產前服之安胎。

紫蘇葉

木香炒

人參

草豆蔻

茯苓各一兩

甘草炒五錢

大腹子弱一兩不用氣

右每服三錢。芎根三寸。糯米少許。水煎服。

安胎寄生湯 治妊娠下血。或胎不安。或腰腹作痛。

桑寄生

白朮各五錢

茯苓四分

甘草一錢

用水煎服。

又方。好銀煮取水。入葱白作羹食之。

又方。川芎二兩。葱白五兩。水三碗。煮二碗半。分三服。

四物湯加熟艾。阿膠。茯苓。或芎藭補中湯。杜仲丸。皆效。方並見前。



附方

紫蘇飲方見十二卷第八論

六君子湯

四君子湯二方見十二卷第六論

加味小柴胡湯方見二十四卷第二論

平胃散方見七卷第十八論

加味逍遙散

歸脾湯二方見二十四卷第四論

妊娠漏胎下血方論第五

妊娠經水時下。此繇衝任氣虛。不能約制。蓋心小腸二經。相為表裏。上為乳汁。下為月水。故妊娠經水。壅之以養胎。蓄之以為乳。若經水時下。名曰胞漏。血盡則斃矣。

愚按。前症若因風熱。用防風黃芩丸。若因血熱。用加味逍遙散。若因血虛。用二黃散。若因血去太多。用八珍湯。未應。補中益氣湯。若因肝火。用柴胡山梔散。若因脾火。用加味歸脾湯。若因事下血作痛。用八珍湯加阿膠、熟艾。若因脾胃虛弱。用補中益氣湯加五味子。若因脾胃虛陷。用前湯倍用升麻、柴胡。若晡熱內熱。宜用逍遙散。

附治驗方藥

一妊婦下血。服涼血之藥。下血益甚。食少體倦。此脾氣虛而不能攝血。余用補中益氣湯而愈。後因怒而寒熱。其血仍下。此肝火旺而血沸騰。用加味逍遙散。血止。用補中益氣湯而安。

一妊婦下血。發熱作渴。食少體倦。屬脾氣虛而肝火所侮。用四君子。加柴胡、山梔。血止。因怒復作。用六君加柴胡、山梔、升麻而安。

二黃散 治胎漏下血。或內熱晡熱。或頭痛頭暈。或煩躁作渴。或脇肋脹痛等症。

生地黃

熟地黃 自製

右爲末。每服三錢。煎白朮枳殼湯調下。二黃須杵膏爲丸。庶藥不枯槁而有力也。

防風黃芩丸 方見後

加味歸脾湯

加味逍遙散

八珍湯 三方見二十四卷第四論

四君子湯

補中益氣湯

六君子湯 三方見二十四卷第六論

柴胡山梔散 方見二十四卷第三論

妊娠卒然下血方論第六

妊娠下血。因冷熱不調。七情失宜。氣血不和所致。若傷於胎。則痛而下血。甚則胎墮矣。

愚按。前症若因氣怒。用小柴胡湯。若因風熱。用一味防風丸。若因血熱。用一味子芩丸。若因脾氣虛弱。用六君子湯。若因中氣下陷。用補中益氣湯。若氣盛而下血者。乃因兒小飲少也。不必服藥。

附治驗

一妊娠六月。每怒下血。甚至寒熱頭痛。脇脹腹疼。作嘔少食。余謂寒熱頭痛。乃肝火上衝。脇脹腹疼。乃肝氣不行。作嘔少食。乃肝侮脾胃。小便下血。乃肝火血熱。用小柴胡。加芍藥。炒黑山梔。茯苓。白朮而愈。

一妊娠六月。體倦食少。勞役下血。用六君加當歸。熟地。升麻。柴胡而愈。

安胎散 治卒然腰痛下血。

熟地黃 自製

艾葉

白芍藥

川芎

黃耆 炒

阿膠

當歸

甘草 炒

地榆 各五



右薑棗水煎服。或加杜仲、續斷。

附方

子芩丸 治肝經有熱妄行。用細條黃芩炒爲末。每服一錢。以秤錘燒赤。淬酒熱調服。若脾胃虛不宜用。

防風丸 治肝經有風。以致血得風而流散不歸經。用防風爲末。每服一錢。白湯調服。

防風黃芩丸 治肝經有風熱致血崩。便血尿血。用條芩炒焦。防風等分爲末。酒糊丸。桐子大。每服三五十丸。食遠或食前。米飲或溫酒送下。

小柴胡湯 方見二十四卷第二論

六君子湯

補中益氣湯 方見二十四卷第六論

妊娠驚胎及僵仆方論第七

妊娠驚胎者。乃懷妊將滿。胎神已具。墜仆傷胎。甚至下血不醒。若欲驗其子母安否。當參第四論治之。

愚按。前症若因怒跌仆。或手足抽搐。用鈎藤湯。若因氣滯。用紫蘇飲。若因脾胃



氣虛。用六君子加蘇梗。若鬱結傷脾。用歸脾湯。若鬱怒傷肝脾。用四七湯加芎歸。若去血過多。用佛手散。如不應。膠艾湯。氣血虛。八珍加膠艾。

神妙佛手散 治胎痛服之即安。胎損服之立下。即芎歸湯

當歸 川芎各五錢

水酒煎。血崩昏暈。用水煎服。

治妊娠從高墜下。腹痛下血。

生地黄 益母草各二錢 當歸 黃耆炒各一錢

薑水煎服。

膠艾湯 治妊娠頓仆。胎動不安。腰腹疼痛。或胎上搶。或去血腹痛。

阿膠炙一兩 熟艾葉數莖

或合四物湯。

右以水三碗。煮取二碗。分三服。

又方。川芎末二錢。酒下二三服。胎生即安。胎死即下。

又方。失所胎動。或子煩。飲竹瀝一升。立愈。

又方。縮砂和皮砂爲末。每服二錢。米飲下。腹熱卽安。

秦朮湯前方見

安胎散 治頓仆胎動。腰腹痛。前方見

附方

四七湯 治七情鬱結成痰。或如梅核。鯁於喉間。或中脘停痰氣痞。或痰壅氣喘。或痰飲中脘。嘔逆惡心。

紫蘇葉

厚朴薑製

茯苓錢各一

半夏薑製錢五分

右薑棗水煎。白濁。送青州白丸子極妙。

加味四物湯 治症同前。又方。治寒邪所犯。心腹作痛。

桂枝

芍藥炒

半夏錢各一

茯苓

厚朴薑製

枳殼錢各一

甘草錢各一

人參

紫蘇錢各一

右薑棗水煎服。

鈎藤湯方見前

紫蘇飲方見後

六君子湯方見卷第六論二十四

歸脾湯

八珍湯二方見卷第四論

### 妊娠胎上逼方論第八

妊娠將養如法。則血氣調和。胎得其所。而產亦易。否則胎動氣逆。臨產亦難。甚至危矣。

愚按。前症若氣逆胎上。用紫蘇飲。飲食不甘。兼以四君子。若內熱晡熱。兼以逍遙散。若胃火所致。用四君。黃芩、枳殼、柴梔。若脾鬱所致。用歸脾湯。加柴梔、枳殼。

#### 附治驗

一妊婦每因恚怒。其胎上逼。左關脈弦洪。乃肝火內動。用小柴胡加茯苓、枳殼、山梔而愈。但體倦不食。用六君子調養脾土。加柴胡、枳殼。調和肝氣。乃瘥。

一妊婦胎上逼。胸滿噯氣。飲食少思。此脾氣鬱滯。用紫蘇飲頓安。又用四君子。加枳殼、柴胡、山梔而瘥。

紫蘇飲 治子懸腹痛。或臨產驚恐氣結。連日不下。或大小便不利。

當歸

甘草

大腹皮黑豆浸

人參

川芎

橘皮

白芍藥五炒各分

紫蘇一錢

右薑蔥水煎。

一孕婦累日不產。催藥不驗。此坐草太早。心懷畏懼。氣結而血不行也。用前飲一服便產。

一婦人孕七月。上衝腹痛。面不赤。舌不青。乃子懸也。亦用前飲而胎母俱安。

當歸

人參

阿膠炒

甘草一炒各錢

連根蔥白一握

右水四碗。煎四味。至半去滓。下蔥。煎至一碗。分二服。

大聖散 治妊娠忪悸夢驚。心腹脹滿。連臍急痛。

白茯苓

川芎

麥門冬去心

黃耆炒

當歸錢各一

人參

甘草炒

木香各五分

右薑水煎服。



校註婦人良方 卷十二 妊娠疾病門下如豆汁胎動腹痛方第九 二八

又方 治胎上逼。熱痛下血。或煩悶困篤。用葱二十莖。水濃煮飲。胎未死即安。胎已死即下。未效再服。若唇口青黑。手足厥冷。須佐以當歸湯。  
白朮湯 治遍身痛。或衝心痛欲死。後方見

附方

四君子湯

六君子湯二方見二十六論 逍遙散

歸脾湯二方見二十四論

小柴胡湯方見二十四論

妊娠下如豆汁胎動腹痛方第九無論

愚按前症肝脾濕熱。用升陽除濕湯。肝脾風熱。用加味逍遙散。肝脾鬱怒。用加味歸脾湯。脾胃氣虛。用錢氏白朮散。若脾氣下陷。用補中益氣湯。肝經風熱。用防風黃芩丸。風入腸胃。用胃風湯。

附治驗

一妊婦因怒。胸膈不利。飲食少思。服消導順氣之劑。脾胃愈弱。飲食愈少。大便不實。且無度久而便黃水。或帶白。視其面色黃中隱白。余曰。黃色脾虛也。白色肺

虛也。朝以補中益氣湯。升補胃氣。夕以六君子。培補脾氣而愈。  
治妊娠忽然下如豆汁等物。或胎動腹痛。

糯米五升

黃耆兩六

用水煎。分四服。

補遺。用野苧根二兩。好銀三五兩。或金銀首飾。水酒各半煎服。

### 附方

胃風湯。治風邪乘虛。客於腸胃。水穀不化。泄瀉下注。腹脇虛滿。腸鳴作痛。及腸

胃虛熱。下如豆汁。或瘀血日夜無度。方見第八卷第十論

東垣升陽除濕湯。治婦人女子漏下惡血。月事不調。或暴崩不止。多下水漿之

物。皆繇飲食失節。或勞傷形體。或素患心氣不足。因飲食勞倦。致令心火乘脾。其脈緩而弦急。按之洪大。皆脾土受邪也。

柴胡

羌活

蒼朮

黃耆錢五各一分

防風

甘草炙

升麻

藁本錢各一分

蔓荊子七分

獨活

當歸各五分

右水煎。食前服。

加味逍遙散

加味歸脾湯二方見二十四論防風黃芩丸前方見

補中益氣湯

六君子湯二方見二十四論錢氏白朮散前方見二十四論

### 妊娠誤服毒藥胎動方第十無論

愚按前症若因毒藥用甘草黑豆淡竹葉若因頓仆用阿膠散未應煎送知母丸若因頓仆下血腹痛用佛手散未應用八珍湯送知母丸血出過多用八珍湯斤許益母草四兩水煎徐徐與服若胎死以朴硝或平胃散下之奪命丹治小產或誤服毒藥唇口爪青黑其胎已死

牡丹皮

白茯苓

桂心

赤芍藥各為末

桃仁去皮尖如泥

右等分蜜丸彈子大每服一丸酣湯速進兩丸立出

阿膠散治妊娠跌仆或毒藥致胎不安

熟地黃二錢自製

白芍藥

艾葉

當歸

黃耆妙

甘草

阿膠一錢各

右薑棗水煎服。

藥毒胎動。甘草、烏豆、淡竹葉等分。用水濃煎服。

附方

知母丸

又名一母丸方見十三卷第九論

佛手散方見前

八珍湯方見二十四卷第四論

平胃散

方見八卷第十八論

### 妊娠心痛方論第十一

妊娠心痛。乃風邪痰飲交結。若傷心正經。為真心痛。朝發夕死。夕發旦死。若傷心支絡。則乍安乍作。若傷於子藏。則胎動而下血。  
愚按前症若飲食所傷。用平胃散加枳殼、山楂。若因錯雜諸邪。當審其因而治之。

附治驗

一妊婦心痛。煩熱作渴。用白朮散即愈。後因停食。其痛仍作。胸腹膨滿。按之則痛。



此因飲食停滯。用人參養胃湯。按之不痛。乃脾胃受傷。以六君子補之而愈。  
一妊婦心腹作痛。胸脇作脹。吞酸不食。此肝脾氣滯。用二陳、山查、山梔、青皮、木香而愈。又因怒仍痛。胎動不食。面色青黃。肝脈弦緊。脾脈弦長。此肝乘脾土。用六君子湯加升麻、柴胡、木香而愈。  
妊娠婦卒心痛。氣欲絕。

川芎

當歸

茯苓

厚朴製各一錢

用水煎服。

白朮湯 治妊娠內熱心痛。

白朮四錢

赤芍藥三兩

黃芩二錢炒

用水煎。忌桃李雀肉。

雷公炮炙論云。心痛欲死。急覓延胡。

又方。青竹茹一升。酒二升。煮一升。分二服。

又方。破雞子一枚。調酒服之。

紫蘇飲前方見

附方

人參養胃湯

平胃散二方見七卷第十八論

二陳湯方見二十四卷第五論

六君子湯方見二十四卷第六論

妊娠心腹痛方論第十二

妊娠心腹痛。或宿有冷疾。或新觸風寒。或痰飲相搏。若痛胞絡。必致動胎。甚則傷墮。

愚按前症若風寒痰飲。用金沸草散。胎氣鬱滯。加香附、川芎。若飲食停滯。用六君子加紫蘇、枳殼。若怒動肝火。用前藥更加柴胡、山梔。若鬱結傷脾。用歸脾湯加枳殼、山梔。

附治驗

一妊婦心腹作痛。吐痰惡心。胎氣上攻。飲食少思。此脾虛氣滯而爲痰。用六君子加柴胡、枳殼。諸症漸退。飲食漸進。又用四君子加枳殼、山梔、桔梗而安。後因怒兩脅氣脹。中脘作痛。惡寒嘔吐。用六君子加柴胡、升麻、木香一劑而愈。

當歸芍藥湯 治妊娠心腹急痛。或去血過多而眩暈。

白芍藥炒

當歸

茯苓

白朮炒

澤瀉 瀉錢各二

川芎 二錢

右水煎服。

阿膠散 治胎動腹痛。

白茯苓

白朮炒

川芎

阿膠 錢各一炒

當歸

陳皮 錢各一

甘草 分三

右水薑棗煎服。

治胎動腹痛欲落。上等銀一斤。茅根二斤。去黑皮。水五碗。煮取三碗。入清酒一碗。并茅根煎數沸。徐徐服。立安。金銀首飾亦可。

附方

金沸草散 方見六卷

紫蘇飲 方見

四君子湯

六君子湯 方見二卷

歸脾湯 方見二十四卷

妊娠中惡方論第十二

妊娠若忽然心痛悶絕欲死者。謂之中惡。蓋因氣血不足。精神衰弱。故邪毒得以中之也。

愚按前症當調補正氣爲善。用金銀藤一味煎湯飲之。

又方治前症。

生地黃二錢

枳殼一錢

木香三分

用水煎服。

又方。豆豉一兩。薑半兩。水煎服。

妊娠腹痛。或吐血衄血。熟艾如拳大。煮汁服。

又方。用鹽一盞。水調服。以冷水嚥之。吐出即安。

又方。灶心土爲末。每服二錢。白湯調。

### 妊娠腰腹背痛方論第十四

腎主腰足。因勞役傷損其經。以致風冷乘之。腹背相引而痛。蓋婦人腎以繫胞。妊娠痛甚。則胎墮也。



愚按、前症若外邪所傷。用獨活寄生湯。勞傷元氣。用八珍、杜仲、砂仁、膠艾。脾腎不足。以前藥加白朮、補骨脂、氣血鬱滯。用紫蘇飲、加桔梗、枳殼。肝火所動。用小柴胡湯加白朮、枳殼、山梔。肝脾鬱結。用歸脾湯加柴胡、枳殼。

附治驗

一妊婦頸項強直。腰背作痛。此膀胱經風邪所致。用拔萃羌活湯。一劑而愈。又用

獨活寄生湯。及八珍湯。以祛邪固本而痊。

通氣散 治腎虛腰痛神妙。

破故紙炒爲末。空心。每服二錢。嚼核桃肉半箇。以溫酒下。

杜仲丸 治妊娠腰背痛。

杜仲炒。續斷酒浸。等分爲末。煮棗肉丸。桐子大。每服七十丸。酒下。米飲亦可。

膠艾湯 治腰腹疼痛。胎動欲落。卽前妊娠下血補遺內安胎散。

附方

獨活寄生湯 方見四卷第七論

八珍湯

歸脾湯 二方見四卷第二論

紫蘇飲 方見前

小柴胡湯 方見二卷第二論

羌活勝濕湯 方見四卷第一論

妊娠小腹痛方論第十五

妊娠小腹痛。繇胞系虛。風寒相搏。痛甚。亦令胎動也。  
愚按。前症若風寒所搏。用紫蘇飲加生薑。氣血虛。用八珍湯。脾氣虛。用六君子湯。中氣虛。用補中益氣湯。若腹脹痛。用安胎飲加升麻。白朮不應。兼補中益氣湯。

附治驗方藥

一妊婦小腹痛作痛。其胎不安。氣攻左右。或時逆上。小便不利。用小柴胡湯加青皮、山梔。清肝火而愈。後因怒。小腹痛滿。小便不利。水道重墜。胎仍不安。此亦肝木熾盛所致。用龍膽瀉肝湯一劑。諸症頓愈。乃以四君子加柴胡、升麻。以培脾土而安。

紫蘇飲方見前

八珍湯方見二十四卷第四論

四君子湯

六君子湯

補中益氣湯三方見二十四卷第六論安胎飲方見前

小柴胡湯方見二十四卷第二論

龍膽瀉肝湯方見二十四卷第八論

妊娠心腹脹滿方論第十六

夫妊娠心腹脹滿者。繇脾胃虛寒。復因冷飲相搏所致也。

愚按前症若外感風寒。內傷飲食。用藿香正氣散。若食傷脾胃。用六君子湯。若陽氣壅滯。用紫蘇飲。

附治驗

一妊婦飲食停滯。心腹脹滿。或用人參養胃湯。加青皮、山楂、枳殼。其脹益甚。其胎上攻。惡心不食。右關脈浮大。按之則弦。此脾土不足。肝木所侮。余用六君子加柴胡、升麻而愈。後小腹痞悶。用補中益氣湯。升舉脾氣乃瘥。

下氣湯 治心腹兩脇脹悶。飲食少思。四肢無力。

- |      |         |      |       |
|------|---------|------|-------|
| 羌活   | 赤芍藥炒    | 甘草炒  | 檳榔    |
| 青皮   | 大腹皮     | 陳皮   | 赤茯苓   |
| 半夏薑製 | 桑白皮炒各五分 | 桂心一分 | 紫蘇莖一錢 |
- 右水煎服。

局方枳殼散、保風散、紫蘇飲、藿香正氣散。皆良。

附方

六君子湯

補中益氣湯二方見二卷第六論人參養胃湯方見七卷第十論



校註婦人良方 卷十二 妊娠疾病門 妊娠心腹脹滿方論第十六 四〇

# 校註婦人良方

宋 臨川 陳自明良甫編輯  
明 古吳 薛己立齋補註

鄞縣 曹赤電炳章圈校

## 卷十三

### 妊娠數墮胎方論第一

夫胎乃陽施陰化。榮衛調和。經養完全。十月而產。若血氣虛損。不能養胎。所以數墮也。凡妊婦腰痛多墮胎。

愚按丹溪先生曰。陽施陰化。胎孕乃成。血氣虛乏。不能榮養。其胎則墜。譬如枝枯則果落。藤痿則花墜。嘗治賈氏婦。每有孕。至三月前後必墜。診其脈。左右大而無力。重則瀋。知其血虛也。補其中氣。使血自榮。時正初夏。教以濃煎白朮湯。下黃芩末二錢。與數十貼。得保而生。因而思之。墮於內熱而虛者。於理爲多。曰。

熱曰虛。蓋孕至三月。上屬相火。所以易墮。不然。何以黃芩、熟艾、阿膠等爲安胎之妙如此也。大抵治法須審某月屬某經。育養而藥之。

附治驗

一妊婦五月服剪紅丸而胎墮。及腹脹痛。乃服破血之劑。痛益甚。手不敢近。予曰。此峻藥重傷脾胃也。用八珍倍加參耆。半夏、乳香、沒藥二劑而痛止。數劑而安。吳江庠吏萬湖仲子室。年二十餘。疫疾墮胎時咳。服清肺解表之藥。喘急不寐。予以爲脾土虛而不能生肺金。藥復損而益甚也。先與補中益氣。加茯苓、半夏、五味、炮薑四劑漸愈。後往視之。用八珍加五味。及十全大補湯而愈。

一方。鯉魚二觔者一尾。粳米一升。用鹽醬煮食甚善。月食三次。

芎藭補中湯。杜仲丸。治氣虛而胎墜。方見十二卷第一論

附方

十全大補湯

八珍湯二方見二十四卷第四論

補中益氣湯方見二十四卷第六論

妊娠不長方論第二

夫妊娠不長者。因有宿疾。或因失調。以致臟腑衰損。氣血虛弱。而胎不長也。當治其疾。益其氣血。則胎自長矣。

愚按前症更當察其經絡。審其所因而治之。

### 附治驗

一妊婦胎六月。體倦懶食。面黃晡熱。而胎不長。因勞欲墜。此脾氣不足也。用八珍湯。倍加參朮茯苓。三十餘劑。脾胃漸健。胎安而長矣。

一妊婦因怒。寒熱往來。內熱晡熱。脇痛嘔吐。胎至八月而不長。此因肝脾鬱怒所致。用六君加柴胡。山梔。枳殼。紫蘇。桔梗。病愈而胎亦長矣。

黃耆湯 治妊娠不長。更安胎和氣。

黃耆炒

白朮炒

陳皮

麥門冬去心

白茯苓

前胡

人參各五

川芎

甘草炒三

右薑棗水煎服。

又驗方。用鯉魚長尺許。如食法。飲其汁。其胎漸大而長矣。



附方

六君子湯

方見二十四卷第六論

八珍湯

方見二十四卷第四論

妊娠胎動不安當下方論第三

婦人以胃氣壯實。衝任榮和。則胎得所。如魚處淵。若氣血虛弱。無以滋養。其胎終不能成也。宜下之。以免其禍。

愚按前症宜用第十二卷十四方論主之。其胎果不能安者。方可議下。慎之慎之。

附治驗

鴻臚張淑人。痢疾後胎動。心神不安。肢體殊倦。用八珍散。二十餘劑漸愈。因勞加煩熱頭痛。以大劑補中益氣湯。加蔓荊子治之。熱痛頓止。仍用前散。又五十餘劑而安。其後生產甚易。

桂心散 治妊娠因病。胎不能安者。可下之。

桂心

瓜蒌

牛膝

瞿麥 各五

當歸一錢

用水煎。

又方。牛膝一兩。酒一鍾。煎七分。作二服。

小品方。用麥蘗一升。搗碎。水二升。煮一升。服之神效。觀麥蘗能損氣破血如此。脾胃虛弱。飲食不化者。不宜用明矣。

文仲取雞子一枚。鹽三錢。服之立下。

佛手散。服之。胎死者即下。生者亦安。方見七十二卷第七論

附方

八珍散方見二十四卷第四論

補中益氣湯方見二十四卷第六論

### 妊娠墮胎後血下方論第四

墮胎後。復損經脈而下血不止。甚則煩悶至死。皆以調補胃氣為主。愚按。前症若肝經血熱。用四物、參、朮、山梔。肝經風熱。用防風、黃芩丸。肝經怒火。用加味逍遙散。脾經氣虛。用四君、歸地。脾經鬱滯。用加味歸脾湯。氣滯不和。用

紫蘇飲。胃氣下陷。用補中益氣湯。

附治驗

一妊婦墮胎昏憤。不時吐痰。自用養血化痰之劑。昏憤不省。自汗發搐。痰涎湧出。彼以爲中風。欲用祛風化痰。予曰。此屬脾氣虛寒所致。遂用十全大補湯。加炮薑二十餘劑。尋愈。

治妊娠損動。下血腹痛。

阿膠炒一兩

艾葉半兩

用水一大盞煎。

治墮胎下血煩滿。寒熱狂悶。鎔鹿角炒爲末。每服三錢。水調下。日三服。或家雞翎燒爲末。每服二錢。溫酒下。良久再服。以效爲度。

附方

四物湯

補中益氣湯二方見二十卷第六論 紫蘇飲方見十二卷第八論

防風黃芩丸方見十二卷第六論

加味逍遙散

加味歸脾湯

十全大補湯三方見二十四卷第四論

## 妊娠未足月欲產方論第五

妊娠未足月。而痛如欲產。或應產而難。或爲子煩。用知母一味。蜜丸桐子大。粥飲服之。或槐子、蒲黃等分爲丸。酒服。或蒲黃水調錢許。並效。

愚按。小產重於大產。蓋大產如瓜熟自脫。小產如生採。斷其根蒂。豈不重哉。而人輕忽。死於是者多矣。大抵治法。宜補形氣。生新血。去瘀血爲主。若未足月。痛而欲產。用芎歸補中湯。倍加知母止之。產而血不止。人參黃耆湯補之。產而心腹痛。當歸川芎湯主之。元氣弱而欲產。八珍湯固之。出血過多而發熱。聖愈湯治之。若汗不止。或昏憤喘咳。急用獨參湯。若發熱煩躁。或肉瞤筋惕。用八珍湯。大渴面赤。脈洪而虛者。用當歸補血湯。身熱面赤。脈沉而微者。用四君薑附。以回其陽可也。

### 附治驗方藥

一妊婦八月。胎欲墜如產。臥久少安。日晡益甚。此氣血虛弱。朝用補中益氣湯。加茯苓、半夏隨愈。更以八珍湯調理而安。



當歸川芎湯 治小產後瘀血。心腹疼痛。或發熱惡寒。

當歸

川芎

熟地黃自製

白芍藥炒

玄胡索炒

紅花

香附

青皮炒

澤蘭

牡丹皮

桃仁

右水煎。入童便。酒各小半盞服。

若以手按腹愈痛。此瘀血為患。宜用此藥。或失笑散消之。若按之不痛。此是血虛。宜用四物。參苓白朮。若痛而作嘔。此是胃虛。宜用六君子。若痛而作瀉。此是脾虛。宜六君子送二神丸。

芎歸補中湯 治氣血虛而欲產。

艾葉代薑

阿膠炒

川芎

五味子杵炒

黃耆炙

當歸

白朮炒

芍藥炒

人參

杜仲炒各錢一

甘草炙五錢

右每服五錢。水煎服。

若脾氣虛弱。須用補中益氣湯。若氣虛而有火。宜用安胎飲。

人參黃耆湯 治小產氣虛血下不止。

人參

黃耆炒

當歸

白朮炒

白芍藥炒

艾葉各一錢

阿膠炒二錢

右作一劑水煎服。

當歸散 治產後氣血虛弱。惡露內停。增寒發熱。宜服此藥。

當歸

白芍藥炒

川芎

黃芩炒各一兩

白朮五錢

右為細末。溫童便調下二錢。

聖愈湯方見二十四卷第九論

獨參湯方見三卷第十三論

當歸補血湯

八珍湯二方見二十四卷第四論

補中益氣湯方見二十四卷第六論

### 斷產方論第六

易曰。天地之大德曰生。然婦人有臨產艱難。或生育不已。而欲斷之。故錄驗方。以備所用。若服水銀、蝨蟲、水蛭之類。不惟孕不復懷。且禍在反掌。

愚按前症用蠶故紙尺許燒灰爲末。產後酒服之。血虛者終不復孕。大抵斷產之劑多用峻厲。往往有不起者。是則產之害。未若斷產之害也。吾聞閣老張羅峰太常李恆齋俱因服斷產之劑。自謂形體俱怯。遇勞必病。有由然矣。千金斷產用油煎水銀。一日方息。空心服棗大一丸。永斷其孕。且不損人。千金去胎大麴五升。清酒一斗。煮二沸。去滓。分五服。隔宿勿食。旦再服。其胎如糜。母無所苦。千金不傳。

四物湯。每服五錢。加芸薹子二撮。於經行後。空心溫服。

### 妊娠咳嗽方論第七

夫肺內主氣。外司皮毛。皮毛不密。寒邪乘之。則咳嗽。秋則肺受之。冬則腎受之。春則肝受之。夏則心受之。其嗽不已。則傳於腑。妊娠病久不已。則傷胎也。

愚按前症若秋間風邪傷肺。用金沸草散。夏間火邪尅金。用人參平肺散。冬間寒邪傷肺。用人參敗毒散。春間風邪傷肺。用參蘇飲。若脾肺氣虛。用六君。芎歸。桔梗。若血虛。四物。桑皮。杏仁。桔梗。腎火上炎。用六味丸。加五味子煎服。脾胃氣



虛。風寒所傷。用補中益氣。加桑皮、杏仁、桔梗。蓋肺屬辛金。生於己土。嗽久不愈者。多因脾土虛而不能生肺氣。而腠理不密。以致外邪復感。或因肺氣虛不能生水。以致陰火上炎所致。治法當壯土金。生腎水爲善。諸臟腑嗽。見六卷第十  
一等論。

### 附治驗

一妊娠氣喘痰甚。諸藥不效。素有帶下。始於目下浮。兩月餘。其面亦然。此氣虛而有痰飲也。用六味丸料。數劑而愈。

一妊婦嗽則便自出。此肺氣不足。腎氣虧損。不能司攝。用補中益氣湯以培土金。六味丸加五味。以生腎氣而愈。

一妊婦咳嗽。其痰上湧。日五六碗許。諸藥不應。予以爲此水泛爲痰。用六味丸料。及四君子湯各一劑稍愈。數劑而安。

一妊婦因怒。咳嗽吐痰。兩脇作痛。此肝火傷肺金。以小柴胡湯。加山梔、枳殼、白朮、茯苓治之而愈。但欲作嘔。此肝侮脾也。用六君子加柴胡、升麻而痊。

桔梗散 治風寒咳嗽喘急不食。



天門冬去心

赤茯苓各一錢

桑白皮

桔梗炒

紫蘇各五分

麻黃去節三分

貝母

人參

甘草炒

右薑水煎。

馬兜鈴散 治咳嗽氣喘。

馬兜鈴

苦梗

人參

甘草

貝母各五分

陳皮去白

紫蘇

桑白皮

大腹皮黑豆水浸一錢五味子五分

右薑水煎。

百合散 治咳嗽胸膈煩悶。

川百合

紫苑

麥門冬

苦梗

桑白皮各五分

甘草三分

竹茹二分

右薑水煎。

治妊娠傷寒。涎多咳嗽。

知母

杏仁

天門冬

桑白皮各五

用薑水煎服。

旋覆花湯。感冒喘嗽。胸滿痰盛。方見二十四卷第四論

華蓋散。治症同上。或項背拘急。鼻塞頭眩。時發寒熱。方見六卷第十二論

參蘇飲加杏仁、五味子。治症同上。

附方

金沸草散方見六卷第十二論

人參平肺散方見二十四卷第十二論 人參敗毒散方見二十四卷第十論

補中益氣湯

四君子湯

六君子湯三方見二十四卷第六論

六味丸方見二十四卷第十一論

小柴胡湯方見二十四卷第十二論

### 妊娠吐血衄血方論第八

妊娠吐血。繇七情臟腑所傷。氣逆於上。致血上溢不止。心悶甚者多死。或墜胎也。宜用局方必勝散。

愚按前症若肝經怒火。先用小柴胡、山梔、生地。次用前藥合四物。後用加味逍

遙散。肝經風熱。防風子芩丸。心經有熱。硃砂安神丸。心氣不足。補心湯。思慮傷心。妙香散。胃經有火。犀角地黃湯。膏粱積熱。加味清胃散。鬱結傷脾。加味歸脾湯。肺經有火。黃芩清肺飲。因氣鬱滯。紫蘇飲。子氣不攝血。用補中益氣湯。腎經虛火。加味六味丸。仍以七卷第五論互用。

附治驗方藥

一妊娠因怒吐血。兩脇脹痛。小便淋瀝。此怒而血蓄於上。隨火出也。用小柴胡合四物。四劑血止。用六君子安胎飲。調理而安。

紫蘇飲。治妊娠失調。胎氣不安。上攻作痛。或逆氣失血。卷方見八十二論。若肝脾氣血虛而有火不安。宜兼逍遙散。若脾氣虛弱而不安。宜用四君芎歸。

小柴胡湯。卷方見二十四論。四物湯。

補中益氣湯

六君子湯。卷方見二十六論。加味逍遙散。

加味歸脾湯。卷方見二十四論。

防風子芩丸。卷方見十二論。硃砂安神丸。卷方見三卷。

養心湯。卷方見三卷。

妙香散。卷方見十一論。安胎飲。卷方見十二論。

犀角地黃湯。卷方見七卷。

加味清胃散。卷方見二十四論。黃芩清肺飲。卷方見八卷。

加味六味丸。卷方見二十四論。

## 妊娠子煩方論第九

論曰。妊娠苦煩悶者。以四月受少陰君火以養精。六月受少陽相火以養氣。若母心驚膽寒。多有是症。產寶云。是心肺虛熱。或痰積於胸。若三月而煩者。但熱而已。若痰飲而煩者。吐涎惡食。大凡停痰積飲。寒熱相搏。吐甚則胎動不安。愚按。前症若因內熱。用竹葉湯。氣滯。用紫蘇飲。痰滯。用二陳。白朮、黃芩、枳殼。氣鬱。用分氣飲。加川芎。脾胃虛弱。用六君。紫蘇、山梔。

### 附治驗

一妊婦煩熱。吐痰惡食。惡心頭暈。此乃脾虛風痰爲患。用半夏、白朮、天麻湯。以補元氣。祛風邪。數劑漸愈。惟頭暈未痊。乃用補中益氣湯。加蔓荊子。以升補陽氣而愈。

竹葉湯 治子煩。

防風

黃芩炒

麥門冬各一錢

白茯苓二錢

右竹葉數片。水煎服。



人參散 治熱乘心脾。煩熱乾渴。

人參

麥門冬

赤茯苓

地骨皮

乾葛

黃芩炒

犀角一鎊各錢

甘草五分

右水煎。

竹茹湯

治妊娠煩躁。或胎不安。淡竹茹一兩。水煎服之。

益母丸

知母炒爲末。棗肉丸。彈子大。每服一丸。人參煎湯下。

附方

分氣飲

治脾胃虛弱。氣血不和。胸膈不利。或痰氣喘嗽。飲食少思。

陳皮

茯苓

半夏炒

桔梗炒

大腹皮

紫蘇梗

枳殼麸炒

白朮炒

山梔一鎊各錢

甘草炙五

右薑水煎服。

紫蘇飲

方見二十四卷第八論

二陳湯

方見二十四卷第五論

六君子湯

補中益氣湯

二方見二十四卷第六論

## 妊娠煩躁口乾方論第十

足太陰脾之經。其氣通於口。手少陰心之經。其氣通於舌。若臟腑不調。氣血不和。以致內熱乘於心脾。津液消燦。故心煩口乾也。與子煩大同小異。宜用益母丸。愚按前症若胃經貫火。用竹葉石膏湯。若胃經虛熱。用人參黃耆散。若胃經氣虛。用補中益氣湯。若肺經虛熱。用紫蘇飲。若肝經火動。用加味逍遙散。若脾氣鬱結。用加味歸脾湯。若腎經火動。用加味地黃丸。

### 附治驗

一妊婦煩熱兼咽間作痛。用知母散。加山梔。以清肺經而愈。後內熱咳嗽。小便自遺。用補中益氣。加麥門、山梔。以補肺氣。滋腎水而痊。

知母散 治煩躁悶亂口乾。

知母

麥門冬

黃耆炒

子芩炒

赤茯苓錢各一

甘草

右水煎。入竹瀝一合。更煎二沸而服。

人參黃耆散 治身熱煩躁口乾。

人參

黃耆炒

葛根

秦艽

赤茯苓

麥門冬各一錢

知母

甘草五分

右薑三片。竹葉二七片。水煎。補遺。人參白朮散。黃耆六一湯。皆良。

附方

竹葉石膏湯

石膏一錢

半夏一錢五分

甘草

人參各一錢

麥門冬

竹葉各五分

右薑水煎服。

補中益氣湯

方見二十四卷第六論 紫蘇飲

加味逍遙散

加味歸脾湯

二方見二十四卷第四論 加味地黃丸

方見二十四卷第十二論

# 校註婦人良方

宋 臨川 陳自明良甫編輯  
明 古吳 薛己立齋補註

鄞縣 曹赤電炳章圈校

## 卷十四

### 妊娠中風方論第一

論曰。四時八方之氣。爲風也。常以冬至之日候之。若從其鄉來者。長養萬物。否則名爲虛邪。賊害萬物。體虛中之。客於皮膚。則頑痺不仁。入於筋脈。則攣急喎僻。若兼濕熱。則弛縱痿軟。若入臟腑。氣隨所傷。經絡而爲諸病。妊娠中之。必須早治。庶免墮胎之患。

愚按。病機機要云。風本爲熱。熱勝則風動。宜以靜勝其躁。是亦養血也。治法須少汗。亦宜少下。多汗則虛其衛。多下則損其榮。雖有汗下之戒。而有中臟中腑。



之分。中腑者。多着四肢。則脈浮惡寒。拘急不仁。中臟者。多着九竅。則昏緩失音。耳聾鼻塞。目瞽便秘。中腑者宜汗之。中臟者宜下之。表裏已和。宜治在經。當以大藥養之。此中風之要法。妊婦患之。亦當以此法治之。而佐以安胎之藥。仍參三卷首論主治。

防風散 治妊娠中風。卒倒口噤肢強。或痰氣上升。

防風

桑寄生

葛根各五

家菊花

細辛

防己

秦艽

羚羊角鎊

當歸

桂心

茯神

甘草各三

右水煎。入竹瀝半合服。

白朮酒 治妊娠中風。口噤不語。

白朮半一兩

獨活一兩

黑豆炒一合

右酒煎。分四服。灌之。得汗即愈。

補遺。治妊娠中風。排風湯。續命湯。參蘇湯。加羌活。風引湯。皆可選用。方見第三卷中風類

妊娠風痺方論第二

論曰。妊娠體虛受風。而傷足太陽經。遇風寒相搏。則口噤背強。甚則腰反張。名之曰瘕。須臾自醒。良久復作。又名子癇。子冒。當審察其因而治之。愚按。前症若心肝風熱。用鈎藤湯。肝脾血虛。加味逍遙散。肝脾鬱怒。加味歸脾湯。氣逆痰滯。紫蘇飲。肝火風熱。鈎藤散。脾虛痰滯。二陳薑汁竹瀝。若兼症相雜。當參照子煩門。

附治驗

一妊婦出汗。口噤。腰背反張。時作時止。此怒動肝火也。用加味逍遙散漸愈。又用鈎藤散而止。更以四君加鈎藤、山梔、柴胡而安。

一妊婦因怒。忽仆地。良久而甦。吐痰發搐。口噤項強。用羚羊角散漸愈。更用鈎藤散始痊。又用歸脾湯而安。

羚羊角散 治妊娠冒悶。角弓反張。名曰子癇風瘕。

羚羊角鑊

獨活

酸棗仁炒

五加皮

薏苡仁炒

防風

當歸酒浸

川芎

杏仁去皮尖

茯苓

神五木各

木香

甘草炙各

右薑水煎。

附方

鈎藤湯

方見十二卷第四論

加味逍遙散

加味歸脾湯

二方見二十四卷第四論

紫蘇飲

方見十二卷第八論

鈎藤散

方見四卷第四論

二陳湯

方見二十四卷第五論

四君子湯

方見二十四卷第六論

妊娠瘕瘕方論第三新附

竊謂瘕者。筋脈急而縮也。瘕者。筋脈緩而伸也。一縮一伸。手足相引。搐搦不已。大抵與嬰孩發搐相似。謂之瘕瘕也。此症多屬風。蓋風主搖動。駱龍吉云。心主脈。肝主筋。心屬火。肝屬木。火主熱。木主風。風火相熾。則為瘕瘕也。治法若因風熱。用鈎藤湯。加柴胡、山梔、黃芩、白朮。以平肝木。降心火。養氣血。若風痰上湧。加竹瀝、南星、半夏。若風邪急搐。加全蠍、殭蠶。虧損氣血。用八珍湯。加鈎藤、山梔為主。若無力抽搐。戴眼反折。汗出如珠者。肝氣絕也。皆不治。

附治驗方藥



一妊婦四肢不能伸。服祛風燥血之劑。遺尿痰甚。四肢抽搐。余謂肝火血燥。用八珍湯。加炒黑黃芩為主。佐以鉤藤湯而安。後因怒。前症復作。小便下血。寒熱少寐。飲食少思。用鉤藤散。加山梔。柴胡而血止。用加味逍遙散。滋抑之。肝脾鬱怒。六君子湯。加芍藥。鉤藤。飲食進而漸安。

八珍湯

方見二十四卷第四論

六君子湯

方見二十四卷第六論

#### 妊鬼胎方論第四

夫人臟腑調和。則血氣充實。精神健旺。若榮衛虛損。精神衰弱。妖魅之類乘之。亦如懷妊之狀。故曰鬼胎也。

愚按前症因七情脾肺虧損。氣血虛弱。行失常道。衝任乖違而致之者。乃元氣不足。病氣有餘也。若見經候不調。就行調補。庶無是症。治法以補元氣為主。而佐以雄黃丸之類。行散之。若脾經鬱結。氣逆者。用加味歸脾湯調補之。若脾虛血不足者。用六君。芎歸培養之。肝火血耗者。用加味逍遙散。滋抑之。肝脾鬱怒者。用加味歸脾。逍遙二藥兼服。腎肝虛弱者。用六味地黃丸。



附治驗

一婦人經閉八月。肚腹漸大。面色或青或黃。用胎症之藥不應。余診視之曰。面青脈瀋。寒熱往來。肝經血病也。面黃腹大。少食體倦。脾經血病也。此鬱怒傷脾。肝之症。非胎也。不信。仍用治胎散之類。不驗。余用加味歸脾逍遙二藥。各二十餘劑。諸症稍愈。彼欲速效。別服通經丸。一服下血。昏憤自汗惡寒。手足俱冷。嘔吐不食。余用人參炮薑二劑。煎服。漸愈。又用十全大補湯。五十餘劑而安。

雄黃丸 治鬼胎瘀血腹痛。

雄黃

鬼

白去毛

莽草

丹

砂細研

巴豆去油

獾

肝炙黃各半兩

蜥

蜴炙黃一枚

蜈

蚣炙黃一條

右爲末。蜜丸。桐子大。每服二丸。空心溫酒下。日二服。或下如蛇蟲之類。其病乃除。

治鬼胎。及血氣痛不可忍。

斑蝥去頭翅足製

延胡索炒各分

右爲末。以溫酒調下半錢。以下穢物爲度。

附方

加味歸脾湯

加味逍遙散

十全大補湯三方見二十四卷第四論

六君子湯方見二十四卷第六論

六味丸方見二十四卷第十一論

妊娠傷寒方論第五

夫時令嚴寒。體虛所傷。即成傷寒。輕者洒淅惡寒。翕翕發熱。微咳鼻塞。數日而愈。重者頭疼體痛。寒熱交作。久而不愈者。多致傷胎也。

愚按前症為害匪輕。當審經絡表裏而治之。不可輕忽。

加減四物湯 治妊婦腹痛。或月事不調。胎氣不安。產後血塊。或亡血過多。或惡露不下。

當歸

川芎

白芍藥炒

熟地黄各一兩

右每服四五錢。水煎。日二三服。下血。加艾葉、阿膠。虛熱口乾。加括蕒根、麥門冬。兼血腹痛。加當歸、芍藥。血崩血淋。加熟地、蒲黃。因熱生風。加川芎、柴胡。頭昏項強。加柴胡、黃芩。大便秘結。加大黃、桃仁。嘔吐惡心。加白朮、人參。虛煩不眠。加竹

葉、人參。煩躁大渴。加知母、石膏。水停吐逆。加猪苓、茯苓。虛煩傷寒。加人參、柴胡、防風。

阿膠散 治時氣。先服此以安胎。却以主藥間服。

阿膠炙

白朮炒

桑寄生

人參

白茯苓

右爲末。等分。每服一錢。用糯米飲調下。日三服。

前胡湯 治傷寒頭痛壯熱。肢節煩疼。

石膏一分

前胡

甜竹茹

梔子炒

黃芩炒

大青

知母各五錢

右用葱白水煎服。

蘇木湯 治傷寒時行。洒淅寒振。或兼噦者。

赤芍藥

橘紅

黃芩炒

黃連

甘草

蘇木各五分

右用水煎服。汗出卽瘥。如胎不安。兼服阿膠湯。

黃龍湯 治妊婦寒熱頭疼。嘿嘿不食。脇痛嘔痰。及產後傷風。熱入胞宮。寒熱如瘧。或經水適來。勞復熱不散。

柴胡二錢

黃芩炒

人參

甘草各一錢

用水煎服。

柴胡石膏湯 治頭痛惡寒。身熱拘急口乾。

柴胡二錢

甘草一錢

石膏三錢

用薑水煎服。氣虛加人參。

枳實散 治傷寒四日至六日。腹脹少食。腰疼體重。

枳實炒三錢

陳皮一錢

麥門冬半錢

用生薑葱白水煎服。

旋覆花湯 治傷寒頭目旋疼。壯熱心躁。

旋覆花

赤芍藥

甘草各五錢

前胡

石膏各一錢

白朮

人參

麻黃節去根

黃芩各三錢



古用薑水煎服。

麥門冬湯 治傷寒壯熱。嘔逆頭疼。胎氣不安。

人參

石膏

各半

前胡

黃芩

各五

麥門冬

葛根

各一

右薑棗竹茹一分。用水煎服。

梔子大青湯 治發斑變黑。尿便血。

升麻

梔子

各一

大青

杏仁

黃芩

各三

右用葱白三寸。水煎服。

白朮湯 治傷寒煩熱。頭痛胎動。或時吐逆不食。

白朮

橘紅

麥門冬

人參

前胡

赤茯苓

川芎

甘草

半夏

各五

右用生薑竹茹一分。水煎服。

夏方白朮散 治傷寒。

白朮

黃芩二錢各

右用薑棗水煎服。若四肢厥逆。陰症也。不可用。

芎蘇散 治外感風寒。壯熱頭疼。心胸煩悶。

紫蘇葉

川芎

白朮

白芍藥

麥門冬去心

陳皮

乾葛各五分

甘草炙三分

右用生薑葱白水煎。

參蘇飲去木香

治證同前方見六卷第十二論

### 妊娠時氣方論第六

論曰。四季之間。非其時而有其氣。謂春寒夏冷。秋熱冬暖之不正也。所感者不拘長少。其症相類。故云時氣。妊娠患之。重者多致傷胎。

愚按前症與前傷寒互相主治。

秦艽散 治時氣五六日。不得汗。口乾飲水。狂言嘔逆。

秦 芫

柴 胡各五

石 膏一錢

犀 角鑄

赤 茯苓

前 胡

甘 草

葛 根

升 麻

黃 芩各四

右用淡竹茹一分。水煎服。

葛根飲子 治時氣煩熱口乾頭痛。

麻 黃去節

乾 葛各半

石 膏一兩

豉一合

白 米半合

梔 子二十

葱 白二莖

右用水煎。分三服。汗出爲效。

消熱飲子 治時氣六七日。大小便不利。

芒 硝一兩

葵 子二兩

右如前煎服。以利爲效。芒硝即朴硝

人參敗毒散方見二十四

妊娠熱病方論第七

冬時觸冒嚴寒即病。為傷寒。藏於肌骨。夏至發為暑病。即熱症也。妊娠患之。多致墮胎。熱病與中暑相似。但熱病者脈實。中暑者脈虛。治當審察。不可概施。

愚按此症與前後三症同治。

治妊娠熱病頭痛嘔吐煩悶。

人參無一方

竹茹

葛根各一

蘆根二兩

知母三兩

麥門冬去心一

右每服四錢。連根葱白三寸。水煎。

梔子仁飲 治熱病發斑黑色。小便如血。氣喘急。胎欲落。

梔子

升麻

生地黄

石膏各二

黃芩

大青各一

右每服半兩。葱白七寸。豉四十九粒。水煎。

大黃飲 治熱病六七日。大小便秘澀。

大黃

石膏各一

知母

前胡

赤茯苓各三

梔子

甘草

黃芩各半



右每服五錢。生地一分。煎服。

又方。伏龍肝細研。每服一錢。水調下。外用。水調塗臍下。

又方。葛根煮汁。時服一盞。

補遺蘆根湯。治熱病頭疼。心煩嘔吐。

知母四兩

青竹茹三兩

右每服五錢。生蘆根一握。糯米一撮。水煎。

梔子五物湯。治妊婦傷寒。壯熱頭痛。

梔子

前胡

知母各二兩

黃芩一兩

石膏四兩

右每服五錢。用水煎服。

升麻六物湯。治傷寒斑黑溺血。

升麻

梔子各二兩

大青

杏仁

黃芩

右每服五錢。葱頭水煎。

妊娠傷寒熱病防損胎方論第八

論曰。非節之氣。傷於妊婦。熱毒侵損胞胎。若不早治。多致墮胎漏血。則子母之命。亦不能全矣。

愚按。前症當分察六經為主。而參於前後方論。

治妊娠傷寒身痛壯熱。

葱白切一升

前胡

葛根

石膏各十

青黛六分

升麻八分

梔子十二箇

右用水煎。分三服。

治妊娠傷寒大小便秘結。

前胡十分

大黃

石膏各二分

梔子仁十枚

知母

黃芩

茯苓

生薑各八分

右用水煎。分三服。

治妊娠傷寒發斑忽黑。小便如血。胎欲落。

梔子

升麻各四兩

青黛二兩

石膏八兩

黃芩三兩

蔥白切一

生地黄二十枚

右用水煎。分三服。忌熱物。

又用井中泥塗心下。乾則易。二方出本事再錄有效  
補遺。治妊娠熱病。先以白朮散安胎。前方見

### 妊娠熱病胎死腹中方論第九

論曰。熱病以致胎死不能出者。但服黑神散。胎自下矣。

愚按。陳無擇先生曰。前症當視產母。若面赤舌青。知其子死。面青舌赤。知母死。子生。脣青吐沫。子母俱死。若雙胎。或一死一活。用黑神散。竊謂前症宜補助產母。使其胎自下。黑神散恐其太熱。不宜輕用。果一胎已死者。用平胃散。朴硝水。銀下之。最為穩當。庶不錯傷生者。平胃散

黑神散又名烏金散靈方名肉桂散

桂心

當歸

芍藥

甘草炙

乾薑炒

生地黄各一兩

黑豆二兩 炒去皮

附子炮去皮 半兩

右爲末。每服二錢。空心用溫酒調下。

補遺。胎死用紅花酒煮汁飲二三碗。

又方。伏龍肝爲末。溫酒調下二錢。白湯亦可。

又方。朴硝末。童子小便和熱酒調下三錢。立出。

### 妊娠瘧疾方論第十

論曰。妊娠病瘧。乃夏傷於暑。客於皮膚。至秋而發。陽盛則熱。陰盛則寒。陰陽相雜。寒熱俱作。其發晏者。由風邪客於風府。循膂而下。衛氣至一日一夜。當大會於風府。故發日晏。其發早者。衛氣之行風府。日下一節。二十一日下至尾骶。二十二日入脊內。上注於俠衛之脈。其行九日。出缺盆。其氣既止。故發更早。其間日發者。風邪內搏五臟。橫連募原。其道遠。其氣深。其行遲。不能日作也。妊娠而發。多傷於胎。愚按。前症因脾胃虛弱。飲食停滯。或外邪所感。或鬱怒傷脾。或暑邪所伏。審係飲食停滯。用六君子加桔梗、蒼朮、藿香。外邪多而飲食少。用藿香正氣散。外邪



少而飲食多。用人參養胃湯。勞傷元氣。用補中益氣湯。若鬱怒所傷。用小柴胡兼歸脾湯。若木侮土久而不愈。用六君子爲主。佐以安胎藥。乃參三陰三陽經而治之。

附治驗

一婦人因怒發瘧。舉發無期。久而不已。胸腹不利。飲食少思。吞酸吐痰。用六君子加柴胡、山梔。二十餘劑尋愈。但晡熱少食。又用四君子加柴胡、升麻爲主。佐以逍遙散而痊。

一妊娠瘧久不已。噯氣下氣。胸腹膨脹。食少欲嘔。便血少寐。此屬肝脾鬱怒。用歸脾湯加柴胡、山梔。漸愈。又用六君子湯加柴胡、山梔、升麻而愈。

一妊婦患瘧已愈。但寒熱少食。頭痛。晡熱內熱。此脾虛血弱也。用補中益氣湯加蔓荊子。頭痛頓止。又用六君子湯加芎歸。飲食頓進。再用逍遙散加參朮。而寒熱愈。

七寶散 治瘧疾一日一發。或一日兩發。或間日一發。

常山

厚朴薑製

青皮

陳皮並去

甘草炒

檳榔

草果等分

右每服半兩。酒水各一碗。煎至一盞。去渣。露一宿。發時面東溫服。良久再服。一

妊婦先寒後熱。六脈浮緊。用前散一劑而愈。

人參養胃湯。治妊娠瘧疾。寒多熱少。或但寒不熱。頭痛惡心。身痛。面色青白。脈

弦遲者。又有驅邪散。治證亦同。方見七卷第十八論清脾湯。治妊婦瘧疾。寒少熱多。或但熱不寒。口苦舌乾。大便秘澀。不進飲食。脈

弦數者。

青皮

厚朴薑製

白朮炒

草果

茯苓

半夏炒

黃芩

柴胡

甘草炙各五分

右用薑水煎。

附方

交加散。治食瘧神效。

肉豆蔻生二箇一煨

草豆蔻生二箇一煨

甘草炒二錢半

厚朴炒二錢半

生薑一兩半

右用薑水煎發日五更服。

仲景白虎加桂枝湯 治溫瘧。

知母六錢

桂枝

黃芩各一錢

栝樓根二錢

甘草炙

牡蠣

乾薑各一錢

右用水煎服。汗出即愈。此少陽經藥也。

桂枝羌活湯 治瘧處暑以前頭痛脈浮惡風有汗。

桂枝

羌活

防風

甘草各一錢五分

右水煎發服。吐加半夏。

麻黃羌活湯 治症如前但惡寒無汗。

麻黃去節

羌活

防風

甘草各半兩

右如前服。加法同二方。太陽經藥也。

白芷湯 治瘧身熱目痛熱多寒少脈長。先以大柴胡下之。微利為度。餘熱不盡。

當服此湯。

白芷一兩 知母七錢 石膏四兩

右粗末。依前服。陽明經藥也。

桂枝芍藥湯 治瘧寒熱不論先後。此太陽陽明合病。寒熱作則必戰。經曰。熱勝而動也。發熱則必汗泄。經曰。汗出不愈。知內熱也。乃陽盛陰虛之證。此湯主之。否則久而傳於陰經矣。

桂五分 黃耆 知母 石膏

芍藥各二錢

右粗末。水煎。此太陽陽明經藥也。

桂枝黃芩湯 如服前藥轉甚。三陽合病也。宜此和之。

柴胡五分 黃芩 人參 甘草各八分

半夏 石膏 知母各五分

右每粗末。依前服。如外邪已解而內未已。再服下藥。從卯至午發。大柴胡下之。從午至酉發。邪氣在內也。大承氣下之。從酉至子發。或至寅發。邪氣在血也。桃仁承氣湯下之。微利後。更以小柴胡湯徹其邪氣。按此太陽陽明少陽經藥也。



以上諸方。並係發風寒暑熱之氣。自外而入。中於三陽之經者也。

桂枝石膏湯 治瘧疾隔日。先寒後熱。寒少熱多。

桂枝五錢 石膏五錢 知母五錢 黃芩一兩

右分三服。水煎。此太陽陽明經藥也。隔日發者。邪氣所舍深者也。

麻黃黃芩湯 治瘧發如前症而夜發者。

麻黃去節一兩 甘草炙三錢 黃芩五分 桂二錢

桃仁三十箇 去皮尖

右依前服。桃仁味苦甘辛。肝者血之海。血驟則肝氣燥。經所謂肝苦急。急食甘以緩之。故桃仁散血緩肝。謂邪氣深遠而入血。故夜發乃陰經有邪。此湯發散血中風寒。治風暑深入陰分。乃血受病。邪氣所舍尤深者也。麻黃、桂枝、桃仁等。乃太陰經血藥。非三陰經藥也。

附方

四君子湯

六君子湯

補中益氣湯 三方見二十六論

藿香正氣散 方見二十一論

人參養胃湯 方見七卷十八論

小柴胡湯 方見二十四論

逍遙散

加味歸脾湯二方見二十四卷第四論

### 妊娠霍亂方論第十一

夫飲食過度。觸冒風冷。陰陽不和。清濁相干。謂之霍亂。其間或先吐。或腹痛吐利。是因於熱也。若頭痛體疼發熱。是挾風邪也。若風折皮膚。則氣不宣通。而風熱上衝。爲頭痛。若風入腸胃。則洩利嘔吐。甚則手足逆冷。此陽氣暴竭。謂之四逆。妊娠患之多致傷胎也。

愚按前症。若因內傷飲食。外感風寒。用藿香正氣散。若因飲食停滯。用平胃散。果脾胃頓傷。陽氣虛寒。手足逆冷者。須用溫補之劑。治當詳審。毋使動胎也。

#### 附治驗

一妊婦霍亂已止。但不進飲食。口內味酸。泛行消導寬中。余曰。此胃氣傷而虛熱也。當用四君子湯。彼不信。乃服人參養胃湯。嘔吐酸水。其胎不安。是藥復傷也。仍與四君子湯。俾煎熟。令患者先嗅藥氣。不作嘔。則呷少許。恐復嘔。則胎爲釣動也。如是旬餘而愈。

人參散 治脾胃虛寒。霍亂吐瀉。心煩腹痛。飲食不入。

人參 厚朴 薑製 橘紅 各一

乾薑 炮 甘草 炙 各五

右用棗水煎服。

人參白朮散 治脾胃虛弱吐瀉。或吐瀉作渴不食。

白朮 茯苓 人參 甘草 炒

木香 藿香 各五 乾葛 一錢

右用水煎服。吐甚加生薑汁頻飲之。

縮脾飲 解伏熱。除煩渴。消暑毒。止吐瀉。宜沉冷頻服。

草果仁 四兩 烏梅肉 三兩 甘草 炙 二

右每服半兩。用薑十片水煎。

木瓜煎 治吐瀉轉筋悶絕。

吳茱萸 湯炒 生薑 切 各 木瓜 木刀切

右每服二三錢。用水煎。

治霍亂。其效神速。一方有黃連無扁豆。仍與第二論通用。妊婦霍亂腹痛。四肢冷逆。自汗脈細。理中湯治之。傷食加陳皮。寒甚脈欲絕。陰症悉具。加炮附子。方見卷

竹茹湯 治霍亂熱渴脈數嘔吐見七卷門

附方

藿香正氣散方見二十一卷第十論 平胃散方見七卷第十論 四君子湯方見二十四卷第六論

人參養胃湯方見七卷第十論 五苓散方見二十一卷第十論 理中丸方見二十卷第八論

香薷飲方見七卷第二論



校註婦人良方 卷十四 妊娠門 妊娠霍亂方論第十一

二六

# 校註婦人良方

宋 臨川 陳自明良甫編輯  
明 古吳 薛己立齋補註

鄞縣 曹赤電炳章圈校

## 卷十五

### 妊娠泄瀉方論第一

論曰。妊娠泄瀉。或青或白。水穀不化。腹痛腸鳴。謂之洞泄。水穀不化。喜飲嘔逆。謂之協熱下利。並以五苓散利小便。次以黃連阿膠丸。或三黃熟艾湯以安之。若瀉黃有沫。腸鳴腹痛。脈沉緊數。用戊己丸和之。噉腐不食。胃脈沉緊。用感應丸下之。後調和脾胃。若風冷水穀不化。如豆汁。用胃風湯。寒冷臍下陰冷動泄。用理中湯。治中湯。伏暑心煩渴瀉水。用四苓散。傷濕泄瀉。小便自利。用不換金正氣散。胃苓湯。此四證之大略也。仍參第八卷第八論主之。

愚按。米食所傷。用六君加穀蘖。麵食所傷。用六君加麥蘖。肉食所傷。用六君加山查。若兼寒熱作嘔。乃肝木侮脾土。用六君加柴胡。生薑兼嘔吐腹痛。手足逆冷。乃寒水侮土。六君加薑桂。不應。用錢氏益黃散。若元氣下陷。發熱作渴。肢體倦怠。用補中益氣湯。若泄瀉色黃。乃脾土之真色。用六君加木香。肉果。若作嘔不食。腹痛惡寒。乃脾土虛寒。用六君加木香。薑桂。若瀉在五更。清晨飲食少思。乃脾胃虛弱。五更服四神丸。日間服白朮散。如不應。或愈而復作。或飲食少思。急用八味丸。補命門火。以生脾土爲善。

附治驗

邊太常側室。妊娠泄瀉。自用枳朮黃連之類。腹悶吐痰。發熱惡寒。飲食到口。即欲作嘔。強匙許。即吞酸不快。欲用祛痰理氣。余曰。此因脾胃傷而痰滯中脘。若治痰氣。復傷脾胃矣。遂以參朮炮薑爲末。丸如黍粒。不時含嚥三五丸。漸加至三日後。日進六君子湯而尋愈。

進士王徽徵之內懷妊。泄瀉惡食作嘔。余曰。脾氣傷也。其內憂之。強進米飲。余謂飲亦能傷胃。且不必強。俟脾胃醒。宿滯自化。飲食自進。不信。別用人參養胃湯。

飲之。吐水酸苦。又欲投降火寒藥。余曰。若然。則胃氣益傷也。經云。損其脾胃者。調其飲食。適其寒溫。後不藥果愈。

厚朴丸 治洞泄寒中。

乾薑炒

厚朴去皮等分

右水拌炒爲末。水糊丸。梧子大。每服五十丸。米飲下。

草果散 治虛寒泄瀉腹痛無度。

厚朴薑汁炒二兩

肉豆蔻十個煨

草豆蔻十個煨

右每服三錢。用薑水煎。

### 附方

附子理中湯方見二卷第八論

理中丸

五苓散二方見二卷第十論

六君子湯

補中益氣湯

二方見二卷第六論錢氏益黃散方見二卷第九論

四神丸方見八卷第八論

七味白朮散

方見二卷第二十一論八味丸方見二卷第十一論

## 妊娠下痢黃水方論第二



論曰。妊娠飲食生冷。脾胃不能尅化。致令心腹疼痛。若血分病則色赤。氣分病則色白。血氣俱病。則色赤白相雜。若熱乘大腸。血虛受病。則成血痢也。

愚按。治痢之法。當參前篇。其下黃水。乃脾土虧損。真色下陷也。當補益中氣。若黃而兼青。乃肝木尅脾土。宜平肝補脾。若黃而兼白。乃子令母虛。須補脾胃。若黃而兼黑。是水反侮土矣。必溫補脾胃。若黃而兼赤。乃心母益子。但補中益氣。若腸胃虛弱。風邪客之。用胃風湯。或胎氣不安。急補脾胃而自安矣。凡安胎之藥。當臨病制宜。不必拘用阿膠艾葉之類。

附治驗

地官胡成甫之內。妊娠久痢。自用消導理氣之劑。腹內重墜。胎氣不安。又用阿膠艾葉之類。不應。余曰。腹重墜下。元氣虛也。胎動不安。內熱盛也。遂用補中益氣而安。又用六君子湯全愈。

治妊娠利黃水。

厚朴薑汁多二兩

黃連二兩

肉豆蔻連皮五個

右用水煎。徐徐服。忌如前。並出產方。

治妊娠熱痢。

黃連一升

黃蘗一升

梔子仁二十

右用每服五錢。水煎。嘔。加橘皮生薑。

治妊娠下痢腹痛小便澀滯。

糯米一合

當歸炒

黃耆各一

右用水煎。分四服。

治臨產下痢。用梔子炒爲末。每服二錢。白湯調。甚效。

附方

胃風湯方見二十九卷第九論

補中益氣湯方見二十四卷第六論

### 妊娠大小便不通方論第二

夫妊娠大小便不通。由臟腑之熱所致。若大腸熱。則大便不通。小腸熱。則小便不利。大小腸俱熱。更推其因而藥之。

愚按前症若大腸血燥。用四物湯。加條芩、桃仁。大腸氣滯。用紫蘇飲。加杏仁、條

芩。腸胃氣虛。用六君子。加紫蘇。杏仁。肝脾蘊熱。用龍膽瀉肝湯。心肝虛熱。用加味逍遙散。加車前子。

附治驗

亞卿李浦汀側室。妊娠大小便不利。或用降火理氣之劑。元氣反虛。肝脈弦急。脾脈遲滯。見其面色青黃不澤。余曰。此鬱怒所致也。用加味歸脾湯為主。佐以加味逍遙散而安。

主政王天成之內。妊娠痢疾愈後。二便不通。其家世醫。自用清熱之劑。未效。余診其脈。浮大而濇。此氣血虛也。朝用八珍湯。加桃仁。杏仁。夕用加味逍遙散。加車前子而瘥。

當歸散 治妊娠因怒。肚腹脹痛。四肢浮腫。氣急作喘。大便難。小便濇。產門腫。

當歸 五分

赤茯苓

枳殼 麵炒

白芍藥

川芎 錢各一

白薑 炮

木香 煨

粉草 各三分

右用薑水煎。氣弱枳殼減半。大便秘。加密同煎。治妊娠大小便不通。腹脇痞悶。不思飲食。

大黃炒

木通

檳榔各一

枳殼三兩分炒

訶梨勒半個生半煨大腹子三枚

右爲末。用童便一盞。葱白二寸。煎六分。調服二錢。

初虞世治妊娠風氣大便秘澀。

枳殼三兩炒

防風二兩

甘草炙一兩

右爲末。每服一二錢。空心。用白滾湯調。日三服。

小品治妊娠小便不利氣急。服猪苓散。不瘥。用甘遂爲末。蜜和服。豆許。微利之。未利再服。利後。仍服猪苓散。

猪苓散。治妊娠小便澀痛及胎水。猪苓去皮爲末。白湯調下錢許。加至二錢。日三夜二服。

又方。車前子一兩。大黃半兩。炒爲末。每服三錢。蜜湯調。

### 附方

四物湯

六君子湯二方見二十卷第六論

紫蘇湯方見二十八論

龍膽瀉肝湯方見二十八論

加味逍遙散

加味歸脾湯



入珍湯三方見二十四卷第四論

### 妊娠小便不通方論第四

夫妊娠小便不通。爲小腸有熱。傳於脬而不利耳。若兼心肺氣滯。則致喘急。陳無擇云。妊娠胎滿逼胞。多致小便不利。若心腎氣虛。清濁相干。而爲諸淋。若胞系了戾。小便不通。名曰轉胞。若胎滿尿出。名曰遺尿。

愚按。丹溪先生轉脬小便閉。多因胎婦虛弱。憂悶性躁。食味厚。古方用滑利消導藥鮮效。若脬爲胎所壓而不利。但升舉其胎。胞系疎而小便自行。若臍腹作脹而小便淋閉。此脾胃氣虛。胎壓尿胞。四物二陳。參朮空心服。後探吐數次。自安。竊謂前症亦有脾肺氣虛而不能下輸膀胱者。亦有氣熱鬱結。膀胱津液不利者。亦有金爲火燠。脾土濕熱甚而不利者。更當詳審施治。

#### 附治驗

司徒李杏岡仲子室。孕五月。小便不利。諸藥不應。余曰。非八味丸不能救。不信。別用分利之藥。肚腹腫脹。以致不起。

儒者王文遠室。患此小腹腫脹。幾至於殆。用八味丸一服。小便滴瀝。再以前丸之料。加車前子。一劑即利。肚腹頓宛而安。

八味丸 治婦人飲食如故。煩熱不得臥。反倚息。因脬系了戾。不得溺。名轉脬。但利小便則愈。蓋此藥有茯苓故也。緩則不救。方見二十四論

古今錄驗。妊娠小便難。飲食如故。

當歸

貝母去心炒

苦參各三兩

滑石半兩

右為末。煉蜜丸。小豆大。每服二三十九。米飲下。

治妊娠不通。臍下妨悶。心神煩亂。

葵子研

榆柏皮切各兩

葱白七莖

右水煎。分三服。

右今錄驗。妊娠不得小便。杏仁去皮尖。炒黃搗丸。燈心湯吞七粒。

又方。滑石末。水和。塗臍下。

又方。用車前草汁。調滑石末。塗臍周圍四寸。熱易之。

又方。搗杏仁。入滑石末。飯丸小豆大。每服二十九。白湯下。

又方。用紫苑爲丸。井花水調下二錢。  
葵子散。治妊娠小便不利。身重惡寒。眩暈及水腫。用葵子五兩。赤茯苓五兩。爲末。每服二錢。米飲調。

附方

四物湯 方見二十四卷第六論

二陳湯 方見二十四卷第五論

妊娠子淋方論第五

妊娠小便淋者。乃腎與膀胱虛熱。不能制水。然妊娠胞繫於腎。腎間虛熱而成斯症。甚者心煩悶亂。名曰子淋也。

愚按前症若頸項筋攣。語澹痰甚。用羚羊角散。若小便澀少淋瀝。用安榮散。若肝經濕熱。用龍膽瀉肝湯。若肝經虛熱。用加味逍遙散。腿足轉筋而小便不利。急用八味丸。緩則不救。若服燥劑而小便頻數。或不利。用生地黃、茯苓、牛膝、黃柏、知母、芎藭、甘草。若頻數而色黃。用四物加黃柏、知母、五味、麥門、玄參。若肺氣虛而短少。用補中益氣加山藥、麥門。若陰挺痿痺而頻數。用地黃丸。若熱結膀



膀胱而不利。用五淋散。若脾肺燥不能化生。宜黃芩清肺飲。若膀胱陰虛。陽無所生。用滋腎丸。若膀胱陽虛。陰無所化。用腎氣丸。

### 附治驗

一婦人每怒發熱脇脹。小便淋瀝。如遇經行。旬餘未已。受胎三月。因怒前症復作。朝用加味逍遙散。夕用安胎飲。各二劑而安。五月又怒。復下血如經行。四日未止。仍用前藥而愈。

一妊娠飲食後因惱怒。寒熱嘔吐。頭痛惡寒。胸腹脹痛。大便不實。其面青色。小便頻數。時或有血。服安胎止血之劑。益甚。余曰。寒熱嘔吐而腹脹。此肝木尅脾土。而元氣傷也。大便不實而面青。此飲食傷脾。兼肝侮土也。小便數而有血。此肝熱傳胞。而兼挺痿也。用六君子。加枳殼。紫蘇。山梔。二劑。脾胃頓醒。用加味逍遙散。加枳殼。紫蘇。二劑。小便頓清。後節飲食。調理而安。

地膚大黃湯 治子淋

大黃

地膚草各三兩

知母

黃芩炒

猪苓

赤芍藥

通草

升麻



枳實炒 甘草各二兩

右每服四五錢。水煎服。

安榮散 治子淋甚妙。

麥門冬去心 通草

燈心 甘草

右水煎服。

治小便淋痛。心煩悶亂。

瞿麥穗 赤茯苓

葵子各一錢 黃芩

車前子各五分

右水煎服。

治子淋小便澀痛。

冬葵子 滑石

右每服四五錢。葱白七寸。水煎。

滑石 人參

當歸 細辛各五分

桑白皮

木通

芍藥

枳殼

木通各等分

猪苓散 療子淋小便澀痛。方見本卷第三論

附方

羚羊角散方見四卷首論

龍膽瀉肝湯方見二十四卷第八論

加味逍遙散

四物湯二方見二十八卷第八論

腎氣丸即六味丸

六味丸

八味丸三方見二十四卷第十一論

六君子湯

補中益氣湯三方見二十四卷第六論

五淋散

滋腎丸

黃芩清肺飲三方見八卷第一論

安胎飲方見十三卷第二論

妊娠遺尿方論第六

妊娠尿出不知。用白薇芍藥爲末。酒調下。或白礬、牡蠣爲末。酒調二錢。或雞毛灰末。酒服一匕。或炙桑螵蛸、益智子仁爲末。米飲下。

愚按前症若脬中有熱。宜用加味逍遙散。若脾肺氣虛。宜用補中益氣湯。加益智。若肝腎陰虛。宜用六味丸。

附治驗

一妊娠遺尿內熱。肝脈洪數。按之微熱。或兩太陽作痛。脇肋作脹。余以爲肝火血虛。用加味逍遙散。六味地黃丸。尋愈。後又寒熱。或發熱。或恚怒。前症仍作。用八珍湯。逍遙散兼服。以清肝火。養肝血而痊。

附方

加味逍遙散

八珍湯 二方見二十四卷第四論

補中益氣湯 方見二十四卷第六論

六味地黃丸 方見二十四卷第十一論

妊娠尿血方論第七

妊娠尿血。內熱乘於血分。以致血熱流滲於脬。名子淋。用葵子一升。研細。水五升。煮二升。分三服。或生艾葉一斤。酒五升。煮一升。分三服。亦治落產後下血。

愚按前症因怒動火者。宜小柴胡加山梔。因勞動火者。宜補中益氣湯。若因厚味積熱。宜用加味清胃散。若因肝經血熱。宜用加味逍遙散。若因脾氣下陷。宜補中益氣湯。若因脾虛血熱。宜用加味逍遙散。

附治驗

一妊婦因怒尿血。內熱作渴。寒熱往來。胸乳間作脹。飲食少思。肝脈弦弱。此肝經血虛而熱也。用加味逍遙散、六味地黃丸兼服漸愈。又用八珍湯加柴胡、丹皮、山梔而痊。

續斷湯 治妊娠下血及尿血。

當歸

生地黃各一兩

續斷半兩

赤芍藥五錢

右爲末。每服二錢。空心用葱白煎湯調下。

治妊娠尿血

阿膠炒爲末四兩

熟地黃用生者四兩酒拌蒸熟杵膏

右和丸。桐子大。每服七八十丸。空心粥飲下。

五淋散去桂加阿膠每四錢。用車前子、白茅根。水煎溫服。

又方。白茅根濃煎湯。吞酒蒸黃連丸。

附方

小柴胡湯方見第二十四卷 補中益氣湯方見第二十四卷 加味清胃散方見第二十四卷

加味逍遙散方見第二十四卷 加味歸脾湯方見第二十四卷



### 妊娠胎水腫滿方論第八

產乳集云。妊娠三月。足腫至腿出水。飲食不甘。似水腫。謂之子氣。至分娩方消者。此脾胃氣虛。或衝任經有血風。名醫錄云。宋少主元徽與徐文伯微行學鍼法。文伯見一妊婦足腫。脈之。少主曰。此女形也。文伯曰。此鬼胎也。在左而黑。遂用鍼。胎下果然。亦有脾虛水氣流溢。或因瀉痢。臟腑虛寒。或因瘧疾飲水。脾虛濕漬。或因水漬於胞。不能分利。皆致腿足肚腹腫症也。

愚按前症若胸滿腹脹。小便不通。遍身浮腫。用鯉魚湯。脾胃虛弱。佐以四君子。若面目虛浮。肢體如水氣。用全生白朮散。如未應。用六君子湯。脾虛濕熱。下部作腫。用補中益氣加茯苓。若飲食失宜。嘔吐泄瀉。用六君子湯。若腿足發腫。喘悶不安。或指縫出水。用天仙藤散。虛胃脾弱。兼四君子湯。如未應。用補中益氣湯。若脾肺氣滯。用加味歸脾湯。佐以加味逍遙散。

#### 附治驗

一妊娠每胎至五月。肢體倦怠。飲食無味。先兩足腫。漸至遍身。後及頭面。此是脾

肺氣虛。朝用補中益氣。夕用六君子。加蘇梗而愈。凡治妊娠。毋泥月數。但見某經症。即用本藥為善。

天仙藤散 治婦人有水氣而成胎。以致兩腿足浮腫。

天仙藤洗略炒

香附子炒

陳皮

甘草

烏

藥軟白者辣者  
良各五分

右每服五錢。生薑木瓜。蘇葉各三片。水煎。日三服。

澤瀉散 治妊娠遍身浮腫。上氣喘急。大便不通。小便赤澀。

澤瀉

桑白皮炒

木通

枳殼熬炒

檳榔

赤茯苓各五分

右薑水煎服。

千金鯉魚湯 治妊娠腹大。胎間有水氣。

白朮五兩

茯苓四兩

當歸

芍藥各三兩

右先以小鯉魚一頭。如食法煮取汁。每汁二盞。入藥五錢。薑七片。橘皮少許。煎七分。空心服。

腎着湯 治妊娠腰脚腫。

茯苓

白朮各八分

乾薑炮

甘草各一錢

杏仁五分

右水煎服。

五皮散 治胎水腫滿。

大腹皮

桑白皮炒

生薑皮

茯苓皮

橘皮各一錢

木香三分

右水煎服。

治妊娠脚浮腫。因脾衰血化成水。用生料平胃散。薑棗水煎服。或爲末。用蘇葉湯調下。每服二錢。

全生白朮散 治妊娠面目浮虛。四肢腫如水氣。名曰胎氣。又曰胎腫。

白朮一兩

生薑皮

大腹皮

陳皮

白茯苓各半兩

右各爲末。每服二錢。米飲下。

附方

四君子湯

六君子湯

補中益氣湯三方見二十四卷第六論

加味逍遙散方見二十四卷第四論

加味歸脾湯方見二十四卷第四論

妊娠腹內鐘鳴方論第九

治孕婦腹內鳴。用鼠窟中土為末。入麝香。酒調下三錢。立愈。或黃連濃煎汁。母常呷之。

愚按。產寶云。小兒在腹中哭。其治法亦用空房中鼠穴土。或黃連濃煎飲之。立愈。想卽是症。又云。臍帶上疙瘩。兒含口中。因妊婦登高舉臂。脫出兒口。以此作聲。令妊婦屈腰就地。如拾物狀。臍仍復入兒口。卽止。然黃連性寒。麝香開竅。當酌量用之。

龔彥德孕癰方第十

治孕癰。用烏藥五錢。水一鍾。煎七分。入牛皮膠一兩。煎化溫服。或薏苡仁煮汁飲。



之。

愚按、孕癰卽是腹內患癰。如前法不應。宜用牡丹皮散。或薏苡仁湯。治驗見二十四卷

### 妊娠不語論第十一

孕婦不語。不須服藥。臨產月。但服保生丸。四物湯。產下便語。黃帝問曰。人有重身。九月而瘖。何也。岐伯對曰。胞絡繫於腎。腎脈貫繫舌本。故不能言。十月分娩後。自爲之言也。

愚按、前症果內經窮理之言。人有患此。當調攝以需之。不必驚畏。而泛用藥也。

### 妊娠傷食方論第十二

經曰。飲食自倍。腸胃乃傷。又云。陰之所生。本在五味。陰之五宮。傷在五味。故妊娠傷食。最難調治者。

愚按、東垣先生云。脾胃之氣壯。則過時而不饑。多食而不傷。蓋胃主司納。脾主消化。五臟之本也。然食倍而傷者。乃脾氣虛而不化也。若投以峻劑。則脾胃復

傷。而胎亦損矣。當審其所因而調治之。若飲食停滯。或肚腹作痛。用平胃散。嘔吐惡心。加枳殼、砂仁。吞酸噯腐。加黃連三分。吳茱萸二分。腹滿泄瀉。用六君子湯。停滯肉食。倍加山楂。停滯麵食。倍加麥蘖。停滯糯食。用白酒麴末一味。米食停滯。倍加穀蘖。魚腥所傷。倍加陳皮。傷辛熱之物。加黃連。傷生冷之物。加砂仁。木香。如不應。更加肉豆蔻。補骨脂。再不應。用四神丸。若脾氣下陷。用補中益氣湯。凡噯覺藥氣。且戒藥餌。節飲食。經云。損其脾者。調其飲食。適其寒溫。大凡脾胃虛弱。飲食難化。以白朮、陳皮爲末。等分。陳麴糊丸。常服最善。枳朮丸。但可暫用。枳實峻厲。能耗真氣。治者慎之。

### 附治驗

一妊娠因停食。服枳朮丸。胸腹不利。飲食不少。更服消導寬中之劑。其胎下墜。余謂此脾氣虛而不能承載也。用補中益氣。及六君子湯。中氣漸健。其胎漸安。又用八珍湯加柴胡、升麻。調理而痊。

木香丸 治妊娠脾胃虛弱。飲食不消。肚腹膨脹。或嘔吐泄瀉。

木香二錢

白朮炒

人參

白茯苓各等分

右為末。麵糊丸。菴荳大。每服三十丸。熱水下。

白朮散 治妊娠脾胃虛弱。氣不調和。飲食易傷。

白朮炒 紫蘇各一 人參 白芷各三

川芎 訶子皮 青皮各半 甘草錢炒一

右每服二錢。薑水煎。

附方

平胃散方見七卷 補中益氣湯 六君子湯方見二卷

四神丸方見八卷 八珍湯方見二十四卷

妊娠臟躁悲傷方論第十三

許學士云。一婦無故。數次悲泣。是謂臟躁。用大棗湯而愈。又程虎卿內。妊娠五月。慘戚悲傷。亦投大棗湯而愈。

愚按。前症或因寒水攻心。或肺有風邪。治當審察。

附治驗

一妊娠無故自悲。用大棗湯。二劑而愈。後復患。又用前湯佐以四君子加山梔而安。

一妊婦悲哀煩躁。其夫詢之云。我無故。但自欲悲耳。用淡竹茹湯為主。佐以八珍湯而安。

### 大棗湯

甘草三兩 小麥三兩 大棗十枚

右水六鍾。煎三鍾。分三服。亦補脾氣。

淡竹茹湯 治妊婦心虛驚悸。臟躁悲傷。或作虛煩。

麥門冬去心 小麥 半夏湯泡各一分 人參

白茯苓各一分 甘草五分

右薑棗并竹茹少許。水煎。

治胎臟躁悲哭。用紅棗燒存性。米飲調下。

### 附方

四君子湯方見二十四卷第六論 八珍湯方見二十四卷第四論



校註婦人良方 卷十五 妊娠門 妊娠臟躁悲傷方論第十三 二四

# 校註婦人良方

宋 臨川 陳自明良甫編輯  
明 古吳 薛己立齋補註

鄞縣 曹赤電炳章圈校

## 卷十六

坐月門

妊娠疾病既明須知坐月禁忌故以次之

### 產寶方周頌序第一

頌聞至靈者人。最重者命。人皆知命之重。而不知養命之方。以至年未衰邁。疾病攻奪。倉卒尋醫。多致有誤。况婦人病。惟產難為急。子母命懸片時。故產二三胎者。臟未衰。血氣未減。疾病易治。若產育過多。復自乳子。血氣已傷。尤難治。若產後血氣未復。胃氣益傷。諸症蠱起。此古人所以專著產乳方論。余故編採產寶等方。

兼拾咎氏之遺。作為論說。粹為一編。刊行於世。以救危急云。時丁巳歲。秋八月。吉日。周頌謹序。

### 將護孕婦論第二

凡妊娠至臨月。當安神定慮。時常步履。不可多睡飽食。過飲酒醴雜藥。宜先貼產圖。依位密鋪床帳。預請老練穩婆。備辦湯藥器物。迨產時。不可多人喧鬧惶惶。但用老婦二人扶行。及凭物站立。若見漿水。腰腹痛甚。是胎離其經。令產母仰臥。令兒轉身。頭向產門。用藥催生坐草。若心煩。用水調服白蜜一匙。覺飢。吃糜粥少許。勿令飢渴。恐乏其力。不可強服催藥。早於坐草。慎之。

愚按。前論慎守之。皆先哲好生之德。防患於未萌者也。仁哉。

### 滑胎例第三二

凡妊娠十月。宜用滑胎湯。

滑胎枳殼散 令胎瘦產易。昔湖陽公主。每產累日不下。南山道人進此方。

商州枳殼二兩炒 粉 草一兩炒

右爲末。每服二錢。空心沸湯調。日三服。凡孕六七月宜服之。溫隱居加當歸、廣木香各等分。

易產兼治諸疾。下氣寬膈。

枳殼五兩炒 甘草半兩 香附子三兩炒去毛

右爲末。每服二錢。用白湯調服。

內補丸 治妊娠婦人衝任脈虛補血安胎。

熟地黃二兩用生地酒拌蒸熟杵膏 當歸一兩炒

右爲末。和丸梧子大。每服三四十丸。溫酒或滾湯下。許學士云。大率妊娠。唯在抑陽助陰。然胎前藥。唯惡羣隊。陰陽錯雜。別生他病。唯枳殼散。所以抑陽。四物湯。所以助陰。爾然枳殼散。其味多寒。若單服。恐致胎寒腹痛。更以內補丸佐之。則陽不致強。陰不致弱。陰陽調和。有益胎嗣。此前人未嘗論及也。易產滑胎。車前子爲末。或酒或飲。服寸匙。詩云。芣苢能令婦人樂有子矣。陸機注云。治婦人產難。愚詳孔子序詩云。樂然而生。易於生育。卽此謂也。



神寢丸 臨月服之神效。新州施少卿方

通明乳香半兩 枳殼一兩

右爲末。煉蜜丸。梧子大。每服三十丸。空心溫酒下。

榆白皮散 治妊娠滑胎易生。

榆白皮 甘草各二兩 葵子一兩

右爲末。每服五錢。水煎。

孕及九月將產。猪肚一具。煮爛。徐徐自食。盡易生。

保氣散 治寬氣進食。瘦胎易產。或居處失宜。頓仆胎動。若胎痛胎漏。兼服佛手散。見通方

香附四兩 山藥二兩 砂仁一兩 木香四兩

粉草一兩 益智 紫蘇葉各半兩

右爲末。每服二錢。白湯調下。

神寢丸。枳殼散。見前。此三藥。入月宜常服。

保產無憂散 治妊婦身居安逸。口厭甘肥。憂樂不常。食物不節。致胞胎肥厚。根

蒂堅牢。入月服之。則易生矣。

當歸

川芎

白芍藥

枳

殼熬炒

乳香各三錢

木香

甘草

血

餘即髮灰以猪心

錢各半

右爲末。每三錢。水煎。日二服。神效。

### 月空方位例第四

出太平聖惠方外臺秘要同

正月

三月

五月

七月

九月

十一月

在丙壬

二月

四月

六月

八月

十月

十二月

在甲庚

### 逐月安產藏衣忌向方位第五


凡安產藏衣方位。並於臥閣內分布。太平聖惠云。凡妊婦初入月時。便寫產圖一本。以朱書某月某日。空貼在某位。如正月在丙壬。可於壬位安產婦床帳。丙位藏衣之類。貼產房北壁。若值閏月。只看節氣用之。又云。每月產圖。有雷公招搖。運鬼

力士。天狗軒轅。大時咸池。豐隆吳時。白虎大夫。天候狂虎。凡此十三神。並從月建易其位。所謂月空者。按內經云。月廓空無寫。王冰注云。論月輪中空日也。卽非十三神之數。今太平聖惠方。以六陽月在丙壬。以六陰月在甲庚。正如外臺所言。正月十一月在丙壬。二月十二月在甲庚之類。其理一也。但外臺言之詳。聖惠言之簡。今人多從其簡。或云。凡逐月安產藏衣。並向月德月空方位。所有十二神殺。並從節氣更換。若交次月節。便次月用書產圖者。非也。假如正月十四日立春。若妊婦十三日乳臥。豈可作去年十二月用。必依月分用之。乃是若依節氣更換。則天德月德所在差矣。然月空與任。謂之中天空。頗相類。議者以爲天空者。非十三神之數。蓋課中有天乙貴人。其位無可與對者。故此空是謂天空。值此神百事不宜。止宜安產床帳藏衣之類耳。集聖曆云。天德正月在丁。二月在坤。三月在壬。四月在辛。五月在乾。六月在甲。七月在癸。八月在艮。九月在丙。十月在乙。十一月在巽。十二月在天。

又堪輿曆有遊年白虎殺神。在太歲後一辰。如太歲卯。則白虎在寅。餘倣此推之。若產及藏衣犯之。則子母皆不利。

王子亨云。難產逆生論稱。犯一切神。固有是理。然亦有自然難產。兒自然逆生者。及有產腸俱下者。產已則復如故。此非疾病所致。氣血所主。天下之理。蓋有不可窮詰者。亦宜知之。

圖



安產藏衣十三神吉凶方位

安產藏衣十三神  
白虎 大天 豐天 咸軒 雷公 運鬼 安產

吉方 吉方 吉方 吉方 吉方 吉方 吉方 吉方 吉方 吉方 吉方 吉方 吉方

正月 壬丙艮寅寅卯辰辰午申酉戌  
二月 坤庚乾亥卯子丑未己酉己戌亥



三月	丙壬坤申辰酉戌戊午子寅亥子
四月	甲庚巽巳巳午未丑未酉亥子丑
五月	丙壬艮寅午卯辰辰申子申丑寅
六月	庚甲乾亥未子丑未酉卯巳寅卯
七月	丙壬坤申申酉戌戌戌戌子寅卯辰
八月	庚甲巽己酉午戌丑亥卯亥辰巳
九月	丙壬艮寅戌卯辰辰子午申巳午
十月	庚甲乾亥亥子丑未丑卯巳午未
十一月	壬丙坤申子酉戌戌寅午寅未申
十二月	庚甲巽己丑午未丑卯酉亥申酉

推婦人行年法第六

生氣方 產婦宜向之坐臥。及產帳向之。開門大吉。  
反支方 遇此日即鋪灰土。用牛皮。或馬驢皮訖。鋪草。勿令惡血污地吉。

禍害月 不得於其上產。又不得向之二便。避之大吉。  
 絕命方 不得於其上產。又不得向之大小便。避之吉。  
 懸尸日 遇此日產。不得攀繩。宜懸馬轡攀之大吉。  
 閉肚方 臨月至滿日。並不得向之大小便。及棄不淨之水。謹之吉。  
 八莊方 產帳不得向之。開門忌之大吉。

坤 艮 震 巽 坎 離 兌 乾  
 方 方 方 方 方 方 方 方

十三歲行年。在庚申坤。正七離巽。辰戌  
 在正西偏北辛。在正東偏北甲。黃色衣西南首。西南方黃衣師看產。  
 十四歲行年。在己未離。正八坤兌。卯酉  
 在正北偏西壬。在正北偏東癸。赤色衣正南首。正南方赤衣師看產。  
 十五歲行年。在戊午艮。正九乾艮。丑未  
 在正東偏北甲。在正北偏西壬。黑色衣正北首。正北方黑衣師看產。

十六歲行年。在丁巳震。月十艮乾。日丑未

在正東偏北甲。在正西偏北辛。青色衣正東首。

正東方青衣師看產。

十七歲行年。在丙辰艮。一艮震艮。日午

在正東偏南己。在正西偏南庚。黃色衣東北首。

東北方黃衣師看產。

十八歲行年。在乙卯乾。二艮坎震。日亥

在正南偏東丙。在正南偏西丁。白色衣西北首。

西北方白衣師看產。

十九歲行年。在甲寅兌。三艮離。日辰戌

在正南偏西丁。在正南偏東丙。白色衣正西首。

正西方白衣師看產。

二十歲行年。在癸丑巽。四兌坤。日酉

在正西偏南庚。在正東偏南乙。青色衣東南首。

東南方青衣師看產。

二十一歲行年。在壬子坤。五離巽。日寅申

在正西偏北辛。在正東偏北甲。黃色衣西南首。

西南方黃衣師看產。

二十二歲行年。在辛亥離。六坤兌。日丑未

在正北偏西壬。在正北偏東癸。赤色衣正南首。

正南方赤衣師看產。

二十三歲行年。在庚戌坎。五月乾艮。子午

在正北偏東癸。在正北偏西壬。黑色衣正北首。

正北方黑衣師看產。

二十四歲行年。在己酉震。六月艮乾。巳亥

在正東偏北甲。在正西偏北辛。青色衣正東首。

正東方青衣師看產。

二十五歲行年。在戊申艮。正月震坎。辰戌

在正東偏南乙。在正西偏南庚。黃色衣東北首。

東北方黃衣師看產。

二十六歲行年。在丁未乾。二月坎震。卯酉

在正南偏東丙。在正南偏西丁。白色衣西北首。

西北方白衣師看產。

二十七歲行年。在丙午兌。三月巽離。寅申

在正南偏西丁。在正南偏東丙。白色衣正西首。

正西方白衣師看產。

二十八歲行年。在乙巳巽。四月兌坤。丑未

在正西偏南庚。在正東偏北乙。青色衣東南首。

東南方青衣師看產。

二十九歲行年。在甲辰坤。五月離巽。子午

在正西偏北辛。在正東偏南甲。黃色衣西南首。

西南方黃衣師看產。



三十歲行年。在癸卯離。六月坤兌。巳亥

在正北偏西壬。在正北偏東癸。赤色衣正南首。

正南方赤衣師看產。

三十一歲行年。在壬寅坎。正月乾艮。辰戌

在正北偏東癸。在正北偏西壬。黑色衣正北首。

正北方黑衣師看產。

三十二歲行年。在辛丑震。二月艮乾。卯酉

在正東偏北甲。在正西偏北辛。青色衣正東首。

正東方青衣師看產。

三十三歲行年。在庚子艮。三月震坎。寅申

在正東偏南乙。在正西偏南庚。黃色衣東北首。

東北方黃衣師看產。

三十四歲行年。在己亥乾。四月坎震。丑未

在正南偏東丙。在正南偏西丁。白色衣西北首。

西北方白衣師看產。

三十五歲行年。在戊戌兌。五月巽離。子午

在正南偏西丁。在正南偏東丙。白色衣正西首。

正西方白衣師看產。

三十六歲行年。在丁酉巽。六月兌坤。巳亥

在正西偏南庚。在正東偏南乙。青色衣東南首。

東南方青衣師看產。

三十七歲行年。在丙申坤。 <small>正七離巽。辰戌</small>	在正西偏北辛。在正東偏北甲。 <small>黃色衣西南首。</small>	三十八歲行年。在乙未離。 <small>正八坤兌。卯酉</small>	在正北偏西壬。在正北偏東癸。 <small>赤色衣正南首。</small>	三十九歲行年。在甲午坎。 <small>正九乾艮。寅申</small>	在正北偏東癸。在正北偏西壬。 <small>黑色衣正北首。</small>	四十歲行年。在癸巳震。 <small>正十艮乾。丑未</small>	在正北偏東癸。在正北偏西壬。 <small>黑色衣正北首。</small>	在正東偏北甲。在正西偏北辛。 <small>青色衣正東首。</small>	四十一歲行年。在壬辰艮。 <small>正十一震坎。子午</small>	在正東偏北甲。在正西偏北辛。 <small>青色衣正東首。</small>	在正東偏南乙。在正西偏南庚。 <small>黃色衣東北首。</small>	四十二歲行年。在辛卯乾。 <small>正十二坎震。巳亥</small>	在正東偏南乙。在正西偏南庚。 <small>黃色衣東北首。</small>	在正南偏東丙。在正南偏西丁。 <small>白色衣西北首。</small>	四十三歲行年。在庚寅兌。 <small>正十三巽離。辰戌</small>	在正南偏東丙。在正南偏西丁。 <small>白色衣西北首。</small>	在正南偏西丁。在正南偏東丙。 <small>白色衣正西首。</small>	在正南偏西丁。在正南偏東丙。 <small>白色衣正西首。</small>	
	西南方黃衣師看產。		正南方赤衣師看產。		正北方黑衣師看產。		正北方黑衣師看產。		正東方青衣師看產。		正東方青衣師看產。		正東方青衣師看產。		正東方青衣師看產。		正東方青衣師看產。		正西方白衣師看產。

四十四歲行年。在己丑巽。二月入兌坤。卯酉

在正西偏南庚。在正東偏南乙。青色衣東南首。東南方青衣師看產。

四十五歲行年。在戊子坤。三月九離巽。寅申

在正西偏北辛。在正東偏北甲。黃色衣西南首。西南方黃衣師看產。

四十六歲行年。在丁亥離。四月十坤兌。丑未

在正北偏西壬。在正北偏東癸。赤色衣正南首。正南方赤衣師看產。

四十七歲行年。在丙戌坎。五月十一乾艮。子午

在正北偏東癸。在正北偏西壬。黑色衣正北首。正北方黑衣師看產。

四十八歲行年。在乙酉震。六月十二艮乾。巳亥

在正東偏北甲。在正西偏北辛。青色衣正東首。正東方青衣師看產。

四十九歲行年。在甲申艮。正月七震坎。辰戌

在正東偏南乙。在正西偏南庚。黃色衣東北首。東北方黃衣師看產。

坐產時更用後法。

體玄子借地法第七

東借十步。西借十步。南借十步。北借十步。上借十步。下借十步。壁方之中。四隅各借十步。安產借地。或有污穢。或有東海神王。或有南海神王。或有北海神王。或有日遊將軍。白虎夫人。遠去十丈。軒轅招搖。舉高十丈。天符地軸。入地十丈。令地空閑。產婦某氏。安居無所妨礙。無所畏忌。諸神擁護。百邪速去。急急如律令勅。已上借地法。於入月一日。朱書一本。貼產婦房內牆壁上。更不須避忌。神殺也。

### 禁草法第八

鋪草及檀褥訖。卽咒曰。

鐵鐵湯湯。非公所當。是王一言得之銅。一言得之鐵。母子相生俱蔑鐵。急急如律令。

### 禁水法第九

欲產時貯水咒曰。

南無三寶水。

水在井中爲井水。水在河中爲河水。水在器中爲淨水。水在法中爲真水。自知非真莫當真水。



以淨持濁。	以正治邪。	日遊月殺。	五土將軍。	青龍白虎。	朱雀玄武。
招搖天狗。	軒轅女妓。	天吞地吞。	懸尸閉肚。	六甲禁諱。	十二神王。
土符伏神。	各安所在。	不得動靜。	不得忌干。	若有動靜。	若有忌干。
施以神咒。	當攝汝形。				

阿佉尼阿毗羅莫多梨娑地梨娑訶。

### 入月預備藥物第十

愚按前所預備內。佛手、保氣、枳殼、榆皮、黑神、大聖、慈石七散、神寢保生、理中三丸、催生黑虎二丹。及催生神符。又葵子、生地黃、羌活、竹茹、烏梅、雌雄石、燕、甘草、海馬、銜鐵、大棗、陳皮、薑錢、黑豆、白蜜、無灰酒、童子小便、酸醋、白米湯、瓶、鍋、銚、斷臍線、剪之類。可謂周恤之至矣。內花蕊石散。爲血入胞衣。脹大不能下。或惡露上攻。不能甦醒。佛手散。治血虛之危症。加味芎歸湯。治交骨不開。葶麻子。治胞不能上下。失笑散。治惡露腹痛。不省人事。蠟油調滑石塗入產門。爲滑胎之藥。清魂散。治血暈等症。平胃散、朴硝、水銀。爲腐化死胎之劑。八珍湯。補血氣虛損。

上諸方。皆為緊要之藥。必不可缺。其斷臍帶。先用線近臍紮緊。帛裹咬斷。如天氣風寒。或難產。母子勞傷元氣者。先紮臍帶。以油紙撚燒斷。此又為迴生起死之要法也。故治者。當審其宜。不可概信而用之。

### 催生靈符第十一

靈符宜以水飛硃砂書之。貼於房內北壁上。至坐蓐之時。將符以針割就盞內化之。溫水調服。

治難產及橫生逆產。胞衣不下。靈符見後。融聖惠方同。

麗山

月月月月  
月川月生死  
月月月月

弱弱弱

弱弱弱  
麗

不安穩朱  
書貼產婦  
處北壁上

麗

覺不安穩。  
書貼枕上。

厲

橫生朱砂  
書此符。以  
順水吞下。

𠄎𠄎𠄎𠄎

此四符。八月一日。墨書鞋底上。密安產婦席蓐下。勿令人知。

𠄎𠄎𠄎𠄎

此三符。遇產難。以墨書吞之。

𠄎𠄎𠄎𠄎

此四符。遇胞衣不出。以硃書吞。

謹按前所著方論。圖向符訣一帙。自夫人泛視之。以為迂遠。然艱於得子者。恆相質問。則惟此書為要。屢試有明驗也。余每觀其護孕之方。極為曲當。易產之藥。悉有根據。至於圖向之趨避。吉凶所關。符訣之玄微。神妙顯用。其誠有得於諸先哲者乎。不然。王太僕諸公。深於奧理者也。豈謬論耶。則是書也。誠妊娠良方。家戶之所當珍藏考究者。使合此而施治。於妊婦鮮不有誤矣。觀者勿以為迂遠云。

# 校註婦人良方

宋 臨川 陳自明良甫編輯  
明 古吳 薛己立齋補註

鄞縣 曹赤電炳章圈校

## 卷十七

### 產難門

#### 產難論第一

婦人以血爲主。惟氣順則血和。胎安則產順。今富貴之家。過於安逸。以致氣滯而胎不轉動。或爲交合。使精血聚於胞中。皆致產難。若腹或痛或止。名曰弄胎。穩婆不悟。入手試水。致胞破漿乾。兒難轉身。亦難生矣。凡產直候痛極。兒逼產門。方可坐草。時當盛暑。倘或血運血溢。當飲清水解之。冬末春初。產室用火和煖下部。衣



服尤當溫厚。方免胎寒血結。若臨月洗頭濯足。亦致產難。

愚按丹溪先生曰。余族妹苦於難產。遇胎則驅之。予甚憫焉。蓋其形肥而勤女工。形肥則氣虛。久坐則氣不運。而兒在胞胎。因亦不能自運耳。當補其母之氣。則兒健易產。故後有孕。至五六月。遂以紫蘇飲加補氣藥。與之數十貼。而產甚快。大要在隨母之稟性。若胎胞破早。血水先乾。或難產勞傷氣血者。煎八珍湯。或十全大補湯。加益母草。不時與服。以協濟之。或以黃耆數觔。芎歸四五觔許。大釜水煎。藥氣氤氳滿室。使產婦口鼻俱受其氣。臍帶以油紙撚燒斷。補接其陽氣。穩婆須擇老練者。當先施惠。預說與知。倘有生息不順。只說是未產。或是雙胎。只說胎衣未下。恐驚則氣散。愈難生息。

附治驗

荆婦孟冬。分娩艱難。勞傷元氣。生子已死。用油紙撚燒斷臍帶。藉其氣以煖之。俄頃忽作聲。此兒後無傷食作瀉之症。可見前法之功不誣。世用刀器斷臍帶。子母致危者。竟不知其由矣。且穩婆又喜平日常施小惠。得其用心。兼以安慰母懷。故無虞耳。一穩婆云。我止有一女。正分娩時。適當巡街侍御行。牌取我視其

室分娩。女因驚嚇。未產而死。後見侍御更以威顏分付。迨視產母。胎雖順而頭偏在一邊。以致難產。因畏其威。不敢施手。由是其母子俱不能救。

紫蘇飲方見十二卷第八論

十全大補湯

八珍湯二方見二十四卷第四論

## 楊子建十產論第二

凡生產。先知此十症。庶免子母之命。折於無辜也。世之收生者。少有精良妙手。多致傾命。予因傷痛而備言之。

### 一曰正產

正產者。言懷胎十月。陰陽氣足。忽然作陣疼痛。胎至穀道。漿破血下。兒即正產。

### 二曰傷產

傷產者。言懷胎未足月。有所傷動。以致忽然臍腹疼痛。或服催藥過早。或產母努力太早。逼兒錯路。不能正生。凡分娩須待兒身轉順。頭到產門。努力一送。兒即正生。

### 三曰催生

催生者。言欲產時兒頭至產門。方服藥催之。或經日久產。母困倦難生。宜服藥以助其血氣。令兒速生。

四曰凍產

凍產者。言天氣寒冷。產母血氣遲滯。兒不能速生。故衣裳宜厚。產室宜煖。背心宜溫和。庶兒易生。

五曰熱產

熱產者。言盛暑之月。產婦當溫涼得宜。熱甚。產母則頭疼。面赤昏暈。若產室人衆。熱氣蒸逼。亦致前患。名曰血暈。若夏月風涼陰雨。亦當謹避。

六曰橫產

橫產者。言兒方轉身。產母用力逼之故也。凡產母當令安然仰臥。穩婆先推兒身順直。頭對產門。以中指探其肩。不令臍帶羈扳。方用藥催之。繼以產母努力。兒即生。

七曰倒產

倒產者。言兒未能轉身。產母努力故也。當令產母仰臥。穩婆推入。候兒自順。若良



久不生。令穩婆手入產戶一邊。撥兒轉順。近產門。却服催藥。并努力卽下。

#### 八曰偏產

偏產者。言兒回身未順生路。產母努力逼兒。頭偏一邊。產雖露頂。非也。乃額角耳。當令產母仰臥。穩婆輕手正其頭向產門。却令產母努力。子卽下。若兒頂後骨。偏掛穀道露額。令穩婆以綿衣炙煖。裹手於穀道外傍。輕手推正。令產母努力。兒卽生。

#### 九曰礙產

礙產者。言兒身已順。門路已正。兒頭已露。因兒轉身。臍帶絆其肩。以致不能生。令產母仰臥。穩婆輕推兒向上。以中指按兒肩。脫臍帶。仍令兒身正順。產母努力。兒卽生。

#### 十曰坐產

坐產者。言兒之欲生。當從高處牢繫手巾一條。令產母以手攀之。輕輕屈坐。令兒生下。不可坐。砥碍兒生路。

#### 十一曰盤腸產



趙都運恭人。每臨產則子腸先出。然後產子。其腸不收。名曰盤腸。穩婆以醋水各半盞。默然嚙產婦面背。才收。不可不知。

愚按前症古方以草麻子仁四十九粒。研塗產母頭頂。腸收上。卽洗去。其腸若乾。以磨刀水少許溫潤之。以用磁石煎湯服之。卽收上。磁石須陰陽家用有驗者。若以水嚙母面背。恐驚則氣散。

治盤腸產。以半夏爲末。搐鼻中。腸自上。

又方大紙撚以麻油潤。燈吹滅。以烟熏產婦鼻中。腸卽上。

又方腸出。盛以潔淨漆器。濃煎黃耆湯浸之。腸卽上。

### 催生方論第三

五行論命。以年月日時。支干五行相生相值。以推其貴賤。其間最切要者。時也。得其時則終身富貴。失其時則一世貧賤。然則命稟於有生之初。豈可催乎。世之催生之說。蓋爲產難而設也。今開歷驗數方於後。

催生柞木飲子 治產難。或胎爛腹中腹悶。其效如神。

生柞木對一尺

甘草大者五寸對五段

右用水三鍾。紙封罐口。煎一鍾半。候胎順產門。徐徐溫服。即時分娩。更無諸苦。切不可早於坐草。及穩婆下手催逼。

催生如神散 治逆產橫生。其功甚大。

百草霜

白芷不見火各為末等分

右每服三錢。至胎順產門。以童便米醋和如膏。加沸湯調下。或童便酒煎。進二服。然血得黑則止。此藥大能固血。又免血乾甚妙。

如聖散。用黃蜀葵花焙為末。熱湯調下二錢。若漏血。胎胞乾澀難產。併進三服。即產。如無花。用葵子末半兩。吞調溫酒服。尤妙。若打撲胎死。紅花酒調下。

順生丹 治症同上。

兔腦髓去皮膜研如膏

明乳香細研一兩

母丁香末一兩

麝香研細一錢

右以兔腦髓丸。鷄頭大。陰乾。每服一丸。溫水下。男左女右。手握出。兔腦臘月者尤佳。

又方。通明乳香一塊。如棗子大。爲末。腰痛時。用冷水醋少許調服。扶立。令兩手拿石燕二個。念醫靈藥聖三遍。行數步。坐草便生。更無痛楚神效。  
愚按。前法觀之。似迂遠。用者云甚驗。  
治產不順。

蛇 蛻一條全者

蠶蛻紙一張無方

右入新瓦瓶內。鹽泥固濟。存性爲末。煎榆白皮湯下一錢。三服。覺痛便生。

又方。用伏龍肝研末。每服一錢。酒調下。兒頭戴土而下。

又方。吞槐子十四粒卽下。

又方。當歸爲末。酒調一錢服。良久再服。

一方。用魚膠一尺許。新瓦上煨灰。陳醋調服立下。

又方。大硃砂於端午日晒起。以百日爲度。研爲細末。用臘月兔腦髓丸。綠豆大。欲產時。粥飲下一丸。良久便生。其藥男左女右。手中握出。晒硃砂不得着雨。

又方。臘月兔頭煨爲末。葱白煎湯調二錢。立生。或臘月兔血。紙袋盛掛。當風處陰乾爲末。煎乳香湯調下二錢。或兔皮和毛燒爲末。酒調下二錢。卽下。如胎衣未



下再服。

神妙乳砂丹。用明乳香爲末。以猪心血九。桐子大。硃砂爲衣。陰乾。每服二丸。嚼碎。冷酒下。良久未生再服。難產以蓮葉蒂七個。水煎。化服二丸。良久未生再服。胞漿先乾。胎不得下。急服大料四物湯。滋其血氣。并濃煎葱湯。熏洗產戶。更用油燭塗產戶內。却服前藥。胎死不下。用朴硝五錢。滾湯調下。或平胃散一服。胞衣未下。酒水服一丸。橫逆不順。先用如神散。方見前產門不開。用加味芎歸湯。仍服二丸。須月初上辰日。修合。鹽塗兒足底。急強摩之。卽產。急應方。好墨新汲水濃磨服之。墨水裏兒出。又方。清油同蜜等分。入滾湯少許。調服。或油煎一盞服之。或路傍破草鞋一隻。取鼻絡小耳繩燒灰。酒調服。

### 交骨不開產門不開方論第四 新附

竊謂交骨不開。產門不閉。皆由元氣素弱。胎前失於調攝。以致血氣不能運達而然也。交骨不開。陰氣虛也。用加味芎歸湯。補中益氣湯。產門不閉。氣血虛也。用十全大補湯。



附治驗

地官李孟卿娶三十五歲女爲繼室。妊娠慮其難產。索加味芎歸湯四劑備用。果產門不開。止服一劑。頓然分娩。

上舍懷德之室。產門不開。兩日未生。服前藥一劑。卽時而產。懷德傳服此方。用者無有不驗。

一婦人分娩最易。至四十。妊娠下血甚多。產門不開。與前湯一劑。又以無憂散。勦許煎熟。時時飲之。以助其血而產。

一產婦陰門不閉。發熱惡寒。用十全大補加五味子。數劑而寒熱退。後用補中益氣加五味子。數劑而陰戶斂。若初產腫脹。或熯痛而不閉者。用加味逍遙散。若腫既消而不閉者。用補中益氣湯。切忌寒涼之劑。

一婦人脾胃素弱。無有肝火。產後陰門腫痛。寒熱作渴。嘔吐不食。數大黃等藥。服驅利之劑。腫及於臀。虛症蠱起。此真氣虛也。先用六君子以固脾胃。乃以補中益氣湯。升舉而消。

一產婦失治。腫潰不已。形體消瘦。飲食少思。朝寒暮熱。自汗盜汗。半年矣。余用補

中益氣。加茯苓、半夏以健脾胃。膿水漸少。飲食漸進。用歸脾湯以解脾鬱。共五十餘劑。元氣復而瘡亦愈矣。

一產婦陰門不閉。小便淋瀝。腹內一物。攻動脇下。或脹或痛。用加味逍遙散。加車前子而愈。

一婦人子宮腫大。二日方入。損落一片。殊類猪肝。面黃體倦。飲入無味。內熱肺熱。自汗盜汗。用十全大補湯二十餘劑。諸症悉愈。仍復生育。

加味芎歸湯 治交骨不開不能生產

川芎

當歸各一兩

自死龜板酥炙一個

婦人頭髮一握燒

右爲散。每服五錢。水煎服。約人行五里。即生。如胎死亦下。灼過龜板亦可。

### 附方

十全大補湯方見二十四卷第四論 補中益氣湯方見二十四卷第六論

## 郭稽中產難方論第五

論曰。產難者。因兒轉身。將兒枕血塊破碎。與胞中敗血壅滯。兒身不能便利。是以

難產。急服勝金散。消散其血。使兒自易生。陳無擇云。多因兒未轉身。坐草太早。或努力太過。以致胞衣破而血水乾。產路濇而兒難下。宜先服催生如神散。以固其血。設或逆生橫產。當用前法針刺之。

勝金散

麝香錢末一

豆豉一兩

右每服一錢。用秤錘燒赤。淬酒下。催生如神。散亦可用。

### 產難子死腹中方論第六

產難子死腹中。多因驚動太早。或觸犯禁忌。其血先下。胎乾涸而然也。須驗產母舌。若青黑。其胎死矣。當下之。故產室坐臥。須順四時方向。并遵五行避忌。則吉。

#### 附治驗

一 穩婆之女。勤苦負動。妊娠。腹中陰冷重墜。口中甚穢。余意其胎已死。令視其舌。青黑。與朴硝半兩許服之。化下穢水而安。

一 婦人胎死。服朴硝下穢水。肢體倦怠。氣息奄奄。用四君子爲主。佐以四物、薑、桂。

調補而愈。

又方。水銀半兩。桂末一錢。作一服。溫酒調下。粥飲亦可。

又方。以利斧煨赤。置酒中待溫飲之。其子便下。

又方。用錫粉、水銀各一錢。棗肉丸大豆許。水吞下。立出。

又方。朴硝三錢。溫童便調下。貓犬牛畜用之皆驗。

又方。平胃散五錢。酒水各一盞。煎至一盞。投朴硝五錢。再煎三五沸。溫服。其胎即

化水而出。

寶慶方云。凡欲斷臍帶。先以繫物墜下。後可斷之。否則胞衣上。即衝心而死。

附方

四君子湯

四物湯二方見二十卷第六論

### 產難生死訣第七

欲產之婦脈離經。

難經云。一呼三至曰離經。此是陽加於陰一倍也。一呼一至。亦曰離經。此是陰



加陽四倍也。注云。經者常也。胃脈離常絡之處。周卽言之。一呼脈再至。一吸脈再至。曰脾和之脈。故一呼脈行三寸。一吸脈行三寸。呼吸定息。脈行六寸。一日一夜。一萬三千五百息。脈行八百一十丈。乃干一周。復從始之。經再行。今一呼脈三至。一吸脈三至。呼吸定息。脈行九寸。一日一夜。脈行通計一千二百一十五丈。過於平脈之數。不在所起之經再起。故曰離經。若一呼一至。脈行寸半。一吸一至。脈行寸半。呼吸定息。脈行三寸。一日一夜。通計脈行得四百單五丈。乃謂一周。是不及平脈之數。周而復始。亦不在所起之經再起。亦曰離經也。沉細而滑也同名。

臨產之婦。脈見沉細而滑者。乃腎臟本脈之形。然腎繫胞胎。見此脈者。亦與離經之脈同名也。

夜半覺痛應分誕。來日日午定知生。

若妊婦夜半時覺腹痛。定知來日日午時當分娩也。聖惠方云。夜半子時覺腹痛。來日日午時必定生。產謂子午相半。正晝數也。

身重體熱寒又頻。舌下之脈黑復青。反舌上冷子當死。腹中須遣子歸冥。

凡妊婦身有沉重者。胃氣絕也。又體熱寒慄頭併者。正氣衰。陰氣盛也。若舌捲下。脈青黑色者。及舌反捲上。冰冷不溫者。子母俱死之候。

面赤舌青細尋看。母活子死定應難。

凡妊婦面色赤。是榮氣流通。母活之候。舌上青色。是妊脈絡絕。胎死之候。

脣口俱青沫又出。子母俱死總高判。

若妊婦脣口俱青色者。榮衛氣絕也。又口中吐出痰沫者。是脾胃之氣俱絕。此是子母俱死之候也。

面青舌青沫出頻。母死子活是知真。不信若能看應驗。尋之賢哲不虛陳。

凡妊婦面與舌皆青色。又吐痰沫者。是產婦榮衛俱絕。胎氣衝上之候。此是子活母死之候。產下子母必死也。此古哲應驗之文。不虛妄陳其說也。

新產之脈緩滑吉。實大弦急死來侵。

凡婦人新產之後。其脈來緩滑者。爲氣血通利調和。是生活安吉之兆也。若見

牢大弦急之脈。則凶。必死之脈也。

若得沉重小者吉。忽若堅牢命不停。

若產婦診得沉重微小者。此是形虛相應。故云吉兆之脈。忽然診得堅硬牢實之脈。是脈盛形衰相反。性命不可停留。必死也。

寸口澀疾不調死。

若產後寸口脈澀疾。大小不調勻者。此是血氣衰絕之脈。故云死也。

沉細附骨不絕生。

若重手按之。乃得其脈沉細。附着於骨。不斷絕有力者。此生活之兆也。

審看此候分明記。長須念此向心經。

凡爲醫者。宜隨時審取。言分明記於心胸也。愚按前論與脈訣刊誤所云不同。觀者審之。

# 校註婦人良方

宋 臨川 陳自明良甫編輯  
明 古吳 薛己立齋補註  
鄞縣 曹赤電炳章圈校

## 卷十八

產後門 產難既明須知產後疾病故以次之

### 產後將護法第一

婦人產畢。飲熱童便一盞。閉目少坐。上床倚高。立膝仰臥。不時喚醒。及以醋塗鼻。或用醋炭及燒漆器。更以手從心擗至臍下。使惡露不滯。如此三日。以防血暈。血逆。酒雖行血。亦不可多。恐引血入四肢。目光昏暈。宜頻食白粥少許。一月之後。宜食羊肉。猪蹄少許。仍慎言語。七情寒暑。梳頭洗足。以百日爲度。若氣血素弱者。不



計日月。否則患手足腰腿痠痛等症。名曰蓐勞。最難治療。初產時。不可問是男女。恐因言語而泄氣。或以愛憎而動氣。皆能致病。不可獨宿。恐致虛驚。不可刮舌。恐傷心氣。不可刷齒。恐致血逆。須血氣平復。方可治事。犯時微若秋毫。成病重如山嶽。可不戒哉。

### 產後調理法第二

產後將息如法。臟腑調和。庶無諸疾苦。須先服黑神散、四物湯、四順理中丸、七寶散。若壯熱頭痛。此乳脈將行。用玉露散。頭目不清。是血暈。用清魂散。粥食不美。是胃氣虛。用四順理中丸。

愚按。丹溪先生云。肉汁發陰經之火。易成內傷之病。當歸丸、當歸建中湯、四順理中丸。雖滋補。悉犯桂附。乾薑僭熱之劑。臟腑無寒。何處消受。若夫兒之初產。母腹頓寬。便啖雞子火鹽。不思雞子難化。火鹽發熱。展轉爲病。醫者不識。妄指他病。率爾用藥。寧不誤人。余每見產婦之無病者。皆不用黑神散。與雞子火鹽。諸般肉食。每白粥調理。間以此小石首魚。乾淡食之。至半月以後。少食。雖雞子

亦豁開煮之。方能養胃却痰。彼富貴之家。嬌姿之婦。率有白帶頭風氣痛膈滿。痰逆口乾。經事不調。髮脫體熱。皆因失於調理所致也。

### 產後通用方第三

愚按、前方即產後諸症各門。自有方論主治。故不再錄。

### 胞衣不出方論第四

郭稽中曰。胎衣不下者。因氣力疲憊。不能努出。或血入衣中。脹大而不能下。以致心胸脹痛喘急。速服奪命丹。血散脹消。其衣自下。牛膝散亦效。

愚按、前症若出而氣虛不能入。用補中益氣湯。或草麻子仁一兩。研塗母頭頂心。即上。若胎衣不下。用草麻子仁塗右脚心。胎衣下。急洗之。緩則胎衣仍入。益母丸亦效。若胎衣未下。若欲斷臍帶。須先以少物繫墜。然後斷之。

### 附治驗

一婦人胞衣不出。胸腹脹痛。手不敢近。用滾酒下失笑散一劑。惡露胎衣並下。

一產婦胎衣不出。腹作痛。手按痛稍緩。此氣虛而不能送出也。用無憂散而下。前症常詢諸穩婆云。宜服益母草丸。或就以產婦頭髮入口作嘔。胎衣自出。其胎衣不出者。必死。授與前法甚效。

奪命丹

附 子炮半兩

牡丹皮一兩

乾 添烟一錢炒

大 黃末一兩

右爲末。醋煎大黃成膏。丸桐子大。湯酒吞五七丸。

花蕊石散 治產後敗血不盡。血迷血暈。腹中胎衣不下至死。心頭煖者。急用一服。化水卽出。其效如神。

花蕊石一觔

上色硫黃四兩

右和勻。先用紙泥封固。瓦罐一箇。入二藥。仍封固。陰乾。如急用以焙籠內炙乾。用炭煨赤。去火。次日取出細研。每服一錢。童便熱酒下。

牛膝散 治胎衣不出。腹中脹痛。急服此藥。腐化而下。緩則不救。

牛 膝

川 芎

朴 硝

蒲 黃各三兩

當 歸一兩

桂 心五錢



右每服五錢。薑三片。生地黄一錢。水煎。

附方

補中益氣湯

方見二十四卷第六論

失笑散

方見十六卷第五論

無憂散

方見十六卷第三論

益母草丸

方見十三卷第九論

又方。用竈下土三四錢。好醋調和。納臍中。續煎生甘草湯半盞。或以醋湯飲之。即出。

又方。用草麻子仁研爛。塗足心。下即洗去。

又方。用紅花一兩。酒煮濃汁服。

又方。用鹿角鎊三錢為末。煮葱白湯調服。

又方。取產母鞋底炙熱。熨小腹上下二七次。

又方。用浸苧水濃煮。溫飲二碗立下。

又方。用皂角棘燒為末。每服一錢。溫酒下。

產後血暈方論第五



產後血暈。乃血入肝經。甚至眼花胸悶。用黑神散主之。下血過多。用清魂散補之。或以醋湯細飲。或預燒秤錘。以醋沃之。或蘸醋塗口鼻。或燒漆器熏之。使產母鼻吸其氣。庶無此患。

愚按前症若惡露上行。用失笑散。血下過多。芎歸湯。若過勞所傷。補中益氣湯。氣血虛極。用清魂散。大凡產後口眼喎斜等症。當大補氣血為主。而兼以治痰。若脾胃虛弱。用六君子湯。苟於七月之前。服安胎飲。至八九月間。加大腹皮、黃楊頭、元氣虛弱。入珍湯。臨產用無憂散。則無前患。

附治驗

一婦八月胎下墜或動。面黃體倦。飲食少思。此脾氣虛弱。用補中益氣湯。倍白朮。加蘇梗三十餘劑而安。產後眩暈。胸滿咳嗽。用四物。加茯苓、半夏、桔梗而愈。一妊婦因產飲酒。惡露甚多。患血暈。口出酒氣。此血得酒熱而妄行。虛而作暈也。以佛手散加煨甘葛二錢。一劑而痊。酒性慄悍。入月及產後不宜飲。恐致前症。產室人衆。氣熱喧攘。亦致此症。

奪命丹 治血暈腹痛。沒藥、血竭末等分。每服二錢。熱童便熱酒下。

牡丹皮散 治產後惡露悶絕。

牡丹皮

芒硝

大黃蒸兩各

冬瓜仁三七粒

右每五錢水煎服。

清魂散 治產後氣血暴損。虛火妄動。血隨火上以致心神昏亂。口噤眼花。甚至悶絕而甦。

澤蘭葉

人參錢各一

荊芥三錢

川芎二錢

右各另爲末。和勻。每服一二錢。熱湯調下。

當歸芍藥湯方見十二卷

一方。五靈脂末。半生半炒。每服二錢。溫酒灌入喉即愈。

一方。荊芥爲末。童便調。

一方。神麴末。每服二錢。熱水調。

一方。韭菜切入瓶內。注熱醋。以瓶口對鼻。氣入即醒。

一方。用紅花末五錢。酒調服。

一方。半夏爲末。丸豆大。入鼻中即省。亦療五絕。

一方。赤小豆爲末。東流水和服錢許。不瘥再服。

佛手散

治產後去血。

眩暈欲絕。方見十二卷第七論

又方。松烟墨二錢。燒赤。窰滅爲末。溫酒調半匕。京墨亦可。或燒漆器。取烟熏之。

附方

失笑散

方見二十卷第五論

補中益氣湯

六君子湯

四物湯

三方見二十卷第六論

安胎飲

方見十二卷第二論

無憂散

方見十六卷第二論

產後顛狂方論第六

產後顛狂。乃敗血上衝。用大聖澤蘭散。加砂仁末三分。煎酸棗仁湯調下。或硃砂二錢。研細。以乳汁調和。入紫項活地龍一條。滾二三沸。去之。入酒。再用重湯煮溫。分三服。

愚按。前症乃血虛神不守舍。非補養元氣不可。仍參後各門互用。

附治驗

一產婦患前症。或用大澤蘭湯而愈。後又怔忡妄言。其痰甚多。用茯苓散補其心。



虛頓愈。又用八珍散。加遠志、茯神。養其氣血而安。

一、產婦亦患此。用化痰安神等藥。病益甚。神思消燦。余以爲心脾血氣不足。用大劑參朮、芎歸、茯神、酸棗仁、四勛餘而安。乃以歸脾湯五十餘劑而愈。

### 附方

隱居澤蘭湯 方見二十六論

茯苓散 方見十九論

八珍散

歸脾湯 二方見二十四論

## 產後狂言譫語方論第七

產後狂言譫語。乃心血虛也。用硃砂末。酒調下龍虎丹參丸。琥珀地黃丸亦可。如驚悸歌哭顛狂等症。當參十九等卷治之。

愚按前症當固胃氣爲主。而佐以見症之藥爲善。若一於攻痰。則誤矣。

### 附治驗

一產婦形體甚倦。時發譫語。用柏子仁散稍愈。又用加味歸脾湯而愈。又因怒。仍狂言脇痛。小便下血。用加味逍遙散。以清肝火。養肝血頓瘥。又佐以加味歸脾



湯而安。

治敗血上衝發熱狂走。脈虛大者。

乾荷葉

生地黃

牡丹皮等分

右濃煎湯。調生蒲黃二錢。服之即止。

妙香散 治產後語言錯亂。用生地當歸煎湯。調服立效。

附方

小柴胡湯 方見二十四卷第二論

柏子仁散 方見十九卷首論

加味歸脾湯 方見二十四卷第四論

### 產後不語方論第八

產後不語。因心氣虛而不能通於舌。則舌強不能言語者。宜服七珍散。餘當推其所因而治之可也。

愚按經云。大腸之脈。散舌下。又云。脾之脈。是動則病舌本強。不能言。又云。腎之別脈。上入於心。繫舌本。虛則不能言。竊謂前症。若心腎氣虛。用八珍散。腎虛風熱。地黃飲。大腸風熱。加味逍遙散。加防風。白芷。脾經風熱。秦艽升麻湯。肝經風

熱。柴胡清肝散。加防風、白芷。脾氣鬱結。加味歸脾湯。加升麻。肝木太過。小柴胡。加鈎藤鈎。脾受肝侮。六君。加升麻、白芷、鈎藤鈎。肝脾血虛。用佛手散。脾氣虛。以四君子。氣血俱虛。入珍湯。如不應。用獨參湯。更不應。急加附子。補其氣而生其血。若竟用血藥。則誤矣。

### 附治驗

一產婦不語。用七珍散而愈。後復不語。內熱晡熱。肢體倦怠。飲食不進。用加味歸脾湯為主。佐以七珍散而愈。後因怒。不語口噤。腰背反張。手足發搐。或小便見血。面色或青或黃。或時兼赤。余曰。面青。肝之本色也。黃者。脾氣虛也。赤者。心血虛也。用八珍湯加鈎藤。佐茯苓。遠志漸愈。又用加味歸脾湯而痊。

### 七珍散

人參

石菖蒲

生地黃

川芎各一兩

細辛一錢

防風

辰砂別研各半兩

右爲末。每服一錢。薄荷湯調。

胡氏孤鳳散 治產後閉目不語。用生白礬末。每服一錢。熱水調下。

治產後不語。

人參

石蓮肉心不去

石菖蒲等分

右每服五錢。水煎。

附方

地黃飲方見三卷第四論

加味逍遙散

加味歸脾湯

八珍湯三方見二卷第四論

秦艽升麻湯方見三卷第一論

清肝散方見二卷第三論

小柴胡湯方見二卷第二論

六君子湯

四君子湯二卷第六論

佛手散方見七卷

獨參湯方見三卷第十論

# 校註婦人良方

宋 臨川 陳自明甫良編輯  
明 古吳 薛己立齋補註  
鄞縣 曹赤電炳章圈校

## 卷十九

### 產後乍見鬼神方論第一

產後如見鬼神。或言語譫妄。皆由血氣虧損。陰虛發熱。或瘀血停滯。以致心神煩躁而然也。宜以調經散治之。

愚按前症若敗血停滯。用調經散。若血虛發熱。用八珍加炮薑。若心血虛損。用柏子仁散。大抵此證皆心脾血少所致。但調補胃氣。則痰清而神自安矣。若果係鬼祟所附。即灸鬼哭穴可愈。其或不起者。多因豁痰降火。攻伐之過也。仍參卷產後諸論作見鬼神方論



附治驗

一產婦患前症。或用調經散。愈而復作。仍復前散。益甚。痰涎上湧。朝寒暮熱。余朝

用八珍散。夕用加味歸脾湯。各五十餘劑而愈。

調經散 治血虛經閉。心神煩躁。渾身疼痛。或時見怪。

沒藥 琥珀並細研 桂心各一錢 芍藥炒

當歸各一分 細辛半錢 麝香少許

右爲末。每服半錢。薑汁溫酒各少許調服。下即愈。

柏子仁散 治產後元氣虛弱。瘀血停滯。狂言亂語。

柏子仁 遠志 人參 桑寄生

防風 琥珀另研 當歸炒 生地黃焙

甘草炒等分

右用白羊心一個。水三盞。煮清汁七分。入藥五錢。煎服。

附方

八珍湯 加味歸脾湯二方見二十四論鬼哭穴見六卷

產後心神驚悸方論第二

產後心神驚悸恐懼。或目睛不轉。口不能言。乃心氣虛而六淫內侵。診其脈動而弱者。驚悸也。動則為驚。弱則為悸矣。

愚按。人之所主者心。心之所主者血。心血一虛。神氣不守。此驚悸所由作也。當補血氣為主。仍參三卷第十論

附治驗

一產婦患前症二度。服琥珀地黃丸。局方妙香散。隨效。再患服之。其症益甚。而脈浮大。按之如無。發熱惡寒。此血氣俱虛。余用十全大補。加味歸脾二湯。各百餘劑而愈。後遇驚恐勞怒復作。仍復前藥而安。

琥珀地黃丸 治產後惡露未盡。胸腹作痛。或小便不利。

琥珀另研

延胡索糯米同炒當歸各一

蒲黃四兩炒香

生地黃研取汁

生薑各二觔研取汁留滓生薑汁用銀石器內

右為末。煉蜜丸。如彈子大。每服一丸。當歸煎湯化下。

治血虛驚悸少寐。及產後敗血停留。少腹作痛等證。

辰砂另研 琥珀 沒藥並研 當歸為末

右為末。每服二錢。空心日午三次。用白湯調下。產後驚悸亂語。精神不定。用好硃砂為細末。酒調服錢許。

附方

局方妙香散方見三卷第十論 茯苓補心湯方見三卷第十論 十全大補湯

加味歸脾湯二方見二十四卷第四論

產後中風心驚方論第三

產後眼張口噤。肢體強直。腰背反偃。言語錯亂如癇者。此氣虛風邪所傷而成瘳也。

愚按仲景先生云。有汗為柔瘳。用桂枝湯。無汗為剛瘳。用麻黃湯。然產後得此。血氣俱虛之敗症也。不可與傷寒例看。丹溪先生云。產後當大補氣血為主。可用十全大補湯。以補元氣。如不應。急加附子。更不應。是藥力弗逮。仍用參附湯。

多服。余嘗治太虛之症。參膏數觔。附子數枚。方應。

### 附治驗

一產婦患此。不省人事。言語妄甚。惡風寒。喜熱飲。形氣倦怠。脈虛浮無力。余謂血氣虛寒。用十全大補湯。二十餘劑。不應。又二十餘劑。稍緩。乃漸加附子至一錢。服數劑。諸症減一二。又二十餘劑。十退三四。乃去附子五分。數劑。諸症頓退。而安。後又發。仍服前藥。加附子三五分而愈。

茯苓散 治產後心虛忪悸。言語錯亂。健忘少睡。或自汗盜汗。

人參

甘草炒

芍藥炒黃

當歸

生薑各八分

遠志去心

茯苓各一錢

桂心六分

麥門冬去心

大棗二枚

右水煎服。

抱膽丸 治產後遇驚發狂。或遇經行發狂。

水銀二兩

黑鉛二兩

硃砂細研

乳香另研

右將黑鉛入銚內。火鎔下水銀。結成砂子。下硃砂乳末。乘熱用柳木槌研勻。丸



鷄頭子大。每服一丸。空心薄荷湯下。得睡忽驚。覺來即安。妙香散亦善。

附方

妙香散方見三卷第十三論

十全大補湯方見二十四卷第四論 參附湯方見後第六論

### 產後中風恍惚方論第四

產後恍惚。因元氣俱虛。心經血少。或外邪所侵。以致心神恍惚。怔忡不寧。愚按前症當大補血氣為主。而佐以後方為善。蓋風乃虛極之假象也。固其本源。諸病自退。若專治風。則速其危矣。

附治驗

一產婦患前症。盜汗自汗。發熱晡熱。面色黃白。四肢畏冷。此氣血俱虛。用八珍湯。不應。更用十全大補。加味歸脾二湯。始應。後因勞怒。發厥昏憤。左目牽緊。兩脣抽動。小便自遺。余為肝火熾盛。用十全大補加鈎藤山梔而安。再用十全大補湯。辰砂遠志丸而愈。

辰砂遠志丸 治產後中風驚狂。起臥不安。或痰涎上湧。

石菖蒲

遠志去骨同甘草煮

人參

茯神去木

辰砂各二錢

川芎

山藥

鐵粉

麥門冬去心

細辛

天麻

半夏湯泡

南星

白附子各一兩

右為末。薑汁糊丸。綠豆大。別以硃砂為衣。每服三十丸。臨臥。薑湯調下。

附方

八珍湯

十全大補湯

加味歸脾湯三方見二十四卷第四論

### 產後虛極生風方論第五

產後生風。因去血過多。氣無所主。以致脣青肉冷汗出。目眩神昏。急服濟危上丹。若投以風藥。則誤甚矣。

愚按前症若心脾血氣俱虛。用十全大補湯。如不應。加附子、鉤藤、鉤。若肝經血虛。用逍遙散加鉤藤。經云。脾之榮在脣。心之液為汗。若心脾二臟虛極。急用參附湯救之。

附治驗

一婦人患前症。或用諸補劑。四肢逆冷。自汗泄瀉。腸鳴腹痛。余以陽氣虛寒。用六君子。薑附各加至五錢。不應。以參附各一兩。始應。良久不服。仍腸鳴腹痛。後灸關元穴百餘壯。及服十全大補湯方效。

濟危上丹

乳香研

五靈脂

硫黃

玄精石同研

阿膠

卷柏

桑寄生

陳皮等分

右將上四味。入石器內。微火炒。再研入餘末。用生地黃汁。丸桐子大。每服二十丸。食前溫酒。或當歸酒下。

當歸建中湯 治產後腹痛拘急。痛連腰背。自汗少食。

當歸

桂心各三兩

白芍藥六兩炒

甘草炙一兩

右每服五錢。薑棗水煎。入飴糖一匙服。如未應。加之。

附方

香附湯方見本

十全大補湯

逍遙散二方見二十四卷第四論

六君子湯方見二十四卷第六論

獨參湯 治一切失血。惡寒發熱。作渴煩躁。或口噤痰鳴。自汗盜汗。或氣虛脈脫。手足逆冷。蓋血生於氣。故血脫補氣。陽生陰長之理也。方見三卷第十四論

### 產後虛汗不止方論第六

產後汗不止者。皆由陽氣頓虛。腠理不密。而津液妄泄也。若遇風則變痙縱。虛乏短氣。則身體消瘦。脣口乾燥。久則經水斷絕。由津液竭故也。

愚按前症屬血氣俱虛。急用十全大補湯。如不應。用參附耆附等湯。若汗多亡陽發痙。尤當用前藥。王海藏先生云。頭汗出至頸而還。額上偏多。蓋額為六陽之所會也。由虛熱薰蒸而出。竊謂前症當以部位分之。額左屬肝。額右屬肺。鼻屬脾。頤屬腎。額屬心。治者審之。仍參三卷第六論

#### 附治驗

一產婦略聞音響。其汗如水而昏憤。諸藥到口即嘔。余以為脾氣虛敗。用參附末為細丸。時含三五粒。隨液嚥下。乃漸加之。至錢許。却服參附湯而痊。



一產婦盜汗不止。遂致廢寐。神思疲甚。口乾引飲。余謂血虛有熱。用當歸補血湯。以代茶。又以當歸六黃湯。內黃芩連柏炒。更倍加大人參。五味子。二劑而愈。麻黃根湯。治產後虛汗不止。身熱發渴。驚悸不安。

當歸

黃耆炒

麻黃根

牡蠣煨為粉

人參

甘草炒等

右每服四錢。水煎。

一方。治產後自汗盜汗。胃氣虛弱。服別藥則嘔吐不能入。

當歸

黃耆各一兩

麻黃根二兩

右每服三錢。水煎。

治產後氣脫。汗不止。小便短少。四肢難以屈伸。

甘草炙一兩

附子炮五錢

桂心

芍藥炒各一兩

右每服三錢。薑棗水煎服。虛甚更加。以效為度。

止汗散

牡蠣為末

小麥麩入兩炒黃為細末

右每服三五錢。用猪肉汁調。

人參湯 治產後諸虛不足。發熱盜汗。內熱晡熱等症。

人參

當歸等分

右爲末。以猪腰子一枚切片。水二鍾。糯米半合。葱白二根。煮取汁八分。入藥三錢煎服。

### 附方

當歸六黃湯 治氣血虛熱。盜汗不止。不應。加人參、白朮。心血不足。加酸棗仁。炒

當歸

熟地黄自製

黃耆炒各二錢

生地黄

黃柏炒黑

黃芩炒黑

黃連炒黑各一錢

右水煎服。

參附湯 治陽氣虛寒。自汗惡寒。或手足逆冷。大便自利。或臍腹疼痛。吃逆不食。或汗多發瘕等症。

人參一兩

附子炮五錢

作一服。薑棗水煎。徐徐服。去人參。加黃耆。名耆附湯。

當歸補血湯 治肌熱躁熱。目赤面紅。煩渴引飲。晝夜不息。脈洪大而虛。重按全無者。

當歸三錢 黃耆兩一

右水煎服。

十全大補湯 方見二十四卷第六論

耆附湯 治陽氣虛脫。惡寒自汗。或口噤痰湧。四肢逆冷。或吐瀉腹痛。飲食不入。及一切虛寒等症。

黃耆一兩 附子錢五

右作一劑。薑棗水煎服。如不應。倍加附子。方得全濟。

### 產後冒悶汗出方論第七

產後忽冒悶汗出者。因陰血虧損。陽氣鬱暴故也。急吞鷄子三枚。未醒。飲童便。或時復發。宜服竹瀝五合。

愚按。前症屬大虛。宜固元氣為主。其汗不止。必變柔痙。東垣先生云。婦人分娩。

及半產漏下。昏冒目瞑。蓋因血暴亡而火上熾。但補其血則神自昌。若常時血下。當補而升舉其氣。陽得血而神安。則目明矣。今立一方。以補手足厥陰之血。兼益陽氣。名曰全生活血湯。

全生活血湯 治發熱自汗盜汗。目眩。四肢無力。口乾頭暈。行步欹側。

生地黃炒

柴胡

熟地黃

當歸錢各一

川芎

藁本錢各半

防風

羌活

獨活

葛根

甘草炒各二錢

蔓荊子

細辛各五分

升麻

芍藥炒各三錢

紅花三分

右每服五錢。水煎熱服。

### 產後汗多變瘕方論第八

產後汗多變瘕。因氣血虛損。肉理不密。風邪所乘。其形口噤。背強如癰。或搖頭馬嘶。不時舉發。氣息如絕。宜速灌小續命湯。若汗出如雨。手拭不及者。不治。愚按前症因去血過多。元氣虧極。或外邪相搏。以致牙關緊急。四肢瘕強。或陰



火內動。或腰背反張。肢體抽搐。若有汗而不惡寒者。曰柔瘳。若無汗而惡寒者。曰剛瘳。出血過多。筋無所養。故傷寒汗下過多。潰瘍膿血大泄。多患之。乃敗症也。急以十全大補湯治之。如不應。急加附子。多有復甦者。亦有六淫七情所致者。治法見第三卷第三論。

附治驗

一產婦牙關緊急。腰背反張。四肢抽搐。兩目連劄。此去血過多。元氣虧損。陰火熾盛。用十全大補加炮薑一劑而甦。數劑而安。

余在吳江史萬湖第。時將入更。聞喧嚷。詢云。家人婦產後出直廚。忽仆而死。余意其勞傷血氣而發瘳也。急用十全大補加附子煎滾。令人正其面。開其口。灌之。久不能下。令側其面而出之。換以熱藥。如此五次。方得下咽。遂甦。

小續命湯 治剛瘳。或脚氣痺弱。不能轉舒。行步欹側。或口眼喎斜。牙關緊急。角弓反張。

麻黃 芍藥炒

桂心 白朮炒

甘草 人參

防風 川芎

附子炮

防己酒拌

黃芩等分各

右每服五錢。水煎。入薑汁少許。溫服。若自汗為柔痙。去麻黃。有熱去附子。減桂一半。盛冬初春。去黃芩。

十全大補湯方見二十四卷第四論

### 產後口噤腰背反張方論第九

產後口噤。由血氣虛而風邪乘於手三陽經也。蓋手三陽之筋。循結於頷。得風冷則筋急。故致口噤。腰背攣急。角弓反張者。是風邪入於諸陽之經也。愚按前症因血氣耗損。腠理不密。汗出過多而患之者。乃虛象也。宜固氣血為主。佐以本方。丹溪云。產後當大補氣血為先。雖有他症。以末治之。如惡寒發熱等症。乃氣血虛甚之極也。宜大劑參耆歸朮肉桂。以培養之。如不應。急用炮附子。再不應。用人參一兩。炮附子二三錢。名參附湯。仍猶未應。乃藥力未能及也。宜多用之。

愈風散 治前症。用荊芥略焙為末。每服三錢。豆淋酒下。童便亦可。其效如神。牙

緊。灌口鼻。

清順散 又名交解散方見第五卷第二論

治婦人產後不省人事。吐涎瘕瘕。

當歸 荊芥穗等分

右每服三錢。水一盞。酒少許煎。灌下咽即甦。

愚按前症如有未應者。急用大補氣血為主。

產後中風。白癬皮一兩。或共獨活三兩。酒水煎服。

張仲文用白朮四兩。以酒煎頓服。

小續命湯 治產後口噤。角弓反張。見前

### 產後中風方論第十

產後中風。或血氣未復。風寒所感。以致筋攣拘急。口眼喎斜。或肢體緩弱。入臟則恍惚驚悸。郭稽中云。產後強力下床。或誤入房。或憂怒內傷臟腑。陳無擇曰。當以脈辨而治之。若努力下床。月內入房。憂怒着艾。非中風類。乃蓐勞火邪之症也。



愚按前症果外邪所屬。形氣不足。病氣有餘。當補元氣為主。稍佐以治病之藥。若強力下牀。月內入房。屬形氣病氣俱不足。當純補元氣。多有復甦者。若誤投風藥。乃促其危也。仍參照第三卷諸論主之。

治產後身背拘急。妄言發熱。四肢拘攣。不時驚悸。

川芎

羌活

羚羊角屑

酸棗仁炒

芍藥炒黃各四兩

桑白皮六分

防風五分

右水煎。分三服。

治產後中風。唇青鼻黑。用小續命湯。連進三服。即愈。

產後中風煩渴。用紅花子五合水煎。徐呷之。

獨活寄生湯。治前症亦良。仍與第三卷中風類通看。方見後

### 產後四肢筋攣方論第十一

產後中風。筋脈攣急。乃血氣俱虛。或風邪客於皮膚。則頑痺羸乏。若入於筋脈。則四肢攣急。皆由大經空虛。風寒乘虛而漸入也。



愚按、肝屬木而主筋。前症若肝經風熱血燥。用加味逍遙散。如不應。當用六味地黃丸。以補腎水。經云。風客淫氣精乃亡。邪傷肝也。仍參第三卷諸論主之。

附治驗

一產婦筋攣臂軟。肌肉掣動。此氣血俱虛而自熱也。用十全大補湯而安。  
一產婦手麻。服愈風丹。遍身皆麻。神思倦怠。余謂氣血虛弱。用十全大補湯加炮薑數劑漸愈。去薑又數劑。及逍遙散而痊。  
治產後氣血不足。風邪所襲。肢節攣痛。背項強直。

防風一兩

赤芍藥炒

桂心各半兩

羚羊角

川芎

羌活

當歸

酸棗仁炒

牛蒡子炒各三錢

右每服四錢。水酒煎。

愚按、前方如未應。當用八珍湯。更不應。用十全大補湯。

加味逍遙散

十全大補湯二方見二十四卷第四論六味地黃丸方見三十四卷第十一論

產後癰瘕方論第十一一新附

竊謂。瘳者。筋脈拘急也。瘳者。筋脈張縱也。經云。肝主筋而藏血。蓋肝氣爲陽爲火。肝血爲陰爲水。前症因產後陰血去多。陽火熾盛。筋無所養而然耳。故癰疽膿水過多。金瘡出血過甚。則陽隨陰散。亦多致此。治法當用八珍散。加丹皮、鉤藤。以生陰血。則陽火自退。諸症自愈。如不應當用四君、芎歸、丹皮、鉤藤。以補脾土。蓋血生於至陰。至陰者。脾土也。故小兒吐瀉之後。脾胃虧損。亦多患之。乃虛象也。無風可逐。無痰可消。若屬陽氣脫陷者。用補中益氣加薑、桂。陽氣虛敗者。用十全大補加桂。附亦有復生者。此等症候。若肢體惡寒。脈微細者。此爲真狀。若脈浮大。發熱煩渴。此爲假象。惟當固本爲善。若無力抽搐。戴眼反折。汗出如珠流者。皆不治。

### 附治驗

一產婦因勞。兩臂不能屈。服蘇合香丸。肢體痿軟。汗出如水。余謂前藥辛香耗散真氣。腠理虛而津液妄泄也。先用十全大補湯加五味子。補實腠理。收斂真氣。汗頓止。又佐以四君子。調補元氣。漸愈。用逍遙散。大補湯調理而痊。

一產婦先胸脇乳內脹痛。後因怒。口噤吐痰。臂不能伸。小便自遺。左三部脈弦。余

謂此肝經血虛。而風火所致。不能養筋。先用加味逍遙散治之。臂能屈伸。又以補肝散六味丸。諸症悉愈。

一婦人發癰遺尿。自汗面赤。或時面青。飲食如故。肝脈弦緊。余曰。此肝經血熱風熱。名瘰也。肝主小便。其色青。入心則赤。法當滋陰血。清肝火。遂用加味逍遙散。不數劑。而諸症悉安。

附方

海藏愈風湯一名舉鄉古拜散 治一切失血。筋脈緊急。產後盜汗。產後搐搦。

荆芥爲末

右先以炒大豆黃卷。以酒沃之。去黃卷。取清汁。調前末三五錢。和滓飲之。輕者一服。重者二三服。中病即止。其效如神。氣虛者忌服。一方用童便調下。本事方云。此藥委有奇效。神靈之功。大抵產室無風爲佳。不可衣被帳褥太煖。太煖即汗出。汗出則腠理開。易於中風。便昏冒。一婦人產後遮太密。更生旺火。睡久及醒。則昏昏如醉。不省人事。用此藥佐以交加散。服之即睡。睡中必以左手搔頭。覺必醒矣。良久果驗。



交加散 治瘰癧或顫振。不省人事。口吐痰涎。

當歸 荆芥穗等分

右爲細末。每服二錢。水一盞。酒少許。煎至七分。灌下神效。

增補柴胡湯 治產後或經適斷。致手足牽搐。咬牙昏冒異症。

柴胡 八錢 黃芩 錢四 人參 半 夏 錢各一

石膏 四錢 知母 二錢 黃芪 錢五 甘草 錢二

右爲粗末。每服半兩。薑五片。棗四枚。水煎溫服。

四君子湯 補中益氣湯 二方見二十六論

### 產後脚氣方論第十二

論曰。產後脚氣。因元氣內虛。六淫外侵所致。其狀發熱脊悶。搐掣驚悸。心煩嘔吐。氣上。用小續命湯治之。若以爲敗血攻之。則誤矣。

愚按。前症當補氣血爲主。佐以小續命湯。寄生湯。如不應。用大防風。仍參第四卷九論主之。已上十一症。誠似小兒慢驚風。無風可逐。無痰可清。但專補元氣。



庶保其生。

附治驗

一產婦患前症。或用獨活寄生湯而痊。後復作。服之。其汗如水。更加口噤吐痰。余用十全大補湯。培養血氣。漸愈。後飲食日少。肌體日瘦。吐痰如湧。此命門火衰。脾土虛寒。用八味丸。及加味歸脾湯。諸症漸退。肌肉漸生。

獨活寄生湯 治風邪內攻。兩脛腫痛。或緩縱攣痺等症。方見四卷第七論

小續命湯方見前

大防風湯方見九卷第二十四論

十全大補湯

加味歸脾湯二方見二卷第四論 八味丸方見十一卷第十五論

# 校註婦人良方

宋 臨川 陳自明良甫編輯  
明 古吳 薛己立齋補註  
鄞縣 曹赤電炳章圈校

## 卷二十一

### 產後遍身疼痛方論第一

產後遍身疼痛者。由氣虛百節開張。血流骨節。以致肢體沉重不利。筋脈引急。發熱頭痛。宜用趁痛散治之。陳無擇云。若兼感寒傷食。宜用五積散。若誤作傷寒發汗。則筋脈抽搐。手足厥冷。則變為瘓。當大補氣血為主。  
愚按。前症若以手按而痛益甚。是血瘀滯也。用四物、炮薑、紅花、桃仁、澤蘭補而散之。若按而痛稍緩。此是血虛也。用四物、炮薑、人參、白朮補而養之。

### 附治驗

一產婦身腹作痛。發熱不食。煩躁不寐。盜汗脇痛。服解散祛血之藥。不時昏憤。六脈洪大如無。用補中益氣加炮薑。半夏一劑頓退。二三四劑。寢食甘美。但背強而痛。用八珍散。大補湯。調理而安。

一產婦遍身頭項作痛。惡寒拘急。脈浮緊。此風寒之症也。用五積散一劑。汗出而愈。但倦怠發熱。此邪氣去而真氣虛也。用八珍湯調補而痊。

趁痛散 治產後骨節疼痛。發熱頭重。四肢不舉。

牛膝酒炒 甘草炒 薤白各一兩 當歸

桂心 白朮炒 黃耆炒 獨活

生薑各半兩

右每服半兩。水煎。

五積散方見四卷第九論

附方

四物湯 補中益氣湯二方見二卷第六論 八珍湯

十全大補湯二方見二卷第四論

產後腰痛方論第二

腎主腰脚。產後腰痛者。蓋腎為胎胞所繫。此因產勞傷腎氣。以致風冷客之。若連背脊。痛久未已。後遇有娠。必至損動。

愚按。前症真氣虛邪乘之者。用當歸黃耆湯。或十全大補為主。佐以寄生湯。如不應。須十全大補加附子。

附治驗

一產婦腰痛腹脹善噫。諸藥皆嘔。余以為脾虛血弱。用白朮一味。炒黃。每劑一兩。米泔煎。時飲匙許。四劑後漸安。服百餘劑而愈。

治產後風邪頭眩腰痛不可轉側四肢沉重行步艱難。

獨活

川芎

芍藥炒黃

桂心

續斷

桑寄生

生薑各六分

當歸

防風各八分

右水煎服。



如神湯。即生料五積散加桃仁。逐敗血。去風濕。產後惡露不盡。腰重痛。或兩股痛。如錐刺。宜服桃仁湯。若作癰。用五香連翹湯。

桃仁湯 治產後惡露不盡。腹中作痛。或流注腿股作痛。急用此湯治之。如未應。多變作癰。須用五香連翹湯。

桃仁尖去皮

生地黄

蘇木各半兩

蟲去足炒

水蛭炒各三

右每服五錢。薑水煎。空心熱服。以惡露下為度。

五香連翹湯

木香

丁香

沉香

乳香

麝香

升麻

獨活

桑寄生

連翹

木通各二兩

右每服五錢。水煎。入竹瀝少許服。

當歸黃耆湯 治腰痛不可轉側。或汗出壯熱氣短。

黃耆炒

芍藥炒兩各

當歸三兩

每服四錢水煎。

附方

十全大補湯治症同前。又治自汗盜汗。或內熱晡熱。潮熱發熱。或口乾作渴。喉痛舌裂。或胸乳膨脹。脇肋作痛。或臍腹陰冷。二便不調。或頭頸時痛。眩暈目花。或心神不寧。恍惚不寐。或形容不充。肢體作痛。或鼻吸氣冷。急趨氣促。或因飲食勞役。起居失宜。或更有一切虛熱之症。但服此藥。補其根本。諸症悉退。方見卷二論第四

獨活寄生湯方見四卷論第七

產後惡露不絕方論第三

產後惡露不絕。因傷經血。或內有冷氣。而臟腑不調故也。

愚按。前症若肝氣熱而不能主血。用六味地黃丸。若肝氣虛而不能藏血。用逍遙散。若脾氣虛而不能攝血。用六君子湯。胃氣下陷而不能統血。用補中益氣湯。若脾經鬱熱而血不歸源。用加味歸脾湯。若肝經怒火而血妄行。用加味四

物湯。若氣血俱虛。用十全大補湯。若肝經風邪而血沸騰。用一味防風丸。

附治驗

一產婦惡露淋瀝。體倦面黃。食少惡寒。晝夜不寐。驚悸汗出。此脾經虛熱。用加味歸脾湯而痊。後因怒脇脹。作嘔。少食。用六君加柴胡治之而痊。

一方用蒲黃二兩。水煎頓服。

一方貫衆醋蘸炙乾爲末。每服二錢。米飲調下。

返魂丹一名益母草丸

治產後惡露不絕。及胎前產後諸症。益母草四五月採取陰乾

許犯器鐵爲末。煉蜜丸。彈子大。每服一丸。細嚼。米飲下。臨產腹痛。或胎動不安。或漏

血。當歸湯化下。死胎。或胎衣不出。或牙關緊急。或血暈血熱煩悶。如見鬼神。併

童子小便。入酒少許。化下。惡露腹痛。或淋瀝。或月水不調。當歸酒化下。

附方

六味丸

方見二十四卷第十一論

加味逍遙散

加味歸脾湯

十全大補湯

三方見二十四卷第四論補中益氣湯

六君子湯

加味四物湯

三方見二十四卷第六論一味防風丸方見十二卷第六論



# 產後惡露不下方論第四

產後惡露不下。因臟腑勞傷。氣血虛損。或風冷相搏所致。

愚按。前症若惡露不下。用失笑散。若氣滯血凝。用花蕊石散。若因去血過多而煩熱不止。宜參第七論主治。

## 附治驗方藥

一產婦患前症。服峻厲之劑。惡露隨下。久而昏憤。以手護其腹。余曰。此脾氣復傷。作痛。故用手護也。以人參理中湯。加肉桂二劑。補之而愈。

失笑散方見後

人參理中湯方見後

花蕊石散方見卷第十四論

返魂丹方見前

# 產後惡露上攻心痛方論第五

產後心痛。為陰血虧損。隨火上衝心絡。名曰心胞絡痛。宜大岩蜜湯治之。若寒傷心經。名曰真心痛。朝發夕死。夕發朝死。無藥可救。



愚按。前症若陽氣虛寒。用岩蜜湯溫之。瘀血上衝。用失笑散散之。血既散而痛仍作。用八珍湯補之。大凡肚腹作痛。以手按之。却不痛。此血虛也。須用補養之劑。

附治驗

一產婦患前症。昏憤口噤。冷汗不止。手足厥逆。用六君子加附子一錢。以回其陽。二劑頓甦。又以十全大補湯養其血氣而安。

一產婦患前症。手不敢近腹。用失笑散一服。下瘀血而愈。次日復痛。亦用前藥而安。

一產婦患前症。用大黃等藥。其血雖下。復患頭痛。發熱惡寒。次日昏憤。自以兩手堅護其腹。不得診脈。視其面色青白。余爲脾氣虛寒而痛也。用六君子湯加薑桂而痛止。又用八珍湯加薑桂調理而安。

大岩蜜湯 治產後陽氣虛寒。心腹作痛。不食嘔吐。四肢厥逆。

生地黃

當歸

獨活

吳茱萸

芍藥炒

乾薑炒

甘草炒

桂心

小草各一兩 細辛半兩

右每服半兩水煎。

失笑散 治產後惡血上攻。心腹作痛。或牙關緊急。一服可愈。

五靈脂 蒲黃各一錢

用醋水煎。一味五靈脂尤妙。

六君子湯方見二十四卷第六論 十全大補湯

八珍湯二方見二十四卷第四論

### 產後惡露腹痛方論第六

產後腹痛。或因外感五邪。內傷六淫。或瘀血壅滯所致。當審其因而治之。愚按前症若瘀血內停。用失笑散。風寒外感。用五積散。

#### 附治驗

一婦產後小腹痛甚。牙關緊急。此瘀血內停。灌以失笑散。下血而甦。又用四物加炮薑、白朮、陳皮而愈。

一婦人經水來比常度過多不止。遂服瀉藥止之。致腹作痛。此乃氣血凝滯也。用

失笑散。二服而愈。

隱居澤蘭湯 治產後惡露腹痛。或胸滿少氣。

澤蘭

生地黄

當歸

芍藥炒

生薑各一錢

甘草炒五

大棗四個

用水煎服。

四物湯方見二十四卷第六論

五積散方見第四卷第九論

失笑散方見前

### 產後兒枕腹痛方論第七

產後兒枕者。乃母胎中宿血也。或因風冷凝滯於小腹而作痛。

愚按。前症若宿血作痛。失笑散行之。既散而仍痛。四神散調之。若惡心作嘔。此屬氣虛。用六君子健其胃氣。若發熱頭痛。或腹痛按而不痛。此屬血虛。用四物、炮薑、參朮補其脾氣。

#### 附治驗

一產婦患前症。或用驅逐之劑。昏憤口噤。手足發搐。此血氣虛極之變症也。用八

珍湯加炮薑二錢。四劑。未應。又以十全大補湯。加炮薑一錢。二劑而甦。

一方。用山查濃煎汁。入砂糖少許。再煎熱服。

失笑散前方見

四神散方見第四論

六君子湯

八珍湯

十全大補湯二方見第四論

### 產後小腹痛方論第八

產後小腹痛。由惡露凝結。或外寒相搏。若久而不散。必成血瘕。而月水不調。愚按。前症若因氣滯。用延胡索散。若因外寒。用五積散。若因怒氣。用四物加木香、柴胡。若因血虛。用四物、參朮、炮薑。若因陽氣虛弱。用四君、當歸、炮薑。若因脾虛血弱。用六君、當歸、炮薑治之。

#### 附治驗

一產婦患前症。或作嘔。或昏憤。此脾氣虛寒。用人參理中湯漸愈。又以補中益氣湯加茯苓、半夏。全愈。後復作痛。而兼喘。仍用補中益氣湯。培補脾肺而瘥。延胡索散。治產後惡血凝滯。臍下作痛。或作寒熱。



延胡索

桂心各半

當歸一兩

右爲末。每服二錢。食前用熱酒調下。失笑散尤效。

當歸養血丸 治產後瘀血。心腹脹痛。或腰脚疼痛。

當歸

赤芍藥

牡丹皮

延胡索炒

桂心一兩

右爲末。煉蜜丸。桐子大。每服三四十丸。溫酒下。

附方

人參理中湯 治陽氣虛弱。小腹作痛。或脾胃虛弱。飲食少思。或去後無度。或嘔吐腹痛。或飲食難化。胸膈不利。加附子名附子理中湯

人參

白朮

乾薑炮

甘草炙

右每服五七錢。或一兩。水煎服。

五積散

方見四卷第九論

四物湯

四君子湯

補中益氣湯

三方見二十四卷第六論

產後寒疝腹痛方論第九

產後臍腹作痛。乃冷氣乘虛也。用當歸建中湯治之。陳無擇云。若產當寒月。人門臍下脹痛。手不可近者。用羊肉湯治之。

愚按。前症若脾胃虛弱。寒邪所侵。用蟠葱散。若肝經濕熱。小便不利。用龍膽瀉肝湯。仍參前論。恐有瘀血爲患。

### 附治驗

一產婦小腹作痛。小便不利。內熱晡熱。形體倦怠。余用加味逍遙散。以清肝火。生肝血。用補中益氣湯。補脾胃。升陽氣而痊。

羊肉湯 治產婦脾虛寒邪所乘。以致腹痛。或頭眩脇臍急痛。

精羊肉 四兩

當歸

川芎 各半兩

生薑 一兩

右以水十盞。煎至四盞。分四次。空心服。

蟠葱散

龍膽瀉肝湯 二方見二十八卷第八論加味逍遙散

補中益氣湯 二方見二十八卷第四論

## 產後兩脇脹痛方論第十

產後兩脇脹痛。因惡露不盡。或肝經血虛。或肝經氣滯。當分而治之。  
愚按前症若肝經血瘀。用玄胡索散。若肝經氣滯。用四君。青皮。柴胡。若肝經血  
虛。用四物。參。朮。柴胡。氣血俱虛。用八珍。柴胡。若腎水不足。不能生肝。用六味丸。  
若肺金勢盛。尅制肝木。用瀉白散。仍參照前各論主之。

附治驗

一產婦因怒。兩脇脹痛。吐血甚多。發熱惡寒。胸腹脹痛。余以爲氣血俱虛。用八珍  
加柴胡。丹皮。炮薑。而血頓止。又用十全大補湯。而寒熱漸退。此症苟非用薑。桂  
辛溫助脾肺以行藥勢。不惟無以施其功。而反助其脹耳。

經效方 治產後肝經氣滯不平。脇肋腹痛。或寒熱往來。內熱晡熱。

當歸一錢五分 芍藥炒 苦梗炒 檳榔

枳殼入煎分 桂心 青木香 柴胡各六分

右水煎服。

當歸散 治產後陰血虛弱。或氣滯血凝。以致發熱腹痛。或腹脇脹滿。以當歸。乾  
薑等分。每服三錢。水煎。



抵聖湯 治血滯腹痛。或腹悶滿。嘔吐不食。方見後卷第八論

四君子湯

四物湯 二方見二十四卷第六論

八珍湯 方見二十四卷第四論

六味丸 方見二十四卷第十一論

瀉白散 方見五卷第一論

玄胡索散 方見前

### 產後積聚癥塊方論第十一

夫積者。陰氣也。五臟所生。聚者。陽氣也。六腑所成。然積爲陰。陰性沉伏。故痛不離其部。聚爲陽。陽性浮動。故痛無常處。皆繇飲食不節。起居失宜。產後血氣虛弱。風冷所乘。搏於臟腑耳。

愚按。前症乃真氣虧損。邪氣乘之。况產後得之。尤當固元氣爲主。若求旦夕之效。而攻其邪。則速其危矣。當參前六七論。及七卷法癖諸論治之。

#### 附治驗方藥

一產婦腹中似有一鼈。或時作痛而轉動。按之不痛。面色痿黃。痛則皎白。脈浮而瀯。余謂此肝氣虛而血弱也。不信。乃行破血行氣。痛益甚。轉動無常。又認以爲血鼈。專用破血祛逐之藥。痛攻兩脇。肚腹尤甚。益信爲鼈確。服下蟲等藥。去血



甚多。形氣愈虛。肢節間各結小核。隱於肉裏。以爲鼈子畏藥。而走於外。余云。肝臟血而養諸筋。此因肝血復損。筋涸而攣結耳。蓋肢節胸項皆屬肝膽部分。養其脾土。補金水。以滋肝血。則筋自舒。遂用八珍湯。逍遙散。歸脾湯。加減調治而愈。

一婦月經不調。兩拘腫脹。小便澀滯。腹中一塊作痛。或上攻脇腹。或下攻小腹。發熱晡熱。惡寒。肌膚消瘦。飲食無味。殊類瘵症。久而不愈。余謂肝脾血氣虧損。用八珍湯。逍遙散。歸脾湯。隨症五服而愈。

逍遙散

八珍湯

歸脾湯三方見二十四卷第四論

### 產後血瘕方論第十二

產後瘀血。與氣相搏。名曰瘕。謂其痛而無定處。此因風有風冷而成。輕則否澁。重則不通。

愚按。前症乃寒邪乘客。氣血壅結。此因氣病而血病也。常補養胃氣。調和月經。寬緩靜養爲善。難經云。任脈之病。男子爲七疝。女子爲瘕聚。當參前後各論治。

之。

治血瘕作痛。臍下脹滿。或月經不行。發熱體倦。

當歸八分

桂心

芍藥炒

血竭

蒲黃六分各

延胡索分

右爲末。每服二錢。空心酒調下。

葛氏方。治症同前。用桂心爲末。每服一錢。空心酒調下。

### 產後瘀血奔心煩悶方論第十三

產後瘀血奔心。蓋因分娩後。不飲童便。以致虛火上炎所致。宜用後方主之。

愚按。前症當與前第五論同治。

金黃散 治惡血上衝。肚腹作痛。或發熱作渴。

延胡索

蒲黃各一

桂心二分

右爲末。酒調服。

一方。用炒蒲黃。每服三錢。水煎服。失笑散亦佳。

產後虛煩發熱方論第十四

原無論

竊謂前症乃陽隨陰散。氣血俱虛。若惡寒發熱。煩躁作渴。急用十全大補湯。若熱愈甚。急加桂附。若作渴面赤。宜用當歸補血湯。若誤認爲火症。投以涼劑。禍在反掌。王太僕先生云。如太寒而甚。熱之不熱。是無火也。熱來復去。晝見夜伏。夜發晝止。不時而熱。是無火也。當治其心。如大熱而甚。寒之不寒。是無水也。熱動復止。倏忽往來。時動時止。是無水也。當助其腎。故心盛則生熱。腎盛則生寒。腎虛則寒動於中。心虛則熱收於內。又熱不勝寒。是無火也。寒不勝熱。是無水也。治法前症無水者。六味丸。無火者。八味丸。氣血俱虛者。八珍湯。與十全大補湯。

附治驗

大尹俞君之內。產後發熱。晡熱。吐血。便血。兼盜汗。小便頻數。胸脇脹痛。肚腹痞悶。余曰。此諸臟虛損也。治當固本爲善。自恃知醫。用降火之劑。更加瀉利。腸鳴嘔吐。不食腹痛。足冷。始信余言。診其脈。或浮洪。或沉細。或如無。其面或青黃。或赤。



白。此虛寒假熱之狀。時雖仲夏。當捨時從症。先用六君子加炮薑、肉桂。數劑。胃氣漸復。諸症漸退。更佐以十全大補湯。半載全愈。

儒者楊敬之內人。所患同前。但唾痰涎。或用溫補化痰之劑。不應。面色黧黑。兩尺浮大。按之微細。此因命門火虛。不能生脾土。脾土不能生諸臟而為患也。用八味丸。補土之母而痊。

人參當歸湯 治產後虛煩。短氣煩悶。

人參

當歸

麥門冬

桂心

生地黃各二錢

大棗四枚

粳米一合

淡竹葉二錢

芍藥炒黃一錢

右水煎服。

蒲黃散 治症同上。方見前兒枕病。

四物湯加茯神、遠志。治產後虛煩。十全大補湯丸效。

六味丸

八味丸二方見二十四卷第十一論

八珍湯

十全大補湯二方見二十四卷第四論六君子湯方見二十四卷第六論



校註婦人良方 卷二十 產後門 產後虛煩發熱方論第十四 二〇

# 校註婦人良方

宋 臨川 陳自明良甫編輯  
明 古吳 薛己立齋補註  
鄞縣 曹赤電炳章圈校

## 卷二十一

### 產後口乾痞悶方論第一

論曰。產後口乾痞悶。因食米麵乾飯太早。脾胃不能消化。熱鬱所致。慎不可下。但服見睨丸則愈。無擇云。若內積憂煩。外傷燥熱。宜四物湯去地黃。加人參、烏梅可愈。

愚按。前症若宿食停滯。用六君、枳實、神麴。若因肉食所致。更加山楂。若因魚鱠之類。再加陳皮。其物既消而仍痞。或反作痛作嘔。此脾胃受傷。用六君子湯。或噦酸噯腐。加炮薑作瀉。更加升麻。如不應。佐以四神丸。或間用補中益氣湯。

附治驗

一婦人食角黍煩渴。痞悶腹痛。大便欲去不去。服消導等藥。不應。飲食日減。肌體日瘦。半年矣。余謂此食積為患。用大酒麴炒為末。溫酒調服二錢。俄間腹鳴。良久仍下糞而愈。

一婦人食魚鮓腹痛患痢。諸藥不應。用陳皮、白朮等分為末。以陳皮湯送下。數服而愈。

見睨丸

薑黃炒

三稜醋炒

萆澄茄

陳皮

良薑

人參

莪茂酒炒各

右為末。用蘿蔔汁糊丸。桐子大。每服三十丸。白湯下。

產後心煩發渴。宜清心蓮子飲。方見六卷首論

附方

六君子湯

補中益氣湯二方見二十四卷第六論 四神丸方見八卷

產後血渴方論第二

竊謂前症若出血過多。虛火上炎。用童子小便。或四物、白朮、麥門、丹皮。若胃氣虛而有熱。用竹葉歸耆湯。若血虛發熱。用八珍加麥門、五味。若血脫發熱煩躁。用當歸補血湯。若胃氣虛弱。用補中益氣湯。或七味白朮散。

### 附治驗

一產婦患前症。朝寒暮熱。肚腹作痛。以手按之不痛。余以爲血氣俱虛。用八珍之類治之。彼反行逐血。更加發熱煩躁。余用當歸補血湯。熱躁漸止。用八珍、麥門、五味。氣血漸復。

### 附方

七味白朮散 治中氣虛弱。津液短少。口乾作渴。或因吐瀉所致。

人參

白朮炒

木香

白茯苓

甘草炒

藿香

乾葛各一錢

右水煎服。

竹葉歸耆湯 治胃氣虛熱。口乾作渴。惡冷飲食者。

竹葉一錢

當歸一錢

黃耆二錢

白朮



人參各一錢 甘草妙五 麥門冬去心七分

右水煎服。

四物湯

補中益氣湯二方見二十六卷第六論 八珍湯方見二十四卷第四論

當歸補血湯方見二十四卷第十一論

### 產後乍寒乍熱方論第三

產後乍寒乍熱。繇血氣虛損。陰陽不和。若陰勝則乍寒。陽勝則乍熱。宜用增損四物湯。若因敗血不散。腹內作痛。宜用奪命丹。後用增損四物湯。隨病加減。無擇云。敗血流閉。諸陰則寒。流閉諸陽則熱。用大調經散。五積散。

愚按前症。若因陽氣不足。陰氣上入於陽中而惡寒者。用補中益氣湯。若因陰氣不足。陽氣下陷於陰中而發熱者。用六味地黃丸。若氣血不足而惡寒發熱者。用八珍湯。若病後寒熱倦怠者。用補中益氣湯。若肌熱大渴。目赤面紅者。用當歸補血湯。

附治驗

一產婦惡寒發熱。余以爲血氣虛寒。用十全大補加炮薑。而寒熱愈。用補中益氣。而肢體安。又食後犯怒。惡寒發熱。抽搐咬牙。面色青中隱黃。此肝木侮脾土。飲食停滯。用六君子加木香。一劑而安。  
一產婦惡寒發熱。余以爲氣血俱虛。不信。反用小柴胡湯。致汗出譫語。煩熱作渴。肢體抽搐。余用十全大補二劑。益甚。脈洪大。重按如無。此藥力不能及。乃加附子四劑。稍緩。數劑而安。

增損四物湯

人參

當歸

芍藥

川芎

乾薑炒各一兩

甘草四錢

右每服四錢。水薑煎。

大調經散 治產後惡露未消。寒熱自汗。或肚腹作痛。

大豆去一兩皮炒

茯苓神一兩

真琥珀一錢

右爲末。每服二錢。空心濃煎。烏豆紫蘇湯調下。

附方

六君子湯

補中益氣湯二方見二十論當歸補血湯方見二十一論

八珍湯

十全大補湯二方見二十論六味地黃丸方見二十一論

### 產後瘧疾方論第四

郭稽中云。產後乍寒乍熱者。多是敗血爲害。或陰陽不和。若概作瘧疾治之。誤矣。陳無擇曰。產後寒熱。或一二日。或二三日一發。或先寒後熱。或先熱後寒。或寒多熱少。或熱多寒少。或純寒純熱者。皆是瘧疾。最難治療。可用草菓飲。主熱飲。四獸飲。選用之。

愚按。前症當與第十四卷第十論參看用藥。以補胃氣爲主。佐以草菓飲之類。若胃氣稍充。以草菓飲爲主。佐以補胃之劑。大抵產後瘧疾。因脾胃虛弱。飲食停滯。或外邪所感。或鬱怒傷脾。或暑邪所伏。審係飲食。用六君加桔梗、蒼朮、藿香。如外邪多而飲食少。用藿香正氣散。如外邪少。飲食多。用人參養胃湯。勞役所傷。用補中益氣湯。氣血虛弱。用十全大補加炮薑。中氣虛寒。用六君加薑、桂。元氣脫陷。急加附子。蓋氣虛則寒。血虛則熱。胃虛則惡寒。胃氣下陷。則寒熱交。



作。或吐瀉不食。腹痛煩渴。發熱譫語。或手足逆冷。寒戰如慄。雖見百症。但溫補脾胃。其病自退。若誤用清脾飲之類。非宜。

### 附治驗

一產婦患瘧。發熱作渴。胸膈脹滿。遍身作痛。三日不食。嘔酸噯氣。此是飲食所傷。脾胃不能消化。用六君加神麴、山查、四劑而不作酸。乃去神麴、山查。又數劑而飲食進。其大便不通。至三十五日。計進飲食七十餘碗。腹始悶。令用猪膽汁導而通之。其糞自不甚燥。

一產婦患瘧久不愈。百病蜂起。其脈或洪大。或微細。或弦緊。或沉伏。難以名狀。用六君加炮薑二十餘劑。脈症稍得。又用參朮煎膏。佐以歸脾湯。百餘劑而瘥。一產婦朝寒暮熱。或不時寒熱。久不愈。用六君子補中益氣。兼服百餘劑而尋愈。產後瘧疾心腹痛。見小產。

### 產後蓐勞方論第五 闕文

愚按、蓐勞蓋產後虛弱。元氣不復所致。故寒熱食少。頭目四肢腹痛。若脾虛而



不能生血者。用六君子湯加當歸。若脾肺氣虛而咳嗽口乾。用補中益氣。加麥門、五味。若因中氣虛而口乾頭暈。用補中益氣。加蔓荊子。若肝經血虛而肢體作痛。用四物、參、朮。若因肝腎虛弱。而自汗盜汗寒熱往來者。用六味丸加五味子。若因脾虛血弱。肚腹作痛。月經不調。用八珍湯。倍加白朮。若因脾虛血燥。皮膚瘙癢。用加味逍遙散。大抵此症。多因脾胃虛弱。飲食減少。以致諸經疲憊。而作。當補脾胃。飲食一進。精氣生化。諸臟有所倚賴。其病自愈矣。仍照虛煩發熱方論主治。

增損柴胡湯 治產後虛弱。寒熱如瘧。食少腹脹。

柴胡 人參 甘草炒 半夏炒

陳皮 川芎 白芍藥各

右每服五錢。水薑棗煎。日二服。

白茯苓散 治產後葶勞。頭目四肢疼痛。寒熱如瘧。

白茯苓一兩 當歸 川芎 桂心

白芍藥炒 黃耆炒 人參各半 熟地黃半兩製

右先以水三盞。入猪腎一雙。薑、棗各三事。煎二盞。去之。入前藥半兩。煎一盞服。猪腰子粥。治產後尊勞發熱。用猪腰子一枚。去膜切片。用鹽酒拌。先用粳米一合。入葱椒煮粥。鹽醋和。將腰子鋪碗底。以熱粥蓋之。如作盒生狀。空心服。黃耆建中湯。治產後諸虛不足。發熱或惡寒腹痛。

黃耆炒

肉桂

各一兩

白芍藥炒

甘草炒

右每服五錢。用薑、棗水煎。日三二服。虛甚須加附子。

### 附方

六君子湯

補中益氣湯

四物湯三方見二十卷第六論

六味丸方見二十四卷第十一論

八珍湯

加味逍遙散二方見二十四卷第四論

## 產後虛羸方論第六

產寶云。產後虛羸者。皆係產後虧損血氣所致。須當慎起居。節飲食。六淫七情。調養百日。庶保無疾。若中年及難產者。毋論日期。必須調養平復。方可治事。否則氣血復傷。虛羸之症作。

愚按前症產傷氣血者。用八珍湯。飲食傷胃者。用四君子湯。停食傷脾者。用六君子湯。勞傷元氣者。用補中益氣湯。若噯氣覺有藥味者。此藥復傷胃也。但用四君子湯。徐徐少飲。以調脾胃。若胃氣一健。血氣自生。諸症自愈矣。

黃雌雞湯 治產後虛羸腹痛。

小黃雌雞一隻去頭足翅

當歸

白朮炒

熟地黃自製 桂心

黃耆炒各半兩

右先以水七鍾。煮雞至三鍾。每用汁一鍾。藥四錢。煎日二服。

十全大補湯 治產後氣血未復。形體虛弱。發熱惡寒等症。方見二十四卷第四論

### 產後風虛冷勞方論第七

產後氣血勞傷。臟腑虛弱。若風冷乘之。血氣愈虛。形氣羸損。風冷入臟。令人無子。謂之風虛冷勞也。

愚按前症若血氣虛弱。用八珍湯。血氣虛寒。用十全大補湯。胃氣虛弱。用補中益氣湯。脾氣虛弱。用六君子湯。命門火衰。用八味丸。肝脾血虛。用加味逍遙散。



肝脾鬱怒。用加味歸脾湯。

產寶方 治產後虛羸不生肌肉。

黃耆炒

當歸

芍藥炒

人參各三錢

桂心

甘草炒

川芎

生薑各四錢

大棗十一枚

右水煎。分三服。

又方。猪腎一雙。煮入葱豉作臠。如常食之。

### 產後腹脹嘔吐方論第八

產後腹脹滿悶嘔吐者。因敗血散於脾胃。不能運化而致。宜用抵聖湯治之。

愚按。前症若敗血散於腸胃。宜用前方。若飲食停於脾。宜用六君。厚朴。若飲食傷於胃。宜用六君子湯。大凡損其脾者。當節其飲食為善。

#### 附治驗

一產婦患前症。或用抵聖湯。敗血已下。前症益甚。小腹重墜。似欲去後。余謂此脾



氣虛而下陷。用補中益氣湯。加炮薑溫補脾氣。重墜如失。又用六君子湯而安。  
抵聖湯

赤芍藥

半夏

澤蘭葉

人參

陳皮

甘草炒各一錢

右用生薑焙乾半兩。水煎。

愚按前方最宜用之。

附方

六君子湯

補中益氣湯二方見二十四卷第六論

### 產後嘔逆不食方論第九

經云。胃爲水穀之海。以養臟腑。因產後胃氣虛弱。飲食所傷。必致嘔逆。故不食也。  
愚按。前症若因飲食過時。用四君子湯。飲食過多。用六君子湯。飲食過時而兼  
勞役。用補中益氣。若因飲食停滯。用人參養胃湯。脾胃氣虛。用六君子湯。胃氣  
虛寒。加炮薑。木香。寒水侮土。用益黃散。肝木侮脾土。用六君。升麻。柴胡。命門火

衰不能生土。用八味丸。嘔吐泄瀉。手足俱冷。或肚腹作痛。乃陽氣虛寒。急用附子理中湯。多有生者。

### 附治驗

一產婦朝吐痰。夜發熱。晝夜無寐。或用清痰降火。肌體日瘦。飲食日少。前症愈甚。余曰。早間吐痰。脾氣虛也。夜間發熱。肝血虛也。晝夜無寐。脾血耗也。遂用六君子湯。加味逍遙散。加味歸脾湯。以次調補而痊。

開胃散 治產後胃虛嘔吐。胸滿不食。

訶子肉 兩半

人參 一兩

甘草 兩半

每服五錢。薑水煎。

治產後胃虛嘔逆。

橘紅 一兩

半夏

甘草 兩半

薑香 二兩

每服五錢。薑水煎。

治產後嘔逆不食。

白朮 五錢

薑 六錢

水煎徐徐溫服。

石蓮散 治產後胃寒咳逆。嘔吐不食。或腹作脹。

石蓮肉 兩半

白茯苓 一兩

丁香 香五錢

右爲末。每服二錢。不拘時。用薑湯。或米飲調下。日三服。

附方

錢氏益黃散 治脾土虛寒。水反來侮。以致嘔吐不食。或肚腹作痛。或大便不實。手足逆冷等症。

陳皮

青皮

訶子肉

甘草炙

丁香 香二錢

右爲粗末。每服四錢。水煎服。

人參養胃湯 治外感風寒。內傷飲食。寒熱頭疼。或作瘧疾。

半夏

厚朴 製

橘紅 八分

藿香葉

草果

茯苓

人參 五分

甘草 炙三分

蒼朮 一錢

右薑七片。烏梅一箇。水煎服。

四君子湯

補中益氣湯二方見二十六論八味丸方見二十四論

附子理中湯方見二十卷第八論

加味逍遙散

加味歸脾湯二方見二十四卷第四論

### 產後霍亂方論第十

產後霍亂。因臟腑虛損。飲食不消。觸冒風冷所致。若熱而飲水者。四苓散。寒而不飲水者。理中丸。虛冷者。加附子。來復丹尤妙。愚按。此症當與後卷第十一論互相主治。

#### 附治驗

一產婦停食霍亂。用藿香正氣散之類。已愈。後胸腹膨脹。飲食稍過即嘔吐。或作泄瀉。余謂此脾胃俱虛。用六君子湯加木香治之。漸愈。後因飲食失調。兼恚怒。患霍亂。胸腹大痛。手足逆冷。用附子散。又用八味丸。以補土母而康。設泥痛無補法。而用辛散。或用平補之劑。必致不起。

一產婦吐瀉噁酸。面目浮腫。此脾氣虛寒。先用六君加炮薑為主。佐以越鞠丸而



噯酸愈。又用補中益氣加茯苓、半夏而脾胃康。

白朮散 治脾胃傷吐瀉腹痛煩渴手足逆冷或大便不實。

白朮 橘紅 麥門冬去心 人參

乾薑炮各一兩 甘草半兩

右每服四錢薑水煎。

附子散 治脾胃虛寒吐瀉腹痛手足逆冷或自汗口噤。

附子炮 白朮炒 當歸 吳茱萸

丁香 橘紅 甘草炒各半兩

右爲末每服二錢粥飲調若脾胃虛用參苓白朮散。

附方

藿香正氣散 治外感風寒內停飲食頭疼寒熱或霍亂泄瀉或作瘧疾。

藿香一錢五分 桔梗炒 大腹皮 紫蘇

茯苓 白芷 半夏麴 陳皮

白朮炒 厚朴製各一錢 甘草炙五分

右薑棗水煎熱服。

五苓散

白朮炒

猪苓各一錢

桂三分

澤瀉二錢五分

茯苓一錢

右水煎服。

理中丸 治脾胃虛寒。嘔吐泄瀉。飲食少思。肚腹膨脹。

人參

白朮炒

乾薑炮

甘草炙各一錢

右爲末。米糊丸。彈子大。每服一丸。嚼細。白湯下。

來復丹 治伏暑泄瀉。身熱脈弱。其效如神。倉卒間須用此藥。

硝石

一兩同硫黃火上微炒用

太陰玄精石研

舶上硫黃各一兩

五靈脂去砂

青皮

陳皮各二兩

右爲末。醋糊丸。小豆大。每服三十丸。空心。米飲下。

易簡方云。硝石性寒。佐以陳皮。其性疎快。硫黃性寒味澁。若作煖藥以止瀉。誤矣。蓋繇啖食生冷。或冒暑熱之氣。中脘閉結。揮霍變亂。非此藥不能通利三焦。

校註婦人良方 卷二十一 產後門 產後霍亂方論第十

一八

分理陰陽。其功甚速。

六君子湯

方見二十四卷第六論

八味丸

方見二十四卷第十一論

# 校註婦人良方

宋 臨川 陳自明良甫編輯  
明 古吳 薛己立齋補註  
鄞縣 曹赤電炳章圈校

## 卷二十二

### 產後寒熱方論第一

產後發熱。頭痛身疼。雖如傷寒時氣。雖當用麻黃。亦不可輕易。如早起勞動。爲寒所傷。則淅淅惡寒。翕翕發熱。頭項肩背骨節皆痛。至七八日乃差。若大便堅。作嘔不能食。用小柴胡湯。加生薑。地黃主之。

愚按。病機要云。治胎產之病。從厥陰經論之。無犯胃氣。及上中二焦。爲之三禁。不可汗。不可下。不可利小便。發汗者。同傷寒下之早證。利大便。則脈數而已動於脾。利小便。則內亡津液。胃中枯燥。製藥之法。能不犯三禁。則榮衛自和而寒



熱止矣。

人參當歸散 治去血過多。內熱短氣。頭痛悶亂。骨節作痛。或虛煩咽燥。

人參

當歸

生地黃

桂心

白芍藥

麥門冬去心各一兩

右粳米一合。竹葉十片。水二鍾。煎一鍾去之。入藥五錢。棗二枚。煎服。虛甚用熟地黃。

小柴胡湯 治傷風四肢煩熱頭疼。若頭不疼而作煩。二物黃芩湯。方見二十四卷第二論

二物黃芩湯

黃芩半兩

苦參半兩

生地黃二兩

右每服四錢。水煎。

增損柴胡湯 治虛弱寒熱。少食腹脹等症。方見前

竹葉防風湯 治產後傷風發熱。面赤氣喘頭痛。

淡竹葉半把

防風

人參

桂枝

桔梗

甘草各半兩

葛根半兩

右每服五錢。薑棗水煎。汗出項強。加附子。嘔。加半夏。  
治惡露不盡。晝則明了。暮則譫語。寒熱如見鬼。此熱入血室。用柴胡地黃湯。或四  
物加柴胡。方見十六卷第十五論

### 產後頭痛方論第二

夫頭者。諸陽之會也。產後胃氣虛弱。飲食少思。陽氣微弱。不能上升。故頭痛。若因  
敗血所致。則黑龍言之甚詳。

愚按前症若中氣虛。用補中益氣湯加蔓荊子。若血虛。用四物加參朮。血氣俱  
虛。用八珍湯。若因風寒所傷。用補中益氣湯加川芎。

#### 附治驗

一產婦患頭痛。日用補中益氣湯。不缺已三年矣。稍勞則惡寒內熱。為陽氣虛。以  
前湯加附子一錢。數劑不發。  
一婦人產後頭痛。面青二年矣。日服四物等藥。余謂腎水不能生肝木而血虛。用  
六味丸加五味子。兩月而痊。

芎附散 治氣虛頭痛。用大附子一枚。去皮臍切四片。拌釀醋一碗。炙附子盡。同

川芎一兩爲末。每服二錢。清茶調服。

治血虛頭疼。當歸、川芎。每服五錢。水煎。

產後頭痛。都梁丸亦可治。方見四卷第六論

附方

補中益氣湯

四物湯二方見二卷第六論

八珍湯方見二十四卷第四論

六味丸方見二十四卷第十一論

產後咳嗽方論第三

夫肺主於氣。產後肺氣虛。故外邪感而咳嗽。所由作也。若食鹽醢之類而致者。難治。若因嬰積滯而致者。服黑神散、五積散可愈。

愚按前症若陰血虛。四物湯加參、朮、陳皮、桔梗。肺氣虛。四君加芎、歸、桔梗。陰火上炎。六味、地黃丸加參、朮。風寒所感。補中益氣湯加桔梗、紫蘇。若瘀血入肺發喘。兼口鼻起黑。或鼻出血。急用二味參蘇飲。亦有得生者。然而所患悉因胃氣。

不足。蓋胃爲五臟之根本。胃氣一虛。五臟失所。百病生焉。經云。肺屬辛金。生於巳土。脾土既虛。不能生金。則腠理不密。外邪易感矣。治當壯土金。生腎水。以制火爲善。

### 附治驗

一產婦朝吐痰。夜發熱。無寐。泥用清痰降火之藥。肌體日瘦。飲食日少。余曰。早間吐痰。脾氣虛也。夜間發熱。肝血虛也。晝夜無寐。脾無耗也。遂用六君子湯。加味逍遙散。加味歸脾湯。以次調補。不月而痊。

一產婦咳嗽。見風則喘急惡寒。頭痛自汗。口禁痰盛。余爲脾肺氣虛。腠理不密。用補中益氣加肉桂。數劑而安。

一產婦咳嗽聲重。鼻塞流涕。此風寒所感。余用參蘇飲。一鍾頓愈。與補中益氣加桔梗。茯苓。半夏。一劑將痊。又與六君。黃耆。以實腠理全愈。

一產婦咳嗽痰盛。面赤口乾。內熱晡熱。徹作無時。此陰火上炎。余用補中益氣湯。六味地黃丸而愈。

一產婦咳而胸滿不食。涕唾面腫氣逆。此病在胃而關於肺。用異功散而愈。



知母散 治惡露上攻咳嗽不已。

知母

貝母

白茯苓

人

參各半

桃仁

杏

仁並生去皮

右每服五錢。水煎。

治風寒咳嗽。

甘草

桔

梗各六分

款冬花四分

麥門冬

生地黄

各一錢

葱

白一握

用水煎服。

旋覆花湯

治咳嗽最良。方見下有汗者去麻黃

附方

異功散

治脾胃虛弱。飲食少思。或久患咳嗽。或腹滿不食。面浮氣逆等症。

人參

白朮炒

甘草炒

茯苓

陳皮各一錢

用薑棗水煎。

六君子湯

四物湯

四君子湯

補中益氣湯

四方見二十六卷第六論六味丸方見二十四卷第十一論

二味參蘇飲

後方見

參蘇飲

方見六卷第十一論

### 產後喉中氣急喘促方論第四

產後喉中氣急喘促。因榮血暴竭。衛氣無主。獨聚於肺。名曰孤陽。最爲難治。若因敗血停凝。服奪命丹。若因榮血暴絕。服芎藭湯。若因風寒所傷。服旋覆花湯。若因氣鬱結。服小調經散。若因傷飲食。服見睨丸。

愚按前症若脾肺氣虛弱。用六君桔梗。若兼外邪。更加紫蘇。若中氣虛寒。用補中益氣。加炮薑肉桂。若陽氣虛脫。更加附子。若瘀血入肺。急用二味參蘇飲。

#### 附治驗

一產婦喘促自汗。手足俱冷。常以手護臍腹。此陽氣虛脫。用參附湯四劑而愈。二味參蘇飲。治產後血入於肺。面黑發喘欲死者。

人參一兩

蘇木二兩

用水煎頓服。

旋覆花湯 治傷風寒暑濕喘嗽太盛。坐臥不寧。

旋覆花

赤芍藥

前胡

半夏麴

荊芥穗

甘草

茯苓

五味子

杏仁

麻黃各等分

右每服四錢。薑棗水煎。有汗者莫服。

五味子湯 治產後喘促。脈伏而厥。

五味子杵炒

人參

杏仁各二錢

麥門冬去心

陳皮各一錢

右薑三片。棗二枚。水煎服。

芎藭湯後方見

附方

六君子湯

補中益氣湯二方見二十六卷第六論參附湯方見十八卷第六論

產後口鼻黑鼻衄方論第五

產後口鼻起黑氣及鼻衄者。蓋陽明經脈之海。起於鼻。交頰中。還出頰口。交人中。左之右。右之左。此產後氣虛。榮血散亂。胃絕肺敗之症也。急取緋線一條。并產婦頂心髮兩條。緊緊中指節。更無藥可療。

愚按。胃脈頰口繞承漿。蓋鼻準屬脾土。鼻孔屬肺金。誠胃虛肺損。氣脫血死之症。急用二味參蘇飲。加附子五錢。亦有得生者。方見前

### 產後咳噫方論第六

夫肺主於氣而稟於胃。蓋產後脾胃傷損。風冷所搏。故咳噫也。急灸期門三壯。必愈。此穴乃胃之大絡。方見十六卷第十五論

愚按。前症屬胃氣虛寒之惡候。如用後方未應。急投參附湯。亦有復生者。方見十六卷第六論

丁香散 治心煩咳噫。

丁香

白荳蔻各半

伏龍肝一兩

右爲末。煎桃仁吳茱萸湯。每服一錢調下。



羌活散 治咳逆。

羌活

附子炮

茴香炒各半兩

木香

白薑炮各一錢

右爲末。每服二錢。水一盞。鹽一捻。煎服。  
一方用桂心五錢。薑汁三合。水煎服。

### 產後血崩方論第七

產後血崩。因經脈未復而勞傷。或食酸鹹之味。若小腹滿痛。肝經已傷。最爲難治。急服固經丸主之。

愚按前症若血滯小腹脹滿。用失笑散。血少小腹虛痞。芎藭湯。肝火血妄行。加味逍遙散。脾鬱不統血。加味歸脾湯。脾氣虛不攝血。補中益氣湯。厚味積熱傷血。清胃散。加槐花。風熱相搏傷血。四君子。防風。枳殼。

#### 附治驗

一產婦血崩。小腹脹痛。用破氣行血之劑。其崩如湧。四肢不收。惡寒嘔吐。大便頻

瀉。余用六君炮黑薑。四劑稍愈。又十全大補。三十餘劑而痊。  
一產婦血崩。因怒其血如湧。仆地口禁目斜。手足抽搐。此肝經血耗生風。余用六  
味丸料一劑。諸症悉退。但食少晡熱。佐以四君柴胡牡丹皮而愈。

固經丸

艾葉

赤石脂煨

補骨脂炒

木賊各半

附子炮一箇

右爲末。飯丸。桐子大。每服二十丸。溫酒或米飲下。

芎藭湯

芎藭

當歸

芍藥各等分

右每服五錢。水煎。

附方

失笑散方見卷第五論

十全大補湯

加味逍遙散

加味歸脾湯方見卷第四論

六君子湯

四君子湯方見卷第六論

清胃散方見卷首論

六味丸方見卷第十一論

產後月水不調方論第八

產後月水不調。由血氣虛損。風邪所客。邪正相搏。以致經候失期。或多或少。而不得其平也。

愚按前症或過期而作痛者。氣血俱虛也。八珍加柴胡、丹皮。不及期而來。血熱也。四物、山梔、柴胡。將來而作痛。血實也。四物加桃仁、紅花。過期而來者。血虛也。四物加參、朮。紫黑成塊者。血熱也。四物加炒梔、炒連、丹皮。作痛而色淡者。痰多也。四物合二陳。治當臨症制宜。

附治驗

一產婦月經不調。內熱燥渴。服寒涼之劑。其血如崩。腹脹寒熱。作嘔少食。用六君子二十餘劑。諸病悉愈。以加味逍遙散調理而安。

琥珀散 治經脈不調。飲食少思。日漸消瘦。

琥珀

牛膝

生地黄

當歸

各半

桃仁

赤芍藥

各半

右每服五錢。水薑服。

附方

八珍湯

加味逍遙散二方見二十四卷第四論四物湯

六君子湯二方見二十四卷第六論

二陳湯方見二十四卷第五論

產後月水不通方論第九

產後乳子周歲而經不行。是其常也。若半歲而經行。此血有餘也。若一二歲不行而無疾。不必服藥。若肢體倦怠。食少內熱。是血少也。宜健脾胃。若以藥通之。則誤矣。

愚按。前症脾胃虛弱。用六君子湯。若兼鬱火傷脾。用歸脾湯。加丹皮、山梔。若怒火傷血。宜用四物合小柴胡。氣血俱虛。用八珍、牡丹皮。仍參前論主之。

附治驗方藥

一產婦月經年餘不通。內熱晡熱。服分氣丸。經行不止。惡寒作渴。食少倦怠。胸滿氣壅。朝用加味逍遙散。夕用四君子湯。月許。諸症稍愈。佐以八珍湯。兼服兩月。



而愈。

六君子湯

四物湯

四君子湯

三方見二十六卷第六論

歸脾湯

加味逍遙散

八珍湯

三方見二十四卷第四論

小柴胡湯

方見二十四卷第二論

### 產後四肢浮腫方論第十

產後四肢浮腫者。乃敗血乘虛流注。宜用小調經散。陳無擇云。若風邪所乘於氣分。皮膚腫而浮虛。乃氣也。若皮膚腫如熟李。乃水也。蓋氣腫者。宜發汗。水腫者。宜利小便。

愚按前症若寒水侮土。傷損脾肺。若氣虛浮腫。宜益脾胃。若水氣浮腫。宜補中氣。當參第一卷水分血分主治。

#### 附治驗

一產婦飲食少思。服消導之劑。四肢浮腫。余謂中氣不足。朝用補中益氣湯。夕用六君子湯而愈。後因怒腹脹。誤服沉香化氣丸。泄瀉不止。飲食不進。小便不利。

肚腹四肢浮腫。用金匱加減腎氣丸而愈。

一產婦泄瀉。四肢面目浮腫。喘促惡寒。余謂脾肺虛寒。用六君子薑桂而泄瀉愈。

又補中益氣而脾胃健。

### 小調經散

沒藥

琥珀

桂心

芍藥

當歸各一錢

右爲末。每服半錢薑汁溫酒調。

大調經散。最治腫滿喘急煩渴。小便不利。方見二十一卷第一論

漢防己散 治水腫

漢防己

猪苓

枳殼類妙

桑白皮各一

商陸

甘草各三錢

右每服四錢。水煎。

治血虛氣腫水腫。

澤蘭葉

防己等分

右爲末。每服二錢。溫酒調下。醋湯亦可。

金匱加減腎氣丸。治脾腎虛寒。腰重脚腫。濕飲留積。小便不利。或肚腹腫脹。四肢浮腫。氣喘痰甚。或已成水症。其效如神。

白茯苓三兩

附子半兩

肉桂

川牛膝

澤瀉

車前子

山茱萸

山藥

牡丹各一

熟地黄四兩酒拌杵碎

右爲末。和地黃膏煉蜜丸。桐子大。每服七八十丸。空心米飲下。

附方

補中益氣湯

六君子湯二方見二十六卷第六論

### 產後腹痛瀉利方論第十一

產後腹痛瀉利。因腸胃虛怯。寒邪乘襲。或水穀不化。洞泄腸鳴。兼手足逆冷。用補中湯治之。陳無擇云。若六淫七情而致者。當因所感而治之。愚按。前症若胸膈飽脹。或惡食吞酸。此飲食停滯。用六君、枳實、山楂以消導。若

食既消而仍痛。更或頭痛熱渴。惡寒欲嘔。此中氣被傷。用補中益氣。半夏、茯苓。以健脾胃。

附治驗

一產婦腹痛發熱惡食。余以爲飲食傷脾。彼反服破血之劑。加寒熱頭痛。嘔吐涎沫。用化痰理氣。四肢逆冷。泄瀉下墜。余用六君加炮薑、肉桂、木香。再用補中益氣湯而愈。

一產婦腹痛後重。去痢無度。形體倦怠。飲食不甘。脣腫盜汗。竟夜不寐。此脾經虛熱之症。用當歸六黃湯。內黃芩、連柏炒黑。一劑汗止。乃用歸脾八珍。兼服而愈。

補中湯

夏 姜

當 歸

桂 心

芍 藥

附 子 炮

川 芎 各一

甘 草 錢五

右每服三錢。水煎服。

附方

六君子湯

補中益氣湯二方見二十卷第六論當歸六黃丸方見十九卷第六論



歸脾湯

八珍湯二方見二十四卷第四論

產後赤白痢方論第十二

產後痢疾。因飲食六淫七情。傷於脾胃。或血滲大腸。皆爲難治。若飲食不進。謂之虛痢。氣宇不順。謂之氣痢。治法熱則涼之。冷則溫之。冷熱相搏。則溫涼調之。滑者瀉之。虛者補之。水穀不分者。分利之。性情執滯者。和順之。未有不妥者也。

愚按前症白屬氣分。而赤屬血分也。若米食所傷。用六君加穀蘖。若麵食所傷。用六君加麥蘖。若肉食所傷。用六君加山查神麴。凡兼嘔吐。俱加藿香。若兼噯酸。或嘔吐。用前藥送越鞠丸。若肝木尅脾土。用六君加柴胡。炮薑。若寒水反來侮土。用錢氏益黃散。若久瀉。或元氣下陷。兼補中益氣湯。以升發陽氣。若瀉痢色黃。乃脾土真氣。宜加木香。肉荳蔻。若屬脾土虛寒。用六君加木香。薑桂。若脾腎虛寒。用補中益氣。及四神丸。若屬命門火衰。而脾土虛寒。用八味丸。以補土母。若小便瀯滯。肢體漸腫。或兼喘咳。用金腎順氣丸。以補脾腎。利水道。若胃氣虛弱。而四肢浮腫。須補胃爲主。若久而不愈。是腎氣虧損也。必用四神。六味。八

味三藥。以補足三陰。若用分利導水之劑。是虛其虛也。

一產婦泄痢腹痛年餘。形體骨立。內熱晡熱。自汗盜汗。口舌糜爛。日吐痰三碗許。脈洪大。重按全無。此命門火衰。脾土虛寒。而不能攝痰歸源。用八味丸補火。以主土。用補中益氣湯兼補肺金而痊。

一產婦食雞子。腹中作痛。面色青黃。服平胃二陳。更下痢腹脹。用流氣飲子。又小腹一塊。不時上攻。飲食愈少。此脾胃虛寒。肝木尅侮所致。用補中益氣加木香。吳茱萸漸愈。又用八珍大補。兼服調理尋愈。

五味子散。治產後泄瀉。或腎泄。在侵晨五更作瀉。飲食不進。或大便不實。不時去後。為丸尤效。

五味子兩三

吳茱萸錢五

右為末。每服二錢。白湯調。

四神丸。治脾胃虛弱。大便不實。飲食不思。

二神丸

六君子湯

三方見八論

補中益氣湯

方見二十四論

香連丸

方見八卷第八論

六味丸

八味丸

二方見二十四論

校註婦人良方 卷二十二 產後門 產後赤白痢方論第十二 二〇

金匱腎氣丸前方見

八珍湯方見二十四卷第四論

# 校註婦人良方

宋 臨川 陳自明良甫編輯  
明 古吳 薛己立齋補註

鄞縣 曹赤電炳章圈校

## 卷二十三

### 產後痢疾作渴方論第一

產後下痢作渴者。乃內亡津液。或胃氣虛不能生津液。但止其渴。痢自差。  
愚按。前症若渴而不止喜冷飲。屬胃氣虛不能生津液。宜用七味白朮散。夜間  
發熱口渴。屬腎水弱而不能潤。宜用六味丸。並佐以益氣湯。以滋化源。

#### 附治驗方藥

一產婦瀉痢發熱作渴。吐痰。肌體消瘦。飲食少思。或胸膈痞滿。或小腹脹墜。年餘  
矣。余以爲脾腎之瀉。朝用二神丸。夕用六君子。二月餘而痊。



一產婦患前症。形體倦怠。飲食不進。與死爲鄰。此脾胃極虛也。用四神丸。十全大補湯。數劑而愈。

附方

七味白朮散方見第三十一卷第二論 六味丸方見第二十四卷第十一論 補中益氣湯

六君子湯二方見第二十四卷第六論 十全大補湯方見第二十四卷第四論 四神丸

二神丸二方見第八卷第八論

產後大便秘澹方論第二

產後大便秘澹。因腸胃虛弱。津液不足也。若腹悶脹。宜服麻仁丸潤之。若用苦寒藥通。則促其危矣。

愚按前症若計其日期。飲食數多。即用藥通之。禍在反掌之間。必待腹滿覺脹。欲去不能者。乃結在直腸。宜用猪膽汁潤之。若服苦寒疎通。反傷中氣。通而不止。或成痞症。若去血過多。用十全大補。血虛火燥。用加味四物。氣血俱虛。用八珍湯。雖數日不通。飲食如常。腹中如故。仍用八珍加桃仁杏仁治之。若泥其日

期。飲食數多而通之。則誤矣。

### 附治驗

一產婦大便七日不通。飲食如常。腹中如故。此腹未滿也。用八珍加桃杏二仁。至二十一日。腹滿欲去。用猪膽汁潤去而安。

一產婦大便不通。或用通利之藥。中脘脹痛。飲食甚少。又用蜜導之。大便不禁。吃逆不食。余以爲脾腎復傷。用六君加吳茱、肉果、骨脂、五味數劑。喜其年壯而愈。不然。多致不起。

一產婦大便秘結。小腹脹痛。用大黃等藥。致吐瀉不食。腹痛胸痞。余用六君子加木香、炮薑治之而愈。一婦人大便秘瀉。諸藥不應。苦不可言。令飲人乳而安。

### 麻仁丸

大麻仁研如泥

枳殼

人參各四分

大黃二分

右爲末。入麻仁。煉蜜丸。桐子大。每服二十丸。空心溫酒下。未通漸加。不可過服。阿膠枳殼丸。治產後大便秘澀。以阿膠枳殼二味。等分爲末。蜜丸。桐子大。滑石末爲衣。溫水下二十丸。如或未通再服。

附方

十全大補湯

八珍湯二方見二十四卷第四論

加味四物湯方見二十四卷第六論

產後大小便不通方論第三

產後大小便不通。因腸胃虛弱。津液燥竭故也。

愚按前症宜參前後論及八卷八論主治。

附治驗

一產婦大小便不通。諸藥不應。將危矣。令飲牛乳。一日稍通。三日而痊。人乳尤善。

桃花散 治膀胱積滯血澁。大小便秘。

桃仁

葵子

滑石

檳榔等分

右爲末。每服二錢。空心。葱白湯調下。

通氣散 治產後大小便不通。方見八卷第八論

產後遺糞方論第四

產後遺糞。取故燕窠中草燒為末。或枯礬、牡蠣。或白斂、芍藥。各等分為末。俱用酒調服。或用固腸丸亦可。

愚按前症若脾腎虛弱。用還少丹。仍以補中益氣湯為主。虛寒加肉苳蔻、補骨脂。或四神丸。若脾腎虛寒。用八味丸。兼四神丸。仍佐以前二方。

附治驗方小便出尿

一產婦大便不實。飲食少思。五更或侵晨遺尿。此中氣虛寒。脾腎不足。用補中益氣。送四神丸而痊。

一產婦小便出糞。名大小腸交。乃氣血俱虛。失行常道。先用六君子湯二劑。又用五苓散二劑而痊。循常腸交亦可用。

附方

還少丹 治脾腎虛寒。飲食少思。發熱盜汗。遺精白濁。又治真氣虧損。肌體瘦弱等症。

肉蓯蓉

遠志去心

茴香

巴戟

乾山藥

枸杞子

熟地黃

石菖蒲



山茱萸 去核

牛膝

杜仲 去皮薑製

楮實子

五味子

白茯苓 各二兩

右各另爲末。用棗肉百枚并煉蜜丸。桐子大。每服五七十丸。空心溫酒。或鹽湯下。日三服。

補中益氣湯

六君子湯 二方見二十四卷第六論

四神丸 方見八卷第八論

八味丸 方見二十四卷第十一論

五苓散 方見二十一卷第十論

### 產後諸淋方論第五

產後諸淋。因熱客於脬。虛則頻數。熱則澀痛。氣虛兼熱。血入胞中。則血隨小便出。而爲血淋也。

愚按前症若膀胱虛熱。用六味丸。若陰虛而陽無以化。用滋陰腎氣丸。蓋土生金。金生水。當滋化源。仍參第八卷小便淋瀝頻數類。

#### 附治驗

一產婦小水淋瀝。或時自出。用分利降火之劑。二年不愈。余以爲脾腎之氣虛。用

補中益氣湯六味地黃丸而痊。

滑石散 治熱淋。

滑石 五分

通草

車前子

葵子 各等分

右為末。以漿水調服。

治小腸有熱。小便瀉痛。或為血淋。

藶麥

黃芩

冬葵子 各二兩

通草 二兩

大棗 十二枚

右以水七升。煎二升半。分二服。

治脾氣不利。小便不通。桔紅為末。每服二錢。空心溫酒下。

治肺氣不利。小便不通。杏仁十四枚。去皮尖炒食之。

治脾轉小便不利。滑石一錢半。寒水石一錢。水煎服。

附方

六味丸 方見二十四卷第十一論

滋陰腎氣丸

補中益氣湯 二方見二十四卷第六論

產後小便頻數方論第六

產後小便數者。乃氣虛不能制故也。

愚按前症若因穩婆不慎。以致胞損而小便淋瀝者。用八珍湯以補氣血。若因膀胱氣虛而小便頻數。當補脾肺。若膀胱陰虛而小便淋瀝。須補肺腎。仍參第八卷小便頻數諸類。

附治驗

一產婦小便頻數。時忽寒戰。乃屬脾肺虛弱。用補中益氣。加山茱、山藥為主。佐以桑螵蛸散而愈。後患發熱肺熱。盜汗自汗。月水不調。用加味道遙散而安。

一產婦患前症。吐痰發熱。日晡作渴。此膀胱陰虛。用補中益氣湯。佐以六味丸而愈。又患痢後小便頻數。手足俱冷。屬陽氣虛寒。用前湯及八味丸而瘳。

桑螵蛸散 治陽氣虛弱。小便頻數。或為遺尿。

桑螵蛸三十箇 炒

鹿茸酥炒

黃耆各三兩

牡蠣煨

人參

厚朴

赤石脂各二兩

右為末。每服二錢。空心。粥飲調下。又方。用益智仁為末。米飲下。

附方

八珍湯

加味逍遙散二方見二十四卷第四論補中益氣湯方見二十四卷第六論

六味丸

八味丸二方見二十四卷第十一論

產後小便不禁方論第七

廣濟治產後小便不禁。用鷄尾燒灰。千金翼用白薇、芍藥為末。俱用溫酒下。日三服。或桑螵蛸半兩。龍骨一兩。為末。每服二錢。粥飲調下。  
愚按前症若脾肺陽虛。用補中益氣湯。若肝腎陰虛。用六味地黃丸。若肝腎之氣虛寒。用八味地黃丸。

附治驗

一產婦小便不禁。二年不愈。面色或青赤。或黃白。此肝脾氣血虛熱。用加味逍遙散為主。漸愈。佐以六味丸而痊。後因怒。小便自遺。大便不實。左目頓緊。面色頓赤。仍用前散。佐以六君子湯。以清肝火。生肝血。培脾土而瘳。  
補脬飲 治胞破小便淋瀝。



生絹黃色者一尺 白牡丹用根 白芨錢各一

右水一碗煎至絹爛溫服服後忌言語否則無效

雞內金散 治氣虛溺床用雄雞胗并腸燒為末溫酒調服

附方

補中益氣湯 六君子湯二方見二十六論 六味丸

八味丸二方見二十四論 加味逍遙散方見二十四論

產後小便出血方論第八

產後小便出血者因虛熱血滲於脬也以亂髮洗淨燒為末米飲調服或滑石末一錢生地黃汁調下

愚按前症若膏粱積熱用加味清胃散醇酒濕毒葛根解醒湯怒動肝火加味小柴胡湯鬱結傷脾加味歸脾湯思慮傷心妙香散大腸風熱四物側柏槐花大腸血熱四物炒連槐花腸胃虛弱六君升麻柴胡元氣下陷補中益氣茯苓半夏胃氣虛弱六君升麻血虛四物升麻氣血俱虛八珍柴胡升麻大凡元氣

虛弱而發熱者。皆內真寒而外假熱也。但用六君。或補中益氣加炮薑。溫補脾氣。諸症悉退。若四肢畏冷。急加附子。

附治驗方藥血大便下

一產婦尿血面黃。脇脹少食。此肝木乘脾土也。用加味逍遙。補中益氣。兼服而愈。後爲懷抱不樂。食少體倦。驚悸無寐而仍作。用加味歸脾湯。二十餘劑。將愈。惑於衆論。服犀角地黃湯。諸症復作。仍服前湯而愈。

一產婦糞後下血。食少體倦。此脾氣虛熱。用補中益氣。加吳茱炒黃連五分。四劑頓愈。用歸脾湯而痊。

一婦人怒則便血。寒熱口苦。或胸脇脹痛。或小腹痞悶。此肝木乘脾土。用六君。柴胡。山梔而愈。用補中益氣。加味逍遙而不復作。

一婦人久下血在糞前。屬脾氣虛寒。用補中益氣。加連炒吳茱一錢。數劑稍緩。乃加生吳茱五分。數劑而愈。黃連炒吳茱法見七卷第五論

一產婦大便後血。口乾飲湯。胸脇膨滿。小腹悶墜。內熱晡熱。食少體倦。日晡面赤。洒淅惡寒。此脾肺氣虛。先用六君加乾薑木香。漸愈。用補中益氣。將愈。用歸脾

湯全愈。後勞役兼怒。發熱血崩。夜間譫語。此熱入血室。用加味小柴胡。二劑而熱退。用補中益氣。一劑而血止。用逍遙散。歸脾湯。調理而安。

葛花解酲湯 治酒積上下。外消其濕。

白荳蔻

砂仁

葛花各五

木香五分

青皮三錢

陳皮

白茯苓

猪苓

人參各半

白朮

神麴

澤瀉

生乾薑各二錢

右爲末。每服五錢。白湯調下。

加味清胃散方見二十一卷首論

加味小柴胡湯方見二十四卷第二論

加味歸脾湯

歸脾湯

八珍湯

逍遙散

加味逍遙散五方見二十四卷第四論妙香散方見六卷第八論

四物湯

六君子湯

補中益氣湯三方見二十四卷第六論

產後陰脫玉門不閉方論第九



產後陰脫。玉門不閉。因坐產努力。舉動房勞所致。或脫肛陰挺。逼迫腫痛。小便淋。愚按。玉門不閉。氣血虛弱也。用十全大補湯。腫脹熈痛。肝經虛熱也。加味逍遙散。若因憂怒。肝脾氣血傷也。加味歸脾湯。若因暴怒。肝火血傷也。龍膽瀉肝湯。仍參第八卷末諸論。

### 附治驗

一產婦玉門不閉。發熱惡寒。用十全大補加五味子。數劑而寒熱退。用補中益氣加五味子。數劑而玉門閉。

一婦人脾胃素弱。兼有肝火。產後玉門腫痛。寒熱作渴。嘔吐不食。外敷大黃等藥。內用驅利之劑。腫及於臀。諸症蜂起。此真氣虛而邪氣盛也。先用六君子以固腸胃。次用補中益氣以補陽氣。不數劑而全愈。

一產婦患此失治。腫潰不已。形體消瘦。飲食少思。朝寒暮熱。自汗盜汗。半年矣。用補中益氣。加茯苓。半夏。膿水漸少。飲食漸進。用歸脾湯共五十餘劑而愈。

一產婦玉門不閉。小便淋瀝。腹內一塊。攻走脇下。或脹或痛。用加味逍遙散。加車前子而愈。



一婦人子宮腫大。二日方入。損落一片。殊類猪肝。面黃體倦。飲食無味。內熱晡熱。自汗盜汗。用十全大補湯二十餘劑。諸症悉愈。仍復生育。

硫黃散 治產後陽氣虛寒。

硫黃

烏賊骨各半

五味子五錢

右爲末。搽患處。日三易。

一方。蛇床子一升。炒熱。帛裹熨患處。亦治陰痛。  
一方。子宮脫出。以草蓆子仁十四枚。研塗頂心。入卽洗去。

附方

十全大補湯

加味逍遙散

加味歸脾湯

歸脾湯四方見二十四卷第四論

龍膽瀉肝湯方見二十四卷第八論

補中益氣湯

六君子湯二方見二十四卷第六論

### 婦人陰蝕瘡方論第十

婦人少陰脈數而滑者。陰中有瘡。名曰慙。或痛或痒。如蟲行狀。膿水淋瀝。亦有陰

蝕幾盡者。皆由心神煩鬱。脾胃虛弱。氣血澀滯耳。內當補心養胃。外以藥傅洗乃可。

愚按。前症乃肝脾鬱結之症。木旺生蟲耳。宜解鬱清肝。備見八卷陰中生瘡類。

### 附治驗

一產婦素有肝火患此。內潰痒痛。食少熱渴。小水淋瀝。用加味逍遙散。加味歸脾湯兼服。間以蘆薈丸。外以鶴虱草煎洗而愈。

治疳蟲蝕下部。用蒲黃研勻傅入內。

平胃散加貫衆末二錢。以熟猪肝拌藥。內陰中。

### 附方

加味歸脾湯

加味逍遙散二方見二卷第四十論蘆薈丸方見七卷第七論

## 產後乳少或止方論第十一

婦人乳汁。乃氣血所化。若元氣虛弱。則乳汁短少。初產乳房焮脹。此乳未通。若怒氣乳出。此肝經風熱。若累產無乳。此內亡津液。蓋乳汁資於衝任。若婦人疾在衝

任。乳少而色黃者。生子則怯弱而多疾。

愚按前症若氣血虛弱而不能化生。宜壯脾胃。怒動肝膽而乳腫汁出。宜清肝火。夫乳汁乃氣血所化。在上爲乳。在下爲經。若屢產無乳。或大便澀滯。當滋化源。

附治驗

一產婦因乳少服藥通之。致乳房腫脹。發熱作渴。余謂血氣虛。以玉露散補之而愈。

湧泉散 能下乳。忌食薑椒辛辣飲食。

王不留行

鹽麥

麥門冬

龍

骨錢各二

右用猪蹄汁一碗。酒一杯。煎服。以木梳於乳上梳下。

冷氣血虛。鍾乳粉每服二錢。煎漏蘆湯調。

附方

玉露散 治乳脈不行。身體壯熱。頭目昏痛。大便澀滯等症。

人參

白茯苓

桔梗炒

芍

藥錢各一

甘草炙六分

右水煎服。

### 產後乳出方論第十二

產後乳汁自出。乃胃氣虛。宜服補藥止之。若乳多滿痛。用溫帛熨之。未產而乳自出。謂之乳泣。生子多不育。

愚按。前症氣血俱虛。用十全大補湯。肝經血熱。用加味逍遙散。肝經怒火。用四物參朮柴梔。肝脾鬱怒。用加味歸脾湯。

#### 附治驗

一產婦勞役。忽乳汁如湧。昏昧吐痰。此陽氣虛而厥也。灌以獨參湯而甦。更以十全大補湯數劑而安。若婦人氣血方盛。乳房作脹。或無兒飲脹痛。增寒發熱。用麥芽二三兩炒熟。水煎服。立消。其耗散血氣如此。何脾胃虛弱。飲食不消。方中多用之。

### 十全大補湯

加味逍遙散

加味歸脾湯三方見二十四卷第四論



獨參湯方見三卷第十一論

四物湯方見二十四卷第六論

### 產後吹乳方論第十二

產後吹乳。因兒齬口氣所吹。令乳汁不通。壅結腫痛。不急治。多成癰。速服括蕒散。及敷南星。更以手揉散之。

愚按。前症用藥。切不可損其氣血。治驗見二十四卷。括蕒散。乳香二錢。括蕒一箇。酒煎服。用南星溫湯調塗。一方。用陳皮一兩。甘草一錢。水煎服。

### 產婦妬乳方論第十四

妬乳。因兒未能飲。餘乳蓄結。以致腫痛。且不吮通之。必致成癰。若乳頭生瘡浸淫。名妬乳。宜赤龍皮湯。天麻湯。飛鳥膏。飛鳥散。傅以黃連胡粉散。愚按。乳盛。或無子飲乳。以致腫痛。炒大麥芽煎服。其乳即散。若成瘡。當從乳癰類治。若皮膚浸淫成瘡。當用本方。

治乳初腫痛內消方用

瓜 薑

粉 草一寸

生

薑生一塊半炒

酒二碗煎服下。頓去敗乳再服即愈。

赤龍皮湯。槲皮三升水一斗煮五升溫洗之。

麻草湯。以天麻草五升水煎洗之。此草葉若麻葉。冬生夏花。赤如鼠尾。花亦洗浸

淫濕痒陰蝕等瘡。

飛烏散。用燒硃砂作水銀上黑煙。各要粉枯礬一兩傳之。諸熱浸淫。丈夫陰蝕痒

濕。小兒頭瘡疳蝕瘡等。

黃連胡粉膏

治症同前

黃 連二兩末

胡 粉一錢

水 銀一兩同研令消散

右皮裏熟。按和合傳之。

一方。乳頭裂破。秋茄子裂開者。陰乾。燒存性。水調塗之。

校註婦人良方 卷二十三 產後門 產婦妬乳方論第十四

二〇

# 校註婦人良方

## 卷一二十四補遺

### 瘡瘍門

#### 婦人齒唇方論第一

諸骨木梗等咽  
見口齒類要

內經云。脾氣開於口。又云。脾之榮在唇。蓋燥則乾。熱則裂。風則潤。寒則揭。若腫起白皮。皴裂如蠶繭。名曰齒唇。有腫重出如繭者。有本細末大如繭如瘤者。其因或胎產經行而陰血損。或七情動火而榮血虧。或心火傳授脾經。或厚味積熱傷脾。大要審本症。察兼症。補腎水。生脾血。則燥自潤。火自除。風自散。腫自消。若患者忽

臨川 陳自明良甫編輯  
古吳 薛己立齋補註  
鄞縣 曹赤電炳章圈校



略。治者不察。內用清熱消毒之藥。外用追蝕線結之法。反爲敗症。慎哉。

附治驗

一婦人懷抱久鬱。或時胃口嘈辣。胸膈不利。月水不調。晡熱食少。體倦脣腫。已年餘矣。此脾經鬱火傷血。用歸脾湯。加薑汁炒黃連。山梔。少佐吳茱萸。嘈辣頓去。飲食稍進。乃去黃連。加貝母。遠志。胸膈通利。飲食如常。又用加味逍遙散。歸脾湯。間服百餘劑。月水調而脣立愈。

一婦人懷抱久鬱。患蘭脣雜治。消痰降火。虛症悉具。盜汗如雨。余謂此氣血虛而有熱也。用當歸六黃湯。內黃芩。連柏俱炒黑。二劑而盜汗頓止。仍用歸脾湯。入珍散兼服。元氣漸復。更以逍遙散。歸脾湯。間服百餘劑。而脣亦瘥。

一婦人脣裂內熱二年矣。每作服寒涼之劑。時出血水。益增他症。此胃火傷血。而藥傷元氣也。余用加味清胃散而愈。後因怒。脣口腫脹。寒熱作嘔。此屬肝木乘脾土。用小柴胡加山梔。茯苓。桔梗。諸症頓愈。復以加味逍遙散。調補元氣而愈。一婦人因怒脣腫。內熱體倦。用化痰藥。食少作嘔。大便不實。脣出血水。用理氣消導。胸膈痞滿。頭目不清。脣腫經閉。用清胃行血。肢體愈倦。發熱煩躁。涎水湧出。

余曰。此七情傷肝脾。屢用攻伐。反致他症。遂用濟生歸脾湯。食進便寢。涎止。用加味逍遙散。腫消熱退。體健。後因怒寒熱耳痛。胸膈脹悶。脣焮腫甚。此怒動肝火而傷血。用四物合小柴胡。加山梔頓愈。又因怒胸乳作脹。肚腹作痛。嘔吐酸涎。飲食不入。小水不通。此怒動肝木而尅脾土也。用補中益氣加川芎芍藥而愈。又勞役怒氣。飲食失節。發熱喘渴。體倦不食。下血如崩。脣腫熾甚。此爲肝經有火。不能藏血。脾經氣虛。不能攝血。用補中益氣加炒黑山梔芍藥丹皮而愈。

一婦人月經不調。兩足發熱。至年餘而身亦熱。勞則足腿酸疼。又年餘。脣腫裂痛。又半年。脣裂出血。形體瘦倦。飲食無味。月水不通。脣下腫如黑棗。余曰。此肝脾血虛火症也。彼不信。用通經藥而歿。

一婦人忿怒而脣腫。或用消毒之藥。脣脹出血年餘矣。余曰。此肝木尅脾土而血傷也。須養脾胃。滋化源爲主。彼執用前藥。狀如翻花瘤而歿。

一婦人口苦脇脹。此肝火之症也。用小柴胡加山梔黃連少愈。更以四君子加芍藥當歸柴胡調補脾胃而痊。

一婦人每怒口苦發熱肺熱。此肝火盛而血傷也。以小柴胡合四物二劑。以清火



而生血。更以四物加柴胡、白朮、茯苓、丹皮。生血健脾而愈。

一婦人每怒則口苦兼辣。胸痛脇脹。乳內或時如刺。此肝肺之火也。用小柴胡加山梔、青皮、芎歸、桑皮而安。後又勞怒。口復苦。經水頓至。此屬內火動。血得熱而妄行。用四物加炒芩、炒梔、膽草一劑而血止。更以加味逍遙散而元氣復。

一婦人因怒齒痛。寒熱作嘔。用清胃等藥。益甚。余以爲此肝火傷胃。寒藥復傷。故也用六君子加芍藥、柴胡、山梔而愈。

一婦人胃中嘈辣。甚則熱痛。後患齒疼。此胃中痰火也。用二陳加芩、連、下越鞠丸而瘳。

一婦人發熱齒痛。日晡益甚。月水不調。此脾經血虛。用逍遙散加升麻尋愈。後因怒復痛。仍以前藥加川芎而痊。

一婦人因怒。牙疼寒熱。此肝火侮脾土。用小柴胡加芎、歸、苓、朮、山梔而疼痛止。用加味逍遙散而寒熱退。

一婦人每產後齒齙皆動。踰日乃止。此氣血虛而火動也。後復懷妊臨月。余付十全大補湯二劑。令產後煎服。其齒不動如故。

一婦人善怒。舌痛煩熱。或用降火化痰藥。前症益甚。兩脇作脹。又服流氣飲。肚腹亦脹。經行不止。此肝虛不能藏血。脾虛不能攝血。而前藥復傷也。用加味歸脾湯。加五味子而愈。

一婦人冬患腦疽。腫痛熱渴。脈洪數實。此膀胱濕熱上壅。用清熱消毒散潰而愈。次年。其舌腫大。遍身患紫疔如葡萄。手足尤多。各刺出黑血。此脾胃積熱毒也。服奪命丹七粒。出臭汗。瘡熱益甚。又便秘二日。與大黃、芩、連各三錢。升麻、白芷、山梔、薄荷、連翹各二錢。生草一錢。水煎三五沸。服之。大小便出臭血甚多。下體疔稍退。乃入犀角汁再服。舌本及齒縫出臭血。諸毒乃消。更與犀角地黃湯而愈。

一婦人善怒。舌本強。手臂麻。此肝木尅脾土。治以六君子。加柴胡、芍藥而愈。

一婦人產後喉痛。服清熱等劑益甚。此膀胱經血虛也。蓋膀胱之內。脈上行至喉而還。用八珍湯。加牡丹皮、柴胡、酒炒黑黃柏二劑而愈。

一婦人喉間作痛旬餘。突腫如赤楊梅狀。二月後而腫遍身。筋骨作痛。余以爲此時行楊梅瘡也。先以萆薢湯數劑而平。更以四物加萆薢、黃耆二十餘劑。諸症



悉退。

附方藥

清胃散 治醇酒厚味。脣齒作痛。或齒齙潰爛。或連頭面。頸項作痛。

黃連炒一錢 生地黃 牡丹皮 當歸各一錢

升麻二錢

右水煎服。實熱便秘。加大黃。

加味清胃散。即前方加犀角、連翹、甘草。

涼膈散 治積熱煩渴。面赤內熱。頭昏咽痛。便溺赤澀。狂言譫妄。睡臥不安。

大黃 朴硝 甘草各一錢 連翹二錢

梔子 黃芩 薄荷各一錢

右水煎服。

補黃散 治脾胃虛熱。口舌生瘡。畏冷飲食。

人參 白朮各一錢 白芍藥炒黃 陳皮

甘草各五錢

右薑棗。水煎服。

四順清涼飲加山梔牛蒡子治臟腑實熱秘結。口舌生瘡。

當歸

赤芍

甘草

大黃各一錢

用水煎服。

人參安胃散 治服峻劑。損脾胃。口舌生瘡。

人參一錢

黃耆錢二

生甘草

炙甘草各五分

白芍藥七分

白茯苓一錢

黃連分五

右水煎服。

溫中丸即人參中丸

治中氣虛熱。口舌生瘡。不喜飲冷。肢體倦怠。飲食少思。

人參

甘草

白朮等分

右爲末。薑汁糊丸。桐子大。每服五十丸。白湯下。

柳華散 治熱毒口瘡。

黃柏炒

蒲黃

青黛真正

人中白煨等

爲末敷之。

四物湯 治血熱口舌生瘡。或牙齦腫潰。或日晡發熱。煩躁不安。方見本卷第六論

加味四物湯 即四物湯加丹皮柴胡山梔

當歸補血湯 治氣血俱虛。口舌生瘡。熱渴引飲。目赤面紅。其脈洪大而虛。重按

全無。方見本卷第十一論

四物二連湯 治血熱口舌生瘡。或夜發寒熱。

當 地

熟地黃

白芍藥炒

川 芎

黃 連炒

胡黃連各一錢

右水煎服。

清咽利膈湯 治積熱咽喉腫痛。痰涎壅盛。煩躁飲冷。大便秘結。

金銀花

防 風

荆 芥

薄 荷

桔 梗炒

黃 芩炒

黃 連炒

山 梔炒

連 翹各一錢

玄 參

大 黃煨

朴 硝

牛蒡子研

甘 草各七分

右水煎服。

龍麝聚聖丹 治心脾客熱。咽喉腫痛。或成癰不消。或舌本腫脹。口舌生瘡。或諸物骨鯁。

川芎

生地黄

犀角鎊

羚羊角鎊

琥珀

玄參

連翹各五錢

人參

赤茯苓

馬牙硝

片腦

麝香各二錢

桔梗

升麻

鉛白霜各五錢

硃砂

牛黃各一錢

南硼砂一兩

金箔五十片

右各另爲末。和勻蜜丸。龍眼大。金箔爲衣。薄荷湯化下。或噙燕之。

拔萃桔梗湯 治熱腫喉痺。

桔梗炒

甘草

連翹

山梔炒

薄荷

黃芩各一錢

右竹葉水煎服。

甘桔湯 治咽喉腫痛。

甘草六錢

桔梗三錢



用水煎服。

解毒雄黃丸 治纏喉風腫閉。或卒倒死。牙關緊急。

雄黃一錢 鬱金一錢 巴豆十四粒去油殼

右爲末。醋糊丸。菉豆大。用熱茶送下七丸。吐頑痰立甦。

奪命丹 治喉閉。或疔毒。或麻木。或嘔吐。重者昏憤。若疔毒牙關緊急。用三五丸

爲末。水調灌下。誠有奪命之功。

蟾酥乾化者 輕粉各五 枯白礬 寒水石煨

銅綠 乳香 沒藥 麝香各一

硃砂三錢 蝸牛二十個另研如無亦效

右爲末。用蝸牛或酒糊爲丸。如菉豆大。每服一二丸。溫酒或葱湯下。

換肌消毒散 治時瘡不拘初起潰爛。一名草

土茯苓五錢 當歸 白芷 皂角刺炒

薏苡仁各半 白鮮皮 木瓜不犯鐵器 金銀花

木通各一 甘草五分

右水煎服。

七味白朮散一名錢氏治中氣虛熱。口舌生瘡。不喜飲冷。或吐瀉口乾。方見二論

四君子湯治脾胃虛熱。脣口生瘡。食少作嘔。大便不實。若肝木乘脾土所致。加

柴胡芍藥。方見本卷

六君子湯方見本卷二陳湯方見本卷

補中益氣湯方見本卷清熱消毒散方見本卷越鞠丸方見六卷

當歸六黃湯方見十九卷逍遙散犀角地黄湯方見本卷八珍湯

歸脾湯十全大補湯方見本卷小柴胡湯方見本卷

### 婦人耳聾痛方論第二

耳瘡屬手少陽三焦。或足厥陰肝經。血虛風熱。或怒動肝火而致。若發熱熈痛。屬三焦厥陰風熱。用柴胡清肝散。若內熱痒痛。或脹痛。屬肝火傷血。用梔子清肝散。若寒熱作痛。或作嘔吐。屬肝火傷脾。用益脾清肝散。若口乾足熱。為肝腎陰虛。用益陰腎氣丸。若月經先期。為血熱。用加味逍遙散。過期為血虛。用八珍湯。食少體

倦。爲鬱火。用加味歸脾湯。惡寒發熱。肢體倦怠。爲氣血俱虛。用十全大補湯。慎不可專治其外。復傷氣血也。

附治驗

- 一婦人耳內外腫痛。胸脇不利。寒熱往來。小便不調。余以爲肝火傷血。先用龍膽瀉肝湯四劑。諸症頓退。又用加味逍遙散而愈。又因怒復作。用小柴胡湯而痊。
- 一婦人經行後。因勞怒發寒熱。耳作痛。余以經行爲血虛。用八珍湯加柴胡。怒氣爲肝火。用加味逍遙散。勞役爲氣傷。用補中益氣湯加山梔而愈。
- 一婦人素鬱怒。耳內作痛。腫焮寒熱。面色青黃。經行則變赤。余用加味歸脾湯。加味逍遙散而愈。
- 一婦人懷抱素鬱。因怒耳作腫痛。經行不止。寒熱發熱。面色青赤。肝脈弦數。余以爲久鬱傷脾。暴怒傷肝。先用加味小柴胡湯。隨用加味逍遙散而痊。
- 一婦人因怒發熱。每經行兩耳出膿。兩太陽作痛。胸脇乳房脹痛。或寒熱往來。或小便頻數。或小腹脹悶。皆屬肝火血虛。先用梔子清肝散二劑。又用加味逍遙散數劑。諸症悉退。乃以補中益氣。加五味而痊。



一婦人耳內腫痛出水。寒熱口苦。愀連頸項。飲食少思。此肝火甚也。用小柴胡湯。加山梔、牡丹皮。稍愈。用加味逍遙散漸愈。用八珍湯加柴胡、丹皮、山梔。調補肝脾而全愈。

一婦人耳內外腫痛。胸脇不利。寒熱往來。小便不調。此肝經濕熱也。用龍膽瀉肝湯四劑。諸症頓退。用加味逍遙散而全愈。又因怒復作。用柴胡清肝散而痊。

一婦人耳內不時脹痛。內熱口乾。勞則頭暈。吐痰下帶。此肝脾氣虛也。朝用補中益氣。夕用加味逍遙散而痊。

一寡婦耳內外作痛。不時寒熱。脈上魚際。此血盛之症。用小柴胡加生地。以抑其血而愈。又項間結核如貫珠。寒熱晡熱。用加味歸脾湯。加味逍遙散。調補肝脾而愈。

一婦人耳內外或作痛。或赤腫。或寒熱。月經旬日而止。潮熱內熱。自汗盜汗。余以爲肝脾氣血俱虛而有熱。用歸脾湯。六味丸而愈。

一婦人性急。或耳內作痛。或耳外赤腫。發熱脇脹。日晡益甚。余以爲怒氣傷肝。氣血俱虛。朝用加味逍遙散。加黃柏、桔梗。夕用歸脾湯。送地黃丸而愈。



一婦婦耳內外作痛。或項側結核。內熱晡熱。月經不調。吐痰少食。胸膈不利。余以爲鬱怒傷肝脾。朝用歸脾湯。以解脾鬱生脾氣。夕用加味逍遙散。以清肝火生肝血而愈。

一女子耳下腫赤。寒熱口苦。月經不調。小便內結一塊。此肝火氣滯而血凝也。先用小柴胡加山梔川芎丹皮。又用柴胡清肝散而痊。

附治驗方藥

小柴胡湯 治肝膽經症。寒熱往來。晡熱潮熱身熱。默默不欲飲食。或怒火口苦耳聾。咳嗽發熱。脇下作痛。甚者轉側不便。兩脇痞悶。或瀉利咳嗽。或吐酸食苦水。皆用此藥主之。

柴胡一錢

黃芩錢一

人參

半夏各七分

甘草五分

右薑水煎服。

加味小柴胡湯 治肝膽經風熱。耳前後腫痛。或結核焮痛。或寒熱晡熱。或經候不調等症。即小柴胡加山梔牡丹皮。

益脾清肝散 治肝經之症寒熱體痛脾胃虛弱。

人參

白朮炒

茯苓各一錢

甘草炒五分

川芎

當歸

黃耆各一錢

柴胡五分

牡丹皮七分

右水煎服。

梔子清肝散 治三焦及肝膽經風熱耳內作痒或生瘡出水或脇肋胸乳作痛。

寒熱往來。

柴胡

山梔炒

牡丹皮各一錢

茯苓

川芎

芍藥

當歸

牛蒡子炒各七分

白朮炒

甘草各五分

右水煎服。

柴胡清肝散 治肝膽三焦風熱怒火以致項胸作痛或頭目不清或耳前後腫

痛或寒熱體疼。

柴胡

黃芩炒五

人參

山梔炒

川芎錢各一

連翹

桔梗各八分

甘草五分

右水煎服。

犀角地黄湯 治上焦有熱。口舌生瘡發熱。或血妄行。或吐血。或下血。

犀角鎊

生地黃

白芍藥

黃芩炒

牡丹皮

黃連炒各錢一

右水煎服。若因怒而患。加柴胡、山梔。

犀角升麻湯 治陽明熱風熱牙疼。或脣頰腫痛。或手足少陽經風熱。連耳作痛。

犀角鎊

升麻

防風

羌活各錢一

白附子五分

川芎

白芷

黃芩炒各七分

甘草五分

右水煎熟。入犀末服。

益陰腎氣丸方見六卷第三論

婦人瘰癧方論第三

婦人瘰癧。或因憂思鬱怒。或因胎產經行。則肝膽脾腎受傷。以致前症。蓋肝傷則血燥。血燥則筋攣。累累如貫珠。多生耳前後胸脇間。苦寒熱腫痛。乃肝氣動而爲病。用柴胡梔子散。以清肝火爲主。佐以逍遙散。以養肝血。若寒熱既止而核不消。乃肝經之血亦病矣。宜用加味四物湯。以養肝血爲主。佐以柴胡梔子散。以清肝火。若初生如荳。附着於筋。白色不變。內熱口乾。精神倦怠。久不消潰。乃肝脾虧損。用逍遙散。歸脾湯。六味丸。以健脾土。培肝木。切不宜用散堅追毒之劑。故外臺祕要云。肝腎虛熱則生瘰癧矣。病機云。瘰癧本係膏粱丹石之毒。因虛勞氣鬱所致。補形氣。調經脈。其瘡當自消散。若誤下之。先犯病禁。經禁矣。若久潰不斂。脈浮大。邪火盛也。面色眊白。金尅木也。皆不治。凡瘰癧赤脈貫瞳子有幾條。則幾年死。無則可治。

### 附治驗

一婦人患前症。久而不愈。或以爲木旺之症。不宜於春。預用散腫潰堅湯。腫硬益甚。余以爲肝經虧損。用六味地黃丸。補中益氣湯。至春而愈。此症若肝經風火自病。元氣無虧。可用散堅瀉青之劑。若肝自損虧。或水不生木。用地黃丸。若金



來尅木。須補脾土生腎水。若行攻伐。則脾胃傷而反致木尅土矣。

一婦人患之。少寐年餘而潰。膿水淋漓。月經或五六十日一至。誤服通經丸。展轉無寐。午前惡寒。午後發熱。余謂思慮傷脾。用歸脾湯作丸。午前以六君子送下。午後以逍遙散送下。兩月餘。得寐半載。後經行如期。年餘而瘡愈。

一婦人潰後發熱。煩躁作渴。脈大而虛。此血虛也。以當歸補血湯六劑。而寒熱退。又以聖愈湯數劑而全愈。更以八珍加貝母。遠志而瘡斂。

一瘰癧面黃體倦。噯酸噯氣。余以爲中氣虛弱。欲用補中益氣湯加茯苓。半夏。不信。反降火利氣。胸膈痞滿。瘰癧腫痛。又散堅利氣。噯氣不絕。大便不實。四肢時冷。余曰。今變中氣虛寒矣。用六君子湯加薑桂。少用升麻。柴胡漸愈。更佐以補中湯尋愈。

一婦人患此噯氣。用降火清胃。食少吞酸。胸膈痞悶。用利氣消導。吐痰氣促。飲食日少。用清熱化痰。大便堅澁。內熱身瘦。余曰。吞酸噯氣。脾胃氣虛也。胸痞痰喘。脾肺氣虛也。大便堅澁。內熱日瘦。脾肺血虛也。遂以補中益氣。加炒黑吳茱萸。三分數劑。佐以六味丸。諸症頓退。乃用歸脾湯。逍遙散。間服而愈。

一婦人患前症。遍身作癢。脈大而虛。此氣血俱虛。不能榮於腠理。以十全大補湯治之而愈。大凡潰後。午前癢作氣虛。午後癢作血虛。若作風症治之必死。  
一婦人項核腫痛。察其氣血俱實。先以必效散一服去之。更以益氣養榮湯二十餘劑。補之而消。蓋此症初起而血氣虛弱者。先用前湯。待其氣血稍充。乃用必效散。以去其毒。仍用補藥。無不奏效。若已成膿者。即針而補托之。氣血復而核不消者。服散堅之劑。倘不應而氣血如故。仍以必效散養榮湯。又不應。灸肘尖肩髃二穴。用豆豉餅。琥珀膏自愈。若氣血壯實。不用追蝕。亦能自腐。用藥以腐之者。使易於收斂耳。若血虛而用追蝕。不惟無益。適以取敗。凡不慎飲食七情者不治。

### 附方藥

當歸川芎散 治手足少陽經血虛瘡症。或風熱耳內癢痛。生瘡出水。或頭目不清。寒熱少食。或經水不調。胸膈不利。腹脇痞痛。小便不調。

當歸	川芎	柴胡	白朮
芍藥	牡丹皮	茯苓	蔓荊子
各一錢		各八分	

甘草各五分

山梔炒一分

右水煎服。

若肝氣不平。寒熱往來。加柴胡、地骨皮。肝氣實熱。加柴胡、黃芩。肝脾氣血虛熱。加參耆、熟地。脾虛飲食少思。倍加白朮、茯苓。脾虛胸膈不利。加人參、黃耆。脾虛痰滯。胸膈不利。加半夏。肝氣不順。胸膈不利。加木香。肝虛小腹痞滿。或時作痛。加熟地。脾血不足。小腹作疼。加肉桂。日晡發熱。加熟地。加味地黃丸。治肝腎陰虛諸症。或耳內癢痛出水。或眼昏痰喘。或熱渴便澀等症。

乾山藥

山茱萸肉

牡丹皮

澤瀉

白茯苓

熟地黃自製

生地黃

柴胡

五味子各另爲末等分

右將二地黃酒拌杵膏。加蜜丸。桐子大。每服百丸。空心。白湯下。如不應。用加減八味丸。

人參養榮湯

治潰瘍寒熱。四肢倦怠。體瘦少食。面黃氣短。不能收斂。大瘡愈後。



多服之。庶不變他症也。

人參

陳皮

黃耆炒

桂心

當歸

白朮炒

甘草炙炒

熟地黃自製

五味子炒

茯苓各七分

白芍藥五分錢

遠志去心炒

右薑棗水煎服。

瀉青丸 治肝經實火。脇乳作痛。或惡寒發熱。大便秘結。

當歸

龍膽草炒焦

川芎

山梔炒

大黃炒

羌活

防風各等

右爲末蜜丸。桐子大。每服三四丸。白湯下。若陰血不足。肝火血燥。用四物加山梔、柴胡。或逍遙散加丹皮、山梔。若胃水虧損。不能生肝木而筋攣結核。或肢節拳搐。或似中風。涎痰上湧。用六味丸料煎服。

生地黃丸 治師尼寡婦室女。乍寒乍熱。或頸間結核。肝脈弦長。而出魚際。

赤芍藥一兩

秦艽

黃芩

硬柴胡各五錢

生地一兩酒拌



右爲末。入地黃膏。加煉蜜少許。丸桐子大。母服三十丸。烏梅煎湯下。日進二服。  
連翹飲子 治肝膽經氣滯。瘰癧結核。或乳內結核者。

連翹

川芎

瓜蒌仁研

皂角刺炒

橘葉

青皮

甘草節

桃仁錢各一

右水煎服。

散腫潰堅湯 治瘰癧堅硬。氣血無虧者。宜用。

升麻

連翹

當歸尾酒拌

白芍藥炒

黃柏酒炒

葛根

三稜酒拌

廣朮各三

龍膽草酒炒

桔梗炒

知母酒炒

瓜蒌根

昆布各五分

柴胡四分

甘草炙二分

黃芩酒炒四分

右水煎服。

必效散 治瘰癧未成者消。已潰者斂。須元氣無虧者可服。若孕婦禁餌。

南硼砂二錢五分

輕粉一錢

斑貓四十枚去頭翅同  
糯米炒熟去米

麝香五錢

巴豆五粒去心膜

白檳榔一個

右爲末。每服一錢。五更用滾湯調下。如小水瀉滯。或微痛。此癰毒欲下也。進益元散。一服卽下。此方斑貓巴豆似爲峻厲。然用巴豆乃解斑貓之毒。用者勿畏。

益元散

滑石錢末六

甘草錢末一

每服一錢。白湯調。

琥珀膏 治頸項或腋下。初結小核。漸如連珠。潰而膿水不絕。成漏症者。

琥珀一兩

丁香

桂心

硃砂

木香

松香

白芷

防風

當歸

木鱉子肉

木通錢各五

麻油二斤

右先用琥珀等六味爲末。其餘藥入油煎焦黑。濾去渣。徐徐入黃丹。再煎。軟硬得中。入前末卽成膏矣。

針頭散 治一切頑瘡。內有瘀肉。或癰核不化。瘡口不合。宜此藥腐之。

赤石脂五錢

乳香

白丁香

砒霜生用

黃丹錢各一

輕粉

麝香錢各五

蜈蚣炙乾一條

右爲末。搽瘡肉上。其肉自化。若瘡口小。用糊和作細條。陰乾紐之。凡瘡久不合者。內有膿管。必須用之。

逍遙散

歸脾湯二方見本卷第四論

柴胡清肝散

梔子清肝散二方見本卷第二論

補中益氣湯方見本卷第十論

四物湯

加味四物湯

六君子湯三方見本卷第六論

六味丸

歸脾補血湯二方見本卷第十一論

聖愈湯方見本卷第九論

益氣養榮湯方見本卷第五論

灸肩髃肘尖法方見本卷末五

### 婦人結核方論第四

婦人結核。皆因鬱怒。虧損肝脾。或因胎產經行。失於調養。或因暴怒。觸動膽火。若結於項側耳前後。或胸脇肋痛。或發寒熱。屬膽經風熱。怒火宜用柴胡清肝散。加鈎藤、山梔。以養血氣。清肝火。若結於肉裏。其色不變。晡熱內熱。屬肝火血虛。宜用加味逍遙散。加龍膽草。以養肝血清肝火。或結於肢節。或累累如貫珠。其色不變。亦肝火血燥而筋攣。宜用柴芍參苓散。加鈎藤。以養血氣。佐以六味丸。以生腎水。



若時消時作。此氣滯而痰結也。用歸脾六君二湯。以調和脾肺之氣。並佐以海藻丸。若潰而核不腐。或肉不生。或膿水清稀。肌寒肉冷。自汗盜汗。寒熱內熱。面色痿黃。食少體倦。便利不調者。五臟皆虛也。但用補中益氣。加味六君子二湯。調補脾胃。以滋諸臟。則各症自退。故經云。形傷則痛。氣傷則腫。慎不可輕用行氣破血之劑。以復傷也。

### 附治驗

一婦人項結核。寒熱頭痛。脇脹乳痛。內熱口苦。小便頻數。屬肝火血虛。用加味四物而愈。又用加味逍遙散。調補肝脾而安。

一婦人經事不調。肢體結核。如榛如豆。不計其數。隱於肉裏。其色不變。三年餘矣。大按則痛。或投以降火消毒。乃不按自痛。發汗作渴。日晡益甚。經水過期。左關脈數。此肝火血燥也。用清肝益榮湯。六十餘劑。諸症已愈。惟項核未消。又以當歸龍薈丸數服。及八珍湯加柴胡。山梔。三十餘劑而痊。

一婦人久鬱怒。胸脇內股外臙各結核。寒熱往來。經候不調。胸膈不利。飲食少思。大便不調。左關弦洪。左寸弦數。右關弦緊。右寸弦浮。余謂左關弦洪。肝經熱也。



左寸弦數。木生火也。右關弦緊。肝尅脾也。右寸弦浮。木侮金也。法當生肝血。遂用加味四物湯。而諸症退。用加味逍遙散。而經候調。用加味歸脾湯。而全愈。

一婦人因怒。肢體結核。睡中發搐。左關弦洪。余曰。此爲肝火血燥筋攣。當清肝火。養元氣。遂用加味小柴胡湯。加味逍遙散。漸愈。又用八珍湯。加牡丹皮、柴胡、山梔、鉤藤而愈。

一婦人肢體結核。胸腹痞悶。氣泄稍寬。余謂此肝脾鬱滯。不信。服降火行氣化痰。病愈甚而氣愈虛。余用加味逍遙。加味歸脾二藥。間服半載而痊。

一婦人項間結核。不時寒熱。左目緊小。頭項振掉。四肢抽搐。此肝火血虛風熱也。用加味逍遙。加鉤藤數劑。諸症漸愈。又用八珍湯。調理而痊。

一婦人耳內耳後項側。結核作痛。寒熱口苦。月經不調。此肝膽經火而傷脾胃也。用四君、柴胡、丹皮。及六味地黃而愈。

一婦人因怒結核。經行不止。發熱晝安靜而夜譫語。此血分有熱也。用小柴胡加生地頓安。其核尙在。經候先期。肝脈弦數。此肝火血涸而筋攣也。用加味逍遙。加生地。月經如期而核消。

一婦人項臂結核。頭痛寒熱。乳內時疼。兩脇炊痛。余以爲肝脾鬱火而血燥。先以加味逍遙散。再用加味歸脾湯而愈。

一婦人素鬱怒。患前症。內熱晡熱。久而不愈。若面色痿黃。則月經過期而少。若面色赤。則月經先期而多。余曰。面黃過期。脾經虛弱也。面赤先期。脾虛火動也。朝用補中益氣。升舉脾土。以益氣血。夕用加味逍遙。滋養肝血。以息陰火。復以歸脾湯解鬱結。半載。元氣復而痊。又有患前症。因脾虛下陷而發熱。乃專治其瘡。變瘰而歿。

一女子耳下結核。炊痛寒熱。此屬肝經風熱。用梔子清肝散一劑。諸症悉愈。後因怒。耳後并額兩角。作痛寒熱。此兼少陽經症。仍以前藥加羌活。二劑而瘥。

一婦人項患五核。時常寒熱。肝脈弦長。而出寸口。此血盛無耦之症也。用小柴胡湯加生地。烏梅治之而愈。

一婦人腹中結塊。誤認血驚。服驅逐之藥。下血甚多。致肢節間結核。治法見二十一論

#### 附方藥

八珍湯 治脾胃傷損。惡寒發熱。或煩躁作渴。或因脾胃虧損。膿水清稀。久不能

愈等症。即四君、四物二湯相合。方見本卷第二論

十全大補湯。治瘡瘍胃氣虛弱。腫痛不消。或潰而不斂。或自汗盜汗。食少體倦。或寒熱作渴。頭痛眩暈。或似中風。又治氣血俱虛。胸腹脇痛。或作脹滿。或骨節作痛。經候不調。或寒熱晡熱。五心煩熱。或吐血咽乾。頭痛眩暈。眼目昏澁。或痰嗽喘促。胸膈虛痞。或嘔吐泄瀉。手足冷熱。即八珍湯加黃耆、肉桂。  
加味逍遙散。治肝脾血虛有熱。遍身搔癢。或口燥咽乾。發熱盜汗。食少嗜臥。小便澁滯等症。又治瘰癧流注。虛熱等瘡。

甘草炙

當歸炒

芍藥酒炒

茯苓

白朮炒各錢各

柴胡

牡丹皮

山梔炒五

右水煎服。

逍遙散。即前方去丹皮、山梔。

歸脾湯。治脾經失血少寐。發熱盜汗。或思慮傷脾。不能攝血。以致妄行。或健忘怔忡。驚悸不寐。或心脾傷痛。嗜臥少食。或憂思傷脾。血虛發熱。或肢體作痛。大便不調。或經候不准。晡熱內熱。或瘰癧流注。不能消散潰斂。



人參

白朮炒

黃耆炒

白茯苓

龍眼肉

當歸

遠志

酸棗仁炒各錢

木香

甘草炙各五分

右薑棗水煎服。

加味歸脾湯即前方加柴胡山梔

柴朮參苓湯 治肝火血熱。遍身瘙癢。或起赤暈。或筋攣結核。

白朮炒

人參

茯苓錢各一

柴胡

川芎

山梔

芍藥炒

甘草炒各五分

熟地自製

當歸各八分

右水煎服。

柴芍參苓散 治肝膽經部分結核。瘰癧瘤癰等症。或肝血燥熱。脾氣虛弱。發熱少食。

柴胡

芍藥炒

人參

茯苓

白朮炒

山梔炒

陳皮

當歸錢各一



牡丹皮

甘草各五分

右薑棗水煎服。

清肝益榮湯 治肝膽經風熱。血燥筋攣結核。或作瘰子。

柴胡

山梔炒各五分

當歸

川芎

芍藥炒各錢一

熟地黃自製

白朮炒

木瓜鐵器不犯

茯苓各五分

甘草三分

龍膽草酒拌炒五分

薏苡仁五分

右水煎服。

清熱涼血飲 治風熱血燥。丹毒等症。大便秘結。

當歸

川芎

大黃炒

芍藥炒

生地黃各一錢

右水煎服。

神效開結散 消癭塊甚效。

沉香

木香各二錢

橘紅四兩

珍珠四十九粒入砂鍋內以鹽泥封固煨赤取出去火毒用猪厭肉子四十九枚用豚猪者

右爲末。每服一錢。臨臥酒調。徐徐嚥下。患小者三五服。大者一劑可愈。切忌酸鹹油膩滯氣之物。須用除日。於靜室修合。

海藻散堅丸 治肝經癭瘤

海藻

昆布各二兩

小麥四兩醋晒乾

柴胡二兩

龍膽草酒拌炒焦一兩

右爲末。煉蜜丸。桐子大。每服二三十丸。臨臥白湯送下。噉化嚥之。尤好。凡患癭瘰。服調治之藥。未應。宜佐以前二藥。

九味柴胡丸

方見本卷第八論

梔子清肝散

柴胡清肝散

二方見本卷第二論

生地黃丸

方見本卷第三論

## 婦人流注方論第五

婦人流注。或因憂思鬱怒。虧損肝脾。或因產後勞役。復傷氣血。以致榮氣不從。逆於肉裏。腠理不密。外邪客之。或濕痰流注。或跌撲血滯。或產後惡露。則氣流而注。血注而凝。或生於四肢關節。或流於胸腹腰臀。或結塊。或漫腫。皆屬虛損。急用慈

熨。及益氣養榮湯。則未成者自消。已成者自潰。若腫起作痛。起居如常。飲食如故。屬病氣有餘。形氣未損者。尙可治。若漫腫微痛。起居倦怠。飲食少思。屬形氣病氣俱不足。最爲難治。不作膿。或膿成不潰。氣血虛也。用八珍湯。憎寒畏寒。陽氣虛也。十全大補湯。晡熱內熱。陰血虛也。四物加參。朮作嘔欲嘔。胃氣虛也。六君加炮薑。食少體倦。脾氣虛也。補中益氣加茯苓。半夏。四肢逆冷。小便頻數。命門火衰也。八味丸。小便頻數。痰盛作渴。腎水虧損也。六味丸。月經先期。不日而止。肝脾虛弱也。月經過期。多日不止。肝脾虛熱也。八珍湯加柴胡。丹皮。凡潰而寒凝。瘡口不斂者。用豆豉餅祛散之。其潰而有膿。管不斂者。用針頭散腐化之。若不補氣血。不節飲食。不慎起居。不戒七情。或用寒涼尅伐者。俱不治。

附治驗

一婦人左臂患之年許不潰。堅硬不痛。脈弱少食。月經過期。日晡發熱。勞怒則痛。此形氣虛而逆於肉裏也。與參耆歸朮川芎芍藥熟地貝母遠志香附桔梗丹皮甘草百餘貼而消。一婦人因暴怒而腰腫一塊。或胸膈不利。或走氣作痛。此榮氣鬱滯。與方脈流氣



飲數劑而止。更以小柴胡對四物。加香附、貝母。月餘而愈。

一婦人因怒。脇下腫痛。胸膈不利。脈息沉滯。此榮氣鬱遏而爲腫。用方脈流氣飲數劑。少愈。以小柴胡對二陳。加青皮、桔梗、貝母。數劑頓退。更以小柴胡對四物。二十餘劑而痊。

一婦人因閃肭肩腫。遍身作痛。用黑丸子二服而痛止。又用方脈流氣飲二劑。而腫消。更以二陳對四物。加香附、枳殼、桔梗而愈。

一婦人患此。遇勞必痛。衆手按之痛乃止。屬氣血俱虛。用十全大補湯、六味丸、逍遙散而痊。

一婦人先肢體作痛。後患流注。發熱惡寒。食少脇脹。月經不調。痰盛喘嗽。五心煩熱。健忘驚悸。盜汗無寐。悉屬肝脾虧損。氣血不足。用十全大補。加味歸脾。兼服。諸症悉痊。

一婦人素頭暈。患流注。月經遲少。此屬中氣虛弱。用補中益氣湯而愈。後因勞仆地。月經如湧。此勞傷火動。用前湯加五味子。一劑而愈。

一婦人患前症。用行氣化痰等藥。胸膈不利。飲食少思。用疎利之藥。大便作泄。中



滿不食。余以爲脾胃復傷。用補中益氣湯。加煨薑。脾胃健。飲食進。又用六君加芎歸。百餘劑而愈。

一婦人素鬱結。肩臂各腫如覆杯。余以爲肝脾虧損。用加味逍遙散百餘劑。元氣復而腫消。後因勞役怒氣。經行不止。服涼血之劑。其血如崩。余以爲此因脾氣復傷下陷。而血從之。朝用補中益氣湯。夕用加味歸脾湯而愈。

一婦人懷抱鬱結。不時心腹作痛。寒熱倦怠。服行氣化痰等劑。遍身結核。大小不一。二十餘枚。諸藥不應。余用加味歸脾湯而愈。

一婦人腿患筋攣骨痛。諸藥不應。脈遲緊。此肝脾氣血虛弱。而寒氣之變也。用大防風湯二劑。頓退。又二劑而安。又一婦患之亦然。先用前藥二劑。更服黑丸子而痊。此二患若不早治。以致內潰。必成敗症矣。

一婦人患前症。潰後發熱。余以爲氣血俱虛。彼不信。乃服敗毒表散之藥。果發大熱。竟至不救。夫潰瘍雖有表症發熱。宜以托裏爲主。而佐以表散之劑。況於瘰癧流注乎。

附方藥

仙方活命飲 治一切瘡瘍。未成者即散。已成者即潰。又止痛消毒之良劑也。

白芷

貝母

防風

赤芍藥

當歸尾

甘草節

皂角刺炒

穿山甲炙

天花粉

乳香

沒藥各一錢

金銀花

陳皮各三錢

右用酒一大碗。煎五七沸服。

托裏消毒散 治瘡疽元氣虛弱。或行攻伐。不能潰散。服之。未成即消。已成即潰。

腐肉即去。新肉即生。

人參

黃耆鹽水拌炒

當歸

川芎

芍藥炒

白朮

茯苓各一錢

金銀花

白芷各七分

甘草五分

右水煎服。

托裏散 治瘡瘍因氣血俱虛。不能起發。或腐潰不能收斂。及惡寒發熱者。

人參氣虛多

黃耆炒各一錢

白朮炒

陳皮

當歸

熟地黄自製

茯苓

芍藥酒炒各一錢

右水煎服。

益氣養榮湯 治懷抱抑鬱。瘰癧流注。或四肢患腫。肉色不變。或日晡發熱。或潰而不斂。

人參

茯苓

陳皮

貝母

香附

當歸酒拌

川芎

黃耆鹽水拌炒

熟地黄酒拌

芍藥炒各一錢

甘草炙

桔梗炒各五分

白朮錢二

右薑水煎服。

木香餅 治氣滯結腫閃肭。風寒所傷作痛。

木香五錢

生地黄一兩

右木香為末。地黄杵膏和勻。量患處大小。作餅置患處。以熱熨斗熨之。腫痛悉退。

二陳湯 治中脘停痰。飲食少思。嘔逆等症。



陳皮去白

茯苓

半夏各二

甘草分五

用水煎服。

方脈流氣飲

治惱怒胸膈脹滿。或肢體作痛。或結壅腫。血氣無虧。方見第三卷第七論等症

隔蒜灸法

治一切瘡毒。大痛或不痛。或麻木如痛者。灸至不痛。不痛者。灸至痛。

其毒隨火而散。用大蒜頭去皮。切三分厚。安瘡頭上。用艾壯於蒜上。灸之三壯。

換蒜復灸。未成者。即消。已成者。亦殺其大勢。不能為害。如瘡大。用蒜搗爛。攤患

處。將艾鋪上。燒之。蒜敗再換。仍服托裏之劑。如不痛。或不作膿。不起發者。不治。

此氣血虛極也。

神效葱熨法

治虛怯人肢體患腫塊。或不痛。或作痛。或風襲於經絡。肢體疼痛。

或四肢筋攣骨痛。又治流注跌撲傷損腫痛。用葱頭細切。杵爛炒熱。敷患處。冷

易之。再熨。腫痛即愈。其效如神。此外補陽氣而運散壅滯之法也。

豆豉餅

治瘡瘍腫硬不潰。或潰不斂。并一切頑瘡惡瘡。用江西豆豉為末。唾津

和作餅。大如錢。厚如三文。置患處。加艾壯於上。灸之。乾則易之。若背瘡大者。用

漱口水和餅覆患處。鋪艾於上。灸之。如未成者。則消。已成者。能殺其毒。有不效



者。乃氣血虛也。爲不治。

大防風湯

方見本卷第九論

八珍湯

方見本卷第三論

十全大補湯

方見本卷第九論

六君子湯

四物湯

卷二方見本卷第六論

補中益氣湯

方見本卷第十論

八味丸

六味丸

卷二方見本卷第十一論

針頭散

方見本卷第三論

小柴胡湯

方見本卷第二論

黑丸子

方一名和血定補丸方見本卷第九論

### 婦人血風瘡論第六

婦人血風瘡。因肝脾肺經風熱。或鬱火血燥所致。其外症或身發疙瘩搔癢。或如丹毒癢痛。或搔破膿水淋漓。其內症月經失常。小便不調。夜熱內熱。自汗盜汗。惡寒憎寒。肢體倦怠。飲食不甘。寒熱往來。若發熱作痛。屬肝經風熱。用當歸飲。加柴胡、山梔。若寒熱作痛。屬肝脾鬱火。用小柴胡加山梔、黃連。若疔瘡搔癢。屬肺經風熱。用清熱消風散。若經候失常。內熱晡熱。屬肝脾血虛。用加味逍遙散。若肢體倦怠。寒熱往來。屬肝脾氣虛。用加味四君子。加柴胡、丹皮。若夜熱作渴。或兼譫語。乃血分有熱。用小柴胡加生地黃。血虛。用四物合小柴胡。若無寐盜汗。內熱晡熱。乃

脾經血虛。用歸脾湯。兼寒熱。加山梔。若愈後身起白屑。搔則肌膚如帛所隔。此氣血虛不能榮於腠理。用十全大補湯。若用風藥以治其外。則陰血復傷。反致他症矣。

### 附治驗

一婦人素清苦。四肢患之。誤服敗毒寒涼。晡熱內熱。自汗盜汗。月經不行。口乾咽燥。余謂四肢者。脾之所主。當調養脾血。其病自愈。遂用歸脾湯數劑而愈。

一婦人性躁患之。寒熱口苦。脇痛耳鳴。腹脹溺澀。年餘矣。此屬肝火傷脾。用四君子加柴胡、炒山梔、炒龍膽數劑。更與逍遙散。兼服而瘡愈。又與六味丸。及逍遙散。七十餘劑而愈。

一婦人日晡身癢。月餘口乾。又月餘成瘡。服祛風治瘡之劑。膿水淋漓。午前畏寒。午後發熱。殊類風症。余謂此肝火傷脾。外邪所搏。先用補中益氣。加山梔、鉤藤。又以逍遙散。加川芎、貝母而愈。

一婦人瘙癢發熱。日晡益甚。皮膚赤暈。月經過期。此血虛而有熱也。以逍遙散加熟地。熱止癢退。更以四物加柴胡、參、炙草、茯苓。調理遂愈。

一婦人懷抱久鬱。患前症。膿水淋漓。服連翹消毒散。食少胸痞。服清氣化痰湯。作嘔吐痰。服清熱化痰丸。煩熱畏寒。四肢熾熱。面目赤色。脈大而無力。余以爲脾胃虧損。而虛寒隔陽氣於外。遂用六君子湯加炮薑治之。諸症稍愈。飲食頓進。又佐以四物湯。諸症漸愈。又以四君子每味各一錢。四物湯每味各五分。諸症全愈。後因勞晡熱。體倦懶食。小腹痞墜。小便澀滯。自用四物。黃柏。知母。晡熱尤甚。更煩渴眩暈。余以爲脾氣下陷。用補中益氣湯。漸愈。乃佐以逍遙散而安。後月經至如崩。前症復作。此脾氣傷而不能統血。血虛而陰火動也。仍用補中益氣而痊。

一女子十二歲。善怒。遍身作癢。用柴胡、川芎、山梔、芍藥。以清肝火。以生地、當歸、黃芩。以涼肝血。以白朮、茯苓、甘草。以健脾土而愈。半年後。遍身起赤痕。或時眩暈。此肝火熾甚。血得熱而妄行。是夜果經至。

附方藥

當歸飲 治血熱癰疹癢痛。膿水淋漓。發熱等症。

當歸

白芍藥

川芎

生地黃



白蒺藜炒

黃耆各一錢

防風

荊芥

何首烏不見鐵器

甘草各五分

右水煎服。

四君子湯。治胃氣虛弱。或因尅伐以致腫不消散。潰不收斂者。宜用此藥調補脾胃。諸症自愈。若誤用攻毒。七惡隨至。若飲食少思。或食難化。或欲作嘔。或大便不實。瘡口出血。吐血便血。尤宜用之。凡氣血俱虛之症。宜用前湯。但加當歸。則脾胃健。飲食進。陰血生。若用四物沉陰。則脾胃復傷。反致他症。若命門火衰。而脾土虛寒者。必用八味丸以補土母。

人參

白朮

茯苓各二錢

甘草炙一錢

薑棗水煎服。

加味四君子湯。即前方四君子加川芎、當歸。  
六君子湯。治症同前。即四君子湯加陳皮、半夏各一錢。若中氣虛寒假熱。誤服寒涼尅伐。以致四肢發熱。口乾舌燥嘔吐。此因寒氣隔陽於外。須臾加薑、桂。不應急加附子。



四物湯 治血虛。或因失血。或因尅伐。或因潰後。以致晡熱內熱。煩燥不安。若脾虛不能生血者。宜四君加當歸。并酒炒白朮。以補脾土。其血自生。若血虛發熱。誤服寒涼尅伐之劑。以致發熱作渴。目紅面赤。脈洪大而虛。此血脫煩躁。急用當歸補血湯。

當歸 酒拌一錢

熟地黃 三錢

芍藥 錢炒一

川芎 二錢

水煎服。

加味四物湯。即四物加柴胡、牡丹皮、山梔。神效當歸膏。治一切瘡瘍。搔癢疼痛。去腐肉。生新肉。其效如神。如洗拭換膏。必須預備。即貼之。新肉畏風故也。如用白蠟尤好。此藥生肌止痛。補血續筋。故與新肉相宜。

當歸

生地黃

黃蠟 各一

麻油 六兩

右先將當歸、地黃。入油煎黑。去渣入蠟溶化。候冷攪勻。即成膏矣。如用白

滋陰腎氣丸 方見六卷

小柴胡湯 方見本卷

歸脾湯

逍遙散 方見本卷

六味丸 方見本卷

補中益氣湯 方見本卷

## 婦人赤白遊風方論第七

婦人赤白遊風。屬肝經怒火。血燥生風。或脾經鬱結。血虛生熱。或腠理不密。風邪外襲。其症或疥瘡搔癢。或膿水淋漓。白屬氣而赤屬血。因得風而遊行也。若肝經血燥。用柴胡清肝散。肝經怒火。用梔子清肝散。肝經血熱。用加味四物湯。肝火血虛。用六味地黃丸。脾經鬱熱。用加味歸脾湯。肝脾血虛。風熱。用加味逍遙散。若因風邪鬱熱所致。用荆防敗毒散。或專用祛風之劑。肝血愈燥。則血隨火化。反爲敗症矣。

### 附治驗

一婦人素清苦。因鬱怒患前症。晡熱內熱。自汗盜汗。月經不行。口乾咽燥。余謂此鬱氣傷脾。乃以歸脾湯數劑。諸症稍退。後兼逍遙散。五十餘劑而愈。

一婦人患此。性躁寒熱。口苦脇痛。耳鳴腹脹。溺澀。乃肝脾血虛火旺也。用六君加柴胡、山梔、龍膽數劑。更與逍遙散兼服。漸愈。又與六味丸、逍遙散。七十餘劑。諸症悉退。

一婦人患前症。誤服大麻風藥。破而出水。煩渴頭暈。誠類風症。六脈洪數。心肝脾為甚。余曰。風自火出。此因怒火。脾胃受邪。血燥而作。非真風症也。與逍遙散。六味丸。以清肝火。滋脾土。生腎水而愈。

一婦人患前症。久不愈。食少體倦。此肝脾虧損。陰虛發熱也。先用補中益氣。加川芎。炒梔。元氣漸復。更以逍遙散而瘡漸愈。

一婦人身如丹毒。搔破膿水淋漓。熱渴頭暈。日晡益甚。用加味逍遙散而愈。

一婦人患赤遊風。晡熱癢甚。余用清肝養血之劑。不信。乃服大麻風藥。臂痛筋攣。又服化痰順氣之劑。四肢痿弱。又一婦患前症。數用風藥。煎湯泡洗。以致腹脹並歿。

一女子赤暈如霞。作癢發熱。三加味小柴胡。加生地。連翹。丹皮而愈。大凡女子天癸未至。婦人月經不調。受驚着惱。多有此症。

附方藥

消風散 治風寒癰疹癢痛。或膿水淋漓。頭皮腫癢。

荆芥穗

甘草炙

陳皮

人參



茯苓

白殭蠶炒

防風

芎藭

藿香

羌活

蟬蛻錢各一

厚朴薑製五分

右水煎服。

大連翹飲 治風熱熱毒。或赤白遊風。表裏皆受患者。

連翹

藿麥

荊芥

木香

赤芍藥

蟬蛻

甘草

防風

柴胡

滑石

山梔炒

黃芩炒

當歸錢各一

右水煎服。

當歸飲 治風熱赤白遊風作癢。或癢破膿水淋漓等症。

四物湯 治赤白遊風。血虛發熱。或晡熱。頭目不清。或煩躁不寐。或胸脇作痛等

症。

六君子湯 治脾氣虧損。皮膚瘙癢。或癰疹不消。三方見本卷第六論

加味小柴胡湯 治肝膽經風熱怒火。赤白遊風。或寒熱往來。晡熱潮熱身熱。或



口苦耳聾等症。方見本卷第二論

加味逍遙散 治血虛有熱。遍身搔癢。赤白遊風。發熱晡熱等症。

逍遙散。即前方去丹皮。山梔。

歸脾湯 治脾經血虛。痿癢發熱。少寐盜汗等症。三方見本卷第四論

荆防敗毒散。方見本卷第十論

婦人法方論第八 一名便毒。一名瘡子。

婦人法。或肝經濕熱下注。或鬱怒傷損脾肝。其外症。或兩脇小腹腫痛。或玉門  
焮腫作痛。或寒熱往來。增寒壯熱。其內症。或小便澀滯。或腹內急痛。或小腹痞悶。  
或上攻兩脇。或晡熱重墜。若兩脇小腹腫痛。肝經濕熱壅滯也。用龍膽瀉肝湯。玉  
門腫脹。肝火血虛也。用加味逍遙散。及龍膽瀉肝湯。加木香。若概投散血攻毒之  
劑。則誤甚矣。

附治驗

一婦人。脇中赤腫脹痛。此膿內作。用托裏消毒散。加柴胡數劑。潰而膿清寒熱。乃

氣血復虛。用托裏散而寒熱止。用十全大補百餘劑而斂。

一婦人腹拗腫痛。寒熱口苦。或時帶下。此肝經濕熱不利也。用龍膽瀉肝湯而腫痛消。用加味逍遙散而寒熱退。

一婦人腹拗腫痛。小水不利時。或胸乳作痛。脇腹作脹。此肝火氣滯。用四物、柴胡、青皮、玄胡索、木香而愈。

一婦人拗中作痛。小腹痞悶。小便不利。內熱體倦。飲食少思。此肝火內動。脾胃受傷也。用加味歸脾湯。柴胡清肝散而安。

一婦人拗中腫脹。小腹作痛。服下血之劑。其痛益甚。更吐瀉少食。余以爲肝脾復傷。用六君子湯。加升麻、柴胡而愈。

一婦人兩拗腫痛。腹內一塊。不時上攻。月經不調。小便不利。余以爲肝脾氣滯而血傷。以四君加芎歸、柴胡、山梔而愈。後因鬱怒。前症復作。兼胸滿腹脹盜汗。此肝木甚而傷脾土也。用加味歸脾湯。下蘆薈丸而痊。

一婦人小腹內或作痛。或痞悶。兩拗腫痛。內熱寒熱。胸膈不利。飲食不甘。形體日瘦。此肝氣滯而脾氣傷也。朝用補中益氣湯。夕用蘆薈丸漸愈。更用六味地黃

丸全愈。

一婦人兩脇腫痛。小腹痞脹。白帶時下。寒熱往來。小水淋瀝。余作肝氣滯而血病。用龍膽瀉肝湯漸愈。又用加味逍遙散。六味地黃丸全愈。

一婦人患前症。胸脇脹悶。或小水不利。或時腹痛。此肝火氣病。先用龍膽瀉肝湯。以清肝熱。又用加味逍遙散。以生肝血。六味地黃丸。以滋腎水而愈。

一婦人患前症。余以爲肝脾鬱怒。不信。另服化痰利氣之劑。胸腹愈脹。又服峻利疎導之劑。變脾虛發腫而歿。

一婦人患前症。內熱作渴。飲食不甘。肢體倦怠。陰中作梗。小便赤澀。此脾經鬱結。肝經濕熱。用加味歸脾湯而愈。後因怒復作。小腹脹痛。用小柴胡加山梔芎歸。痛止。又用加味逍遙散而愈。

一婦人兩脇作痛。寒熱內熱。小便赤澀。胸脇不利。此肝火動而脾氣傷也。用補中益氣湯加茯苓。數劑少愈。又與加味歸脾湯。諸症悉退。再用加味逍遙散而愈。一婦人小腹痞悶。溺瀦內熱。體倦懶食。此肝火動而脾血傷也。用八珍加柴胡。山梔。膽草而安。



一婦人陰中如梗。兩拗腫痛。寒熱不食。小便頻數。小腹重墜。余以爲肝脾鬱怒所致。先以補中益氣。加茯苓、山梔、車前子、青皮。以清肝火。升脾氣。更以加味歸脾湯。調理脾鬱而愈。

附方藥

龍膽瀉肝湯 治肝經濕熱。兩拗腫痛。或腹中疼痛。或小便澀滯等症。

龍膽草酒拌炒黃

澤瀉各一錢

車前子炒

木通

生地黃酒拌

當歸酒拌

山梔炒

黃芩炒

甘草各五分

右水煎服。

九味柴胡湯 治肝經濕熱下注。便毒腫痛。或小腹脇肋結核。凡肝膽經部分。一切瘡瘍。或風熱結核癰癰。

柴胡

黃芩各一錢

人參

山梔炒

半夏

龍膽草炒焦

當歸

芍藥

甘草各五分



右水煎服。

蘆薈丸 治肝氣不和。尅侮脾胃而患諸症。或三焦肝膽經風熱。目生雲翳。或疳熱瘰癧。耳內生瘡。寒熱作痛。肌體消瘦。發熱作渴。飲食少思。肚腹不調。或牙齦蝕落。頰頰腐爛。下部生瘡等症。

蘆薈 五錢

胡黃連

當歸

芍藥 炒

龍膽草 酒浸炒焦

川芎

蕪荑 各一兩

木香

甘草 二錢 各

右爲末。用米糊丸。麻子大。每服五十丸。滾湯下。

加味小柴胡湯

小柴胡湯 治肝經下部腫脹。小便不利。或寒熱往來。或晡熱潮熱。或胸脇作痛。

二方見本卷第三論

加味逍遙散

治肝脾血虛。濕熱流注下部諸症。發熱晡熱。寒熱。

加味歸脾湯

治脾肝鬱怒。下部諸症。寒熱晡熱。少食無寐。或經候不調。二方見本卷第四論

四論

補中益氣湯 治元氣下陷。下部重墜。或晡熱寒熱。少食體倦。或因過服寒涼之

藥所致。方見本卷第十論

加味四物湯方見本卷第六論

八珍湯 治氣虛寒熱晡熱。或寒熱往來。下部諸症。方見本卷第三論

### 婦人鶴膝風方論第九

婦人鶴膝風症。因胎產經行失調。或鬱怒虧損脾肝。而為外邪所傷。或先腿脚牽痛。或先肢體筋攣。既而膝漸大。腿漸細。如鶴之膝。故名之也。若腫高赤痛者易治。漫腫不赤痛者難治。二三月潰而膿稠者易治。半載後潰而膿清者難治。設用攻伐。已損元氣。尤為難治也。大要當固元氣為主。而佐以大防風湯。若食少體倦者。六君子湯為主。晡熱內熱者。逍遙散為主。寒熱往來者。八珍湯為主。發熱惡寒者。十全大補湯為主。少寐驚悸者。歸脾湯為主。月經過期者。補中益氣為主。月經先期者。加味逍遙散為主。凡潰後當大補脾胃。若膿出反痛。或寒熱煩渴等症。皆屬氣血虧損。一於培補。庶保終吉。

附治驗

一婦人久鬱怒。胸脇不利。內熱寒熱。經候不調。遍身酸痛。余謂胃氣虧損。先用補中益氣湯。加半夏、茯苓。二十餘劑。胃氣漸醒。又用大防風湯。與歸脾湯。膝腫漸消。用加味道遙散。大防風湯而全消。又用八珍湯。加牡丹皮。調理氣血而安。

一婦人患前症。腫痛寒熱。先用大防風湯一劑。又用加味道遙散四劑。月餘腫痛漸退。惑於速效。另服祛風敗毒。虛症蜂起。仍用大防風爲主。佐以十全大補而消。又服大補湯。兩月餘而痊。

一婦人患前症。兩拘中腿股筋牽作痛。內熱寒熱。此肝火氣滯之症。先用加味小柴胡湯四劑。後以加味道遙散爲主。佐以大防風湯而消。又患痢後。兩膝腫痛。寒熱往來。用十全大補湯爲主。佐以大防風湯而仍消。

一婦人患之。雖潰而腫不消。朝寒暮熱。飲食不思。經水三四月一至。此屬肝脾氣血俱虛也。用補中益氣。加味歸脾二湯。各三十餘劑。腫漸消而寒熱止。又佐以大防風。月餘而能步履。再月餘。經行如期。又服六味丸、八珍湯。三月而斂。

附方藥



大防風湯 治陰虛邪襲。腿膝腫痛等症。

防風

附子炮

牛膝酒浸

白朮炒

羌活

人參各一錢

川芎一錢

肉桂一錢

黃耆炒一錢

芍藥炒

杜仲去皮薑汁炒

甘草炙各五分

熟地黃自製一錢五分

右水煎服

黑丸子定痛丸和血

治跌撲墮。筋骨疼痛。或瘀血壅腫。或外感風寒。肢體作痛。

若流注膝風。初結服之自消。若潰而膿清。與補氣血藥自斂。孕婦勿服。

百草霜

白芍藥各一兩

南星

川烏各三錢

白斂

赤小豆各一兩六錢

白芨

當歸

骨碎補入錢各

牛膝錢六

右為末。酒糊丸。桐子大。每服三十丸。鹽湯溫酒任下。

聖愈湯 治血虛心煩。睡臥不寧。或五心煩熱。

地黃酒拌蒸

生地黃酒拌

黃耆炙

人參



川芎

當歸各一

水煎服。

六味丸方見本卷第十論

逍遙散

加味逍遙散

八珍湯

十全大補湯

歸脾湯五方見本卷第四論

補中益氣湯方見本卷第十論

四物湯

六君子湯二方見本卷第六論

### 婦人下注腫瘡方論第十

婦人兩脇生瘡。或因胎產飲食失宜。傷損脾胃。或因憂思鬱怒。虧損肝脾。以致濕熱下注。外邪所搏。外脇屬足三陽可治。內脇屬足三陰難治。若初起發腫赤痛。屬濕熱所乘。用人參敗毒散。或檳蘇敗毒散。若漫腫作痛。或不腫不痛。屬脾虛濕熱下注。補中益氣湯。氣血俱虛。八珍湯。若膿水淋漓。體倦少食。內熱口乾。屬脾氣虛弱。補中益氣。加茯苓。酒炒芍藥。若午後頭目不清。屬脾虛陰火。用前湯加熟地。芍藥。若午後發熱倦怠。屬氣虛血弱。用前湯加川芎。熟地。若懷抱鬱怒。屬脾氣不舒。用歸脾湯加川芎。山梔。若內熱體倦。痰涎口瘡。屬脾腎虛熱。用六味丸。若肢體畏

寒。飲食少思。屬脾腎虛寒。用八味丸。大抵色赤屬濕熱。易治。色黯屬虛寒。難治。設誤用攻伐。復傷胃氣。多變瘵症。

### 附治驗

一婦人兩膝生瘡。漸至遍身發熱。吐痰口燥。咽乾盜汗。心煩足熱。小便赤澀。日晡益甚。此腎足三虛陰火也。用加味逍遙散。六味丸而愈。

一婦人患前症。四畔微赤。作痛重墜。膿水淋漓。胸膈不利。飲食少思。內熱口苦。夜間少寐。此鬱結傷脾血也。用歸脾湯。解鬱結。生脾血。用補中益氣。加茯苓。半夏。補脾氣。除濕熱。尋愈。

一婦人久不愈。色赤微熱。日晡炊腫。形體虛弱。飲食少思。勞則喘渴。惡寒發熱。此為脾虛下陷。用補中益氣湯而愈。

一婦人患已三年。色黯腫硬。惡寒發熱。飲食少思。形體消瘦。作渴飲湯。飲食稍多。或腹脹。或泄瀉。或作嘔。或作酸。此脾氣虛寒也。用補中益氣。加乾薑五分。五十分。餘劑而愈。

一婦人患此。因步履勞復。惡寒發熱。倦怠懶食。而瘡出血。此元氣虛而不能攝血。

歸經也。用補中益氣湯而愈。

一婦人患之。因怒寒熱頭眩。或耳項腦脇脹痛。或小腹陰道悶墜。或小便頻數下血。此屬肝火血熱。先用小柴胡。加炒黑山梔、芎歸、車前二劑。諸症悉退。又用加味逍遙而愈。後因飲食勞倦。前症復作。瘡口出血。用補中益氣湯而安。

一婦人患將兩月。焮腫赤痛。小便頻數。飲食如常。此濕毒甚而氣血虛。先用活命飲二劑。去其濕毒。又用八珍湯調補氣血而愈。

一婦人患此。焮痛惡寒發熱。此溼熱乘於足三陽經分。用檳蘇敗毒散而寒熱退。用仙方活命飲而焮痛止。再用補中益氣湯而形氣健。

附方藥

人參敗毒散 治瘡瘍焮痛。寒熱。或拘急頭痛。

人參

羌活

獨活

前胡

柴胡

桔梗

枳殼 麸炒

茯苓

川芎

甘草 各一錢

右水煎服。



檳蘇敗毒散 即人參敗毒散加檳榔、紫蘇。

補中益氣湯 治元氣虛損。或因尅伐惡寒發熱。倦怠少食。或不能消散生肌。或兼飲食勞倦。煩熱作渴。

黃耆炒

人參

白朮炒

甘草炙

當歸錢各一

陳皮五分

柴胡

升麻各三分

右薑棗水煎。空心。午前服。

烏沉湯 生氣血。補心腎。上損者服之。其效勝大建中湯。

人參

當歸

白朮炒各二兩

烏藥

肉桂去皮

沉香各半兩

白茯苓

附子炮去皮尖各一兩

右爲末。每服三錢。薑棗水煎。空心服。

金鎖正元丹 治真氣不足。四肢怠惰。脚膝酸疼。目暗耳鳴。自汗盜汗。一切虛損之症。

五倍子一兩

紫巴戟去心四兩

補骨脂酒浸炒二兩半

硃砂七錢另研

肉蓯蓉焙四兩

葫蘆巴炒四兩

茯苓去皮二兩

龍骨煨一兩



右爲末。酒糊丸。桐子大。每服二十九。空心。溫酒或鹽湯下。

平補鎮心丹 治心血不足。時或心忡驚悸。夢如高墜。常服安心腎。益榮衛。

硃砂細研半兩

人參五錢

龍齒一兩

白茯苓

五味子炒

車前子炒

茯神

麥門冬去心

肉桂各一兩

遠志去心

天門冬去心

山藥製各一兩

酸棗仁去皮半兩

熟地黄酒蒸五錢

右爲末。蜜丸。桐子大。每服三十九。空心。溫酒下。

威喜丸 治小便白濁。

黃蠟四兩

白茯苓四兩  
煮二十塊同猪苓一兩於磁器內

右以茯苓爲末。鎔蠟丸。彈子大。每服一丸。空心細嚼。津液嚥下。小便清利爲度。

忌食米醋。

小柴胡湯方見本卷

加味逍遙散

八珍湯

歸脾湯方見本卷

仙方活命散方見本卷

六味丸

八味丸方見本卷

## 婦人足跟瘡腫方論第十一

婦人足跟足指腫痛。足心發熱者。皆因胎產經行。失於調攝。虧損足三陰虛熱所致。若腫痛或出膿。用六味丸為主。佐以八珍湯。胃虛懶食。佐以六君子湯。寒熱內熱。佐以逍遙散。晡熱益甚。頭目不消。佐以補中益氣湯。痰盛作渴。或口舌生瘡。亦用前二藥。以滋化源。大凡發熱晡熱內熱。自汗盜汗等症。皆陰假熱也。故丹溪謂火起九泉。陰虛之極也。蓋足跟乃督脈發源之所。腎經所過之地。若不求其屬而泛用寒涼。則誤甚矣。然俗謂爲兔啣瘡者。蓋獵人被兔咬足跟。久而不斂。氣血瀝盡。其人必死。男子酒色過度者。多患此症。

### 附治驗

一婦人素血虛。因大勞兩足發熱晡熱。月經過期。或用四物、芩、連。飲食少思。胸痞吐痰。用二陳、枳實、黃連。大便不實。吐痰無度。足跟作痛。余曰。足熱晡熱。月經過期。肝脾血虛也。胸痞吐痰。飲食少思。脾胃氣虛也。蓋胃爲五臟之根本。胃氣一虛。諸病悉至。先用補中益氣。加茯苓、半夏。脾胃漸健。乃佐以六味丸補脾腎。不

兩月而痊。

一婦人晡候不調。發熱晡熱。胸膈不利。飲食少思。服清熱寬中消導之劑。前症益甚。更兼肢體酸痛。服除溼化痰等藥。經候兩三月一至。服通經降火之劑。足跟足指作痛。其熱如炙。余以爲足三陰虧損。用補中益氣。六味地黃。兩月諸症漸退。又用前湯。并八珍湯。兩月而康。

一婦人足跟患腫。兩腿酸軟。或赤或白。或痛或癢。後或如無皮。或如皸裂。日晡至夜。脹痛熾熱。此屬足三陰虛損。用加減八味丸。及逍遙散。加熟地。川芎。百餘劑而愈。

一婦人勞則足跟熱痛。余作陰血虛。用八珍而痊。後遍身搔癢。服風藥。發熱抽搐。肝脈洪數。此肝家血虛火盛而生風。以天竺膽星爲丸。用四物。麥門。五味。芩。連。炙草。山梔。柴胡。煎送而愈。

一婦人兩足發熱。足跟作痛。日晡熱甚。余謂腎肝血虛。用逍遙散八味丸。五十餘劑。諸症悉愈。

附方藥



當歸補血湯。治脾胃損傷。或因服峻劑。致血氣俱虛。發渴引飲。目赤面紅。晝夜不息。其脈大而虛。重按全無。若誤服白虎湯。必死。

黃耆耆一

當歸二錢

用水煎服。

六味丸

一名六味地黃丸

此壯水制火之劑。夫人之生。以腎為主。人之病。多由腎虛而致者。此方乃天一生水之劑。無不可用。若腎虛發熱作渴。小便淋秘。痰壅失痞。咳嗽吐血。頭目眩暈。眼花耳聾。咽喉燥痛。口舌瘡裂。齒不堅固。腰腿痿軟。五臟虧損。自汗盜汗。便血諸血。凡肝經不足之症。尤當用之。蓋水能生木故也。此水泛為痰之聖藥。血虛發熱之神劑。又治肝腎精血不足虛熱。不能起牀。即八味丸去附子肉桂。

八味丸。治命門火衰。不能生土。以致脾胃虛寒。而患流注鶴膝等症。不能消潰。收斂。或飲食少思。或食而不化。或臍腹疼痛。夜多漩溺。經云。益火之源。以消陰翳。即此方也。

熟地黃自製八兩

山茱萸肉

山藥各四兩

茯苓



牡丹皮

澤瀉各三兩

肉桂

用三分厚者去皮取肉分許方能補腎引虛火歸源

附子用一兩五錢重者切四塊用童便浸數日火煨切看無白星爲度

右爲末蜜丸。桐子大。每服七八十丸。滾湯下。

六君子湯方見本卷第六論

補中益氣湯方見本卷第十論

八珍湯

逍遙散二方見本卷第四論

婦人肺癰方論第十一仍參外科樞要

婦人肺癰。因外邪內蘊。或七情鬱火。誤行汗下。重亡津液。以致肺氣受傷。而惡風咳嗽。鼻塞項強。胸脇脹滿。呼吸不利。吐痰臭濁。膿血腥穢。若咳嗽喘急。寒邪在表也。小青龍湯。咳嗽胸脹。寒邪內壅也。葶藶大棗瀉肺湯。脇脹咳唾腥臭。膿已成也。桔梗湯。咳喘短氣。或小便短少。肺氣虛也。佐以參耆補肺湯。體倦少食。或喘嗽短氣。脾肺虛也。佐以參朮補脾湯。作渴飲冷。午前嗽甚。胃火盛也。竹葉石膏湯。作渴內熱。午後嗽甚。陰血虛也。六味丸。四物湯。口乾飲湯。體倦少食。胃氣虛也。補中益氣湯。加五味。麥門。口乾內熱。咳唾痰涎。腎水虛也。六味丸。益氣湯。黃昏熱。或嗽甚。

陰火熾也。六味丸、四物湯、加五味、麥門、五更嗽。或痰甚。脾肺虛也。六君子湯。嗽而不得眠。及兩脇痛。肝火血虛也。六味丸、益氣湯。大凡前症。因外淫所侵。當祛邪而實土。因心火太過。當伐木而補金。若肺氣虛弱。當補脾土而生肺金。若陰火上炎。當補脾肺以滋腎水。然而發熱喘嗽。咳唾膿血。飲食不入。皆脾土不能生肺金。肺金不能生腎水之敗症。苟能純補脾土而生諸藏。多有復生者。若用寒涼。脾胃復傷。則肺金失養。腎水益涸。虛火上炎。薰蒸於肺。吾未見其能生之者。其唾膿血。脈浮大。面色赤者。俱難治。若陰火妄動。或勞嗽吐膿血者。尤難治。若膿自止。脈浮短濇。及始萌者。易治。

### 附治驗

一婦人素血虛。發熱咳嗽。服痰火之劑。後吐膿血。面赤脈數。其勢甚危。此膿成而氣血虛也。余用八珍湯補元氣。桔梗湯治肺癰而愈。

一婦人感冒風寒。或用發表之劑。反咳嗽喘急。飲食少思。胸膈不利。大便不通。右寸關脈浮數。欲用疎通之劑。余曰。此因脾土虧損。不能生肺金。若更利之。復耗津液。必患肺癰矣。不信。仍利之。虛症悉至。後果吐膿。余朝用益氣湯。夕用桔梗

湯。各數劑。吐膿漸止。又朝仍用前湯。夕用十全大補湯。各五十劑。喜其善調理獲愈。

一婦人咳嗽吐痰。胸膈作痛。右寸關浮滑。項下牽強。此脾胃積熱之痰。非癰患也。以二陳、山梔、白朮、桔梗治之而痊。

一婦人素血虛。內熱時咳。甲辰孟冬。兩尺浮洪。以脾胃不健。請治。余曰。當防患肺症。丙午孟春。果咳嗽。左右寸脈洪數。肺癰也。膿已成。左寸脈仍洪數。乃心火尅肺金。夏令可憂。余用壯水健脾之劑。稍愈。彼遽自忽。不事調攝。果歿於夏令。

附方藥

青龍湯 治肺經受風寒。咳嗽喘急。

半夏 夏湯泡 乾薑

細辛

麻黃 去節

肉桂 芍藥

甘草 炙各一錢

五味子 炒五

附子 炮五分

右水煎服。

葶藶大棗瀉肺湯 治肺癰胸膈脹滿。上氣喘急。或身面浮腫。鼻塞聲重。用葶藶



炒黃研末。每服三錢。先用棗十枚。水煎。去棗入藥。再煎。食後服。

桔梗湯 治肺癰咳而胸膈隱痛。兩肘腫滿。咽乾口燥。煩悶作渴。濁唾腥臭。

桔梗炒

貝母去心

當歸酒拌

瓜蒌仁

枳殼麸炒

薏苡仁微炒

桑白皮炒

甘草節

防己去皮各一錢

黃耆鹽水拌炒

百合蒸各一錢半

五味子杵炒

甜葶藶炒

地骨皮

知母炒

杏仁各五分

右薑水煎服。

人參補肺湯 治肺癰腎水不足。虛火上炎。咳唾膿血。發熱作渴。小便不調。

人參

黃耆炒

白朮

茯苓

陳皮

當歸各一錢

山茱萸去核

山藥各二錢

五味子杵

麥門冬

甘草炙各七分

牡丹皮一錢

熟地黃自製一錢五分

右薑水煎服。

參耆補脾湯 治肺症因脾氣虛弱。咳唾膿涎。中滿不食。宜兼服此藥。以補脾土。



生肺金。

人參

白朮各二錢

黃耆炙二錢半

茯苓

當歸

陳皮各一錢

升麻三分

五味子枘四分

炙甘草五分

右薑水煎服。

人參平肺散

治心火尅肺金。患肺痿咳嗽喘嘔。痰涎壅盛。胸膈痞滿。咽嗑不利。

人參

陳皮

青皮

茯苓

天門冬各一錢

知母

地骨皮四錢

甘草炙五分

五味子枘十粒

桑白皮炒二錢

右薑水煎服。

竹葉石膏湯

治胃火盛而作渴者。

淡竹葉

石膏煨

桔梗炒

木通

薄荷

甘草各二錢

右薑水煎服。

竹葉黃耆湯 治癰疽氣血虛。胃火盛而作渴。

淡竹葉二錢

黃耆

麥門冬去心

當歸

川芎

甘草炒

黃芩炒

芍藥炒

人參

半夏

石膏煨

生地黄錢各一

右水煎服。

二陳湯 方見本卷第五論

六味丸 方見本卷第十一論

補中益氣湯 方見本卷第十論

四物湯

六君子湯 卷二方見本卷第六論

十全大補湯

八珍湯 卷二方見本卷第四論

### 婦人腸癰方論第十三

婦人腸癰。因經行產後瘀血。或七情飲食所致。其症小便如淋。發熱惡風。身皮甲錯。腹皮腫急。按之軟如腫狀。或腹脹大。轉側有水聲。或繞臍生瘡。或大便出膿。其脈遲緊者。膿未成。用活命飲以解其毒。脈滑數者。膿已成。用雲母膏以下其膿。若二年間遍身微腫。大腸與臍出膿。此息積之症也。多致不救。內經云。腸癰為病。不

可驚。驚則腸斷而死。其坐臥轉側。宜徐緩。時嘗少飲薄粥。靜養調理。庶可保生。

附治驗

一婦人小腹腫痛。小便如淋。此毒結於內。用神效瓜蒌散。二劑少愈。又薏苡仁湯二劑乃痊。

一婦人小腹痛。而有塊。脈芤而澀。此瘀血爲患。以四物加玄胡索、紅花、桃仁、牛膝、木香。二劑血下而愈。

一婦人小腹痛。大便秘澀。轉側有水聲。脈洪數。以梅仁湯一劑。頓下諸血。諸症頓退。以薏苡仁湯二劑而痊。

一婦人小腹脹痛。小便不利。脈滑數。此膿已成也。服太乙膏五錢。膿下甚多。脹痛頓退。以瓜蒌散、蠟礬丸。托裏藥而安。

一婦人因經水多。服藥止之。致腹作痛。以失笑散二服而瘳。又用加味逍遙散數劑。而經調。

一產婦惡露停滯。小腹作痛。服瓜仁湯。下瘀血而痊。凡瘀血停滯。急宜行之。緩則腐化爲膿。最爲難治。若流注關節。則患骨疽。多爲敗症。

附方藥

瓜子仁湯 治產後惡露未盡。經行瘀血停滯。小腹作痛。或成癰患。

薏苡仁四兩

桃仁去皮

牡丹皮

瓜蒌仁各一兩

右每服五七錢。水煎。

敗醬散 治脈數。身無熱。腹無積聚。按之軟濡。此為腸癰。久積陰冷所成。

薏苡仁二兩

附子炮半兩

敗醬草錢一兩二分

右每服四錢。水煎。以小便利為度。

牡丹湯 治腸癰腹軟而痛。時下膿血。

牡丹皮

人參

天麻

白茯苓

黃耆炒

薏苡仁

桃仁去皮

白芷

當歸酒炒

川芎各一錢

官桂

甘草炙各五錢

木香二錢

右水煎服。

大黃湯 治腸癰小腹堅腫。按之則痛。肉色如故。或焮赤微腫。小便頻數。汗出憎



寒。脈遲緊。未成膿者。宜服之。

大黃

朴硝錢各一

牡丹皮

瓜蒌仁炒

桃仁去皮尖  
各二錢

右水煎服。

梅仁湯 治腸癰壅痛。大便秘澀。

梅仁九個  
去皮尖

大黃炒

牡丹皮

芒硝錢各一

冬瓜仁研三錢

犀角一錢末

右水煎。入犀角末服。

神仙太乙膏 治一切癰疽。不問膿之成否。並宜貼之。更作丸服。

玄參

白芷

當歸

肉桂

生地黄

赤芍藥

大黃各一

淨黃丹十二兩

右用麻油二斤。入銅鍋內煎。黑濾去渣。入黃丹十二兩。再煎。滴水。中捻。軟硬得中。即成膏矣。如軟更加丹雲母膏固效。卒難修合。太乙膏亦可。

神效黃礬丸 最解毒止痛。

白 礬末一兩 黃 蠟半兩黃色者燭

右和衆手丸。桐子大。每服三十丸。滾湯下。如服金石發疽。更用白礬末一兩。作三五服。以溫酒調下。若遍身生瘡如蛇頭。服之尤效。此藥能解毒氣內攻也。須多服方驗。亦治蛇咬。熔化乘熱滴傷處。毒即出。痛即止。仍服兩許。失笑散。治產後心腹絞痛。或血迷心竅。不知人事。及尋常腹內瘀血積血作痛。

五靈脂土炒 蒲 黃等分

用爲末。每服一二錢。湯酒調。

活命飲方見本卷第五論

神效瓜蔓散方見本卷第十四論

四物湯方見本卷第六論

加味逍遙散方見本卷第四論

### 乳癰乳巖方論第十四

經云。乳頭屬足厥陰肝經。乳房屬足陽明胃經。若乳房忽壅腫痛。結核色赤。數日之外。焮痛脹潰。稠膿湧出。膿盡而愈。此屬肝胃熱毒。氣血壅滯。名曰乳癰。爲易治。若初起內結小核。或如鼈棋子。不赤不痛。積之歲月漸大。巖若崩破。如熟榴。或內

潰深洞。血水滴瀝。此屬肝脾鬱怒。氣血虧損。名曰乳巖。爲難療。治法。熨痛寒熱。宜發表散邪。腫熨痛甚。宜疎肝清胃。或不作膿。膿成不潰。宜用托裏。或肌肉不生。膿水清稀。宜補脾胃。或膿出反痛。惡寒發熱。宜補氣血。或腫熨作痛。晡熱內熱。宜補陰血。或飲食少思。時作嘔吐。宜補胃氣。或飲食難化。泄瀉腹痛。宜補脾氣。或勞碌腫痛。宜補氣血。怒氣痛腫。宜養肝血。慎不可用尅伐之劑。復傷脾胃也。乳巖初患。用益氣養榮湯。加味逍遙。加味歸脾。可以內消。若用行氣破血之劑。則速其亡。

附治驗

一婦人內熱脇脹。兩乳不時作痛。口內不時辛辣。若臥而起急。則劑下牽痛。此帶脈爲患也。用小柴胡加青皮、黃連、山梔。二劑而瘥。

一婦人因怒。兩乳腫。兼頭痛寒熱。此肝經氣症也。用人參敗毒散二劑。表症已退。用小柴胡加芎、歸、枳殼、桔梗。四劑而愈。

一婦人久鬱。右乳內腫硬。此肝經血症也。用八珍加遠志、貝母、柴胡、青皮。及隔蒜灸。兼神効瓜蒞散。兩月餘而痊。

一婦人先熱渴。至夜尤甚。後兩乳忽腫。肝脈洪數。乃熱入血分。用加味小柴胡湯。



而愈。

一婦人因怒。左乳作痛發熱。因表散太過。腫熱殊甚。用益氣養榮湯數劑。熱止膿成。因不卽針。益腫脹熱渴。針之膿大泄。仍服前湯。月餘而愈。

一婦人因怒。左乳作痛。胸膈不利。此屬肝脾氣滯。以方脈流氣飲。加木香、青皮。四劑而安。

一婦人膿清腫硬。面黃少食。內熱晡熱。自汗盜汗。月經不行。此肝脾氣血俱虛也。用十全大補。加遠志、貝母。及補中益氣。各三十餘劑。外用葱熨法而消。

一婦人膿成脹痛。余欲針之。不從。至數日。針出敗膿三四碗許。虛症蜂起。幾至危殆。用大補之劑。兩月餘始愈。

一婦人素弱多鬱。患時疫後。脾胃愈虛。飲食愈少。因怒右乳脇紅腫。應內作痛。或用炒麩皮熨之。內痛益甚。服加減四物湯。腫勢愈大。胸脇背心相引而痛。余謂病後脾弱。怒復傷肝。用八珍加陳皮、黃耆、柴胡、山梔、白芷。八劑稍愈。去白芷加青皮、木香、桔梗。又六劑而安。

一婦人左乳內腫如桃。不痛不赤。發熱漸瘦。此肝脾鬱怒也。用八珍加香附、遠志、



青皮、柴胡、百餘劑。又兼神效瓜蒌散。三十餘劑。膿潰而愈。

一婦人久鬱。左乳內結核如杏。三月不消。心脈滯。脾脈大。按之無力。此肝脾氣血虧損。以八珍加貝母、遠志、香附、柴胡、青皮、桔梗。五十餘劑而消。

一婦人稟實性躁。懷抱久鬱。左乳內結一核。按之微痛。此皆氣血鬱滯。以連翹飲十餘劑。少退。更以八珍加青皮、香附、桔梗、貝母。二十餘劑而消。乳巖已上皆

一婦人右乳內結三核。年餘不消。朝寒暮熱。飲食不甘。此肝脾氣血虧損。內服益氣養榮湯。外以木香餅熨之。年餘血氣復而消。

一婦人乳內結核。年餘。哺熱少食。余謂此血氣不足。欲用益氣養榮湯。彼反服行氣之劑。潰出清膿而歿。又一婦人乳內結核如栗。亦服前藥。大如覆碗。堅硬如石。出血水而歿。乳巖已上皆

### 附方藥

神效瓜蒌散 治乳癰及一切癰疽初起。腫痛即消。膿成即清。膿出即愈。

瓜蒌 一個

生粉草

當歸 酒洗各半兩

乳香

沒藥 各一錢

右用酒煎服。良久再服。若肝經血虛結核。久而不消。佐以四物、柴胡、升麻、白朮、茯苓、甘草。若肝脾氣血虛弱。佐以四君、芎歸、柴胡、升麻。若憂鬱傷脾。氣血虧損。佐以歸脾湯。

玉露散 治產後乳脈不行。或身體壯熱。頭目昏痛。大便澀滯等症。

人參

白茯苓

桔梗炒

川芎

白芷

當歸

芍藥各一錢


甘草五分

灸肩尖肘尖二穴圖

即肩髃肘髃

此穴治療瘰之秘法。蓋瘰癧屬肝膽二經。故患耳前後項腋之處。男子多因恚怒。虧損肝經之血。陰火內作。或不慎起居。耗損筋脈。不能生肝血。婦女多因恚怒。傷肝。火動血燥。或鬱結傷脾。火動血耗。或患於胸乳間。亦屬於前經。此症若因恚怒。傷肝。氣血壅遏不愈者。宜灸此穴。疎通經絡。若因久於鬱怒。元氣虧損而不愈。當審其所屬而調補化源。如取其穴。當以指甲掐兩肘兩肩四所。以便覺酸麻。方是其穴。註男子治瘰癧見外科編要婦人見校其穴註婦人良方小兒見保嬰撮要

校註婦人良方 卷二十四 瘡瘍門 乳癰乳巖方論第十四 七六



校註婦人良方終

## 後記

《校注婦人良方》系明代醫家薛己對宋代陳自明撰寫的《婦人良方》一書進行整理校訂而成的。《婦人良方》原書已佚。陳自明（公元一九〇——一二七〇年），字良甫，江西臨川人，爲宋代著名醫學家，精通內、外、婦、兒各種，特別擅長婦產科。陳氏鑒于宋代以前的婦產科專書，如昝殷的《產寶》及李師聖、郭稽中的《產育寶慶集》、陸子正的《胎產經驗方》等，「綱領漫而無統，節目略而未備」，學者無從深入研究、全面了解，于是采集諸家婦產科學說，結合自己的臨床經驗及家傳驗方，于嘉熙元年（公元一二三七年）編輯了《婦人良方》一書。

全書共二十四卷，分十門二百六十九論，分述婦產科各病證的病因證治，并有附方和治驗。此書內容豐富，論述精闢，且多實踐經驗，對後世影響極大，爲宋代以後婦產科學的發展奠定了基礎。薛己對原



書進行了探究校注，對各論有重複缺略隱晦者，悉遵《素》、《難》加以闡明，以實際經驗和歷代名醫用方來闡述每一病證的愈後、兼證等的治療，補充了許多有價值的方劑，使得每一病證的治療更爲具體化，從而使這部婦產科專書流傳更爲廣泛。

此次重刊，參校了金陵書屋對溪唐富春梓、周譽吾刊行本及江西人民出版社一九八三年注釋本，對《大成》本明顯錯訛作了校正。

周 瑞 芳

書目

(一) 黃帝內經素問集註	(清) 張隱庵	(二) 黃帝內經靈樞集註	(清) 張隱庵	(三) 傷寒明理論	(明) 吳有性	(四) 傷寒九十論	(宋) 許叔微	(五) 陰證略例	(清) 王好古	(六) 傷寒兼證析義	(清) 張仲	(七) 傷寒六經辨證治法	(清) 沈目南	(八) 傷寒補例	(清) 張錫子	(九) 傷寒來蘇集	(清) 柯琴	(十) 重刊金匱玉函經	(清) 周揚俊	(十一) 沈註金匱要略	(清) 沈目南	(十二) 金匱要略心典	(清) 尤在涇	(十三) 金匱翼	(清) 尤在涇	(十四) 玉函經	(清) 杜光庭	(十五) 重訂太素脈秘訣	(清) 劉伯祥	(十六) 脈語	(明) 吳崐	(十七) 醫燈續焰	(明) 王紹隆	(十八) 望診遵經	(清) 汪廣華	(十九) 重訂診家直訣	(清) 周學海	(二十) 臨證驗舌法	(清) 楊士岐	(二十一) 醫古辨證新法	(清) 劉恒瑞	(二十二) 脈學輯要評	(清) 丹波元簡	(二十三) 痘疫論	(明) 吳有性	(二十四) 醫門普度溫疫論	(清) 吳有性	(二十五) 張氏溫暑醫旨	(清) 孔以立	(二十六) 痘疫明辨	(清) 張錫子	(二十七) 溫熱暑疫全書	(清) 周禹載	(二十八) 溫證指歸	(清) 吳正功	(二十九) 溫熱病指南集	(清) 周約元	(三十) 溫熱病指南集	(清) 陳平伯						
(三十一) 痧脹玉衡	(清) 郭右陶	(三十二) 溫濕時疫治療法	(清) 韓善徵	(三十三) 增詳傷暑全書	(清) 張鳳遠	(三十四) 伏氣解	(清) 葉子南	(三十五) 伏邪新書	(清) 葉子南	(三十六) 伏陰論	(清) 劉吉人	(三十七) 羊毛痘論	(清) 田雲桂	(三十八) 溫熱達源	(清) 陳萬寧	(三十九) 隨息居霍亂論	(清) 王士雄	(四十) 霍亂霍亂證要	(清) 陳萬寧	(四十一) 霍亂霍亂證要	(清) 連文冲	(四十二) 鼠疫抉微	(清) 余伯陶	(四十三) 增補評註溫病條辨	(清) 吳鞠通	(四十四) 增訂十藥神書	(清) 葉子南	(四十五) 痰火點雪	(清) 葉子南	(四十六) 理虛五書	(清) 葉子南	(四十七) 虛損啓微	(清) 葉子南	(四十八) 何氏虛勞心傳	(清) 何嗣宗	(四十九) 症因脈治	(清) 洪綱	(五十) 周慎齋遺書	(清) 周慎齋	(五十一) 醫原	(清) 葉子南	(五十二) 脈因證治	(清) 葉子南	(五十三) 韓氏醫通	(清) 韓善徵	(五十四) 醫學舉要	(清) 王清任	(五十五) 一草亭目科全書	(清) 徐靈胎	(五十六) 異授眼科	(清) 鄭元	(五十七) 銀海指南	(清) 胡芝庵												
(五十八) 咽喉脈證通論	(清) 許謙	(五十九) 喉舌備要秘旨	(清) 佚名	(六十) 包氏喉證家寶	(清) 包三郎	(六十一) 重訂喉證家寶	(清) 楊龍九	(六十二) 正體類要	(明) 薛己	(六十三) 外科證治全生集	(清) 王洪緒	(六十四) 外科選要	(清) 唐芹洲	(六十五) 外科醫鏡	(清) 張貞庵	(六十六) 外科全書	(清) 梁振軒	(六十七) 癰疽法門	(清) 李子獻	(六十八) 徐評外科正宗	(清) 陳實功	(六十九) 盤珠集胎產證治	(清) 洪綱	(七十) 胎產指南	(清) 洪綱	(七十一) 重訂產孕集	(清) 包典言	(七十二) 女科切要	(清) 吳道源	(七十三) 女科經緯	(清) 薛己	(七十四) 校註婦人良方	(清) 薛己	(七十五) 慈幼新書	(清) 程星	(七十六) 原病要論	(清) 程星	(七十七) 麻疹備要方論	(清) 吳崐	(七十八) 活幼心書	(清) 孟介石	(七十九) 幼科直言	(清) 伏名	(八十) 小兒衛生總微論方	(清) 陳復正	(八十一) 幼幼集成	(清) 魯本	(八十二) 針灸甲乙經	(清) 魯本	(八十三) 針灸素難要旨	(清) 魯本	(八十四) 眉壽堂方案選存	(清) 葉天士	(八十五) 徐批葉天士晚年方	(清) 葉天士	(八十六) 案真本	(清) 葉天士	(八十七) 孫文垣醫案	(清) 孫文垣	(八十八) 三家醫案合刻	(清) 孫文垣	(八十九) 張曉香醫案	(清) 張曉香		
(九十) 邵蘭蓀醫案	(清) 邵蘭蓀	(九十一) 吳鞠通醫案	(清) 吳鞠通	(九十二) 冷齋醫話	(清) 陳定國	(九十三) 柳洲醫話	(清) 張玉璣	(九十四) 鵝塘醫話	(清) 張景岳	(九十五) 先哲醫話	(清) 淺田惟常	(九十六) 潛齋醫話	(清) 王士雄	(九十七) 友漁齋醫話	(清) 黃道憲	(九十八) 對山醫話	(清) 毛對山	(九十九) 客塵醫話	(清) 計壽齋	(一百) 巢氏諸病源候總論	(清) 巢元方	(一百一) 儒門事親	(金) 張從正	(一百二) 重訂靈蘭秘要	(明) 王肯堂	(一百三) 肯堂醫論	(明) 王肯堂	(一百四) 知醫必辨	(清) 李冠仙	(一百五) 研經言	(清) 莫枚士	(一百六) 醫學讀書記	(清) 尤在涇	(一百七) 讀醫隨筆	(清) 周學海	(一百八) 市隱醫學雜著	(清) 王士雄	(一百九) 葉選醫衡	(清) 葉天士	(一百十) 醫學源流論	(清) 徐大椿	(一百十一) 慎疾芻言	(清) 徐大椿	(一百十二) 醫暇卮言	(清) 程林	(一百十三) 醫學心悟	(清) 程林	(一百十四) 神農本草經	(清) 吳普	(一百十五) 珍珠囊補遺藥性賦	(清) 李東垣	(一百十六) 雷公炮制藥性解	(清) 王好古	(一百十七) 重刊本草衍義	(清) 王好古	(一百十八) 藥微	(清) 吉益東洞	(一百十九) 藥微續編	(清) 村井純	(一百二十) 劉涓子鬼遺方	(宋) 劉涓子	(一百二十一) 醫方考	(明) 吳鶴皋	(一百二十二) 聖濟總錄纂要	(清) 程雲來